

六十種曲



灌



園





853.36
674
25 v. 10

目錄

- | | |
|------|------|
| 第一齣 | 開場家門 |
| 第二齣 | 王蠋論諫 |
| 第三齣 | 齊王拒諫 |
| 第四齣 | 太史賞花 |
| 第五齣 | 樂毅攻齊 |
| 第六齣 | 齊王出奔 |
| 第七齣 | 田單鐵籠 |
| 第八齣 | 淖齒被擒 |
| 第九齣 | 齊王被害 |
| 第十齣 | 法章聞變 |
| 第十一齣 | 計投太史 |

第十二齣 臧兒復命

第十三齣 后識法章

第十四齣 王蠋死節

第十五齣 君后製衣

第十六齣 君后授衣

第十七齣 田單用間

第十八齣 后母授簪

第十九齣 騎劫代將

第二十齣 園中幽會

第二十一齣 朝英夜候

第二十二齣 牧童拾簪

第二十三齣 朝英尋簪

第二十四齣 計成火牛

第二十五齣 田單破燕

第二十六齣 迎立世子

第二十七齣 太史自嘆

第二十八齣 墓祭王蠋

第二十九齣 君后自責

第三十齣 迎后合婚

灌園記 目錄

四一開明書店



灌園記

明張鳳翼箸

第一齣 開場家門

〔東風齊着力〕〔末上〕華屋珠簾。壽山福海。別是風烟。玉觥滿泛。正好醉瓊筵。多少賞心樂事。笙歌沸似聽鈞天。新聲奏。一翻金縷。不改青編。往事演齊燕。歎忠臣慷慨。孝子迍邐。竄身灌溉。潛地結良緣。幸有宗英爲將。出奇計坤轉乾。旋擢強敵。一時匡復。千載名傳。〔問答照常〕

持全節忠臣王蠋。

用奇計良將田單。

太史氏塵埃佳偶。

田法章家國重安。

第二齣 王蠋論諫

〔高陽臺〕〔生世上〕列國瓜分。羣雄鼎立。正雲蒸龍變之日。勝負縱橫。滿眼紛如觀弈。全齊自合推強國。恐塞翁得馬非吉。抱隱憂通宵支枕。臥不貼席。漫誇

東帝擅威名。爭似當年任晏嬰。祖烈已能垂統緒。孫謀猶可紹芳聲。矜豫大。侈豐亨。空談富國與強兵。要知滿損觀欹器。欲識盈虧誦鼎銘。自家姓田。名法章。乃齊王世子。我父王因伐宋得志。南割強楚。西侵三晉。意欲并周而爲天子。諸侯恐懼。合從謀齊。我父王猶自恃其強大。縱情酒色。不理朝政。眼見得家國危亡。社稷將覆。我欲苦諫一番。且待太傅到來。與他商議。分付門上。太傅到時。即便請進。〔暫下外扮王蠋上〕

〔番卜算〕畫邑久棲遲。少海初通籍。輔道欣逢主器賢。庶可修臣職。自家畫邑王蠋是也。出仕本朝。蒙齊以我爲世子太傅。那世子器度端莊。知識明達。他見父王驕縱。日夜憂惶。今日正該進講。不免到東宮慰安他一番。這是宮門上了。可通報。〔報介外〕世子。老臣兩日不曾進來。尊顏爲何轉覺清瘦了。〔生〕先生還不知法章的心事。我父王自恃富強。荒於酒色。諸侯謀齊。禍患將及。況燕王與我深讎。他築金臺禮賢士。專欲報怨於我。我欲苦諫父王。專待先生進來商議。〔外〕尊意如何。願聞其詳。

〔高陽臺〕〔生〕義重君親。憂兼家國。眼前事勢危急。我那父王呵。好大貪功。須知

我仇能卽呼吸。先王宗廟不血食。這其間禍機難測。待批鱗直言匡救。未必無益。

〔前腔〕〔外〕差忒。你任重邦儲。身膺子職。問安侍膳朝夕。膝下承顏。豈應直言得失。須識事親有隱而無犯。恐忠言與耳相逆。〔生〕先生豈不聞事父母幾諫。〔外〕料君王縱聞幾諫。也不相入。

〔前腔〕〔生〕淫佚。沈酒壺觴。宴安琴瑟。寧知密邇強敵。震不于鄰。只恐噬臍無及。日擊梁韓楚趙連燕也。瞬息間臨淄卽墨。先生你道法章不該直諫。且待兵臨之日。自請兵背城一決。死綏何惜。

〔前腔〕〔外〕休癡。你正麗重明。職當監國。豈宜折衝之役。我老臣呵。委質當朝。臨危豈容緘默。狂直與龍逢比干遊地下。便捐生也須塞責。倘聞言幡然悔悟。豈無一得。〔生〕先生既以直諫爲己任。明日待法章先侍父王臨朝。待先生進諫。從傍相助便了。

〔尾聲〕〔外〕面折廷諍須明日。世子。你只須調停君側。〔生〕先生。全仗你回天。

之力。

破宋殘燕恃富強。

敵人報怨不隄防。

大風吹倒梧桐樹。

自有傍人說短長。

第二齣 齊王拒諫

〔齊天樂〕

〔淨齊王生世上淨〕

功臣伐宋威名震。割楚仍侵二晉。鄒魯稱臣。諸

侯恐懼。計日周秦兼併。烽烟罷警。正好酣柳迷花。舞燕歌鶯。〔生〕謀合鄰邦。機

深讎敵。且莫相輕。

〔淨〕

禁林鶯語蝶飛忙。花發朱門百和香。水碧御溝斜拂柳。鬢輿到處引笙

簧。自家齊王便是。我前日用蘇代之計。移兵伐宋。一舉而克。泗上諸侯。無不服從。眼見得代周而爲天子。豈不快樂。連日慶賞。每夜沈醉。今日纔一視朝。百官俱已退班。傳旨奏事的。可上殿來。

〔生查子〕〔外王蠋上〕憂時白髮增。謀國丹心秉。抗疏向彤廷。願聳君王聽。世子

太傅臣王蠋見。

〔淨〕

王太傅有何事來奏。

〔外〕

無事不敢瀆奏。有事不敢不言。大王乘危於燕。

收利於宋。泗上諸侯。莫不畏服。計則得矣。今日安意肆志。荒於酒色。不訪賢才。不理朝政。豈知仇燕

方乘隙而圖齊。各國又嫉齊而與燕。若復流連荒亡。般樂怠傲。恐殷鑒不遠。只在燕宋。將使扁鵲望而卻走。誠爲大王危之。〔淨〕以我之強。視燕之弱。真摧枯拉朽。發蒙振落。何足爲慮。〔外〕大王。你休道燕不足慮。

〔啄木兒〕他招樂毅拜亞卿。十載雄心思一逞。他那裏惕厲憂勤。我這裏懈惰荒寧。他那裏臥薪嘗膽勤修政。我這裏宴安鴆毒不思省。兵馬臨城待怎生。〔淨

怒介〕王蠋。你又不是言官。誰要你多說。我知道你不過是沽名釣譽。卻不道長他的志氣。滅我的威風。〔生〕父王請息怒。

〔前腔〕他披肝膽瀝悃誠。危行危言真骨鯁。犯龍顏總爲朝廷。批逆鱗豈是沽名。閉邪陳善臣之敬。轉圜從諫君之聖。父王豈不聞三年不鳴。一鳴驚人。大鳥驚人。在一鳴。〔淨怒介〕既如此說。是我不能治國。如今你自做了齊王。王蠋做了齊相如何。正是酒逢知己千鍾少。話不投機半句多。〔下生外弔場〕

〔三段子〕〔外〕孤忠自盟。奈天高不察下情。〔生〕大廈漸傾。奈鄰邦多謀戰爭。

〔合〕眼前自恃邊疆靖。不時難保烽烟警。把藥石之言翻成畫餅。〔內傳介〕大王有旨。王蠲越職言事。奪官削職。發回原籍。世子不能將順。發去莒州安置。不許朝見。

〔歸朝歡〕〔外〕君王的。君王的。聽言不明。料人謀難回天命。〔生〕先生的。先生的。朝陽鳳鳴。又誰知一鳴輒斥。使人悲哽。

〔尾聲〕〔外〕歸耕尚有田一頃。〔生〕我安置處孤形弔影。〔外〕世子不須煩惱。老臣

一定送你到莒州。待你還朝。我方纔返鄉井。世子。我如今與你同出朝門。去喚了臧兒。收拾行李。上路便了。臧兒在那里。〔丑上〕五鼓聽朝鐘。退朝日已紅。若還莊裏睡。正好夢周公。老爹

出來了。老爹與世子一同出朝。又是這般荒荒張張。莫非做出些事來。〔生〕這小廝到乖巧。〔外〕

你先與世子脫了錦袍。就來與我脫了朝服。可到下處收拾行李。做一車兒。發到南門來。隨我上路。

〔丑〕要往那里去。〔外〕我因諫諍。今已罷官了。〔丑〕老爹。這時節可是開得口的。自古道閉口

深藏舌。安身處處牢。既然齊王不用了。你何不往他邦去。正是東邊不養西邊養。〔外〕哇。你那里

知道。你只隨我到莒州去便了。〔丑〕阿呀。老爹又作怪。既然不到他邦去。只該回到自家莊上快

活。爲何到要往莒州去。不知是去做甚麼。〔外〕世子因救我也得罪於齊王。發去莒州安置。他形孤影隻。甚是淒楚。我與你須送他到彼。多則一年。少則半載。待他回朝。我們方可回家去。〔丑〕原來如此。要往莒州去。如今老爹與世子前行。小人收拾行李。就趕上來了。〔先下〕

一紙封章早扣闕。

誰知遭遣出金門。

分明指與平川路。

卻把忠言當惡言。

第四齣 太史賞花

〔瑞鶴仙〕〔外〕太史敷貼正旦小旦同上〔外〕春入郊原後。正芳菲滿眼。賞花時候。〔貼〕

年華一回首。奈蘭閨弱息。未諧婚媾。〔旦〕承歡膝下。喜堂上雙親齊壽。〔小旦〕

想姻緣前定。愆期有待。未妨迤逗。〔旦〕爹爹母親萬福。〔小旦〕老相公。老夫人。朝英磕

頭。〔外〕無媒徑路草蕭蕭。自古雲林遠市朝。公道世間惟白髮。貴人頭上不曾饒。老夫覆姓太史。

名敷。世居莒州。以田園爲業。向謁齊王。見他好大喜功。荒於酒色。舉朝官員。惟有王蠋一人。其餘庸庸碌碌。不足比數。我因此不願仕進。退歸田里。今日閒居無事。着朝英取酒過來。就此花下。與夫人

女孩兒賞玩片時。卻不是好。〔小旦〕酒在此。〔旦遞介〕

〔錦堂月〕〔外〕尙友巢由。追蹤沮溺。生涯取盈南畝。投老蒼洲。春來釀成春酒。算吾生藿食何謀。笑杞人漫憂天覆。〔合〕同稱壽。喜一家和氣。共甘株守。

〔前腔〕〔貼〕耕耨。景物優游。貲財富厚。承家謾論堂構。有女及笄。琴瑟未諧佳偶。詠關雎君子相逑。誦桃夭于歸不久。〔合前〕

〔醉鄉子〕〔旦〕天祐。幸難老椿萱並茂。且持觴泛蟻。醉花酣柳。〔小旦〕小姐。你看

鶯兒成對。燕兒成雙。〔旦〕那牝牡。看燕對鶯雙。怎比得雲霄鸞鳳儔。〔合〕春光透。簾幙風柔。海棠依舊。

〔前腔〕〔小旦〕荳蔻。愛嫩蕊含香未剖。看在戶三星。正當時候。知否。算蝶戀蜂狂。少不得爲韶光一逗遛。〔合前〕

〔僥僥令〕〔外貼〕市朝雖輻輳。丘壑也風流。試看綠滿春流山明秀。應不羨人間萬戶侯。

〔前腔〕〔旦小旦〕花香盈翠袖。草綠遍汀洲。無限春光都洩漏。醞釀得腰肢柳樣柔。

〔尾聲〕弄晴微雨無還有。覩園林萬花如繡。急罰盞又早綠肥紅瘦。

逢時遇景且高歌。

須信人生能幾何。

萬兩黃金未爲貴。

一家安樂值錢多。

第五齣 樂毅攻齊

〔畫堂春〕〔末披掛樂毅上〕金臺拜將統燕兵。早下齊七十餘城。長驅破竹展威

靈。談笑功成。開府當朝傑。論兵邁古風。先鋒百勝在。略地兩隅空。自家樂毅是也。燕王誓報齊仇。

築臺禮士。我自魏而往。即蒙擢爲亞卿。拜上將軍。命我統兵伐齊。日來連戰皆捷。已下齊七十餘城

矣。叫軍校。此處到臨淄還有許多路。〔衆〕稟上將軍。前面望見城子就是了。〔末〕分付將校。只

與我攻城。不要圍城。〔衆〕爲何只要攻城。不要圍城。〔末〕你們那里知道。那齊王平日驕縱無

備。一聞攻城。必恐懼逃出。城中無主。自然易下。若是圍城。他見無出路。必定死守。彼此擊刺。所傷必

多。兵法所謂圍兵必闕。正謂此也。你們如今只是東衝西撞。喊聲不絕便了。

〔四邊靜〕狂齊無道圖兼併。燕兵已乘勝。闔外屬將軍。師中錫王命。〔合〕諸侯響應。二軍聽令。迅發似雷霆。奇功奏俄頃。〔攻城喊下〕

第六齣 齊王出奔

〔步步嬌〕〔淨齊王上〕土崩瓦解須臾事。四下軍聲起。孤城累卵危。樂毅何人頓能如此。如今無計可支持。悔當初不用忠良計。不聽老人言。必有恓惶淚。我當初怪王蠋多言。誰知燕國果來報仇。一一如他的言語。況那燕王用樂毅爲將。智勇無敵。乘勝長驅。漸漸到來。如何是好。已差探子去打聽。且待他來時。便知端的。〔探子上〕報報報。禍事方來到。探子報覆大王。那燕將樂毅破我國七十餘城。如今已殺至城下了。

〔江兒水〕火砲旋風起。雲梯與壘齊。東衝西突難遮蔽。城門失火池魚斃。眼前麋鹿遊齊地。縱有金湯何濟。便是墨翟登陣。怎禦得公輸之技。

〔川撥棹〕〔淨〕將何處。這兵威須早避。想太王昔日遷岐。想太王昔日遷岐。〔衆〕

大王避到那里去好。〔淨〕我欲往各國去借兵。我如今還投魯衛。就是各國不相容。我自莒州去尋我那世子。把安危問我兒。把家邦付我兒。走走走。〔奔下末引衆喊殺上〕

〔錦衣香〕破齊城一何易。報燕仇難輕恕。須言王師兼弱攻昧。血流漂杵有何奇。怎如一舉治亂持危。論師出以律要先知。撫安黎庶。士女壺漿至。市不易肆。秋毫無犯。方爲節制。〔探子上〕報報。報與上將軍知道。楚國發兵救齊。來得近了。

〔漿水令〕奈楚兵特來救齊。〔末〕楚國用誰爲將。〔探〕那楚將名爲淖齒。他揚威

耀武列旌旗。前途駐扎。欲進徘徊。〔末〕我知道了。你再去打探。伊先往。吾隨至。叫軍

校就此起兵。前去迎敵。他若進兵。就與截殺。若還扎住。就去劫營。擒了淖齒。則齊王之頭懸於太白旗矣。先擒淖齒方施計。〔衆〕可惜齊王走了。〔末〕由他走。由他走。怎脫藩籬。直殺

上。直殺上。不必多疑。

〔尾聲〕破齊擢楚男兒事。記得燕王推轂時。寄語金臺不負伊。

握奇百戰決雄雌。

大將橫行十萬師。

臺上霜威凌草木。

軍中殺氣傍旌旗。

第七齣 田單鐵籠

〔阮郎歸〕〔小生田單上〕市塵刀筆且潛蹤。疏屬愧田宗。滿城逃難勢從風。還須避敵鋒。自家田單是也。幼習兵符。胸藏將略。只因主昏國亂。無人薦引。故雖忝爲國王疏屬。不願任職居官。寄跡市椽。如今燕兵入城。國王逃難。不知我同宗之人。可曾去否。〔淨扮單兄丑扮單弟上〕一心忙似箭。兩脚走如飛。兄弟哥哥。我們家小貲財俱已收拾了。只等你同上車去。〔小生〕且住。少停逃難。大家爭先。必定挨擠。倘那時車軸損折。就要被擒了。可斷其車軸之末。傳以鐵籠。方可保其無虞。

〔駐雲飛〕避敵匆匆。車軸還須傳鐵籠。方好容輜重。不怕人填湧。〔淨丑〕走往那裏去好。〔小生〕噤。卽墨近城東。不須憂恐。趨吉逃凶。仗劍當陪奉。管取平安保我宗。管取平安保我宗。

〔小生〕全宗避難太匆匆。

車軸還須用鐵籠。

〔淨丑〕今日得君提掇起。

免教人在污泥中。

第八齣 淖齒被擒

〔西江月〕〔丑淖齒引兵上〕江漢盡歸強楚。堪誇地廣兵多。黃緣專闖握兵符。一任傍人笑我。自家楚將淖齒的便是。我楚王因齊國求救。要選良將將兵去救他。我想這一差有利無害。有賞無罰。被我多將金銀。賂王左右。央他舉薦。楚王聽信了。召我上殿。問我救齊一事。你去得麼。我道臣去得。又問道樂毅好生了得。你敵得他過麼。我道不要說一個樂毅。就是十個樂毅。也敵得過。楚王大喜。賜筵席。許我使宜行事。就着我擇日起兵。我今已到齊地了。仔細思量起來。那樂毅不是好惹的。我不如只扎營在此關。支些錢糧。分送些與楚王左右。落些入己。待後只說齊國已破。燕兵勢成。故不進戰。且又不曾虧折人馬。也叫做便宜行事。決不罪我。落得一場受用。叫軍校。就此扎營。再不可前進。〔衆〕請問將軍。齊王燒眉之急。專待將軍到來。如何不要進兵。〔丑〕你不知道。勝負兵家不可期。豈可輕易出戰。你們只聽我將令。大家去營裏安息。閒時編些楚歌起來。匡得一二年編成。一二年唱會。終日去在那燕軍前後歌唱。唱他娘十來年。那燕軍久客在外。一定想

家就都散了。止剩下一個樂毅。就有三頭六臂。也幹得甚事。〔衆〕將軍。這等說將起來。是個急驚風。撞了個慢郎中。〔末領兵上〕

〔水底魚兒〕楚將無知。反來捋虎鬚。提兵迎敵。管取似摧枯。管取似摧枯。叫軍

校。問前面何處入馬。到此何幹。〔丑〕不要與他實說。只說我們是打獵到此。又不犯着你。不須來

問。〔末〕胡說。我明知你是楚將淖齒。特來救齊。可疾速上前決戰。若還勝得我。我就把齊國七十

餘城。雙手兒交付還你。若還勝我不得。請你這顆首級下來。〔丑〕趕人不要趕上。楚強燕弱。誰不

知道。你既要與我交戰。我到怕你不成。叫軍校。擂起鼓來。〔衆〕將軍。你分付我門。只唱楚歌。不要

與他廝殺。何故又要出陣。〔丑〕你不知道。這是能而示之不能。用而示之不用。且待我擒了樂毅。

與你細說。〔戰擒丑末解綁介〕將軍請起。論來我先在此。該敍賓主坐。只是前日拜將時。並護各

國之兵。將軍也算在偏裨之列。只得屈坐罷。〔淖傍坐介丑〕上將軍在上。既蒙不殺之恩。就是執

鞭墜鐙。尚且甘心。況賜坐乎。〔末〕將軍。我有句話與你商議。你肯依我麼。〔丑〕上將軍有命。豈

敢不依。〔末〕毅聞將軍此來。原是便宜行事。〔丑〕是便宜行事。〔末〕若便宜行事。只要有利

於楚。何必有功於齊。如今齊王已逃出。我料他不往衛。卽往鄒魯。你可追上。說楚王差你救他。他必親信。那時就中取事。斬了齊王。將他首級。獻于燕王。我將向年齊王所擄燕王的寶器。仍舊歸了燕將軍。卻將齊國庫藏中寶器。獻與楚王。楚王必有封賞。不知你意下如何。〔丑〕這個自然奉命。只是小將被擒一事。望將軍隱惡而揚善。〔末〕此事我不提便了。〔丑〕將軍雖不說。只怕軍人們七嘴八舌。要講開去。怎生是好。〔末〕這個容易。傳令軍中。有說淖將軍被擒一事者。軍法從事。〔衆應介丑〕若如此。小將死也甘心。

〔玉胞肚〕〔我〕你偶然折挫。料曹沫終能報魯。眼前雖失卻東隅。後來須收取桑榆。密謀須記。臨機當斷莫差池。建立功勳是丈夫。

〔前腔〕〔丑〕自慚粗鹵。擅提兵唐突虎威。已自甘沸釜當烹。卻放做漏網之魚。疾忙追去。擒王斬將敢遲疑。不報深恩豈丈夫。

可笑齊王慕遠圖。
除根斬草在須臾。
不施萬丈深潭計。
怎得驪龍領下珠。

第九齣 齊王被害

〔縷縷金〕〔淨齊王引一從人上〕心驚戰足蹒跚。何處堪逃竄。奈迤邐。故國空回首。

烽烟漸遠。向衛邦投止解征鞍。須教暫約展。〔衛侯上跪迎介〕大王下臨敝邑。已辟宮

奉迎。有失遠接。幸勿見罪。〔淨作傲介〕賜卿無罪。〔衛侯背介〕你看那齊王如此狼狽。尙兀自

大模大樣。若放他進城。還要受他的氣。不如哄他一哄。拒絕他罷。臣啓大王。暫止城外。待臣具法駕

出迎。〔淨〕這也是。〔衛作閉門不納介〕請別處去。我這裏那得閒飯來養你。〔淨〕可恨。

〔前腔〕人輕慢。自羞慚。泗上威名振。記當年。勝負兵家事。人心更變。除非鄒地

可停驂。行行不相遠。這是鄒國了。喚鄒君出來迎駕。〔內應介〕齊王到此何幹。我這裏國小。

容你不得。別處去罷。

〔前腔〕〔淨〕車已殆。馬先煩。到處相輕賤。有誰憐。有國難投奔。徘徊展轉。向魯

門烟月暫盤桓。還應好看管。傳令齊王已到。宣魯君出城朝見。〔城上笑介〕魯君今日免

朝。齊王不須朝見。〔淨〕好惱好惱。我如今要往莒州去。路又難通。怎麼好。〔報上〕楚國救兵到

了。〔丑引衆上〕

〔前腔〕蒙差遣。用機關。只說來相援。共流連。假作趨承也。順中伏險。〔跪迎介〕請君王早下寶雕鞍。安排上金殿。臣淖齒奉楚王令。提兵來救大王。〔淨〕賜卿平身。卿遠來鞍馬勞倦。不知何計可以破燕復齊。〔丑〕大王不必勞神。只用一件東西。小將管取成功。〔淨〕你若能成功。便要我的頭。我也與你。〔丑〕得令。叫軍校。齊王有令。請齊王首級下來。〔應斬介丑〕就將此首級。用匣盛了。星夜獻與樂將軍去。

〔鎖南枝〕看他專車骨。想他泛駕年。如今身首各一邊。只道列國一時兼。誰知體不全。將首級去獻燕。管取樂將軍勒燕然。

齊王驕縱太無知。

也有身亡國破時。

善惡到頭終有報。

只爭來早與來遲。

第十齣 法章聞變

〔西地錦〕〔生法章外王蠋上生〕悵望浮生急景。淒涼寶瑟餘音。〔外〕江湖廊廟總

關心耳邊消息沈沈。〔生〕燕王昔慟哭。五月飛秋霜。庶女號蒼天。震風擊齊堂。精誠有所感。造

化爲悲傷。而我竟何辜。遠身金殿傍。〔外〕浮雲閉紫闥。白日難回光。羣沙穢明珠。衆草凌孤芳。古

道共歎息。流淚空沾裳。〔生〕法章自到莒州。精神恍惚。魂夢顛倒。莫非國中有事麼。〔外〕老臣

亦聞外面藉藉。說燕兵破齊。未知的否。已差臧兒前去城市中打聽。待他回來。便知端的。

〔解二醒〕〔生〕想往日鳳樓鶴禁。列兩行寶珥瑤簪。繁陰翳日。流霞浸。湘簟冷

永日披襟。到如今舊家庭院。苔茵靜。旅館疎楞。草色侵。〔合〕空悲憤。而今憔悴。

虛費光陰。

〔前腔〕〔外〕同患難相拋。何忍任故園歸計。侵尋自朱門解組。青山隱。把勳業

付與烟林。只見古臺斷嶺。殘霞影。只聽得野戍荒城。哀角音。〔合前丑〕天有不測

風雲。人有旦夕禍福。臧兒回來了。〔生〕臧兒。你打聽得消息如何。〔丑〕世子。到不好說。臧兒一

出門時。就聽得外面沸沸揚揚。講道燕兵盡破齊城。見今已入臨淄。我一直走到臨淄去。只見城門

大開。百姓安堵如故。〔外〕若如此說。此信是虛的了。〔丑〕也到不虛。我又到朝門上打一望。只

見宮門深閉。侍衛俱無。問將起來。說樂將軍兵到。齊王棄城而逃。百姓盡歸燕國了。我因問了齊王去路。一路追尋上去。聞說齊王往魯衛各國。那些諸侯。見他驕傲。都不肯相留。恰好楚王遣將淖齒提兵來救齊。〔生〕若如此卻好了。〔丑〕也到不見得好。以後不要說罷。〔生〕但說何妨。〔丑〕我對老爹說罷。〔外〕你就對我說。〔丑背生介〕我聞得淖齒也怪齊王驕傲。把王字改了一個土字。如今做了齊土了。〔外〕爲何喚做齊土。〔丑〕王字是三畫。若去了頭上一畫。便是土字。〔外〕這等說。莫非齊王反被淖齒殺了麼。〔丑〕不知殺也不會。只聞得齊王首級。已解往燕國去了。〔生竊聽哭介〕元來我父王被害。痛殺我也。〔外〕世子禁聲。鄰比聞知。恐倉卒生變。此間已非你我安身之處。我有一故人。喚做太史敷。他家去此不遠。我一向要韜晦避禍。不曾通他知道。如今要自送你去。又恐人認得我。我只得寫封書。差臧兒送你到彼。你須脫換衣服。移名改姓。把田字傍邊兩筆去了。改作王字。就用了我的姓。章字下面。早字去了。改作立字。願你今日爲王立。異日立爲王。只說是我家的廝養卒。因我罷官。不用養馬。送與他家灌園。他必然收留。就可潛蹤在彼。我自歸家去。俟後有機會。再與你圖匡復便了。臧兒取紙筆過來。〔默寫介〕

〔皂角兒〕〔生〕不共天讐隙轉深。枉了我田宗強盛。不反兵有誰雪忿。感吾師同心斷金。媿吾身有戈難枕。到如今易名姓改衣巾。忙投奔似脫網孤禽。〔合〕興亡一瞬。家邦陸沈。勸臨岐倉忙分手。各淚霑襟。

〔前腔〕〔外〕你須知翼翼小心。休辭憚晨興夜寢。爲人役服勞奉承。休只管飢餐渴飲。但得他開緘後便收留。無拒卻似鳥投林。〔合前外付書介〕臧兒。你將此書送

王立到太史相公莊上去。就此一路去。只叫他是王立。切記切記。送到後。一竟回畫邑家裏來。不消到此處來了。我就此喚輛車兒。即便回去了。

〔尾聲〕別君依舊歸鄉井。倦鳥還應返故林。〔生〕怕只怕斷雲飛絮兩兩難尋。

從知滄海變桑田。

當日齊師曾破燕。

東去伯勞西去燕。

斷腸回首各風烟。

第十一齣 計投太史

〔搗練子〕〔外太史上〕身健在。且加餐。醉裏簪花倒着冠。忙處人多閒處少。謝天

教我老來閒。薄暮垂鞭信馬歸。不如巖下掩荆扉。人間欲避風波險。一日風波十二時。我自從別了王太傅。隱居在此。不覺數年。黜陟不知。理亂不聞。正是桃花流水杳然去。別有天地非人間。只不知近來齊王國事如何了。又不知王太傅官興如何了。今日無事。不免在莊前後閒步一回。

〔小桃紅〕草深幽徑。樹密衡門。最喜秋成近也。落日山脚紫。流水繞孤村。往事且休論。抵多少貴戚卿帝王孫。遭危困也。怎比得我村莊心事穩。物外閒身。別自有乾坤。〔生丑上〕心忙不擇路。事急且相隨。相公已是太史莊上。不免竟入。〔外〕是誰。那里

來的。〔生丑〕小人是王太傅家裏人。〔外〕你可是臧兒麼。〔丑〕小人正是。〔外〕這般長成。了。那個是誰。〔丑〕他叫王立。是我家養馬的。送與相公莊上灌園。〔外〕你老爸做官。須要養馬。

爲何把養馬的人。倒送到我家來灌園。〔生丑〕想相公還不知。我主人

〔下山虎〕只因直諫觸犯天顏。已卸朝簪也。將歸故園。今日稅駕埋輪。那要車前執鞭。況客邸空囊早蕩然。歸計桑田變。八口難供在粥館。特地投庭院。敢祈慨然。倘念屋烏休棄捐。有書在此。〔遞書外看介〕

〔一封書〕王蠋具短箋。太史先生函丈前。從別後數年。緬想高風。魂夢間。有廝養王立。堪驅遣。送至仙莊。充灌園。幸垂憐。賜周旋。草草緘題。不盡言。你老爹送來。我自然收留。王立。你只住在我家。與我灌園便了。

〔蠻牌令〕灌溉莫慵懶。草木要蕃鮮。種植園蔬。供客饌。隨淡薄度朝昏。向東籬掃除花檻。過南軒。點檢藥闌。運耰鋤。休傷樹根。要遮護。勤葺牆垣。〔生〕小人都知道。了。〔丑〕王立。

〔尾聲〕你服勞。只可安卑賤。老相公。衣食還須賴主恩。〔外〕這不消說。〔生背介〕你回去見主人呵。只說我萬恨千愁。在不言。〔外〕今日天晚了。臧兒且留在我門房裏宿歇。待明日寫了回書。打發你去。

忍耐免煎憂。

安身萬事休。

在他簷下過。

怎敢不低頭。

第十二齣 臧兒復命

〔阮郎歸〕〔王蠋上〕緣底事減腰圍。遺愁愁着眉。波連烟渚暮天垂。春歸人也歸。死別已吞聲。生別常惻惻。君今在羅網。何以有羽翼。水聲波浪闊。無使蛟龍得。我王蠋自在莒州。與世子分手。即便收拾回家。且喜三徑就荒。松菊猶存。只不知燕兵消息平靜否。又不知世子到彼收留否。且待臧兒回家。便知端的。

〔朝天子〕一自燕兵東入齊。回首臨淄破。傷黍離。那世子呵。好似丹山傾穴鳳。雛飛。暫雞棲。向荒村腸斷式微。這愁城怎解圍。這愁城怎解圍。〔丑上〕山中相送罷。日暮望柴扉。春草年年綠。王孫歸不歸。呀。老爹先已到家了。〔外〕臧兒你來了。可曾收留。〔丑〕收留了。回書在此。

〔前腔〕這是衡陽歸鴈一封書。〔外默看介〕前日到那里還未晚麼。〔丑〕到彼天將暮。日已西。那太史相公到還認得臧兒。他開緘三復問臧兒。見王立。便留他典守園葵。正服勞夏哇。正服勞夏哇。〔外〕如此說。世子已有安身之處了。

一封書信且安身。

數畝園林自苦辛。

畫虎不成君莫笑。

安排牙爪始驚人。

第十二齣 后識法章

〔一翦梅〕〔生持鋤上〕迤邐流寓水雲鄉。歸夢空長。覺後空牀。未知誰弱又誰強。眼下淒涼。祇自恓惶。腰下寶玦青珊瑚。可憐王孫泣路隅。問時不敢道姓名。但道困苦乞爲奴。
王立今日得托身在此。聊且偷生。只不知去後如何。你看滿園秋色。好傷感人也。

〔集賢賓〕秋來景物皆勝賞。偏教宋玉悲傷。身世萍浮誰倚仗。指飛鳥暗惜流光。看丰茸草莽。種不成靈芝鬱鬱。空悽愴。何日得奮飛人上。咳。我鋤得幾條地。身子又早困倦了。不免就這草地上打睡片時。多少是好。〔睡介貼引旦小旦上〕

〔黃鶯兒〕衣袂動微涼。小山花已送香。東籬漸覺茱萸放。看楓林染霜。聽漁歌夕陽。想登高處處人歡暢。〔合〕過迴塘。苔茵似展。雲幙正高張。

〔前腔〕〔旦小旦〕貪耍不成妝。鏡臺前着甚忙。家園肯惜頻來往。隨風稻香。牽衣蔓長。羨鴛鴦睡穩芙蓉帳。〔合前小旦喚生介〕起來起來。老夫人來了。還睡覺。〔貼〕這

就是玉立麼。爲何不去灌園。到在此貪懶睡覺。〔生〕小人灌漑已完。身子困倦。暫時打睡。不想老夫人到來。失於迴避。〔旦〕朝英。你去問他爲何你這等一個人。到在此灌園。〔小旦問介生〕豈不聞於陵仲子。辭三公而爲人灌園。〔小旦〕小姐。到好笑。好意問他。到說甚麼於陵仲子。辭三公而灌園。不知是那里說起。〔旦〕母親。孩兒看此人不是灌園的。可對爹爹說。還該另眼看覷他。豈可着他灌園。譬如雞司晨。犬司夜。牛司耕。方纔各得其職。若使鳳司晨。驥司夜。麟司耕。可乎。〔貼〕你女孩兒家管甚麼閒事。你那里見得他不該灌園。〔旦〕母親。他

〔簇御林〕詞鋒爽。眉宇揚。炯炯雙眸。日月光。看來豈是村莊相。母親可再問他。莫不是白龍魚服。遭羅網。論驪黃。莫教骯髒。須延請入中堂。

〔前腔〕〔貼〕休多口。漫主張。女孩兒不忖量。須知內言不出。也要成模樣。他是外人。豈得輕褒獎。〔小旦〕小姐。請端詳。只宜藏舌。檀口蘊丁香。〔貼〕進去罷。各人自掃門前雪。莫管他家瓦上霜。〔同日小旦下〕

〔琥珀貓兒墜〕〔生〕辭樓下殿。不覺變星霜。邂逅風前黯淡妝。秋波冰鑑費平

章低昂。反教我藏頭露尾。進退徬徨。我待偷眼看他一看。我想起來。他是何等樣的人。我今日是何等樣的時節。

〔前腔〕失林窮鳥。敢學鳳求凰。咫尺還如天一方。目成心許。漫論量。微茫。悄一似珮沈洛浦。雲散高唐。

〔尾聲〕終須打疊明河望。壯志由來百鍊鋼。沒來由揉做繞指柔腸。

〔本向園中學耦耕。〕

無端花下見娉婷。

東邊日出西邊雨。

道是無情卻有情。

第十四齣 王蠋死節

〔何滿子〕〔王蠋上〕憂國孤忠耿耿。還家雙鬢星星。衰柳啼鴉催暮景。動人一

片秋聲。斷鴈沈魚難倩。別來消息無憑。我王蠋自與那人相別。兩下裏音信杳然。我想此

人乃齊國宗祧所繫。他一身存亡。就是一國的存亡。不知他近來安否何如。好生放心不下。早間聞

得四面軍聲。想去此不遠。我已着臧兒去打聽。不知何故。去久不回。〔丑引衆上〕烽火連城起。徵

書一路催。〔衆〕多應持寶劍。還上舊金臺。〔丑〕列位少待。待我進去通報。老爹賀喜。〔外〕何喜可賀。〔丑〕臧兒纔到街坊上。只見一隊人馬。旌旗鼓樂。東訪西問。問道王太傅家何處。臧兒便上前問道。你們問他何幹。他們道要請他出來做官。我連忙把老爹的名字去問他。他道正是要請王蠋。我便曉得是起用你了。因此引他到來。〔外〕且住。齊王已被害。新王又未立。那個起用我。〔丑〕我到不會問得。待我去問來。列位。如今齊國無主。那一個起用我主人。〔衆〕不是齊國。是燕國樂上將軍。聞你主人之賢。特來聘他爲將。〔丑〕知道了。老爹原來不是齊國。是燕國甚麼樂上將軍來聘你。〔外〕呸。誰着你引他來。我這條性命可不送在你這蠢才手裏。且喚他進來。我自回他。〔丑〕引衆人入。太傅磕頭。〔外〕列位少禮。列位到此何幹。〔衆〕我們奉樂上將軍將令。特來請太傅。我們樂上將軍聞齊人稱道太傅之高。因此令軍中環畫邑三十里不得擅入。恐驚動太傅。專請太傅爲將。封以萬家。請就此上道。〔外〕我王蠋廢棄已久。不堪驅策。去也沒用。

〔八聲甘州〕羸瓶斷綆。念當年先已委質齊廷。只爲諫王不聽。因此上退歸鄉井。〔衆〕齊王既不用了。太傅是義已斷。恩已絕了。便今日歸燕。亦有何妨。當時伊尹先會事桀。後退

歸有莘之野。也應商湯之聘。今日太傅何不學他。〔外〕餘年幸得全首領。難比幡然莘野耕。浮生與清風皓月。久已忘形。列位請回罷。我斷然去不成。〔衆〕太傅。你不去也罷。只是我們奉樂上將軍將令。說太傅若不肯來。就引三軍屠城。〔丑〕老爹好歹去去罷。不要帶累這地方。〔外〕胡說。忠臣不事二君。貞女不更二夫。今日國破家亡。不能報復。豈可助桀爲虐。〔衆〕太傅決意不去。我們就屠城了。

〔前腔〕〔外〕你要屠城。心中自省。沒來由爲我害及生靈。存亡天定。又何須劫以強兵。〔背介〕須知溝壑堪自經。一死還留千載名。權衡把生平事業。付與結纓。你們既然定要去。且在我門外少待。待我進去收拾行李。纔好上路。臧兒。你送列位出門。且把門兒閉上。罷罷罷。人生自古誰無死。留取丹心照汗青。〔下衆〕既然太傅肯去。我們齊到大門外等待便了。〔丑〕送出閉門入內奔出開門〔介〕不好了。你們自進來看。太傅在樹枝上自盡了。這個威逼。走那里去。〔衆看介〕可惜好個太傅。真是忠臣。

〔撲燈蛾〕堪憐一命傾。抵死辭徵聘。慷慨殺身易。生死決之俄頃也。丹心不泯。

看來無義不如烹。方纔屠城一事。原是恐嚇他。不是真話。況人各爲其主。似忠貞更須欽敬。只宜返旆。不必論屠城。〔丑〕我那老爹。

〔尾聲〕清風堪與夷齊並。今古齊驅好結盟。咳。只是愚公山已有祖塋在彼。論將起來。

只合向首陽山築座墳塋。如今就將聘物留在此殯葬太傅罷。〔丑〕這斷然不可。若留在

此。他在九泉之下。也須噴責我。快拿了去。〔衆〕這也是不可強他。

腰金衣紫是何人。狗義捐生物外身。

自古忠臣不怕死。若還怕死不忠臣。

第十五齣 君后製衣

〔搗練子〕〔旦小旦上旦〕愁脈脈。意懸懸。綺戶輕寒斗帳欹。〔小旦〕衾鐵稜稜香

易斷。夢回十二晚峯前。〔旦〕平林漠漠烟如織。寒山一帶傷心碧。〔小旦〕暝色入高樓。有

人樓上愁。〔旦〕朝英。你把我晌午做不完的衣服。拿來我做完了。〔小旦〕小姐。你又不等這件

衣服穿。忙忙的做他怎麼。我把被兒都薰香了。不如去睡罷。〔旦〕你不知道。我要上緊做完了用

他。〔小旦〕小姐既要做生活。只怕夜寒凍了你。我與你再穿上件衣服。〔旦添衣介〕咳。我冷到不打緊。

〔楚江情〕深閨更漸闌。寒衣漸添。想原空野曠人苦寒。霜威透戶愁怎眠也。綈袍堪戀。輕衫尙單。懸鶉百結誰見憐。有甚麼舊物青氈。有甚麼舊物青氈。寒入難遮掩。授衣期已愆。待解衣寬窄未諳。含羞難上難。因此上挑燈不惜拈針線。

〔小旦〕這等說將起來。不像你自家穿的。〔旦〕誰說我自家穿。〔小旦〕既不是自家穿。要做與

誰穿。這般要緊。〔旦〕呀。你又不老。爲何就忘了。前日你我隨母親到花園中。你不見王立身上這

般單薄。倘凍死在園上也不好。故此要做與他穿。〔小旦〕小姐又來多事了。前日因你多嘴。被老

夫人埋冤了一場。連累朝英也罵得不耐煩。凍死了人。又不要小姐償命。着甚來由。睡到不去睡。卻

做衣服與別人穿。〔旦〕你要睡。你是先去睡。〔做衣介小旦背指旦介〕

〔羅江怨〕嬌娥心性偏。柔情暗牽。心猿意馬羞鏡鸞。衾溫枕暖懶去眠也。直待睡鴨香消。鞦韆燭頻頻換。疎鐘遠寺傳。樵樓玉漏殘。沒來由消瘦芙蓉臉。我知道他

的意兒了。待我試他一試。〔轉身介〕小姐。你可憐那王立。就與他一件衣服。未免少東少西。那里

周旋得來。朝英到有一計在此。〔旦〕有何計。你就說。〔小旦〕王立只須成了房戶。便有人照管。

〔旦〕這也說得是。怎麼成房戶。〔小旦〕朝英自幼伏侍小姐。今已長成。小姐何不對老夫人說。把

朝英配與他。今後他的衣服。自有朝英照管。可不省了小姐費心。〔旦愠介〕誰要你照管。〔小旦

微笑介〕小姐既不要朝英照管。小姐自家照管了何如。〔旦〕朝英。我的心事。正要對你說。我要

與你去母親跟前做一個媒。我爹爹每嘗要招門當戶對的。我卻不情願。只要招贅了王立。便心滿

意足了。〔小旦〕小姐何不自家說。〔旦〕我害羞。不好說。〔小旦〕小姐害羞。不好說。朝英怕打。

不敢說。倘然我說了。夫人發怒起來。說小賤人。小妮子。良賤不可爲婚。你爲何輕覷我的女兒。可是

誰教你說。那時我說朝英自說好。說小姐教我說好。〔旦〕既如此說。再作理會。衣服已完。明日你

與我送去便了。〔小旦〕若要朝英在夫人跟前去做媒。卻是難。若要朝英往王立跟前去做媒。卻

容易。〔旦〕你不消多說。只去便了。〔作遲疑介〕朝英。我不要吃送去。〔小旦〕小姐既然不要

朝英送去。自家送了去罷。〔旦〕我又不好獨自一個去。我與你同送去。就是你替他穿了。〔小旦〕

小姐要穿。你自與他穿。省得我與他穿了。你又着惱。夜深了。收拾起睡罷。〔看衣介合唱〕

〔皂羅袍〕繾綣果然輕暖。算黑貂裘敝。賴此衝寒。和伊牽扯要成綿。不知費多少春蠶繭。隨心裁翦。似他在眼前。量情長短。想和他比肩。管溫柔鄉一入絲難遣。

乍見風前連理枝。

須教月下有佳期。

一腔心事無人識。

惟有清風明月知。

第十六齣 君后授衣

〔霜天曉角〕〔生持鋤上〕雨中風帽。零淚知多少。家國深讎難保。漫勞輾轉通宵。山月曉仍在。山風涼不絕。殷勤如有情。惆悵令人別。我王立在此。今日也是灌園。明日也是灌園。不知何日是了。

〔太師引〕困蓬蒿。這磨折何時了。歸期杳。愁添大刀。驚鴈斷。竟無音耗。歎巢林翻做鷓鴣。千縷愁苦縈懷抱。受飢寒一身難保。倘我不能報復而死。埋沒了龍泉

豹韜枉蹉跎歲月一死鴻毛。前日老夫人引了小姐出來看花。那小姐到有見憐之意。他在

母親跟前添許多好言語。我也不指望甚麼另眼看覷。只是小姐這一段好意思。不免掛在心上。

〔前腔〕無端邂逅情牽繞。沒來由心旌動搖。我若是富貴的時節呵。怕不會好逑窈窕。愁甚麼琴瑟和調。到如今寂寥枯槁。怎比得五陵年少。料難諧鸞儔鳳交。枉教人孤幃夢斷魂勞。〔旦引小旦持衣上〕

〔霜天曉角〕〔旦〕菱花慵照。別有閒煩惱。〔小旦〕眉黛不堪重掃。那堪敗葉蕭蕭。〔旦〕朝英。此間已是園上了。不知王立在何處。〔小旦〕王立哥。小姐來了。

〔桂枝香〕〔旦〕看他魁梧相貌。軒昂儀表。只合去奮翮扶搖。爲甚似敗翎孤鳥。淹留草茅。淹留草茅。行藏難料。多管是迷邦懷寶。〔遞衣介〕這綈袍。且禦寒威早。還須奪錦標。

〔前腔〕〔生〕清霜嘹峭。號寒輒曉。正砧聲白帝城高。奈羈旅玉關人老。途窮敝貂。途窮敝貂。朔風盈抱。有誰知道。這綈袍。恰稱腰圍小。想含情寄剪刀。

〔大逐鼓〕〔小旦〕多嬌爲爾曹。針針線線。手自勤勞。從今不必燒祆廟。管取銀河渡鵲橋。〔生合〕這段良緣如漆似膠。

〔前腔〕〔生〕妖嬈解珮要。蘭心蕙性。嫩蕊柔條。瑤池已報三青鳥。緜嶺應須弄

玉簫。〔小旦合前內高叫介〕王立在那里。老相公與客同來園中飲酒。可上緊收拾打掃。〔旦小旦

驚下生弔場〕

〔尾聲〕客來三徑須頻掃。今夜寒蟬伴寂寥。怕夢飛不到楚館迢遙。

笑語匆匆已目成。

綈袍戀戀感傾城。

相思相見知何日。

此時此夜難爲情。

第十七齣 田單用間

〔似娘兒〕〔小生田單上〕恢復是何時。愧登壇未遂心機。樂君才略真無比。幕中

料敵。須行反間。方爲就裏施爲。金天方肅殺。白露始專征。王師非樂戰。之子慎佳兵。自家田

單是也。前日出奔。宗人用我之計。以鐵籠得全。因此滿城中皆以我爲知兵。推我爲將。我想樂毅下

齊七十餘城。止有二城未下。他要破城。亦有何難。蓋因他不屑苟利。以求小成。縱二城以收民心。施仁恩以恢王業耳。若燕國只用此人。實難取勝。若易以他將。就破之易矣。喚帳下說客過來。〔說客

上〕全憑三寸舌。打動世間人。請問主帥有何令。〔小生〕你曉得燕昭王已殂。新王卽位麼。〔說

曉得。〕〔小生〕你曉得新王做世子時。與樂將軍有隙麼。〔說〕曉得。〔小生〕你旣曉得這個事

體。我如今與你千金。你可潛地入燕。賂新王左右。與他交歡。卻縱反間。說樂毅與新王有隙。今欲連兵留齊。齊人所患。惟恐他將來耳。若說得他遣他將來代替樂將軍。就是你第一功了。你聽我道。

〔泣顏回〕疾走莫遲疑。到燕邦反間隨機。千金賂彼。把前言須使王知。他心中致疑。必然要遣將易他去。〔合〕那其間方好相持。看笑談自解重圍。

〔前腔〕〔說〕物換與星移。論金臺不比當時。新王卽位。與樂君舊有參差。我投間抵隙。賴威靈少展捐金計。〔合前〕

三戶亦成兵。

休言只二城。

一朝權在手。

便把令來行。

第十八齣 后母授簪

〔謁金門〕〔旦小旦上〕人不見。風急雁行吹斷。暖閣香衾羞起懶。天長音信短。

〔小旦〕殘雪禁梅香淺。偶見一痕初綻。樓上四垂簾不捲。山色偏宜遠。〔搗練子〕

〔旦〕曉風酸。客衣單。魂斷空歌行路難。〔小旦〕驚破寒梅前嶺雪。玉人無語自凭闌。〔旦〕朝英。

前日我在花園裏受了些驚。身子有些病起來。可要對母親說。〔小旦〕小姐說也沒用。花園裏得

的病。只除原在花園裏去醫纔好。〔旦〕不要胡說。〔小旦〕我就要同小姐再去花園裏走遭。只

是老相公不時引客人到彼遊翫。倘然撞着怎麼了。我聞得老相公即日要往西莊收米。那時與你

同去便了。我只怕那人牽掛。可要去約他一聲。〔旦〕你不消去。到那時再處。

〔二犯傍妝臺〕生怕倚闌干。爲別時容易見時難。一霎時驚去雁。何日裏得驂

鸞。春蠶到死絲難斷。蠟燭成灰淚未乾。〔合〕情含宿雨。愁攢遠山。夢中佳偶鏡

中緣。

〔前腔〕〔小旦〕幽恨損紅顏。殷勤相勸強加餐。少不得金釵敲門扇。說着你玉

筋點冰紈。抵多少細雨夢回雞塞遠。小樓吹徹玉笙寒。〔合前貼上〕

〔繞地遊〕閒心撩亂。爲愛女偏縈絆。病損朱顏。枕痕添線。我兒。你這兩日爲何瘦了些。

〔簇御林〕〔旦〕爲流光換。時序遷。懶簪花貼翠鈿。閒愁惹起梁間燕。金針懶拈。繡線懶添。心搖搖不定如蓬轉。〔貼〕我兒。你是這等可不憂壞了做娘的。〔旦〕免憂煎。

由他消瘦。莫問病懨懨。〔貼〕朝英過來。你可知道小姐爲何這般消瘦了。〔小旦〕小姐自從

那日隨老夫人往園上去。〔旦背搖手介〕被老夫人搶白了一場。因此氣惱成病。

〔前腔〕他爲多開口。損舊顏。這些時不耐煩。玉肌暗減鬆金釧。眉端翠攢。腰肢帶寬。那些兒努力加餐飯。繡簾前。長吁短嘆。只是病懨懨。〔貼〕我兒。原來你爲我做

娘的惱了你。你看我許多年紀。舉眼再有何人。就是我老人家三言兩語。也只要你好。你爲何放在心上。〔小旦〕只爲老夫人平日養嬌了小姐。因此當不起說話。老夫人有甚麼東西。把件與他耍

耍。消他氣罷。〔貼〕我兒。昨日你爹爹買得一枝寶簪。我正要拿來與你看。左右是你的。就與你罷。

〔旦〕寶簪又醫不得病。要他何用。〔小旦〕長者賜。不敢辭。我替小姐戴了。〔貼〕我兒。這枝簪兒。非同小可。

〔前腔〕看他金光燦。寶氣懸。買將來價十千。休言不入時人眼。光生翠鉅。輝添髮蟬。珍藏莫認做閒釵釧。鏡臺前。且將消遣。何事病懨懨。

〔尾聲〕〔旦〕新愁不遣雙蛾展。鸚鵡前頭不敢言。〔小旦〕要忘憂除非是堂北靈萱。

〔貼〕寶簪親付到房櫳。

病裏還須罷女工。

〔旦〕情到不堪回首處。

一齊分付與東風。

第十九齣 騎劫代將

〔金瓏璫〕〔樂毅上〕金臺推轂重。王言三錫師中。圖王業且從容。我樂毅自從燕昭

王拜爲上將軍。趙惠文王以相國印授我。因并護各國之兵。今已盡下齊城。止有莒州卽墨未服。我想既有非常的遭遇。當有非常的功業。豈可局跡當時。止於兼併。故此特寬二城。以示恩信。將使莒

州卽墨之人。反仇其上。願釋干戈。使我澤如春。民應如草。道光宇宙。賢智托心。鄰國傾慕。四海延頸。則王業隆矣。只是新王與我舊時有隙。恐敵國反間。令其致疑。從中生變。這也只是盡其在我。聽之於天而已。

〔駐馬聽〕早奏膚功。遲速惟圖。工業隆。故把一二城寬縱。將使萬姓從風。四海攸同。須教長劍倚崆峒。放牛縱馬歸無用。不讓桓公報仇九世。春秋稱重。

〔前腔〕〔淨扮騎劫披掛持節上〕長戟雕弓。一日兵權掌握中。建牙尊寵。開府英雄。新拜元戎。此處是樂將軍帥府。可通報。〔衆〕天使到了。〔末〕將軍啣命遠來。失於迎迓。〔淨〕新

王恐將軍久暴露於外。特命騎劫來替將軍歸國。請還昌國舊侯封。三軍諸將皆吾統。

〔末〕我已知有今日了。〔淨〕樂將軍。豈不聞成功者退。將來者進。君已成功。成功者退。吾當接踵。〔末〕既如此。驗了兵符。我把這將印與將軍。〔淨〕小將既領兵。就此告別前去。請將軍

從容歸國便了。正是將軍不下馬。各自奔前程。〔引衆下末弔場〕叫從人與我脫下這征袍。〔從〕請問上將軍。幾時起馬歸燕國去。〔末〕我不往燕國去了。我原是趙國人。我如今竟往趙國去便了。

〔北沽美酒〕狡兔死走狗烹。狡兔死走狗烹。飛鳥盡早藏弓。休道猶思塞上翁。報國念已無從。啣蘆的斷鴻驚恐。遙繪繳覽輝翔鳳。說甚麼昌國侯封。怕做了北邙孤塚。任他們波翻浪湧。征西戰東。垂成業已空。呀。總算做一場春夢。

五載功勞一旦灰。

回頭長揖謝金臺。

鯉魚脫卻金鉤去。

擺尾搖頭再不來。

第二十齣 園中幽會

〔七娘子〕〔旦小旦上〕小簾朱戶頻頻倚。盼幽期漫勞屈指。〔小旦〕多病嬋娟。少

年羈旅。兩下一般愁緒。小姐。前日老夫人問病時。我正要就這個機會對他說。你爲何到搖手

起來。因此我只得支吾過了。不知你是何主意。〔旦〕朝英。你那里知道。你就說出來。料母親也定

不依允。反要來隄防着我。卻不誤了事。〔小旦〕小姐見得是。今早老相公已往西莊去了。老夫人

此時又睡了。乘此微月。我們去罷。〔旦〕只是我身子害病。去不得。〔小旦〕小姐。你的病正該喫

這服藥。我扶着你去。

〔園林好〕〔旦〕月微明朦朧瑣幃。〔小旦〕把衾裯把纖腰手扶。按不住一腔祆火。〔合〕弓鞋小踏霜蕪。羅襪冷透烟莎。〔小旦〕小姐此間是他的房了。我上前喚他。阿呀。這般沒福。你看門兒鎖上。不知往那里去了。小姐。小姐。你往常時賊一般隄防人。不要我來約他。誰想今夜會他不着。可不是自家誤了事。〔旦〕且等待他一回。〔小旦〕若等不來。恐反被別人撞着。不如回去罷。〔旦〕既來了。難道就回去。〔小旦〕我說你看遠遠望見有個人來了。我和你且躲在樹影底下。待他過去。

〔前腔〕〔生上〕夜深歸熒熒荷鋤。慘清霜寒威切膚。早是得了這件衣服。若只似前日這般單薄。嘆無衣怎生遮護。今夜裏自躊躇。何日得遂歡娛。〔小旦〕是他來了。

〔旦〕早是不回去。〔小旦〕小姐。喫你等着了。待我喚他一聲。王立哥。小姐在此。你拿了這被兒。與小姐少敘一回。我去去便來。〔旦〕朝英住在這裏。與你同回去。〔生〕由他去去就來。〔小旦〕小姐留我。也不是真心。我也不住在這裏。正是閉門不管窗前月。付與梅花自主張。〔先下旦〕此處可有人來麼。〔生〕此處只有王立行動。況且夜深了。那里得個人來。〔旦〕既沒有人來。我和你且

在這裏閒語片時。〔生〕小姐待我開了門。房裏坐罷。此處風露寒冷。〔旦〕不妨。你須是實對我說。你是甚麼樣人。說明了我纔進房去。〔生〕小姐。你猜我一猜。是何等樣人。

〔忒忒令〕〔旦〕莫不是蟬聯貴戚。莫不是鳳樓仙侶。莫不是龍居淺水。遭蝦相戲。莫不爲泣驪珠。嚇鵝鷄。羈隸駢。沈埋在這裏。

〔前腔〕〔生〕我也曾乘堅策肥。我也曾遍身羅綺。我也曾金尊綠醕。雕盤甘旨。只因爲遇明夷。履艱危。遭顛沛。流落在這裏。〔旦〕我何等待你。你只把閒話來支吾我。

你今日尙不肯吐膽傾心。若後來發達。必然負我。我來差了。叫朝英。我要回去。我本將心托明月。誰知明月照溝渠。〔下生留〕小姐。朝英還不會來。

〔川撥棹〕〔旦〕空留意。到如今。你尙執迷。恨明月自照溝渠。恨明月自照溝渠。料伊家是薄倖的。沒來由強問伊。

〔前腔〕〔生〕我我的真情欲訴誰。我若好說。不對小姐說。對誰說。我的真情只好天知地知。怕出言駟馬難追。怕出言駟馬難追。怕隔牆有屬耳的。怕機不密惹是

非。小姐不消只管問我。待我說個誓罷。〔跪介〕皇天在上。若法章有發達之日。負了小姐。天地不容。鬼神誅戮。〔旦〕且住。你方纔明明說出法章二字來。可見你不是甚麼王立了。

〔尾聲〕分明露出真名字。仔細從頭說與我知。管深藏不露些兒。〔生〕罷罷罷。一時忙迫。說了真名字出來。畢竟瞞不得小姐了。我本齊王世子田法章。那王蠋就是我的太傅。只因他諫王被黜。我去救他。觸怒父王。發在此處安置。此後國破家亡。父王被害。太傅算我不免。要將我寄在你家。把我假做他家養馬之人。把田字去了兩傍。章字去了下截。改名王立。他說你今日爲王立。願你異日立爲王。但此事只可你知我知。若還洩漏。我就不能安身立命了。〔旦〕既然如此說。明。我就將千金之體。一旦付與你。也不枉了。如今和你進房去。

鸞交鳳友喜追隨。

豈但鷓鴣寄一枝。

雪隱鷺鷥飛始見。

柳藏鸚鵡語方知。

第二十一齣 朝英夜候

〔懶畫眉〕〔小旦上〕蜂媒蝶使簇花神。握雨攜雲自苦辛。須知寒谷已生春。想他

芳菲零亂紅香褪。和葉和花付與人。〔驚介〕那個扯住我啐。

〔前腔〕原來是低枝抓住石榴裙。驚得我手顫心慌汗滿身。回頭顧影恍疑人。含酸受凍應難忍。嘖嘖。還不會開房門。尙兀自雨打梨花深閉門。

〔前腔〕〔生持被上〕夢中雲雨覺來真。誰道明河不可親。〔望介〕朝英來了。小姐出來。

〔旦〕偷將羅帶結同心。〔生日合〕只愁別後難親近。攜手臨歧各損神。〔小旦〕小

姐。如今病好了麼。〔生〕被兒在此。你還拿了。〔小旦〕且留在此罷。省得下次又要拿來。〔旦〕還

拿去。恐老夫人不時點檢。〔小旦接被介〕王立哥。你自進房去罷。省得有人窺覷。〔生下作回首

介〕小姐。昨晚說的話。千定不可洩漏。〔小旦〕小姐。到不打緊。我只愁你洩漏了。〔生笑下〕

〔前腔〕〔小旦〕看他羞蛾凝翠轉生春。蝶粉蜂黃褪幾分。今宵一刻值千金。〔作

整髮介〕頭髮都亂了。鸞釵半鞦籠蟬髮。小姐。小姐。每常朝英有些差遲。動不動是小賤人。

今夜裏受怕擔驚是小賤人。〔旦小旦下生上〕

〔前腔〕盈盈羅襪步生塵。且喜得睡穩金鈴不吠人。〔望介〕看他低回朱戶悄

捱身。幾時得戲魚波上尋芳信。定許漁郎來問津。

恩情一霎時。

密約兩無疑。

久旱逢甘雨。

他鄉遇故知。

第二十二齣 牧童拾簪

〔丑牧童上〕不言牧田遠。不道牧陂深。所念牛馴擾。不亂牧童心。自家是太史相公莊上牧童的便是。方纔喂了牛回來。不覺日出了。

〔清江引〕長簷圓笠隨身好。最喜牛馴擾。洗耳飲清流。帶醉眠芳草。弄長笛一聲山月曉。〔拾簪介〕甚麼東西。明晃晃的。不知是銅的是金的。

〔前腔〕這簪兒看來真個好。想是金和寶。臨池紫氣流。映日紅光耀。想牧童命兒中該醉飽。我且藏在身邊。慢慢的村中換些酒喫。

牧童時運好。

拾了一件寶。

拾的雖喜歡。

失的要煩惱。

第二十三齣 朝英尋簪

〔醉扶歸〕 〔旦〕小旦攜減妝上旦 日高丈五羞慵起。 〔小旦〕 枕屏前只得強扶攜。

新愁減卻小腰肢。 小姐。你看鏡中的眉兒。比舊不同了。 〔旦〕 菱花不耐蛾眉豎。朝英。朝英。

小鬼頭兒少不得也要豎蛾眉。眼睜睜春心難按傍州例。 〔小旦〕 小姐。你那寶簪兒在那裏。

〔香柳娘〕寶簪兒在那裏。 〔旦〕寶簪兒在那裏。怎麼不見了。尋一尋。 〔小旦〕竟沒尋處。 〔旦〕莫不是匆忙捲入吳綾被。 〔小旦〕被兒方纔是我摺過的。那得個寶簪兒在裏頭。

〔旦〕想是不曾戴。 〔小旦〕小姐。你每常不是這般忘事。昨日晚妝時。是我和你戴的。我和你戴的。想鴛枕夜深欵。情濃寶簪墜。 〔旦〕若還失在彼。若還失在彼。他必自護持。可無他慮。 〔小旦〕小姐。若還掉在他房裏。怕怎麼。

〔前腔〕倘失在路裏。倘失在路裏。被人拾取。他道夜深何故遺簪珥。必然要致疑。必然要致疑。事跡既蹺蹊。情蹤怎遮蔽。 〔旦〕倘夫人到此。倘夫人到此。偶然

問及。怎生回對。〔小旦〕小姐。你把減妝兒自家收拾過了。待我去尋一尋來。〔旦〕你去尋尋便來。但知報道金簪墜。髣髴還應露指尖。〔小旦尋介〕

〔前腔〕且尋蹤覓跡。且尋蹤覓跡。依着苔痕步履。驚得我眼都花了。那些個不貪夜識金銀氣。看園林樹密。看園林樹密。蘿薜拂牆低。回頭偶搔住。待拂拭薜圍。且拂拭薜圍。惟有落葉滿衣。殘枝堆砌。〔尋介丑上〕夜眠清早起。又有早行人。你看遠遠一個丫頭來。莫不是尋簪子的。我且詐醉了。支吾過他去。〔小旦〕牧童。你那裏來。

〔前腔〕〔丑〕在前村醉歸。在前村醉歸。〔小旦〕爲何大清早起就醉了。〔丑〕可喫了你的。干伊甚事。須知卯酒令人醉。〔小旦〕你可曾見地下掉一隻簪兒麼。〔丑〕不曾見甚的。不曾見甚的。〔搜小旦介〕此處少人知。與你從容且嬉戲。〔小旦怒介〕你這狗才。那裏墮了酒。這等放肆。我告訴老相公打你。〔丑〕倒要告訴老相公。我曉得了。姐姐請息怒。你何須怒起。你何須怒起。你東我西。各宜迴避。罵便罵得好。卻是不還了。〔下小旦〕忙忙的尋東西。撞了這個狗才。被他纏得不耐煩。如今且到那人房裏去尋。王立哥在房裏麼。〔生上〕

〔宜春令〕是誰來扣破扉。且披衣疾忙覷渠。〔小旦〕是我。〔生〕原來是朝英姐。朝英忽至。想今宵重訂鴛鴦會。〔小旦〕那裏是小姐一枝寶簪。是老相公與他的。昨晚戴出來不見了。特特到此尋問。不知你可曾見否。〔生〕看羈人家徒四壁。那少原亡簪何處。咳。想來掉在路上了。倘若被人拾了去。露出來怎麼了。早難道人亡人得。付之無意。如今你只在家裏去尋。我在園上推說打掃。仔細再尋便了。

一場佳會稱人心。

不道匆忙失寶簪。

但願應時還得見。

須知勝似洛陽金。

第二十四齣 計成火牛

〔朝中措〕〔田單上〕幕中奇計出龍韜。恢復在來朝。莫笑臨淄市掾。試看卽墨

雄豪。自家田單是也。前日縱反間於燕。他那裏聽信了。差騎劫來代了樂毅。如今樂毅竟自歸趙國去了。我聞得燕軍忿恨。都無心戀戰。就此時勢。正好用計。我故詐事神師。扇惑燕人。又用反間。使他剽鼻掘塚。以激我軍之怒。此時不進兵。更待何時。叫軍校。我分付收集城中的牛。有許多了。〔衆〕水

牛黃牛共有千頭。〔小生〕勾了。你可把我連日畫成的五綵龍文絳綃衣披在牛身上。把利刃束在牛角上。把油灌的蘆葦縛在牛尾上。鑿城數十穴。縱牛從穴而出。你這五千壯士。卽隨其後。俟尾上火發。牛怒。必觸傷燕軍。乘其驚惶。啣枝疾擊。破燕必矣。

〔四邊靜〕三軍傾耳聽吾道。須知用兵巧。座上有神師。城中下飛鳥。〔合〕神道設教。兵行詭道。他將惰與兵驕。分明待天討。

〔前腔〕千牛奔突如風掃。燕軍定驚擾。壯士盡啣枚。城中且喊譟。〔合前〕

火牛衝突卽長驅。

騎劫安知備不虞。

計就月中擒玉兔。

謀成日裏捉金烏。

第二十五齣 田單破燕

〔紅繡鞋〕〔騎劫上〕燕軍戰勝兵強。兵強。齊人早已約降。約降。我猛似虎狼如

狼。威已振勢方張。〔合〕且收弓矢掩旗鎗。自家燕將騎劫便是。我想樂毅在此攻城。經年不克。我一來替他。齊兵就要投降。只此就見得我勝似樂毅了。叫軍校。齊人若降。定大開城門。隨你

們進城去搶。把金帛女子都來獻與我。我歸到國中。也要使用。只有帑藏所存衣糧。隨你們分用便了。〔衆〕得令。

〔前腔〕將軍福分高強。高強。管教金帛盈箱。盈箱。衆士卒好商量。開帑藏搶衣糧。〔合前火牛壯士上內鼓噪兵獻騎劫首級小生上〕

〔玉芙蓉〕軍威似雪霜。陣勢如波浪。覷燕人捧頭鼠竄救死扶傷。循環奇正謀猷壯。前後干戈載戚揚。〔衆〕將軍也是齊王子孫。何不就卽了王位罷。〔小生〕你們那里知道。齊王自有世子法章見在。須當訪求來立他。豈可自立。我雖宗黨。願儲君無恙。算紀綱東海必明王。

〔前腔〕同心在戰場。戮力恢齊壤。到如今亨屯濟蹇國運繁昌。功成不用千金賞。列國應知我武揚。〔衆〕不如就立了將軍。省得又去尋訪。〔小生〕說那裏話。〔合前〕叫

軍校。你們可曉得世子在何處。〔衆〕世子原安置在莒州。與太傅王蠋最厚。如今王蠋已死節。他家在畫邑。若不在王蠋家裏。只在莒州。〔小生〕既如此說。就整備法駕。到王太傅家去。

〔前腔〕想當時聞喪亡。畫邑應同往。料年來多是在彼潛藏。膏車秣馬鸞和響。綵仗朱旛豹尾長。〔合前衆〕稟將軍。此間正是王太傅家了。〔小生〕你去問。〔衆〕裏面有人嗎。〔丑扮臧兒上〕平生不作虧心事。半夜敲門不喫驚。是誰。又是許多人馬。列位。往年多承下過。把我一個老爹送了。今日又來。莫非耍臧兒去做官。〔衆〕我且問你。世子可在這裏。〔丑〕戲子不在這裏。是誰做。〔衆〕不是。是問齊王世子。〔丑〕不知。不知。前日領了一夥人回來。我老爹道我蠢才害了他。至今心裏懊悔。再不管閒事。〔小生〕待我自來問他。你可是王太傅家裏人麼。〔丑〕正是。〔小生〕你叫做甚麼名字。〔丑〕我叫臧兒。〔小生〕你就是臧兒。我也不認得你了。你還記得我麼。你太傅與我最好。〔丑〕我老爹只與太史相公交厚。不曾見與將軍好。〔小生〕且住。如今世子在你家。在太史相公家。〔丑〕不在我家。在太史相公家。〔小生〕既在太史相公家。煩你同去請一請。包你也有好處。〔丑〕我不去。我不去。〔小生〕既不肯去。把他殺了。〔丑〕我便去。只不知尋他怎麼。莫非要害他。〔小生〕不是。我是田將軍。已破燕復齊。今日請世子出來。要立他爲王。〔丑〕果然是。還是哄我。〔小生〕那個來哄你。〔丑〕若如此說。我那老爹也是個仙

人。他前日使我送世子去。只說是我家養馬的。送去灌園。與他改名做王立。說今日爲王立。願你異日立爲王。如今應了他的口。可不是仙人。〔小生〕既如此說。討馬來。與臧兒騎了同去。

〔前腔〕忙投太史莊。定不教虛往。問王立便知就裏行藏。若還在彼灌園時呵。管藥闌。七鬯仍不喪。草徑靈芝倍有光。〔合〕齊歌唱。喜儲君無恙。算紀綱東海必明王。

荒園此日荷耰鋤。

誰識丹山彩鳳雛。

踏破鐵鞋無覓處。

得來全不費功夫。

第二十六齣 迎立世子

〔山歌〕〔丑牧童上〕牧童路上撞嬌娘。撞着子嬌娘就無主張。便要替渠樹陰底下。党介一党。荒草地上橫介一橫。弗道渠全弗睬采。倒捉我來呪罵子介一頓。搶白子介一場。我滿肚皮包盡子個惡氣。又難替渠數黑論黃囉。羌天有知。幸問起我個簪子。惹動子我個火囤肚腸。我思量個隻簪子。倒是渠個實犯真贓。

若拿筴來換呷酒喫。不如在家主公面前去請子個風光。我只要燥子我個寡脾胃囉。管打得個丫頭滿身青膀。我只要博子個笑臉也囉。管氣得家主公肚膨。沒道是我看牛圈兒像個羊棚裏牯牛白覺大。權時且做一隻攪棚羊。我前日拾了簪子。恰好遇着朝英來尋。我就曉得是他偷出來的了。他若在我面上有些好意思。我到也還了他。不道受了他的氣。故此要俵候老相公回家。出他的醜。遠遠望見老相公回來了。〔外上〕

〔六么令〕田疇豐穰。喜西成已及收藏。公私逋負有何妨。償私債上官糧。一家數口都歡暢。一家數口都歡暢。〔丑〕老相公。牧童叩頭。〔外〕牧童。牛好麼。閒時養來忙時

用。不要凍了他。〔丑〕老相公。這是小人的干己。不消分付。〔外〕你今日何故在此。〔丑〕小人

拾得一隻簪兒。拿去換酒。酒家疑我偷來的。因此將來獻與老相公討賞。只要一件綿襖。〔外看驚

介〕綿襖一定與你。你仔細對我說。是那里拾的。〔丑〕在花園裏拾的。〔外〕可曾有人尋。〔丑〕

小人拾了這隻簪兒。只見就有朝英出來尋。小人躲在樹上看他。見他荒荒張張。在王立房裏走了一遭。就出來了。〔外〕你只在外面俵候。〔丑下外怒介〕老夫人在那裏。〔貼上〕

〔前腔〕緣何喧嚷。想應爲家計匆忙。他平時喜怒總相忘。因甚事恁乖張。教人忙裏難思想。教人忙裏難思想。老相公。你爲甚麼這般發怒。〔外〕前日我買那寶簪兒。原

主抵死要取贖。故此着惱。如今簪兒在那裏。〔貼〕我與了女孩兒了。〔外〕你快取來還他。〔貼

入出介〕女孩兒一時不知放在那裏。待明日尋出來還他罷。〔外〕呸。在那裏。在那裏。可不在這

裏。〔貼驚介外〕快喚朝英這賤人出來。〔小旦上〕是非終日有。不聽自然無。〔外〕朝英。你做

得好事。〔小旦〕做甚事來。〔外出簪介〕

〔綿纏道〕細參詳。這簪兒何緣出洞房。我家法凜如霜。怎容得宋玉在隔牆。爲甚的雲髻上點新妝。倒失落在路傍。好教我急煎煎迸斷剛腸。快說出這行藏。料應是桑間濮上。〔貼〕那里有這等事。還要仔細酌量。〔外〕何必更酌量。眼見得是淫奔伎倆。這醜聲兒免不得被人揚。我且問你。你到王立房裏去何幹。〔小旦〕誰見我去來。

〔外〕叫牧童。你會見他往王立房裏去麼。〔丑〕小人親見的。

〔前腔〕〔小旦〕自恹惶。霎時間露出短長。災禍起蕭牆。誰知道黃雀窺覷螳螂。

〔外〕我明知是我那不肖女做出來了。你從實說來。〔打介小旦背哭介唱〕巫山雨已斷送神女高唐。蒼梧雲怎遮護帝子英皇。〔轉身介〕老相公不要拷打了。是朝英偷來。要央王立去賣。及至到他房裏。摸摸袖裏不見簪兒。明知掉了。再不敢說。岐路嘆亡羊。〔外〕胡說。明明是個私情的勾當。快說出來。〔小旦〕怎扭做私情勾當。如今已露贓。這生死但憑家長。〔外〕你可是與不肖女做脚。〔小旦〕朝英偷了寶簪。就打死也該的。老相公。你親生的女兒。何忍教使婢去攀害他。又何須牽引到娘行。

〔普天樂〕〔貼〕拷梅香也難攔當。既招成也難輕放。女孩兒女孩兒有甚猖狂。又何必說短論長。〔外〕還來主張。不思量。平日裏不肯隄防。〔怒推倒貼介旦上〕

〔古輪臺〕累萱堂。先扶娘起告爹行。〔外〕你又怎樣說。〔小旦〕我已認了。你不要多說。

〔旦〕朝英認罪俱虛謊。〔貼〕我兒。你不要護他了。〔旦〕一身做事獨自承當。〔外〕我說。可不羞殺了我。可不氣殺了我。養得好女兒。養得好女兒。〔旦〕爹爹不要惱孩兒。自古道人間天上。野館空房。怎禁怨曠。算來何不早商量。〔小旦〕小姐說話放和軟些。〔外〕

你不取媒而自嫁。非吾種也。〔自綁旦介〕牧童與我拿王立過來。〔生上〕仲尼旅人。文王明夷。

苟非其時。聖賢低眉。〔丑〕王立在此。〔外〕也綁起來。〔旦〕爹爹要綁孩兒。只管綁。只是王立

卻綁不得。〔生〕由他綁罷。不要多說。〔外〕爲何綁不得。〔旦〕他是齊王世子。田爲姓名

喚法章。〔丑渾介外驚介〕他是王立。怎麼到是田法章。〔旦〕他更名異姓。是儲君宗子。須

存模樣。〔外〕且不要綁。我只是綁這兩個賤人。沈在水裏去。〔貼跪介〕念我老糟糠。他若

死我孤身。晚景轉淒涼。〔外背沈吟介〕他在這裏。也送他不成。待我哄他進去。你去看他其餘

的首飾有無。若還都在。再處。〔貼入外關門介〕我且關你在裏頭。待我送了這兩個來放你。〔貼

內叫介〕老相公。可憐可憐。〔外〕我雖草莽之臣。與他亦有君臣之義。我不惟不該害他。也不好

凌辱他。只是容他在此不得了。

〔前腔〕助衣糧。卽時資發往他方。若留在此。遭譏謗。〔生〕自甘罪狀。但憑發放。

憐愛女。須寬法網。〔外〕國聽君王。家憑家長。況伊家尙未立爲王。何得亂吾家

法。任私情。喬做王章。〔旦〕分開鳳侶。拆散鴛行。前生業障。燒了斷頭香。惟願你

做少康一旅早騰驤。

〔尾聲〕〔外〕綁他早去沈波浪。〔生〕斷送芙蓉一夜霜。〔外〕免教伊玷污門牆。

〔旦〕孩兒死便死。還要見見母親。〔外〕他教道得你好。還要去見他怎麼。快走快走。省得又打。〔打介小生丑引衆上〕

〔神仗兒〕齊開儀仗。齊開儀仗。三軍歌唱。盡歡如挾纊。信宿春從天上。車馬過鬧村坊。旌旗展到村莊。有人麼。〔生〕是誰叫門。〔走出看介問介丑〕是我。〔生〕臧兒緣

何到此。〔丑〕特引田將軍迎立世子爲王。〔指生介衆跪生引衆同入介外同旦小旦下小生〕

〔滴溜子〕微臣的。微臣的。田單啓王。微臣的。微臣的。與六軍稽顙。兆民齊心瞻仰。請吾王登廟堂。早頒功賞。特候衡門。即便束裝。〔生〕齊國危而復安。亡而復存。皆叔

父之功。只怕法章身微德薄。不能當此。臧兒過來。太傅一向好麼。〔丑〕大王還不知。太傅已殉節。不肯仕燕。在樹枝上自盡了。〔生〕如今墳在何處。〔丑〕在愚公山下。〔生〕可分付軍中。準備

祭禮。就使臧兒先引一行人到彼陳設。我早晚就同田將軍來行禮。〔丑〕若無漁父引。怎得見波

濤〔先下生〕叔父寡人流落在此。未免饑寒。解衣推食。多虧他家小姐。我欲煩叔父爲媒。聘他爲王后。可與軍中取黃金百斤。袍帶一付爲聘。〔小生〕傳令軍中。取黃金百斤。袍帶一付聽用。〔生〕請問叔父的宅眷在何處。〔小生〕臣少年不遇。餬口市椽。況經亂離。不曾娶妻。〔生〕若如此。寡人也與叔父做個媒。此間侍兒朝英。甚有義氣。我欲聘他與叔父爲妾。意下如何。〔小生〕既蒙大王賜昏。便當聘以爲配。〔生〕分付軍中。再取白金百兩。彩段十端來用。請主人夫婦出來謝別。〔貼上〕不是一番寒徹骨。爭得梅花撲鼻香。老臣太史敷。一時病發不能奉送大王。望乞恕罪。〔生〕寡人一向在此攪擾。不得面謝。只有一言。方纔我勸主人。他道我未立爲王。不當亂他的家法。如今我既立爲王。已自有國法了。主人說他家小姐不取媒而自嫁。如今已有田將軍爲媒。聘禮黃金百斤。袍帶一付在此。聘他爲王后。就煩老夫人收了。餘外白金百兩。綵段十端。就是寡人爲媒。聘朝英來。以配田將軍也。煩老夫人收了。待寡人到了臨淄。百官朝見過。便差車騎來取。

立新王今朝龍駕去。

迎賢后明日鳳車來。

喜孜孜鞭敲金鐙響。

笑吟吟同唱凱歌回。

第二十七齣 太史自嘆

〔金蕉葉〕〔外上〕奈何奈何。洗不去玷宗辱祖。〔貼〕喜將星早已執柯。想紅鸞相將臨戶。老相公賀喜。〔外〕賀甚麼喜。〔貼〕女孩兒做了王后。如何不要賀。〔外〕王便怎麼。后便怎麼。無父母之命。媒妁之言。鑽穴隙相窺。踰牆相從。則父母國人皆賤之矣。

〔紅衫兒〕還虧你無端來稱賀。羞殺我堂堂丈夫。若論咱心性。怎生饒恕他。悔當時不一劍斬了那妮子。待從容綁去沈河。把機關挫過。〔貼〕誰教你不斬了他。如今要斬也斬不得了。〔外〕如今爲王命蹉跎。你番來笑我。你番來笑我。

〔前腔〕〔貼〕沒來由晚景添嗔怒。老相公事已如此了。到此如何。禮聘爲君后也。不負他。豈不聞父爲子隱。爲甚的打破砂鍋。絮叨叨有許多。早難道爲女招夫。便光門耀戶。便光門耀戶。倘明日來迎時。你我也須親送。〔外〕我去送他。我去送他。不及黃泉。無相見也。我今生斷不見他的面了。〔貼〕既是老相公不肯去。待老身送他罷。〔外〕你要去時。我與你兩件東西戴去。〔貼〕是那兩件。〔外〕一件是那做證見的寶簪兒。一件要借個鬼臉兒。

與你遮羞。〔貼〕既如此說。我也不送他了。只到他房裏去看他看便來。

欲正家風未遂懷。

只因王命聘裙釵。

萬事不由人計較。

一生都是命安排。

第二十八齣 墓祭王蠋

〔丑引軍擡祭禮上〕前日臧兒送進去。今日臧兒請出來。若是主人知此事。也應含笑在泉臺。我主人王太傅。既能盡心於新君。又能盡節於舊主。今日新王卽位。自來祭奠他。也不枉了。此間正是他墓所。待我打掃過。你們卻陳設祭禮。待大王來。〔生小生同衆上〕

〔雙調新水令〕〔生〕路車丹轂駕青驄。路車丹轂駕青驄。舍鋤把犁絲韁來鞚。草根陳義士。山色老愚公。舊恨重重。禁不住泣遊鱗悲鳴鳳。

〔駐馬聽〕南嶺喬松。南嶺喬松。青青的孤標霜雪中。北邙丘壠。累累的多少繁華夢。猛可地悼亡淚染杜鵑紅。險些兒偷香手做鴛鴦塚。老人家心性兒兇。虧殺元戎。提起我在烟霞洞。〔小生〕大王待太傅如此。真不以存亡易心。〔生〕叔父當時未

曾出仕。也不知俺朝中的事來。那時多少官員們。以後盡節的只有太傅一人。

〔川撥棹〕少甚麼顯祖揚宗。少甚麼廣廈高宮。少甚麼駿馬遊龍。少甚麼貂蟬貴寵。少甚麼食祿千鍾。那一個憂國的官人能奉公。誰似他抗疏捐生的忠勇。

〔丑迎介〕此間是愚公山。這就是太傅的墳墓了。〔生拜介〕取香來。

〔鴈兒落〕法章呵。賴生全在草莽中。賴生全在草莽中。太傅恁負忠貞把綱常控。法章呵。死灰然徑路通。太傅恁生氣在丘山重。

〔得勝令〕呀。眼見得馬鬣一丘封。眼見得佳城半畝宮。笑殺那強招賢的將伊送。誰知他被讒言不旋踵。自那日爲傭。抱漢陰三千甕。臥起在蒙茸。誰承望夢高唐十二峯。夢高唐十二峯。〔初獻爵〕

〔掛玉鈎〕算着這貧賤糟糠事體同。既然我不肯做這薄情種。怎肯負生死交情社稷功。今日個奠椒漿心先痛。免不得淚珠兒山泉般湧。抵多少狐兔遊蹤。祇落得山鬼相從。祇落得山鬼相從。〔亞獻爵〕

〔七弟兄〕他談笑處氣成虹。爲相知屈身參侍從。多少陶鎔。多少磨礱。到如今雲冷山空。祇見這白楊俱已拱。〔終獻爵〕

〔收江南〕悲泉臺戶扃。知旅糶網蟲。歌蒿里恨無窮。倚着這參天古樹堪梁棟。想當時大廈將傾。乏棟隆。轉教人感昔添悲痛。

〔梅花酒〕呀。幸如今罷戰烽。幸如今罷戰烽。喜天山挂弓。劍倚崆峒。歲樂時雍。這都是鐵甲將軍百戰功。方知重豪傑出吾宗。〔小生〕臣安敢比太傅。〔生〕呀。縱存

亡事不同。縱存亡事不同。他在青蒲上效孤忠。恁在黃塵中施英勇。他絕脰在樹枝中。恁揮戈在燕市東。他拚一死振頽風。恁驅千牛用火攻。他似嘗藥古神農。恁似用藥起疲癯。他似山傾西覆銅。恁似洛陽東應鐘。算都是一般功。何須把子推舅犯較雌雄。到如今長地久屬年豐。士女歡娛萬國同。朝見謁廟後。就煩叔父到莒州去走遭。似吹簫向空。早難道一齊分付與東風。明日另有令旨。爲太傅

立祠。撥祭田二十頃。着臧兒世世掌管。

〔尾聲〕我想着當年避難遭磨弄。好一似蛟龍失水魚蝦鬩。彫零了鳳食梧桐。消磨了劍氣芙蓉。搖搖的身心似轉蓬。伴多少夜鶴秋鴻。這帶礪盟應須重。少不得勒鼎銘鐘。好教那簪筆的文人獻一個河清頌。〔下丑弔場〕

〔奈子花〕喜松門也有光榮。諒精誠必貫幽宮。我那太傅呵。矢心王室。夾日如龍。到如今也承恩寵。特建專祠祭也。賜祭田數頃可比侯封。

叢祠特建祀貞臣。

方表當年狗節身。

惟有感恩并積恨。

萬年千載不成塵。

第二十九齣 君后自責

〔謁金門〕

〔旦小旦上旦〕

驚喜罷。臨鏡遠山重畫。堂上嚴君年紀大。一朝難割

捨。〔小旦〕聞道鵲橋已駕。屈指佳期近也。剩雨殘雲真共假。不須重打話。〔旦〕

朝英你坐了。〔小旦〕小姐在上。怎麼敢坐。〔旦〕你不知今日在我家還是侍兒。明日到田家就

是宗婦。少不得要坐的。就是今日坐起罷。〔小旦〕告坐了。〔旦〕前日你受累了。〔小旦〕小姐。

我想我那老相公。女孩兒做了王后。兀自煩惱。也是見差。

〔金索掛梧桐〕〔旦〕爹行有甚差。家法難寬假。我徑路無媒。須被傍人罵。只因爲痛惜他。困泥沙。一旦輕身如落花。得成比目。何辭死。也只是女子生而願有家。〔合〕將迎迓。喜孜孜。同上七香車。從今後打疊嗟呀。管諧老無牽掛。

〔前腔〕〔小旦〕娘行有甚差。擇婿須揠靶。如今夫貴妻榮。落得成佳話。誰知道挈帶咱。享榮華。似拔宅飛昇。凌紫霞。〔旦〕如今不教你受怕擔驚了。〔小旦〕當初擔驚受怕茅簷下。今日珮玉鳴鸞上將家。〔合前貼上〕

〔前腔〕爹行埋怨咱。不道女大還須嫁。我那兒。我待送你到臨淄。爭奈爹叱咤。憑他道玉有瑕。我自堪誇。補缺回天如女媧。千金作聘無雙價。萬乘于歸第一家。

〔合前〕

喜鵲噪簷前。

蛛絲懸四壁。

眼望捷旌旗。

耳聽好消息。

第三十齣 迎后合婚

〔傾杯玉芙蓉〕〔田單持節引衆上〕紫陌青門翠蓋翻。銀漢雙星現。想夏娶塗山。殷聘娥姬。周媾姜原。國泰民安。朱輪滾日塵拂面。寶馬嘶風曉度關。開宮扇。看瑤池閨苑。笑吟吟早晚挾飛仙。到了。請娘娘登鳳輦。就請田夫人陪乘。〔請介旦貼小旦同上〕

〔普天樂犯〕改新妝輕衫換。聽鳴鸞和清管。〔旦〕孩兒也要拜別父親。〔貼〕他不要

你見面。且去再處。〔旦拜貼介〕赴魚軒。赴魚軒。暫別慈顏。計歸寧須詠葛覃。〔貼〕宮

人魚貫。樊姬入楚須達善。〔小旦拜介貼〕看飛瓊已伴驂鸞。我自進去罷。省得父親又

要煩惱。嘆臨岐執手盤桓。〔先下旦小旦同衆上路介〕

〔朱奴兒犯〕到中宮及辰奠雁。滿架恩瑞烟葱蒨。豈豈穆穆人爭羨。治陰德身任蘋蘩。窈窕繼關關。山呼鰲打笙歌擁。珮環勝景應無限。舊緣重續做新歡。奏

上去。娘娘到了。請大王臨軒。〔生上〕

〔節節高〕瑤空下彩鸞喜臨軒。瑞麟香軟騰龍篆。氍毹展拜綺筵。酬天眷。祀先假廟明禋薦。百年孝享祈同獻。〔合〕寶炬輝煌爛金蓮。人金別有蓬萊殿。〔小生小旦拜生介〕

〔前腔〕王侯得並肩。願徵蘭辰良日吉陪歡。謙賓賢館乘露盤。王居渙同休敢懈輸忠款。酬功豈必盟金券。〔合前〕

〔尾聲〕忠臣良將并賢媛。開國承家在簡編。只落千載名傳。

瓊花玉樹擅詞場。

冶葉倡條漫北方。

莫笑曲終還奏雅。

知音洗耳自平章。

種



玉



目錄

- | | |
|------|----|
| 第一齣 | 開宗 |
| 第二齣 | 贈玉 |
| 第三齣 | 園逅 |
| 第四齣 | 夢俊 |
| 第五齣 | 縑探 |
| 第六齣 | 箋允 |
| 第七齣 | 奇術 |
| 第八齣 | 赴約 |
| 第九齣 | 露遣 |
| 第十齣 | 愴別 |
| 第十一齣 | 寵拜 |

第十二齣 虜驕

第十三齣 拂券

第十四齣 隙中

第十五齣 促晤

第十六齣 往邊

第十七齣 妃怨

第十八齣 被獲

第十九齣 薦甥

第二十齣 夷訂

第二十一齣 闖命

第二十二齣 乘訪

第二十三齣 遇親

第二十四齣

登雋

第二十五齣

捷報

第二十六齣

嘉會

第二十七齣

封功

第二十八齣

互醋

第二十九齣

尙主

第三十齣

榮壽

種玉記 目錄

四一開明書店



種玉記

明汪廷訥箸

第一齣 開宗

〔漢宮春〕〔末上〕霍氏休文。平陽小吏。玉贈三星。邂逅侯門侍女。兩地傳情。被兄拆散。向歸途入贅娉婷。椒房寵。衛青尊貴。當朝推轂賢甥。去病提兵破虜。遠尋親攜玉載返神京。更羨霍光得第。尙主恩榮。弟兄將相。會三星筵祝稀齡。羨當年藍田曾種。夫妻父子完成。

第二齣 贈玉

〔滿江紅〕〔生吏巾服上〕志欲屠龍。嗟不遇。英雄袖手。身徒執侯門賤役。怎消僂。生事從牛馬走。功名未嘖時人口。腰間留得劍光寒。冲星斗。〔踏莎行〕漂泊關心。窮愁銷髻。青雲事業憑誰問。低眉俯首。渾風塵。不堪流水年光迅。中雀無緣。歌魚有分。孤身逆旅難安頓。壯懷慷慨未能舒。唾壺擊碎空悲憤。小生霍仲孺。表字休文。平陽人也。幼習詩書。長諳刀筆。

奈椿萱早逝。擔石無儲。編選爲縣中掾吏。隨差我給事平陽侯曹壽家。因此旅寓長安。今經二載。我霍休文文不能起明經之科。武不能建汗馬之績。祇卑卑執役主家。如何是好。今早曹侯發下來的文卷。不免與他寫一回則個。〔寫介〕

〔太師引〕漫浮沈。歲月成迤逗。歎謀生渾如拙鳩。空埋沒天人三策。枉思量談笑封侯。鹽車未脫空掣肘。怎能樹蕭曹舊日勳猷。還念鸞皇偶何年好逑。須索向君平問個機殼。文卷寫完。不覺神思困倦。且就靠着桌兒。少睡片時。多少是好。〔作靠介末〕

扮壽星小生扮福星丑扮祿星上小生鶴駕雲輦下赤霄。〔丑〕纔從王母壽蟠桃。〔末〕人間

種得藍田玉。〔合〕壽比南山福祿饒。〔末〕小聖南極壽星是也。〔小生〕小聖東華福星是也。

〔丑〕小聖西華祿星是也。〔末〕平陽霍仲孺。今日雖爲小吏。眼底便遇良緣。後因子貴。受封將相。

兼享大年。奈他不能前知。特地來曉諭他。我們一同分付。〔進介末〕霍仲孺。你聽我道。〔西江月〕

將相從來無種。婚姻會合有時。〔小生〕天台花下是佳期。更向藍橋重遇。〔丑〕威遠羞稱頗牧。

調元不讓周伊。〔合〕他年福祿壽兼齊。始信玉成天意。〔小生解玉繚環丑放玉拂塵末留紫玉

杖介〕留玉貽人世。乘雲入帝鄉。〔下生醒見介〕呀。我只道一場夢。誰料那福星的玉繼環。祿星的玉拂塵。壽星的紫玉杖。一一都在桌上。這等看起來。夢中詞句。後來必有應驗也。

〔前腔〕半生伏櫪誰甘受。按雄心牢騷未休。感二星空中夢現。指前程美玉同投。料不是無端夢幻同悠謬。仗神明嘉與綢繆。俾將來功名坐收。今日裏又何妨跡寄浮漚。〔外便服上〕

〔玩仙燈〕奔走事王侯。壯志羞爲牛後。卑人衛青。爲平陽府廝養。今日奉曹侯之命。來見霍休文。不免徑入。〔見介〕休文。曹爺問你那文卷曾寫完未。〔生〕寫完多時了。〔外見玉介〕這

是那裏來的。〔生〕適才小生睡在桌上。夢見福祿壽三星下降。賜小生這三件玉器。醒來端然留在。〔外〕有這等奇事。休文。他可曾對你說些甚麼來。〔生〕他說得太好了。只恐怕未必有這等際遇。

〔解二醒〕念世德栽培非厚。敢癡心分外希求。感神靈預把前程剖。將靈貺顯相投。他說姻緣重向花前結。將相兼從膝下收。怕難消受。怎能勾華封三祝。繼美

千秋。〔外〕休文。夢寐人人有的。只是這三般玉器。一一現前。料非偶然的事。

〔前腔〕看祥雲尙籠戶牖。更琳琅几上題留。這玉杖呵。似伴伊三島烟霞友。勝
藜火夜明劉。這玉拂塵呵。清言揮動擎高手。這玉縑環呵。似黃雀啣酬貴不休。從今
後。管愁城打破。永荷天庥。〔生〕多蒙過獎。小生那裏指望這等福分。〔外〕這個自然。何必

太謙。文卷待卑人帶了去罷。〔生〕少刻小生親自送來。

〔生〕正歎塵埋小吏。〔外〕三星此際欣逢。

〔合〕但把藍田玉種。榮枯付與天工。

第二齣 園近

〔滿宮花〕〔旦上〕六宮春花如錦。簇擁主家芳徑。雕籠鸚鵡啄金桃。喚起海棠
睡醒。准擬今春樂事多。風光依舊歎蹉跎。縱然歌舞能殊衆。回首終身竟若何。奴家衛氏。小字少兒。

嬌妍獨擅。雖難當落雁沈魚。嫵雅偏憐。亦稍異凡花野草。與我哥哥衛青。妹妹子夫。兄妹三人。生長
平陽侯府。男臧女獲。執役雖卑。蕙質冰心。勵志頗大。因此公主娘娘比待衆人另眼相看。昨日妹妹

子夫被當今聖上載入宮去了。拋閃得奴家晨昏無伴。形影自憐。對此豔陽天氣。好不悽楚人也。

〔香遍滿〕綠雲堆鬢。流蘇斗帳。生暗塵。睡起殘妝。痕褪粉。徘徊無所親。支離笑此身。花開卽苦春。誰道花自解。心頭悶。〔老旦丑淨扮女侍上〕

〔金錢花〕我每生長侯門。侯門。可惜年紀青春。青春。命中應是犯孤辰。雲和雨。枉勞魂。花共柳。正宜人。花共柳。正宜人。〔老旦〕我們都是平陽府中侍女。且喜公主娘娘

今日陪萬歲爺駕幸上林。我們拉了衛家姊姊。同到後花園裏閒戲一回。〔見介老旦〕妹妹。你爲

甚麼悶坐在此。我們同到園裏看花去。〔旦〕奴家身子不耐煩。列位姐姐自去罷。〔淨〕一定要

你同去。〔丑〕他若不去。我們推着他走就是。〔老旦淨丑笑扶旦行介〕

〔懶畫眉〕出門俱是看花人。祇恐一片花飛減卻春。朝來和氣已氤氳。尋芳拾

翠春相問。〔淨〕你看那邊有個人來了。〔衆〕莫不是舊日漁郎來問津。〔生上〕

〔前腔〕樓臺常恐礙行雲。碧瓦朱甍照眼新。小生拿文案送與曹侯。遇便到園中看一

看花。〔見介淨〕原來是霍官人。〔生背覷旦介〕似天風吹下許飛瓊。〔旦背介淨〕妹妹。

這就是我常時說的霍仲孺。都是一家人。相見何妨。〔生與老旦丑旦見介淨〕這是衛家妹妹。〔丑〕霍官人。你自請那邊去看花。我們在這裏坐一坐。〔生笑將行又立介旦偷看介淨〕霍官人。你倒不去看花。立在這柳樹下做甚麼。〔生〕你那裏知道。這柳呵。我憐他旖旎多風韻。願做黃鸝借綠陰。〔旦作摸頭介〕呀。我一枝小金鳳釵兒遺落了。〔衆〕不知落在那裏。我們分頭替妹妹尋一尋。〔淨老旦丑四散尋介旦〕

〔前腔〕茶糜架下往來頻。不是抓住枝頭定是墮草茵。〔旦曲身近生介生亦曲身介

生〕與君相見卽相親。早難道無緣對面成孤另。怕洞口桃花也笑人。〔內擊雲

板介生〕呀。前廳擊雲板。想是老爺回來了。卑人要去伺候。就此奉別。〔淨〕我們也進去罷。〔旦〕

姐姐。你們先自進去。奴家還要在這裏尋尋釵兒。〔生〕有緣千里能相會。〔淨老旦丑〕無緣對

面不相逢。〔生老旦淨丑同下旦〕我那會失落釵兒。假意是這等說。好在此等霍仲孺再會一面。

哎。霍仲孺。霍仲孺。

〔朝天子〕我逐隊隨行幾度春。今日與你邂逅垂楊下。眼自青。前生應是有緣人。

繫心旌。何時得出風塵。把姻諧晉秦。把姻諧晉秦。等了這一回不來。想他自去了。不免進去罷。欲遞花間信。虛言失鳳釵。〔下生上〕影飄垂葉外。香度落花前。呀。小生只道衛少兒還在園中。特地又來。不想他已進去了。哎。衛少兒。衛少兒。

〔前腔〕你兩點春山爲阿顰。想是辜負濃華過。惜此身。我愛你盈盈紅玉曉妝新。不勝春。這風流天付精神。幾時得高堂夢雲。得高堂夢雲。

故國依然在角東。

十年塵事只如風。

身無彩鳳雙飛翼。

心有靈犀一點通。

第四齣 夢俊

〔祝英臺近〕〔小旦上〕夢魂醒。春睡覺。窗外有啼鳥。起傍妝臺。鸞鏡且偷照。生憎春色撩人。朱顏憔悴。更無奈東風寒峭。〔如夢令〕乍雨乍晴天氣。如醉如癡人意。小閣繡簾垂。懶逐鞦韆遊戲。迴避。迴避。任他海棠開未。奴家俞氏。不幸椿庭早背。獨與萱室相依。我母親因無承祧之男。欲將奴家招一快婿。雖然乘龍有待。只是鳳卜無緣。昨夜夢一俊俏郎君。手持玉拂。

說是與我三生有幸。百歲相隨。那郎君面龐。如今猶宛然在目。只是這個說話。我怎好出口。且自佩服在心。看日後的應驗如何。不免向窗前做些針指則個。〔作刺繡介老旦上〕

〔霜蕉葉〕誰速窈窕。日日縈懷抱。夢裏分明預報。想藍橋佳期不遙。〔相見介老

旦〕我的兒。你在此做針指。正該如此。你聽我道。

〔祝英臺〕習鞏絲觀列女。養就蕙蘭標。我身喪藁砧。年邁桑榆。朝暮拮据勤勞。你雖妖嬈。論來婦道蘋蘩。須向閨中探討。待日後做人家媳婦。振賢聲方顯慈親家教。

〔前腔〕〔小旦〕難報。我惜青春憐暮景。只索把眉壽慢祈禱。你慷慨柏舟。寂寞斑衣。無限歲月劬勞。眼見你蕭疏二髮斑斑。只爲把我微軀相保。做孩兒翻愧慈烏能孝。

〔前腔〕〔老旦〕聽告。我門楣獨有嬌娃。這婚姻事切切繫心苗。望斷伐柯。愁絕冰言。只恐誤伊桃夭。〔小旦〕只要母親高年康勝。孩兒勉力承歡。若論孩兒身世。自有定分。何勞

母親掛念。〔老旦〕你父親既死。我止靠着。你終養。這姻緣的事。叫我怎不關心。卻喜昨夜夢一個年少郎君。手執玉拂。說是我的女婿。他的面龐。我還記得在此。〔小旦〕孩兒昨夜也做這個夢。〔老旦〕有這等異事。年少。夢中恍惚相逢。想是星期將到。若果應夢中所遇。不但你遂終身之托。得才郎我也白頭相靠。

〔前腔〕〔小旦〕難料。慚非玉秀閨房。敢望配人豪。算將來箭中雀屏。慢引紅絲。都是夙世應招。和調。願百年琴瑟聲中。侍奉你瑤池仙貌。〔老旦〕諒我兒今生福緣非小。

紅鸞天喜已相臨。

不費冰人線引針。

着意種花花不活。

無心栽柳柳成陰。

第五齣 繚探

〔丑上〕小子年方二八。生來聰慧超羣。許多文墨上臉。一團秀氣包身。炎暑呼爲臘月。清早認做黃昏。吃飯專思打盹。上街忘入家門。執役平陽府裏。書童是我尊名。老爺愛我伶俐。時常加意溫存。只

怕公主喫醋。近來不敢相親。免派烹茶洗硯。單差掃地看門。〔內介〕掃地看門。是最下等的事。老爺怎麼這樣愛你。〔丑〕老爺說。書童書童。今日小試行道。不久擡舉你做個人下之人。閒話休題。這花園中一向是我打掃。連日風雨。滿地落花。恐老爺看見。不當穩便。且尋茗帚去掃一掃。〔虛下生上〕

〔遶紅樓〕彈鋏馮謹黯自悲。知甚日吐氣揚眉。逆旅孤身。困人時節。情景費支持。小生霍仲孺。前日偶往園中閒步。遇着衛青的妹子少兒。追隨女伴尋芳。來往花間拾翠。僅可青春二八。壓倒粉黛三千。可惜他廁身賤婢。溷跡女奴。薄命紅顏。彼方無匹。孤身逆旅。我亦鮮儔。因此四目相挑。不覺兩情暗授。如今教小生眠思夢想。廢寢忘餐。如何是了。

〔尾犯序〕偶步入花谿。天幸有緣。邂逅仙姬。他假覓瑤釵。轉茶蘼架西。留意全不顧尋花問柳。單爲我含情凝睇。到如今空悵望。侯門如海。怎得兩相依。我如今有個計策在此。若頓然寫個字兒與他。未知他識字不識字。況他萬一假意賣清。拿出小生字兒與公主看時。不當穩便。不免把這玉縑環。解散了這個結頭。只說拿進去央他結一結。看他怎麼樣說。

再作道理。只是沒人拿去與他。如何是好。哦。有人了。那書童這小厮。又愚蠢。又老實。待他出來。央他拿去便了。呀。那書童已來也。〔丑上〕花落家童未掃。鳥啼山客猶眠。花園裏的地掃完了。不免到堂前掃地去。〔遇介生〕書童。我有一個玉縑。結頭散了。要央府裏女侍們結一結。你說那一個會得。〔丑〕這畢竟是衛少兒會得。〔生〕這等你拿進去。央他與我結做同心方勝。〔作遞縑與丑介丑〕我就拿去。〔下生〕書童雖去。不知事體若何。

〔前腔〕相逢如有期。我欲將心事偷傳。恐怕人知。餓眼饞涎。頓魂消思迷。私諦要圖那江臯解佩。且先效藍橋投杵。那三星說天台花下是佳期。如今恰好在花園裏遇着他。思量起。夢中神語。不是謾無稽。

堂前白石倚高梧。

鳳宿今宵願不孤。

踏破鐵鞋無覓處。

得來全不費工夫。

第六齣 箋允

〔步步嬌〕〔旦上〕一搦腰肢東風軟。怕入梨花院。春深怯杜鵑。瘦不勝衣。多愁

多怨。脈脈對誰言。知心惟有鶯和燕。奴家衛氏少兒。生在侯門。身居賤婢。顏如穠李。齒欲破瓜。既悲我生之不振。又歎流光之易擲。前日在花園中遇着霍仲孺。丰格不凡。襟懷灑落。我一見傾心。只是無緣相會。如何是好。

〔江頭金桂〕我想他風標堪羨。信翩翩美少年。那更神凝秋水。貌比芳蓮。堪遂我三生願。我避不得登牆窺宋。眉眼相傳。奴家常慕管仲之婢。聞甯戚歌浩浩而知其欲室。我見霍郎亦有欲室之意。不如與他私結良緣。庶得終身有托。因此上假尋釵鈿。悄向伊前。匆匆私語兩意牽。祇朝思暮想。祇朝思暮想。欲待傳情魚雁。苦無方便。淚潸然。懶向花陰步。空懷月老緣。我昨日特地把臥室移近着鳳樹堂。僅隔一牆。牆邊太湖石。倚着

一枝大梧桐樹。若從石上手扳着桐樹丫枝。過牆甚便。今日天子聖誕。老爺與公主陪讌。出朝一定遲的。正好乘這時節。與霍郎一會。只是怎生寄得個信兒與他。〔思介〕已有了。書童這小厮。性最愚蠢。沒有機心。我寫簡帖兒。假傳老爺的命。着他與霍郎寫的便了。筆硯在此。待我寫起來。〔寫介〕

五供養。花箋試展。仗託霜毫。成就良緣。那鳳樹堂呵。碧梧桐正和那峻石巧相

連洞房非遠。趁明月東牆甚便。銀河填鵲駕。權擬會雙仙。休得踟躕。更莫遲延。帖兒到寫完了。怎得書童這小廝來。哎。帖兒帖兒。我想來。

〔玉交枝〕合歡宮殿。記當年鸞銜信傳。奴今借你諧姻眷。我不敢小覷了你。比虎符功效非淺。何勞雁書雲漢邊。休誇魚信湘江遠。勝蜂媒花間亂喧。管鴛鴦儔沙頭並眠。只有一件。我是個女孩兒。突然拿個帖兒與男子。不免喫那男子看輕了。怎麼樣好。〔丑

上〕為結同心勝。來尋窈窕娘。〔見介丑〕姐姐。那霍官人玉繸的結散了。要央你結個同心方勝。

〔遞繸與旦介旦背介〕霍郎拿這玉繸來。他的意思。我豈不知。乘此機會。拿這帖兒與他。料也不為突然了。〔轉介〕書童。這玉繸的結。你對霍官人說。待我慢慢的結了還他。這書是老爺進朝時節。叫我分付你拿與霍官人寫的。不可錯與了別人。

〔玉胞肚〕你與霍郎當面。這雲箋方纔可傳。念主公珍重題封。你休得怠慢招愆。儻伊不遇。且持還。須信一紙心書抵萬錢。〔丑〕姐姐。你把書童忒看癡了。往常老爺

叫我買蒜。我只錯買了葱。老爺叫我殺雞。我只錯殺了狗。那些便不中用。若這件定不用叮嚀。〔旦

背介

〔尾聲〕今宵期遂鸞凰願。〔轉向丑介〕你寄柬傳書要萬全。〔丑〕我給使殷勤不待言。

〔旦〕爲憶桑中約。

來申梁下期。

〔丑〕敬將主人命。

不敢有差池。

第七齣 奇術

〔菊花新〕〔外便服上〕丈夫吐氣作長虹。不爲寒微動戚容。貴賤與窮通。任造化小兒搬弄。天付昂藏七尺軀。尋章摘句懶攻儒。醉來擊劍歌聲壯。忘卻身爲貴主奴。卑人衛青。兄妹三人俱執役平陽侯府。只有妹妹子夫。被當今天子載入宮庭。日後倘得親幸。我衛青也好少藉餘光。這也不在話下。早上奉曹侯的命。送書請客。天色將雨。不免趨行幾步。〔行介〕

〔駐馬泣〕淪落家僮。名列青衣小隊中。似淮陰伏胯。季布爲奴。彭越行傭。枯魚涸轍暫潛蹤。大鵬何日天風送。呀。大雨滂沱。不曾帶得傘來。且向這人家門樓下躲避片時。

〔作避雨立介〕借一枝暫息鷓鴣。望層霄卽現霓虹。〔淨扮跛足破帽破衣跑上〕

〔前腔〕衣破蓬鬆。進退艱難泣路窮。怎禁得淋淋驟雨。坎坎泥途。獵獵狂風。且向

這門樓下躲一躲。〔作躲見外拱介〕偶然邂逅得相逢。踉蹌休得嫌驚動。〔作看外驚

介〕這是待天閑伏櫪驊。困風雲蟄戶蛟龍。〔向外介〕貴人。貴人。兄長尊姓。住居在

何處。〔外〕卑人衛青。執役平陽府中。長兄怎麼稱我是貴人。〔淨〕不瞞長兄說。小子素好相人。

相人多矣。無如尊相這樣奇得緊。你聽我道。

〔駐馬聽〕你是渭水非熊。烈比鷹揚。定有茅土封。〔外〕卑人不過是人下之人。豈敢望

那封侯的事業。〔淨〕你這相三英難敵。萬里長城。八面威風。虎頭燕領。少人同丹。

書鐵券當朝重。到後來位上三三公。壯猷方叔千秋頌。

〔前腔〕〔外〕未識枯榮。韓信今朝遇蒯通。不瞞兄長說。小子雖居人下。才堪分閫。志

在忘家。力足摧鋒。倘蒙推轂授元戎。定教破虜無遺種。只恐數奇。未能如願。聞兄長

的言語。喜慰私衷。似醉中喚醒迷人夢。〔淨〕小子決非妄言。不久卽驗。〔外〕兄長尊姓。

〔淨〕卑人公孫敖。義渠人氏。因犯罪被鉗。徒流在此。〔外〕且喜天雨已住。兄長同到舍下。還要請教。〔淨〕當得當得。〔同行介淨〕非我操冰鑑。誰知骨相奇。〔外〕蛟龍得雲雨。從此上天池。已

到府中。轉進耳房。這便是卑人臥室。〔向內介〕妹子。有客在此。看茶出來。〔旦上〕

〔菊花新〕丰標獨占綺羅叢。雲想衣裳花想容。徙倚小房櫳。誰識我春山愁重。

〔見淨背介〕呀。這般一個人。怎麼哥哥叫我捧茶與他喫。〔外〕妹子放了茶杯。且與公孫先生相

見。〔見介淨〕令妹尊相。不弱似兄長。他出身雖是微賤。恰有

〔駐雲飛〕四德三從。定受夫人一品封。看這紅光滿面。眼見得花發天台洞。不久便
簫弄秦樓鳳。嚙麟子送瑤空。是明堂梁棟。你夫婦優游。食祿沾天寵。你兄妹二位
呵。似玉樹瓊枝晚並榮。

〔前腔〕〔旦〕淚灑西風。嘆誤落朱門侍婢中。倘得樊籠縱。勝把藍田種。嚙。敢望
五花封。帔霞冠鳳。〔外〕公孫兄。與你萍水相逢。願交誼聯昆仲。〔淨〕卑人是刑餘之

人。怎敢與大貴人結義。〔外〕說那裏話。兄長也不是等閒的人。今日少敘一敘。〔外旦〕雞黍淹

留愧不恭。

〔旦〕人道前程似漆。

〔外〕逢君休咎先知。

〔淨〕但得富貴到手。

休忘貧賤之時。

第八齣 赴約

〔寶鼎兒〕〔生上〕洛川適遇江妃。巫峽冀沾暮雨。高山種小麥。終久不成穗。男兒在他

鄉。焉得不憔悴。小生霍仲孺。見了衛少兒。精神恍惚。夢寐迷離。今早叫書童拿玉縑進去。不見回音。

只得在此等候。〔丑上〕暫爲青鳥使。忙把錦箋傳。霍官人。你的玉縑。我與衛家姐姐了。他說慢慢

的結了還你。就叫我拿這書出來與你。說老爺入朝時節。分付叫我拿與你寫的。〔生笑介〕我知

道了。你自去罷。〔丑〕已傳台府命。回報玉樓人。〔下生〕看他不知寫什麼在上面。〔拆介〕是

一首詩。可憐今夜月。鳳樹占清光。莫爽花前約。令人空斷腸。這詩分明是叫我月下鳳樹堂相會。鳳

樹堂雖與外面相近。卻如何到得他的臥內去。我想他一定有個門路在那裏。〔舉手向天介〕天

天。霍仲孺有甚機緣。得蒙衛少兒垂愛。此時日才下午。怎能等得到黃昏時候。

〔賞宮花〕仙娃遇奇。寄鸞緘珍重持。他相思傳錦字。我合卷仗魚書。〔望介〕好了。好了。看漸漸虞淵紅日墜。衣冠重整赴星期。〔下旦上〕

〔西地錦〕一幅鸞箋曾寄。初更兔魄爲期。教人心下還縈繫。只愁漁父津迷。奴家衛少兒。今日因公主侯爺都去朝賀天子聖誕。府中頗覺寂靜。午間已央書童將個簡兒。去通知霍郎。晚來一會。料他必不爽約。且把梯兒靠向粉牆。自往鳳樹堂前等候着他。你看月兒漸漸上了。

〔啄木兒〕三星照。片月窺。徙倚梧陰驚又喜。似老狐聽徹層冰。怕小犬見人迎吠。牛郎織女圖歡會。蜂喧蝶嚷須迴避。我因此上膽戰心慌不自持。〔生潛上〕

〔前腔〕身捱戶。手攬衣。行向蒼苔輕曳履。早已來到鳳樹堂前了。試翹首天上嫦娥。問廣寒宮闕曾離。〔旦忙招生介〕霍郎。你來了。〔生〕華堂雖喜來容易。洞房還恐藏

深邃。〔旦〕你手扳着梧桐樹。脚踏着太湖石。扒過這粉牆。我在裏面扶你就是。〔旦下梯生〕我將這白石蒼梧做掇月梯。〔生扒牆旦上扶生下介旦〕奴家臥室。特地移近堂邊。早晚可以攀越。霍

郎。你只要蹤跡謹慎些。〔生〕這等明日待小生稟過曹侯。也移進鳳樹堂前耳房內住下。就是只

有一件。小生計役滿之期。止得半年了。怎麼樣好。〔旦〕這且再作區處。〔生〕小生自念

〔降黃龍〕徑路無媒。何幸嬌娃。願效于飛。你本是裙釵幼女。欲選英豪。身藉光輝。堪悲。〔旦〕你悲些甚麼。〔生〕我是個掾吏。愧非才子。怎生與佳人爲配。怕區區終身淹塞。反貽伊悔。

〔前腔〕〔旦〕含淚。我生不逢時。鳳寡鸞孤。只恁粉憔脂悴。聞君才貌。欲見無由。何意邂逅花谿。私窺。知你宜家宜室。似喬木絲蘿堪倚。誓從今雙飛雙宿。永無拋棄。〔生〕月已將午。我們睡了罷。〔旦〕這等我與你進房去。

〔尾聲〕耳邊軟款君須記。〔生〕我夜夜踰牆赴此期。〔旦〕你蹤跡千定要密些。休惹傍人講是非。

〔生〕花底相逢兩訂盟。

〔旦〕今宵歡會暢平生。

〔生〕東邊日出西邊雨。

〔旦〕莫道無晴卻有晴。

第九齣 露遣

〔粉蝶兒〕〔外上〕膽氣豪粗。拚與區區爲伍。事不關心。關心者亂。卑人衛青。近見妹子少兒與那霍仲孺蹤跡。我心中遲疑不決。不免去與公孫大郎商議。一商議。遠遠來的。想是他了。〔淨上〕遭際各有時。結交在未遇。〔見介〕仲卿。卑人正來相會。如今你到那裏去。〔外〕卑人正有事相商。就在這裏立談罷。長兄認得府中小吏霍仲孺麼。〔淨〕也會相會。看來那人容貌。將來不減仲卿。只是不曾覲面對他說個明白。〔外〕正是。卑人一日到他寓所。見他桌上有三件玉器。他說是福祿壽三星夢中賜他的。卑人主意。要把妹子少兒許他。〔淨〕這兩個正好做一對。〔外〕只有一件。這事在公主。卑人如何做得主張。近來一個搬進鳳樹堂外耳房裏安寓。一個的臥房搬近鳳樹堂。卑人已有幾分疑心了。不想昨日見我妹子身上。繫着一個玉繚環。明明是那三星賜霍仲孺的。你曉得我是個好漢子。怎肯坐視妹子與人做這等鼠竊狗偷之事。我意欲結果了他。你道何如。〔淨〕你聽我計較。

〔泣顏回〕切莫按昆吾。論同胞休戚相須。事關帷簿。欲噴人口血先汗。況仲孺是崢嶸丈夫。你令妹呵。五花鸞誥二公婦。他們的福分既定。你怎生害得他。便視他爲

釜內游魚也。應憐屋上棲鳥。

〔前腔〕〔外〕慚予。當事慮全疏。只爲男兒俠氣隱。忍非夫非。君諫阻險。些兒骨肉遭屠。〔淨〕卑人聞得仲孺吏役。不久就滿。滿時你假以他事。稟過曹侯。發回原籍。既斷他往來之路。又全你兄妹之情。豈不一舉兩得。〔外〕妙計妙計。把他驅歸閭里。分明扯碎他姻緣簿。祇圖個玉潔冰清。那顧他鳳隻鸞孤。

〔淨〕事要從長計較。

情須委曲周全。

〔外〕今日相逢一語。

〔淨〕他年成就三賢。

第十齣 愴別

〔金蕉葉〕〔旦上〕動情。動情。要還鄉。知他怎生。擺不去心上愁城。當不過眼前光景。〔臨江仙〕萬古傷心繫一時。縈腸不住相思。天南地北恨何如。河梁今夜雨。溝水各東西。奴家衛氏少兒。自與霍郎相會。半載有餘。只指望圖個脫身計策。似那出籠之鳥。任意雙飛。不料他不念前盟。一旦忽然。吏役纔滿。便要歸家。我且等他到來。問他一個分曉。〔生上〕

〔前腔〕淚零。淚零。恨今宵分離大輕。〔見抱哭介〕誰承望半載恩情。都做了一場
夢境。〔旦怒介〕霍郎。你今日雖然役滿。便不回去。也由得你的。你急急思歸。怎生這般薄倖。〔生〕今
日之別。小生何忍甘心。〔旦〕你不甘心。誰着你回去的。〔生〕呀。娘子。你還不知道。是你狠心的
哥哥。曉得我兩人蹤跡。假以他事。稟過曹侯。發歸原籍。明日清晨。便要出城。叫小生怎得自由。〔旦〕
這般說。兀的不痛殺我也。〔各掩淚介旦〕

〔小桃紅〕吾兄只恁太無情。生剖破菱花鏡也。拆散鴛鴦。阻絕鵬程。我怎割捨
得眼睜睜。正鸞鳳般兩和鳴。對神靈設山盟。願白首常相並也。誰想絃斷瑤箏。
奴家今夕。不如死休。也免得日後守空房。淚泣孤燈。〔旦觸柱生急抱哭介生〕

〔下山虎〕娘行三省。未可輕生。眼底轉孤另。我敢忘舊盟。有日劍合珠還。鴛鴦衾
再整。〔旦〕常言道烈女不更二夫。奴家既以身事霍郎。寧沒齒以待。決不肯改節從人。〔生〕娘子。
我曉得你比白石蒼松還更貞。聚散皆由命。你勉加餐惜妙齡。〔旦〕霍郎。你去後。

有便人來往。千萬寄個信兒與奴家。〔生〕你哥哥在外。便寄信來。從何到得你的跟前。我欲把音

書寄。只怕雁飛破。腸斷天涯離恨縈。

〔章臺柳〕〔旦〕想着你來月明。去曉星。多少歡娛與戰兢。怎捨你襟懷蘭蕙馨。怎

捨你玉屑紛紛咳唾生。怎捨你心懷慨氣崢嶸。怎捨你溫柔性。俊龐兒丹青難倩。

〔醉娘子〕〔生〕我聞伊此言不勝咽哽。怎忍見溼梨花淚雨傾。更難當嬌啼百轉

鶯。〔旦哭介生〕娘子。你不要啼哭了。我干斛悶懷將欲罄。隔牆防有耳潛宵聽。〔旦出

玉繚介〕霍郎。這玉繚你仍舊拿了去。〔生〕娘子。這玉繚原是福祿壽三星賜我的。說我將來有

將相之貴。如今就留贈娘子。以爲後日應驗。〔旦〕奴家看此玉繚。就如對霍郎的面。異日顯達。幸

勿相忘。

〔憶多嬌〕你夢甚真。繚可憑。功名萬里先此徵。恨我薄命無能共顯榮。〔合〕貽

玉關情。貽玉關情。拚取白璧完歸趙庭。〔生〕天色漸明。恐有人知覺。小生只得就此拜別。

〔拜介〕

〔前腔〕月已沈。雞亂鳴。牽衣欲別怎暫停。忍唱陽關第四聲。〔合前生下旦哭介〕

〔尾聲〕人歸丟下相思病。只爲花前散步行。何日纔將宿債清。

爲人莫作婦人身。

惜別言辭不忍聞。

流淚眼觀流淚眼。

斷腸人送斷腸人。

第十一齣 寵拜

〔燕歸梁前〕〔淨上〕誰道雲霄路未通。依奴虜。幸遭逢。吹噓倘許共攀龍。當結

草報無窮。自家公孫敖。自甘泉得遇衛仲卿。我相他定有大貴。誰知他妹子子夫。受寵宮闈。朝廷

拜他爲建章侍中。眼見得我的相應驗了。我常臨鏡自相。好似英布當刑而王。既已不幸被鉗。這功

名多分出在衛仲卿身上。今日見他須做個假小心。正是欲附青雲顯。寧慚昏夜哀。行到門首。恰好

值他退朝回來。〔外冠帶衆擁上〕

〔燕歸梁後〕九重新沐椒房寵。叨近侍。主恩隆。從今朝野識英雄。雷雨沛。化神

龍。〔淨跪介〕公孫敖迎接大人。〔衆趕介外扶淨介〕兄長何必行這個禮。請進裏面坐。〔進介淨〕

大人新膺顯爵。不才與有光榮。特來奉賀。〔外〕侍中出奉乘輿。入備顧問。衛青方且自慚。何賀之

有。〔淨〕大人尊相。萬里封侯。這不過小試行道耳。〔外〕今日之遇。已出望外。怎敢還有得隴望蜀的念頭。

〔玉芙蓉〕鸞坡鶴禁中。將舜日堯天捧。戴蟬冠佩玉。帷幄從容。〔淨〕你今朝且享千鍾俸。他日還期萬戶封。〔合〕君恩重。願邊陲建功。虜名王長驅直搗幕南空。

〔前腔〕〔淨〕你天高傍袞龍。日表依飛鳳。論才推弼輔。禮合尊崇。只是卑人還要賴大人吹噓。便是刑餘未合爲時用。噓植還須借順風。〔合前外〕兄長的功名。都在下官身上。不必叮嚀。〔淨謝介〕

〔外〕受詔居清禁。

彈冠步玉墀。

〔淨〕得君輕借力。

便是運通時。

第十一齣 虜驕

〔破陣子〕〔丑扮夷虜衆上〕直搗九重宮闕。踏平萬里長城。馬度玉關塵障日。風

遞胡笳人避兵。行看大業成。

自家渾邪王是也。謀輕百戰。力雄萬夫。人同虎狼之形。只惟好

殺。天生夷狄之性。不可相親。今日單于欲奪中華。命俺統領大兵。殺入南朝。把都兒們。就此起兵前去。〔衆喊介丑〕

〔普天樂〕統貔貅。申軍令。整干戈。尊王命。列旌旗。列旌旗。五色霞明。向中原虎鬪龍爭。〔合〕呀。仗神威取勝。長驅不暫停。聽馬前哈喇。千里血染猩猩。〔衆喊行

介〕

〔前腔〕金鼓催。如雷震。士民逃。如雲奔。任狼烟。任狼烟。連照西京。怎當咱破竹軍聲。〔合前〕

第十二齣 拂券

〔生查子〕〔老旦丑扮女侍上〕庭院日初長。似豆青梅小。鳥喚玉樓眠。花落家僮

掃。老娘頭白漸龍鍾。愛女姻緣尚未逢。只恐劉郎來採藥。桃花莫把洞門封。老身俞氏。爲女孩兒婚

姻。朝夕掛念。春間喜得夢兆。不覺又是夏初。歲月如流。悶懷難遣。丫頭。小姐在房中拈針指麼。〔丑〕

他這幾日說身子不自在。終日在房裏睡哩。〔老旦〕這等。你請他出來。到門首散步一回。〔丑請介小旦上〕

〔二江風〕睡魔撩。坐起身還倒。自覺精神耗。待把錦機挑。顛倒金針。心轉添煩躁。〔見介老旦〕我兒。似此天氣困人。且和你到門前去閒步一回。〔旦應同行介〕閒行散鬱陶。〔丑捲簾介〕待我把這簾兒捲起了。〔合〕槐陰戶外交。看行人來往知多少。〔生執拂淨隨上〕

〔前腔〕別多嬌。步步縈懷抱。莫不是倩女離魂繞。這一帶路甚是幽雅得緊。你看路迢遙。綠暗紅稀。荒徑塵喧少。〔淨〕相公。天氣炎熱。我走得口渴了。那裏尋一口茶兒喫便好。

〔生〕我也口渴得緊。沒有處借茶。思將渴吻消。思將渴吻消。金莖若個調。你看那一家。到有幾個婦人在門首。不好去借茶。怕謁漿不似裴航巧。〔淨〕不妨事。待我過去。媽媽。我們行路辛苦。茶兒求借一甌。〔老旦小旦見生驚介老旦顧小旦介〕孩兒。這人手執玉拂。儼然是我夢中見的面龐兒。〔小旦〕便是這等說。〔老旦〕敢怕是你的姻緣。也未可知。孩兒。你進去打點

茶來。〔小旦下老旦問生介〕請問官人尊姓貴鄉。〔生〕小生霍仲孺。平陽人氏。〔老旦〕到此

貴幹。〔生〕

〔前腔〕欲登朝。遠上長安道。未遇空懷寶。〔老旦〕如今何往。〔生〕且還軺。養晦需

時。霧隱南山豹。〔老旦〕家中有令政麼。〔生〕紅鸞信尙遙。〔老旦〕既然未娶。倘或有人家

要招贅。官人不知肯俯從麼。〔生〕憑將快婿招。〔背介〕這媽媽的言語。似深有意于我。〔轉

介〕媽媽。怕難消受如花貌。〔丑持茶上〕玉壺烹雀舌。金碗注龍團。〔老旦遞茶介〕老身

不瞞官人說。先夫薄有家私。止生一女。老身意欲招一快婿。故此愆期至今。數月前夢一郎君。手執

玉拂。面龐酷似尊顏。說是老身的佳婿。今日相逢。可謂三生有幸。倘蒙不棄。願締姻盟。〔生背介〕

衛氏之盟。雖不可背。前已得三星說。藍橋重遇。今日因謁漿而起的。恰好與夢兆相符。便依從了罷。

〔轉介〕小生慚非齊髻。謬稱曼倩。敬從慈命。暫戢歸心。〔老旦〕如此是老身桑榆有靠了。今日是黃

道吉日。就請掌禮的結了花燭罷。〔雜扮掌禮人照常喝介丑扶小旦上介〕

〔接雲鶴〕謁漿仙侶遇藍橋。乘鸞帝女下丹霄。〔生小旦照常相拜介送酒介老旦〕

〔梁州序〕一時奇遇。百年歡好。夢卜機緣非小。愧我寒門荆布。于歸幸詠桃夭。
〔生〕多感你禮陳百兩。寵及迷津。將掌上珠分耀。〔背介〕何期雙跨鳳。弄瓊簫。
〔轉向老旦介〕願阿母千秋海上桃。〔合〕臻百福。成佳兆。看三星瑞彩當筵照。花
燭會。稱年少。

〔前腔〕〔小旦〕且休言鵲有鳩巢。喜相諧蘿施松蔦。羨風流夫婿。是畫眉京兆。
〔生背掩淚介〕只爲難舒驥足。且寄鷓枝。勉強圖歡笑。鰥生非薄倖。忘丰標。〔丑〕
霍官人。爲何當此喜筵。墮下淚來。〔生轉介〕我偶念及二徑松筠久寂寥。〔合前〕

〔節節高〕〔丑向老旦〕娘行識俊髦。〔向生介〕配妖嬈。連枝比目那堪較。〔笑向小旦
介〕你新妝巧。眉暈嬌。多管心兒跳。陽臺今始襄王到。〔笑向生介〕爲雲爲雨休
猜料。可憐香唾沁鮫綃。春生錦帳把花枝抱。

〔尾聲〕〔衆〕行看鳳毓丹山曉。池上他年五色毛。多福多男多壽考。
羅衣錦帶合歡襦。
綽約雙釵明月珠。

歌入青鸞迴寶扇。

明年一曲鳳將雛。

第十四齣 隙中

〔末扮黃門官上〕絳績雞人報曉籌。尙衣方進翠雲裘。九重閭闔開宮殿。萬國衣冠拜冕旒。下官漢朝中一個黃門官的便是。昨日邊報緊急。今日會集文武百官。會議退虜長策。不免在此伺候。〔小生外淨丑冠帶上〕

〔似娘兒〕烽火苦侵邊。論閩外誰個威宣。〔外〕黃雲萬點籠萍劍。看金馬風嘶。旌旗星燦。〔合〕何日靖狼烟。〔見介末〕列位大人。邊警戒嚴。拒虜無計。戰守和三策。何者爲

先。聖上特命列位廷議。〔淨〕據愚見。和親爲上策。〔外〕和親怎麼是上策。〔淨〕

〔啄木兒〕嗟邊境起燧烟。只是累歲干戈未息肩。况中原食盡兵疲。那胡人銳氣滔天。爲今之計。除非是柏池花貌能除亂。更輸金帛方填願。好向宮中選玉顏。

〔外〕老丞相之言差矣。中國尙自有人。何必講盟城下。你可知道麼。

〔前腔〕中原氣未索然。誰不欲荷戟揮戈靖九邊。猛赳赳戰將熊飛。烈轟轟謀

土蜂攢。又何須宮中弱息成姻眷。這羞慚怎見先皇面。除非是劍劈崆峒計萬全。
〔外跪介〕臣衛青奏聞陛下。匈奴猖獗。非大創一番。醜虜必不寒心。將來蹂踐不已。
〔淨小生丑跪介〕臣等奏聞陛下。匈奴猖獗。先帝也曾攻討。終不能克。況如今兵疲財盡。興師未免勞民傷財。不若和親的便。
〔外〕

〔滴溜子〕臣青的。臣青的。愚衷主戰。
〔淨〕羣臣的。羣臣的主和爲便。
〔合〕聚訟盈庭莫辨。陳情達聖聽。伏惟獨斷。免使臣僚紛紛御前。
〔末〕官裏道來。衛侍中之言。

極爲有理。但事勢危急。暫從和議。只是公主俱已尙人。必須擇良家女子充作公主。遠送和番。衆官擬定了。再來奏聞。
〔衆起介外〕和親之議。下官不敢與聞。正是曉隨天仗入。暮惹御香歸。
〔先下

淨〕衛青適纔阻撓和親。我如今不若奏聞聖上。偏要把他的妹子少兒。出去和番。
〔小生丑〕相

國之言有理。
〔淨〕

〔前腔〕歎那廝歎那廝。偏持管見。又誰料。又誰料。宸衷裁鑒。用我和親議建。要把民間女子招。不如乘機就便。選用娉婷。教他赧顏。

正是一朝權在手。

便把令來行。

第十五齣 促晤

〔番卜算〕〔旦上〕頃刻拆鸞凰。歲月孤鴛帳。天涯懸望淚汪汪。連理成虛謊。〔生查子〕相思懶下牀。曉夢迷蝴蝶。入柳又穿花。去去輕如葉。可堪岐路長。不道關山別。無賴是黃鸝。喚起空愁絕。奴家衛氏少兒。自與霍郎別後。不意平陽仙游。公公娘娘將家姬盡皆放出。因此奴家遂與哥哥同居。哥哥邀子夫的寵倖。一時貴顯。幾欲奴家適人。奴家以有子爲辭。又托公孫敖再三調停。方才許奴家去請霍郎到來。以遂終身之托。我想霍郎只有書童相認。前者已與公主討得。如今不免修書一封。着書童送去。〔寫介〕

〔獅子序〕書未寫。淚兩行。望伊人天各一方。怎禁得飄零翠黛。瘦損紅妝。若提起鳳樹堂的情狀。祇教人憐鴛被。惜鸞帷。孤玉絲。幾度淒涼。斷腸的鳥啼花落。滿日心傷。書已寫完。且待書童到來。分付他去便是。

〔賞宮花〕心中暗想。我如何不感傷。痛惜簫聲斷。更恨路途長。芳草王孫迷遠

道。懷春靜女。悵蘭房。〔丑上〕只爲邊烽急。須臾喪玉顏。〔見介丑〕呀姐姐。不好了。朝廷因單

于入寇。廷議要將你去和親。聖旨已下了。我聞得了這個信息。特地來通知姐姐。〔旦驚介〕有這

等的事。如今老爺在那裏。〔丑〕老爺還在朝中。不會回來。〔旦泣介〕

〔降黃龍〕堂堂空自說天王。那戰甲金戈。謀臣猛將。不能夠消除烽火。任胡塵
飛滿疆場。思量花老遐荒。到不如玉碎珠傷。顧不得宗社丘墟。銅駝草莽。書童。

我正要你到平陽去尋霍官人。誰想又有此風波。也罷。如今快些去教他到塞上來會我罷。我寫的
書。如今不必送了。你只對他說。

〔大聖樂〕再休思重會蘭房。那虜騎如雲不可當。便得個完璧歸趙也。怕花貌
老風霜。書童。你教他作急到塞上來。促他送遠人千里。了我關心事一場。越添悽愴。
眼見得穿花鸞鳳。做了棒打鴛鴦。

塞外高飛一片雲。

淒淒紅淚泣榴裙。

可憐無定河邊骨。

正是青閨夢裏人。

〔丑下外上〕涸水蛟龍流血淚。冲霄鷹隼失高秋。〔見介旦〕哥哥。朝廷要把奴家去和番。這事怎麼好。〔外〕便是這等說。我已着人入宮去通知妹妹子夫。教他挽回。只是聖旨已下。恐怕挽回不得了。〔旦泣介〕

〔解三醒〕頓聞言魂飛魄喪。忍紅顏狼戾殊方。哥哥。我們兄妹三人。你兩個這等樣榮耀。偏奴家這等樣漂泊。歎連城光耀我偏喪。這離別允埋荒。〔衆上〕有事不敢不報。無事不敢亂傳。稟老爺知道。和番的事。虧了子夫娘娘做主。另選宮中妃子王嬙去了。〔旦〕這等謝天。〔外〕好了好了。〔合〕須臾頓把愁眉放。似寒谷春回花再芳。〔旦背介〕只是書童去遠。追他不着了。還思想。恐那人聞言扼腕。空往邊疆。

〔外〕可恨奸臣見太偏。受盟城下恥何甘。

〔旦背〕一時舊恨填新恨。卻喜愁顏變笑顏。

第十六齣 往邊

〔四園春〕〔生上〕爲戀新人動歲留。此逢疑是夢中游。故人迢遞在陽侯。魚雁

無憑黯自愁。雖值朱明候。霜鬢已先秋。〔點絳脣〕憶昔臨歧。搵將雙袖啼紅血。傷心輕別。

無奈音塵絕。漿乞藍橋。倏把新歡結。魂飛越。斷腸時節。心事和誰說。卑人霍仲孺。自俞母瞥見。將女兒招我爲婿。可喜娘子不愧淑媛。儘堪內助。但衛氏少兒。恩情難撇。聞得平陽物故。不知他府內侍女。怎生下落。意欲遣人去探個消息。只是他哥哥衛青。正得朝廷寵愛。勢焰熏天。我怎敢輕捋虎鬚。擅通音問。正是青鳥不傳雲外信。丁香空結雨中愁。好悶人也。〔老旦上〕充閭多喜氣。孔釋送麟兒。〔見介老旦〕霍郎恭喜。我女兒生下一個兒子了。〔生〕可喜可喜。〔老旦〕

〔醉扶歸〕喜郎君慶發源深厚。玉麟兒從天授爾儔。〔生〕喜傳家有子紹箕裘。

看他頭角多奇秀。〔背介〕哎。俞氏娘子幸生下一個孩兒了。那衛少兒我別的時節。他說有孕。

如今不知曾分娩否。美人南國翠蛾愁。知他弄璋弄瓦心迤逗。〔丑〕水程歷盡又山程。

萬里關山驛路塵。一路行來。聞得霍官人招贅俞家。此間是他門首。裏面有人麼。〔生見介〕呀。你

是曹府書童。爲何到此。〔丑〕書童已蒙衛爺討出。因少兒姐朝廷把他和番。特地着我來通知官

人。叫你快到塞上相會一面。〔生驚介〕有這等的事。〔哭介〕

〔剔銀燈〕想嬌娥淚沾襟袖。又誰知這段根由。聞言頓覺心如剖。好教我不堪回首。〔合〕須向邊關奔走。怎顧得驅馳不休。〔生〕書童。你索隨我同去。少住在此。待我收拾行裝出來。〔進介〕岳母。小生邊上有一舊友。邀我今日要去走一遭。不過兩月就回。望岳母與我好好看這孩子。就此告別。

〔前腔〕霎時間雲山馳驟。料不向邊庭經年迤逗。閨中調護多生受。這不是塗山離偶。〔合前〕

渭城朝雨浥輕塵。

客舍青青柳色新。

勸君更盡一杯酒。

西出陽關無故人。

〔武陵花〕〔生丑同行介〕金屋鸞儔。屈指經年離別久。那夢魂飛繞處。偏憶舊時佳偶。誰料等閒平地起波濤。把嬌娃款塞多儁懣。記得芙蓉帳共綢繆。如今須打疊打疊那風流。他往紫塞悲秋。相思淚。苦凝眸。更水宿風餐豈自由。豈自由。顧不得寒沙漠漠點征裘。那邊月似彊。那邊風似矛。又何曾禁受。兀的不慘殺

人也麼愁。兀的不痛殺人也麼愁。凝望斷玉門關口。看行行歷盡隴山頭。怕烟雲萬里暗譙樓。

〔前腔〕 蹬雨鞭風。一段離情拍拍浮。痛憶那時分袂。兩種相思。一樣含愁。料他也似我長自恨漂流。似我長自恨漂流。怕湘裙數摺腰肢瘦。禁不得翠壓雙蛾。損玉肌秋。西風魂斷倩誰收。倘此去霎時聚首。惜別牽衣。我也無計留。真個渺渺何年恨始休。恨始休。看丹樹霜凋。萬里冷颼颼。望渝州。同伊身世屬離憂。只見塞草連天暮。那胡笳遙聽哀雁鳴秋。百感中來不自由。〔丑〕 霍官人。天色晚了。

我們到前面店裏歇了。明日行罷。〔生〕

〔尾聲〕 程途望望同奔走。正樹杪夕陽時候。且向蘧廬暫憩游。

正是行人趕行人。

一程又一程。

第十七齣 妃怨

〔雜扮官校上〕 滿眼黃沙埋白骨。堪悲絕塞損紅顏。我們塞上官兵。今日朝廷送明妃王嬙出塞和

親。我們護送出關。打疊着駿馬雕鞍。整備着胡笳羯鼓。想着那鸞輿到處。觀者肩摩。羅襪移來。擁者
穀擊。只可惜蟬鬢雲髻。漂泊胡塵。真個是綠鬢朱顏。沈埋毳帳。道猶未了。明妃早到。〔占旦胡服琵琶上〕

〔步步嬌〕御柳經年愁腸縮。驀把黃榆換。宮鴉暗玉顏。漢月眉灣。蟬鬢胡雲挽。
遙望漢宮懸。琵琶絃共君恩斷。痛絕蛾眉夢覺愁。胡笳入耳隼旗收。紅顏莫把東風怨。自恨
飄蓬薄命流。奴家王嬙。蒙聖上送我出塞和番。只得抱着琵琶。千里遠馳。早已到塞上了。你看這光
景。好悽慘人也。

〔醉扶歸〕見燕支斐亶愁雲滿。望長安迷離烟樹漫。歎羅衫一日污腥羶。苦榆
關幾度迷征雁。鳴悲牧馬甚堪憐。胡笳互動添哀怨。〔雜見介〕稟娘娘。山路逼窄。難

擺鸞輿。請娘娘上馬。〔占旦〕帶馬過來。〔丑牽馬上占旦上馬介〕

〔前腔〕跨雕鞍手把珊瑚按。涉龍沙塵蒙雲鬢殘。離龍樓條度玉門關。悵胡天
遙隔昭陽殿。好教我似蠟燭成灰淚未乾。春蠶到死絲方斷。到什麼地方了。〔衆〕啓

娘娘。這是桑乾地方了。〔占旦〕

〔皂羅袍〕路到桑乾腸斷。痛行行漸遠。返轍無緣。奴家當日呵。嬌姿幽閒尙相憐。到今日胡天漂泊誰爲念。對着這白楊衰草。風光慘然。看着那旃裘毳帳。中心黯然。這是我紅顏薄命伊誰怨。〔雜〕啓娘娘。已到酒泉郡了。〔占旦〕

〔前腔〕一路風塵歷遍。問酒泉郡守。因甚那興致翩翩。據奴家看來。穹廬累月斷人烟。黃沙磧裏無春豔。〔作不行介〕你看這馬到此處。也不肯行了。嘆騰驤逸足。猶然不前。況嬌柔弱質。那堪直前。好教我夢魂空繞宮中遠。叫左右。取琵琶過來。待我彈一回兒。〔作彈介〕

〔好姐姐〕未彈。淚珠已泫。便彈徹一腔哀怨。倩誰寄語。當今天子前。誰憐念。只落得莊生曉夢迷蝴蝶。望帝春心托杜鵑。〔衆〕稟娘娘。琵琶彈得淒楚。不覺衆人都下淚來。〔占旦〕

〔前腔〕慘然。一時顏黯。便猿聞應教腸斷。料殊方異類。少知音可與彈。情難按。

把琵琶一曲鳴哀怨。使絕塞千秋慘玉顏。〔丑雜扮胡兵上譚見介〕聞中國遣昭君款塞。

我主特差把都兒每迎接。〔占旦泣〕

〔香柳娘〕對胡兒駭然。對胡兒駭然。侏儻不便。更兼面目堪驚閃。抱琵琶自憐。

抱琵琶自憐。玉勒漸窮邊。深宮望逾遠。〔衆應介〕你們回去復命呵。說我

實含冤向前。實含冤向前。幾待籲天。叩闈無便。〔衆應介丑雜作胡樂迎占旦泣介〕

〔前腔〕聽不入耳歡。聽不入耳歡。愈增切恨。脂般粉悴真淒惋。恨今生枉然。恨

今生枉然。埋沒已經年。漂流又不免。料生還實難。料生還實難。珠入重淵。璧沈

海甸。〔作樂介〕

〔尾聲〕漫漫沙磧風光暗。到此際不禁腸斷。說甚麼南望長安在日邊。

第十八齣 被獲

〔水底魚兒〕〔生丑行上〕心急難前。龍幢塞上翻。嘶風馬緊。闖過玉門關。闖過玉

門關。卑人霍仲孺。因衛少兒出塞和番。約我一會。特地同書童趕來到邊上。書童。你問這地方上人。

見姐姐會過去未。〔內云〕過去多時了。〔生〕這等急急趕上去。

〔四邊靜〕高睜兩眼心中熱。鸞儔忍拋撇。一望碧雲天。中宵雁行絕。〔合〕黃塵蔽野。白楊如雪。淚雨溼青衫。淒涼共誰說。〔雜扮番卒遇生介〕你兩人怎麼闖過雁門

關來。一定是個奸細了。〔生〕我們不是奸細。是來尋人的。〔雜〕咱們也不管你做甚的。只是拿住在此就是。〔生〕

〔前腔〕不毛陷入難輕脫。愁腸痛堪絕。把袂怨西風。臨歧共悲咽。〔合前〕

〔生〕百年壯志滿乾坤。〔丑〕白骨蕭蕭冷朔雲。

〔合〕何時得遇拿雲手。提出天羅地網人。

第十九齣 薦甥

〔一剪梅〕〔末戴束髮冠上〕頭戴金冠服皂貂。自負人豪。志在雲霄。最愛讀陰符。能

馳汗血駒。誰言年未壯。吾志欲吞胡。小生霍去病。年方一十八歲。生來未見嚴父。止與慈親相依。母舅衛仲卿居住。我母舅好讀兵書。喜談韜略。小生自幼習聞。因此弓馬熟閒。頗有功名之志。今母舅

藉椒房之寵。身爲大中大夫。常挈小生出入禁闈。得瞻天表。小生常問及父親。母親便自支吾。時時窺見母親手執玉繡環。背人流涕。小生又不敢多問。如何是好。

〔宜春令〕慈恩重。養育勞。念椿庭何緣寂寥。追求無計。我這衷腸難向傍人道。試看他惜玉含顰。多應爲離鸞傷抱。我待要問母舅呵。須防冒犯嫌疑。失歡非小。

〔外冠帶雜隨上〕

〔一翦梅〕一時鳳詔下丹霄。官拜衡茅。光賁衡茅。〔見介外〕賢甥。我今早朝罷。聖上坐

于便殿。命我侍膳。問我說。倘有所知的人才。舉來擢用。我隨薦了公孫敖。因除他爲騎郎之職。又說你素閒韜略。最善騎射。聖上大喜。卽拜你爲侍中。你兩個的命俱已下了。明早同公孫敖去謝恩。就是。〔末〕雖蒙母舅吹噓。只恐有負所舉。

〔宜春令〕東西寺。左右曹。近臣榮慚非譽髦。侍從帷幄。萬機喉舌將何效。你休猜做似舅賢甥。只愁我濫竽廊廟。須知汗馬功勳。或堪圖報。

〔前腔〕〔外〕你精二一略。諳六韜。養由基穿楊技高。憑着虎頭燕頤。是桓桓大將英

雄貌。料伊家早歲封侯。勝當年白頭垂釣。今朝似刃發硯。漸舒光耀。叫左右去拜上公孫爺。說明早在朝房相會。〔雜應介〕

日華浮動鬱金袍。

雲捲珠簾劍旆高。

戎服上趨承北極。

儒冠列侍映東曹。

第二十齣 夷訂

〔北點絳脣〕〔丑扮夷虜雜隨上〕鐵馬金戈。問甚堅城百座。蹴着靴尖破。看宮闕

嵯峨。教他作二月咸陽火。自家渾邪王是也。一向漢朝把明妃和親。故此按兵不動。如今明妃

已死。和親之議絕了。不免叫把都兒每就此起兵南去。
〔衆應介〕

〔南倒拖船〕看隊伍。整干戈。整干戈。殺奔上國莫蹉跎。看取蹋番南社稷。管教拾取漢山河。漢山河。指日功成齊奏凱。大家拍馬聽饒歌。

第二十一齣 閻命

〔風入松慢〕〔外上〕裝嚴早入九重城。初落殘星。〔末〕侍中出納天王命。猶難

寢處安寧。〔淨〕北闕車聲交集。東方曙色微明。〔外〕帶劍趨朝星斗寒。〔末〕金璫玉

佩惠文冠。〔淨〕翩翩聯步登丹陛。〔合〕聖主恩波天樣寬。〔外〕我們方纔入朝謝恩。正遇着

邊庭羽書告急。那匈奴因明妃死了。又來犯邊。下官當日就說。這些羯虜。若不大創。便輕朝廷。聖上想着我的言語。就要我三人統兵征討。拜我爲車騎將軍。賢甥爲嫖姚校尉。公孫兄爲騎郎。同領士卒十萬。前去勦滅渾邪。我三人叨此重任。此行副得朝廷注望便好。〔淨〕小子初見尊相。便知萬里封侯。不意蒼蠅亦附驥尾。〔外〕

〔風入松〕才非吉甫誤提兵。借天王推轂威靈。〔淨〕桓桓大將操兵柄。管此去單于繫頸。馬到處燕然勒名。〔合〕建偉伐。報朝廷。

〔前腔〕〔末〕登壇誰道一軍驚。料匈奴氣奪先聲。只慮小子年未老成。事不諳練。區

區汗馬何能勝。〔淨〕嫖姚與元帥呵。論骨相封侯前定。管此去胡塵掃清。〔合〕分

茅土。錫弓旌。〔雜扮兵校上〕朝中天子宣。闕外將軍令。〔見介雜〕將校候元帥嫖姚起兵。〔外〕

這等我們就起身前去。〔末〕母舅先行。待小子別過母親。隨即就來。〔外〕結束辭家莫待遲。〔淨〕

一朝受命使興師。〔末〕只愁慈母難爲別。〔合〕馬革酬恩正此時。〔外淨雜擁下末〕母親有請。〔旦上〕

〔粉蝶兒〕幼子從征。此別不堪孤另。〔見介末〕孩兒稟母親得知。朝廷因渾邪犯邊。拜母

舅爲車騎將軍。孩兒爲嫖姚校尉。統兵征討。就此拜別。〔旦〕孩兒。你素有大志。此去倘能立功。不

獨報效朝廷。且不負我撫養你的辛苦。哎。只是。〔背掩淚介末〕母親爲甚麼欲言又止。〔旦〕我

隱忍多年。今日不得不說了。我兒。你要知你父親的蹤跡呵。〔末驚介〕呀。孩兒一向要問個明白。

母親含糊不言。如今我父親在那裏。〔旦泣介〕

〔惜奴嬌〕欲訴離情。怕猿聞腸斷。搵淚吞聲。你父親叫做霍仲孺。是平陽英俊。爲吏

給事侯庭。〔末〕原來在平陽府爲吏。〔旦〕他雖藏名。似寶劍塵埋精光映。我那時方爲

賤婢。歎前程空悲哽。偶然拾翠行。天遣花前相遇。遂把比翼聯成。〔末〕旣然如此。

爲甚麼兩分離了。〔旦〕你母舅得知這事。對曹侯說了。適乘你父親役滿。一時逼勒

〔前腔〕回程。破愛分情。恨睽違念載。消息沈沈。〔末〕這等怎麼不寫書去請父親到來。

〔旦〕數年前我因朝廷要將我和番。我曾着書童到平陽去。叫他往邊上一會。一去杳然。竟不知下落了。衡陽峯側。可惜雁字無憑。〔末〕母親既有此事。何不早說與孩兒得知。也好去覓個下落。〔旦〕難明。不是兒今當權柄。便說與那名兒成畫餅。〔末〕倘或孩兒尋見父親。將甚麼取信。〔旦〕遞玉繸與末介。你好掌上擎。這是他當年留別。甚日得再續姻盟。〔末〕怪見母親對了玉繸。即便掩泣。〔掩泪介〕

〔沈醉東風〕聽娘言不勝涕零。恨只恨母舅平白地剖開鸞鏡。那些個手足之情。如今我父親呵。便久孤鴛枕。料難忘當年情分。孩兒此去。將大軍暫停。把嚴親奉迎。那時纔免孩兒不孝爹娘的罪名。〔末〕母親。孩兒就此告別。〔拜介〕

〔川撥棹〕且寬心等。管椿萱榮晚景。〔旦〕願孩兒捷報神京。願孩兒捷報神京。且破匈奴。三犁虜庭。〔合〕樹功名。盡子情。報親恩。遂母心。

〔尾聲〕〔旦〕黃雲白草豺狼徑。冒險臨危重此生。〔末〕我忠孝須當兩盡情。〔末〕下旦

一家骨肉歎東西。

千里從征事鼓鼙。

惆悵王孫歸未得。

天涯芳草正萋萋。

第二十二齣 乘訪

〔夜行船〕〔小旦小生上小旦〕四日塗山離大禹。到今日蝶夢頻迷。〔小生〕膝下

依違。斑衣嬉戲。〔小旦〕貪看明珠旖旎。燕去燕來閒白晝。花開花落送黃昏。年年好景春

相妬。夢裏鉛華見舊痕。霍郎一去。十有六年。音信杳然。母親又早見背。孤身撫養孩兒。孩兒雖已長成。學業未知何如。終朝寂寞。如何是好。

〔二郎神〕長吁氣。憶那日文鴛遠去。屈指程途應幾許。爲甚麼青鸞信杳。併頻年鴻雁音稀。多應是梗斷萍飄岐路迷。祇教我母子空閨依倚。〔向小生介〕掌中

珠。問何日崢嶸。頭角堪奇。〔末冠帶雜隨上〕

〔臨江梅〕枉道平陽槐樹低。椿庭不遠東西。迢遙魂夢自依依。欲整斑衣。暫卸戎衣。下官霍去病。奉詔從征。因母親命我來平陽尋訪父親。一路詢問。聞知父親入贅俞家。迤邐行

來。早到平陽縣了。暫且換了衣服。獨自到俞家去。〔換巾服介末〕左右且在城外伺候。〔雜應介

末行介〕微服權將甲冑更。玉繼珍重手持行。此間想是他門首了。待我問一聲。裏面有人麼。〔小

生出見介末〕敢問霍大官人在麼。〔小生〕家父遠出塞外。已有十餘年。至今未回。兄長問他何

用。〔末〕他是小生父親。特來相訪。〔小生〕呀。差了。我父親並沒

〔紅衲襖〕弟和兄骨肉隨。沒有表裏親兒與妻。又沒有宗支遠向他州寄。怎得兒

郎今從故國歸。敢是姓名同蹤跡疑。敢是你別離深誤把門庭記。真個是馬牛風

遠漫不相干也。你好從容辨是非。〔末〕我父親當日與母親同事平陽侯府。佳人才子。相

憐相愛。兩下逕成婚配。役滿歸家。杳無音耗。母親着小生特來尋訪。〔小生〕這等差了。我父親應

試回來。我母親招贅的。〔末〕豈有此理。我父親當初那裏是

〔前腔〕應賢科入帝畿。是奉官差爲小吏。我母親是府中侍女。他明珠自歎沈淵晦。

偶然見了父親。便良驥翻生伏櫪悲。因此上效于飛私與期。〔小生〕卻又爲甚麼兩下

分散的。〔末〕是我舅舅衛青呵。拆連枝遭嫌忌。別後經年誕得區區也。我母親歲月

淒涼志不移。〔小生〕這等我與你同去見我母親。問個明白便了。〔見介小生〕母親此兄說父

親當年不是應試回來。是給事平陽侯府回來的。府中有個侍女私成婚配。生出此兄。如今特地來認父親的。〔小旦〕這等有何憑據。〔末出繼介〕有這玉繼爲信。〔小旦看介〕是了。你父親曾說三星賜三件玉器。我問及他的玉繼。他就把言語支吾過去。一定爲此了。只是你父親倏然去到塞上。竟不回來。不知下落。〔末〕這也有個緣故。我母親因朝廷要把他和番。曾着人通知父親。叫到邊上來一會。想是爲此而去的。只不知爲何不回來。〔小旦〕正是了。

〔前腔〕苦呱呱父親在襁褓離。我眼巴巴望不見鱗鴻至。寒衣欲寄無由寄。只落得弄玉時將涕泗垂。〔末〕我母親也是這等樣。困騰騰鎖翠眉。病懨懨身憔悴。〔小

旦〕既如此。一向怎麼你不來。〔末〕臨行阿母纔吐衷腸也。何幸今朝拜母儀。母親請上。待孩兒拜見。〔拜介〕母子一方。今纔會面。〔小生拜末介小旦〕天涯骨肉聚首自憐。你父親在塞上。怎生得尋訪歸來便好。〔末〕孩兒如今正奉命北伐。到塞上一定要訪着父親。方纔回來。〔小旦〕這等孩兒做官了。〔末〕便是。孩兒因

〔前腔〕椒房中親瞻些日月輝。玉堂中已做了貂蟬貴。〔小旦〕你做甚麼樣官。〔末〕朝

廷拜孩兒做嫖姚校尉。如今同母舅衛青統兵北伐。朝廷欲試安兵績。校尉今從大將麾。

〔小生〕哥哥。如今兵馬屯在那裏。〔末〕暗行雲列羽旗。似轟雷動鼓鼙。而今都向郊

外蜂屯也。微服尋來白板扉。賢弟如今幾歲了。〔小生〕小弟今年十六歲了。〔末〕這等朝

廷黃榜招賢。賢弟也該上京求取功名。若去時節。竟到衛府去訪問母親便是。〔小生〕小弟正有

此意。今日就起身罷。〔末〕

〔大趂鼓〕朝廷詔四馳。好暫違烏鳥。速上公車。母親。你生涯權且娛桑梓。泥金

佇看棘圍馳。賢弟。你竟到長安。侯門寄居。

〔前腔〕〔小旦〕我歡情不自持。喜鴛行有伴。更雛鳳高飛。淑媛令子難爲繼。行看

千城良將鎮華夷。〔末〕孩兒軍旅羈身。就此拜別。不久旋師。同車載歸。

〔尾聲〕〔小旦〕連城良璧今重會。〔末〕欣聚首又惜分離。〔小生〕但願仙侶同

歸晚節怡。

兒今別去遠從戎。

指日勳庸建鼎鐘。

一葉浮萍歸大海。

人生何處不相逢。

第二十三齣 遇親

〔紅繡鞋〕〔外淨戎服領兵上〕彩雲密布旌旄。旌旄。長林亂簇兵刀。兵刀。布鳥翼。

按龍韜。爭涉險。不辭遙。軍令速。將星高。〔雜扮探子上〕肩上橫擔令字旗。羽書馳報疾如

飛。稟元帥。胡兵十萬。分三路並進。此時已過龍城了。望元帥火速進兵。〔外〕這時節霍去病的兵

還不到來。豈不有誤兵機大事。〔末帶衆急上〕殺氣昏騰白日移。行行猶自戀親闈。〔見介外怒

介〕哇。行兵呼吸。不可稽遲。你在何處逗遛。臨期豈不有誤。快綁出轅門梟首示衆。〔衆綁末介淨

跪外介〕望元帥刀下留人。龍城雖有五百餘里。探子既已到來。彼兵料亦行至半路了。勢不可遲。

不若使嫖姚帶領軍兵。先往迎敵。元帥同小將隨後策應。將功折罪何如。〔外〕這等放轉來。〔放

末綁介外〕我將手下驍騎八百。隨你前去。我同公孫敖領大兵後來。勝則記功。敗則二罪俱罰。小

心在意。〔末〕得令。〔末領兵左行外淨領兵右行〕

〔縷縷金〕望烽火。接雲霄。兼程驅虎旅。似奔濤。〔外淨領兵下末領兵行介〕金鼓喧天震。爭先驅道。看人人英勇距堪超。胡塵豈難掃。胡塵豈難掃。〔丑領兵上〕

〔前腔〕秋林慘。怒風號。彎弓如滿月。射飛雕。待把中原奪。大家歡笑。打喇酥吞得醉醅醪。琵琶直恁掃。琵琶直恁掃。〔衆望見末驚介〕不好了。不好了。那壁廂神兵到了。

〔丑〕你怎麼知他是神兵。〔衆〕不是神兵。怎麼從天而降。〔丑〕休得亂說。以挫銳氣。既有敵兵。快殺上去。〔末〕傳令三軍。乘敵兵脚未立定。併力殺將過去。〔混殺丑敗下末快趕上去虛下丑

披髮跑上〕

〔紅繡鞋〕狼奔鼠竄魂消。魂消。升天入地難逃。難逃。兵未接甲先拋。〔內發喊介

丑驚跌介〕怎麼好。快走快走。脫得去。命根牢。〔跑下外末淨領兵趕上〕若拿住。不輕饒。

〔雜〕稟元帥。胡騎去遠了。〔外〕胡虜既遁。不必窮追。〔末跪介〕小將受責。〔外〕賢甥。你功可

折罪。況行兵之時。不是賞罰嚴明。人人效尤。不得不如此。〔末起背介〕父親流落在邊上。如今不

免以捕獲餘黨爲名。四下搜尋一番。〔轉介〕母舅同公孫將軍壓師境上。待小將各處搜擄一番。

即便班師。〔外淨東行末西行介〕

〔節節高〕奇謀遵六韜。陣雲高。旄頭今夜光應耗。彰天討。看射雕。誇年少。凱歌聲徹胡天曉。黃沙塞。生青草。〔合〕捷書星夜達皇朝。班師爭羨功非小。〔外淨下〕

末弔場叫小校。此地如有南人。都着他來見我。〔生丑上〕胡虜潛逃入。南人返旆時。〔雜〕稟

老爺。小的搜得兩個南人。帶在這裏。〔末〕你兩個不消跪我。我且問你是那裏人。〔生〕

〔刮鼓令〕平陽途路遙。爲征人離草茅。陷胡塵。瑩瑩自保。〔末〕你叫甚名字。〔生〕

念休文霍姓標。仲孺是吾曹。〔末〕吾聞有一霍仲孺。曾給事平陽侯府。可就是你。〔生〕正是

我。〔末〕他家侍女。有一衛少兒。你可曉得。〔生泣介〕他在主家幾載。困妖嬈。似明珠沈

海底夜光消。〔末〕他是個女流。你如何認得他容顏。〔生〕曾與他姻盟私訂在良宵。〔末〕

跪介呀。正是我父親了。請上待孩兒拜見。〔生〕阿呀。將軍不要錯認了。〔末〕孩兒霍去病。是

衛氏母親生的。〔出玉繚介〕現有玉繚環在此。〔生泣介末拜介〕孩兒自離母親懷抱。未識父

親之面。恕孩兒不孝之罪。〔末向丑介〕你是何人。〔丑〕小的是書童。〔生〕我到也虧他在此

伏事。只是孩兒。你怎麼曉得我流落塞上。來尋訪得着。〔末〕孩兒到平陽拜見俞氏母親。所以得

知父親消息。〔生〕你如今同那個統兵在此。〔末〕同舅舅衛青在此。〔生〕

〔前腔〕邊庭歲月遙。滯歸輶。誰知有子彰天討。干戈到胡虜逃。相逢巧。〔末〕天緣湊處應非小。須臾骨肉同歡笑。這等待孩兒取快馬一匹。先打發書童回去。報母親得知。父親回平陽。與俞氏母親一同到長安。孩兒與母舅就此班師回去了。〔合前〕

踏破鐵鞋無覓處。

得來全不費工夫。

第二十四齣 登雋

〔出隊子〕〔小生上〕皇都佳麗。皇都佳麗。遠爲看花到帝畿。昨宵二策獻丹墀。訪母潛來衛舅居。怕似海侯門難通鯉書。小生霍光。昨日已對策公車。未曾放榜。因念哥哥言語。特來訪問母親。裏面有人麼。〔雜上〕侯門深似海。不許外人敲。〔見介小生〕奉嫖姚之命。特來叩見夫人的。〔雜〕夫人有請。

〔滴滴金〕孩兒契闊無消息。忽訝臨風寄雙鯉。今朝暫自寬眉聚。〔雜見小生介〕

夫人請你進去。〔見介旦〕問髻年來帝里。馳驅何事。〔小生〕特爲應試而來。〔旦〕你相憐霍郎來問取。他臨岐囑付甚言語。〔小生〕孩兒就是霍光。霍休文是我父親。父親到平陽。贅居母親俞氏家中。一向不知母親音耗。昨因嫖姚哥哥來訪問父親。特着孩兒來探候。〔旦〕如今你父親好麼。〔小生〕父親久稽塞外。從不曾回來。〔旦〕我一向

〔三段子〕鴛闈獨棲。望征人雲山路岐。魚書遠攜。到衡陽回峯雁迷。人生信是無根蒂。今日見你。只當得是見霍郎了。岐嶷相貌渾無異。恰正是花謝還開。月缺再輝。你如今就在我這裏住罷。〔小生〕

〔歸朝歡〕嚴親的。嚴親的。邊上遠馳。久把我慈闈拋棄。孩兒的。孩兒的。看花帝畿。特地裏造相府依依。母氏。哥哥既已做官呵。彈冠相慶渾難已。怎得把椿庭消息臨岐寄。使兩地相思頃刻除。〔雜上〕有事不敢不報。無事不敢亂傳。稟夫人。外邊有報事人來尋這位官人。說已中賢良科第一人。卽刻要入對丹墀。〔旦〕可喜。孩兒你快去。〔合〕十年窗下無人問。一舉成名天下知。〔小生下旦〕院子。你快整治酒席。迎接二老爺。〔丑應介旦〕

〔上小樓〕一時天涯相聚。撫私心多喜氣。況且又明光起草在須臾。真似花添錦上。教我頃刻舒眉。〔雜〕外邊鼓樂喧天。想是二老爺歸來了。〔小生冠帶鼓吹迎上〕

〔滴溜子〕昨日裏。昨日裏對策棘闈。今日裏。今日裏策名天府。頃刻雲泥相異。

〔入見介小生〕母親請上。孩兒拜見。〔拜介合〕會看榮親在這回。難兄難弟。緯武經文。

雙雙鳳飛。〔旦〕孩兒。你受何等樣官職。〔小生〕孩兒官拜侍中。〔雜扮內監上〕出入宮闈。傳

宣詔命。娘娘有旨。宣衛氏卽刻入宮議事。〔旦〕孩兒。你且少待。待我宮中去去出來。日色纔臨仙

掌動。香烟欲傍袞龍浮。〔旦同雜下小生〕娘娘是不時宣召的麼。〔雜〕這是今日的特旨。〔小

生〕哦。有這等事。

〔鮑老催〕椒房戚里。我只道天顏咫尺尋常際。誰知君門萬里難輕覩。今日傳溫旨。差宮使朝丹陛。御爐烟裏珠簾啓。臚聲唱裏天顏喜。今日裏真奇遇。〔雜〕天

色晚了。夫人怎麼還不出朝。〔小生〕一定是賜御宴了。〔老旦小旦扮宮女持節衆扮內監提燈

引旦上〕

〔神仗兒〕金蓮歸第。金蓮歸第。回瞻丹陛。見雲開雉尾。合殿風生環珮。膺寵遇。仰天威。膺寵遇。仰天威。〔作到老旦小旦雜下旦〕孩兒且喜適纔天子傳臚時節。見你年紀獨

小。要把公主招你爲婿。故此宣我進去。問你的履歷。我備細說了。只是沒有不告而娶的事。故此要待你父親到京。卽宣你入主第了。小生孩兒如此奇遇。都是母親賜的。〔合〕

〔雙聲子〕書生際。書生際。及第眞榮貴。帝眷殊。帝眷殊。尙主難希覬。喜一時。喜一時。遭遇奇。遭遇奇。憶椿庭。遼邈不遑躬遇。〔旦〕如今我與你快寫一封書。明日就差

人報你母親。免他掛心。〔合〕

〔尾聲〕宮花報喜猶閒事。最難得一時尚主。這一紙家書萬金還不止。

〔旦〕青鸞飛入合歡宮。

〔小生〕獻賦論兵運已通。

〔合〕一葉浮萍歸大海。

人生何處不相逢。

第二十五齣 捷報

〔天下樂〕〔小旦上〕一夜西風枕簟涼。那堪兩地歷風霜。泥金未報勞相望。還

看旄頭光不光。霍光孩兒赴試。不見捷音。這也不消記念。只是去病孩兒年少從征。又說尋訪得父親見面。方纔回來。甚爲可慮。

〔二犯傍妝臺〕論邊疆。張弛呼吸介存亡。那匈奴呵。族類多蜂和蟻。心性狠虎和狼。休道是白登會此圍高帝。獯鬻猶然屈太王。我那兒呵。駢駢駟馬。愁他道長紛紛矢石。愁他戰場。盼不到功收獵狃。早還鄉。〔雜上〕

〔不是路〕路入平陽。報捷騰歡意氣揚。填街巷。奉衛夫人與二老爺的命。到俞家宅內報捷的。匆匆暫且繫絲繯。入華堂。〔見介雜〕稟夫人得知。二老爺恭喜已中賢良科第一

名。因此衛夫人差來報捷的。〔小旦〕聞言色喜如春盎。如今難弟難兄棣萼芳。〔雜〕稟上夫人。二老爺已遷在衛府暫居。專待夫人到京賀喜。〔小旦〕愁眉放。喜他母子相偎傍。

〔雜〕更有恩從天降。〔小旦〕還有甚麼恩從天降。〔雜〕聖上見二老爺年紀甚小。宣衛夫人入宮。許招二老爺做駙馬了。〔小旦〕有這等奇遇。〔生上〕

〔前腔〕騎返西涼。猶喜枌榆尙未荒。爭先往。今朝意氣自飛揚。到門牆。〔見介小

〔旦〕呀。官人你回來了。〔生〕滯疆場。幸兒一鼓匈奴喪。我因此翩翩返故鄉。〔小旦〕真良將。鷹揚尙父還須讓。賞應無上。賞應無上。〔小旦〕霍光孩兒也中了賢良科第一名。今在京衛家姐姐處居下。要接我們到長安去。〔生〕這等就此起身前去罷。〔行介〕

〔短拍〕兄弟聯芳。兄弟聯芳。經文緯武。向長途氣概軒昂。車馬賁相望。但過路處人欽仰。只見花迎驛騎。盼雲樹遙指五雲鄉。

〔尾聲〕師旋迎得親歸養。骨肉團圓畫錦堂。這段相逢迥異常。

去時兒女悲。歸來笳鼓競。

試問漢朝廷。何如霍去病。

第二十六齣 嘉會

〔掛真兒〕〔旦小生上旦〕春去秋來愁怎遣。朱顏改覽鏡空憐。〔小生〕膝下依違。

雲邊懸望。一日腸迴九轉。〔醉花間〕〔旦〕休相問。怕相問。相問還添恨。阻隔是銀河。牛女難

相近。〔小生〕昨夜早霜飛。臨明寒一陣。〔旦〕遙憶向邊城。未有還家信。孩兒。你哥哥去後。凱報

不聞。也不知曾覓得父親消息未。教我好生放心不下。如何是了。

〔香羅帶〕今生未了緣。柔腸暗牽。閨中望迷山上山。何時缺月再團圓也。還怕金風慘煽腥羶。寒衣難寄心轉懸。兀的不淚竭雙眸也。想我那孩兒。也不知塞上曾

瞻嚴父顏。〔丑上〕

〔玉井蓮〕久滯征衫。喜共南來塞雁。〔見介旦〕呀。你是書童。回來了麼。〔丑〕是小的與太

爺久在邊上。幸喜大老爺破虜之後。遇着了太爺。先叫小的回來報信。大老爺就班師回朝了。〔旦〕感謝天地。可喜可喜。〔末衆從上〕

〔香柳娘〕喜今朝凱旋。喜今朝凱旋。到來郊甸。旗標旌捷風招展。望都門眼前。望都門眼前。流水促歸轅。如龍馬行健。待攜來宅眷。待攜來宅眷。骨肉團圓。一家歡忭。〔末見旦小生介旦〕孩兒。你得勝回來。聞你已訪得父親下落。如何不同父親回來。〔末〕

父親如今到平陽請俞氏母親。想就來了。〔雜〕爲傳歸國喜。來慰倚門愁。〔進介〕稟夫人。太爺

同二夫人到了。〔生小旦上作到相見生日哭介〕

〔哭相思〕數載堪憐魚雁斷。一朝會合情非淺。〔小旦〕姐姐待奴家拜見。〔旦〕妹子

請上。奴家也有一拜。〔小旦〕關河迢遞。失候尊前。〔旦〕井臼親操。有勞侍奉。〔小旦向小生介〕

我的兒。你如今官拜侍中。又聞得有尙主之恩。〔小生〕還虧了衛氏母親。〔末向日介〕孩兒幸

母親教訓。今日成功。〔旦向生介〕相公。你把一向蹤跡。說與我聽。〔生〕

〔三學士〕惜別中途遭偃蹇。天賜這段姻緣。一朝誤限盧龍塞。今日相逢返故園。不意兩兒俱貴顯。我兩人重歡會續斷絃。

〔前腔〕〔小旦〕我廿載和伊同繾綣。不知他爲甚熬煎。自兒停虎旅遙傳玉。纔知

他花發天台舊遇仙。蒙你垂青使他膺主眷。今日個同歡聚夙世緣。

〔前腔〕〔末〕孟母三遷恩不淺。使兒功勒燕然。〔小生〕靈椿雨露應沾澤。使棠

棣春風亦並妍。〔末小生〕但得今生蒙帝眷。伊周業敢浪言。

〔前腔〕〔旦〕怨雨愁雲今告免。玉簫吹月臺前。〔生向日小旦介〕同調琴瑟心相

愛。〔向末小生介〕迭奏埴篴慶自延。〔旦向生介〕你莫把吾兄當日怨。兒今貴是他

舉薦賢。〔生〕這個卑人豈敢。〔旦〕光兒尙主。原說只待相公到來時日。待奴家寫表奏聞。我妹

子就是。〔丑〕稟小將軍。衛爺大軍已入都門。特差小官來報知將軍。請火速入朝復命。〔生〕我

兒快去。不可稽遲。〔末〕

〔尾聲〕班師此際朝金殿。〔旦〕我還要妝催鸞輦。〔衆〕骨肉團團豈偶然。

寧親爲令子。報國卽忠臣。

來日麒麟閣。丹青定畫形。

第二十七齣 封功

〔點絳脣〕〔丑扮黃門官上〕瑞靄朦朧。香飄金殿。爐烟擁。日華浮動。掩映千門迴。

淡月疎星遶建章。仙風吹下御爐香。侍臣鵠立通明殿。一朵紅雲捧玉皇。自家黃門官是也。恐有官

員奏事。只得在此伺候。〔外淨末朝服上〕

〔神仗兒〕師旋飛鞚。師旋飛鞚。歡聲騰湧。鞭敲金凳。舉頭丹霄紫鳳。行來咫尺

天威嚴重。顛望着拜重瞳。顛望着拜重瞳。〔外〕下官衛青。〔淨〕下官公孫敖。〔末〕下

官霍去病。〔外〕奉命出師。幸喜凱旋。今日特來復命。一齊朝見。〔見介丑〕出使官復命。就此披宣。〔外淨末跪介外〕臣車騎將軍衛青。〔末〕臣嫖姚校尉霍去病。〔淨〕臣公孫敖等。〔衆〕奉命提兵。往禦渾邪。仰仗天威。今日凱旋。不勝雀躍。〔合〕

〔滴溜子〕微臣的。微臣的。慚非折衝。渾邪的。渾邪的。實遭命窮。微臣將廟謨尊奉。二軍敵愾。張爭先奮勇。喜斬將擐旗。追亡絕縱。〔丑〕奏事官退班。俱在午門外候旨。

不寢聽金鑰。因風想玉珂。〔虛下淨〕下官原相二位是封侯的貴骨。如今不負所言了。〔外〕天意尙未可知。〔淨〕元帥說那裏話。

〔前腔〕元戎的。元戎的。秉鉞望隆。嫖姚的。嫖姚的。氣吞犬戎。協恭把邦家衛擁。狼烟頃刻間。潛成虛哄。料有喜天顏。懋賞論功。〔雜捧詔衆扮內監持節行上〕

〔滴溜神仗〕將和佐。將和佐。析圭受封。甥和舅。甥和舅。蟬貂沐寵。徹侯當朝威重。山河帶礪盟。皇圖日永。苗裔遠。主恩隆。苗裔遠。主恩隆。〔丑〕聖旨下。〔外末淨跪

介丑〕奉聖旨。車騎將軍衛青。大勳既奏。裂土攸宜。賜爵關內侯。嫖姚校尉霍去病。年方冲幼。勇能

禦侮。賜爵冠軍侯。食邑二千五百戶。公孫敖身任先鋒。勞成汗馬。賜爵合騎侯。其餘從征將士。論功賞賚有差。謝恩。〔衆謝恩起介〕

〔前腔〕天王的。天王的。分茅賞功。微臣的。微臣的。咸叨寵榮。自慚連城虛擁。龍旗鵠。頻華夷瞻聳。同萬國。永朝宗。同萬國。永朝宗。

朝廷洪福齊天。
將軍威名蓋世。

一朝開國承家。
萬載山河帶礪。

等二十八齣 互醋

〔宜春樂〕 〔旦上〕離鸞怨。別鳳悲。我守空閨甘心待伊。滅香消翠。廿年流徹相思淚。只愁伊雁字難通。誰料他鴛鴦重締。〔作悶坐介生上〕昔日悲離別。今朝喜唱隨。

〔見旦悶坐介〕呀。夫人。我和你正好向花前月底。及時行樂。相賞依違。〔旦〕行甚麼樂。

把人拋閃了就是。〔生〕夫人。你怎麼說這等話。〔旦〕我問你。你當初在平陽府給事時節。虧了

那個來照顧你。〔生〕蒙夫人見憐。卑人怎得忘了。〔旦〕纔別了府中。怎的就不念當日恩義。竟

自棄舊憐新。教我空老深閨。誰似你這般薄倖。〔掩淚介生〕卑人因在窮途。勉強就這婚姻。心中實是放夫人不下的。休要錯埋怨了卑人。〔旦〕

〔金落索〕懷君去不歸。險化山頭石。我志效羅敷。一醮難更易。誰知你東牀喜見招。戀新姬。閃得我秋月春花抱慘悽。如君蕩性原漂梗。恨我癡心獨守株。〔生〕

夫人。卑人如忘了你的恩義。天地不容。〔旦〕哎。說甚麼恩和義。山盟海誓總虛脾。罷罷。你既有了那人。不消來見我的面。〔作推生介合〕再休言夫唱婦隨。〔生〕怎休言夫唱婦

隨。〔旦〕只索與你再分離。〔旦掩門遽下生〕呀。夫人既推我出來。將房門閉了。我只得忍耐

些兒。且到俞姬處散悶。有何不可。正是夫妻且說三分話。未可全拋一片心。〔下小旦上〕不如意

事常八九。可與言人無二三。當初母親將奴家招贅霍郎。只道他孤身未娶。誰知他有妻有子。今日反教奴家甘居人下。兀的不氣殺我也。〔作掩泪介生上〕反目非吾願。同心且自憐。〔見小旦背

介〕好古怪。他怎麼也在此煩惱。待我問聲。〔問介〕二娘子。你爲甚麼。〔小旦怒介〕我是二娘

子。誰是大娘子。〔生〕我先有衛氏。然後有你。以次序論。難道你不是第二。〔小旦〕我母親招你

爲壻。名正言順。須不是那等賤婢。苟合淫奔。我怎生居他之次。〔生〕夫人。你名雖居次。我情實不分。休得兩相爭競。有傷和氣。〔小旦〕我和你

〔前腔〕非桑間暗與期。濮上私相配。結就朱陳。是慈母殷勤意。乘龍女壻招。爲門楣。誰料停妻再娶妻。況他是侯門侍女身卑賤。苟合于飛禮法違。怎做得尊和貴。我寧甘一死。難居側室亂倫彝。〔生〕夫人。卑人怎忍將你爲妾。論他年庚長你兩歲。你便第

二何妨。〔小旦〕但喚我第二。我當與孩兒另居。誓不與你兩個見面。〔推生介〕你快出去。〔合

前小旦掩門遽下生歎介〕卑人幸得一家完聚。兩子成名。今日遭際。可謂樂矣。誰知他彼此相妬。

反使卑人受氣。如何是好。〔旦小旦東西分上竊聽介〕

〔前腔〕〔生〕閒爭是與非。長舌原階厲。卻教我身似鳧鷖。汎汎無依倚。衛姬。衛姬。

我霍仲孺微時。雖虧你看顧。也得後妻安頓此身。況且我流落邊關。若不同時。只恐你終啣黃鵠

哀。淚空垂。冷落鴛鴦幃。日易西。〔旦暗點頭介生〕俞姬。俞姬。霍仲孺雖受領你些家私。若非前

妻。不要說我不能夠有今日。就是霍光孩兒。那討得有尙主的僥倖來。宮闈寵幸還相仗。你

便做姊妹排行不甚低。〔小旦暗點頭介生顧內見旦小旦介〕罷罷。我大丈夫怎麼到受婦

人之氣。不如埋名隱姓。逃入深山裏去。也討個自在。將塵囂避。家緣一任兩兒持。〔合前作

出門介旦小旦東西跑上扯生介〕相公。你往那裏去。你的言語我們都聽見了。我們如今再不敢

分顏就是。〔生〕我不如出去的到好。〔旦小旦〕相公縱不念妾輩。怎忍拋撇這兩個孩兒。〔生〕

你們既要我在家。兩人要像姊妹一般。不可遺笑外人。況孩兒望重朝廷。你爲母的何不自愛。〔旦

小旦〕相公。你言之有理。

〔劉潑帽〕〔生〕黃金萬兩非爲貴。願從今春滿庭闈。禎祥自古生和氣。〔合〕夫

唱妻隨。行看取芝蘭瑞。

〔前腔〕〔旦〕有緣千里重相會。喜刑于家室相宜。忍教骨肉成乖戾。〔合前〕

〔前腔〕〔小旦〕同居豈可懷猜忌。守三從四德良規。琴調瑟弄相和美。〔合前生〕

這等你兩個再不要爭長競短了。〔旦小旦〕如今我兩人一心一意。永無閒言。〔生〕若得如此纔好。

既已離還合。

休將喜變悲。

百年一瞬息。

安樂是便宜。

第二十九齣 尙主

〔末扮內監上〕青鸞飛入合歡宮。紫鳳啣花出禁中。自家內監的便是。今日公主招贅霍光爲駙馬。娘娘着我出來鋪設。果然好富貴氣象。〔內問介末〕駙馬是鳳毛麟角。公主是玉葉金枝。在鈞惟

緡。果然是王侯之配。如月斯望。不數他桃李之華。賜第長安城中。金根榮載。承恩未央宮裏。綠綬新加。貂璫環衛。盡朱衣畫袴。玉帶金魚。河邊織出天孫錦。法駕遙臨。看玉輦金輿。天回地轉。空中拋下阿香車。喜孜孜八百胭脂。執盞擎杯。酒氣氤氳花氣。嬌滴滴三千粉黛。調絃弄管。鶯聲協和歌聲。道猶未了。公主出宮來了。着人快宣駙馬伺候。〔雜扮內監鼓樂旦小旦扮宮女持節擁占旦扮公主上〕

〔菊花新〕帝女妝成下翠樓。鵲橋高駕碧天秋。〔衆〕宣駙馬。〔小生上〕親迎是齊侯。聽合殿肅雍詩奏。〔末〕駙馬霍光對闕謝恩。〔小生拜介〕

〔山花子〕金枝玉葉非凡偶。璇宮毓德溫柔。念微臣帷幄愧收。又何當釐降承

床。〔合〕這姻緣人謀怎求。文鸞彩鳳天作儔。天桃穠李情並投。傲殺河邊織女牽牛。〔末〕駙馬拜見公主。〔占旦立小生拜介〕

〔前腔〕英皇原出神明胄。養成玉嫩香柔。喜今宵化道周。感王姬下嫁諸侯。〔合前末〕公主賜駙馬侍宴。〔小生送酒介〕

〔前腔〕當年簫史稱良媁。鰕生敢望秦樓。結三生今夜幸酬。期百歲此際綢繆。〔合前末〕公主轉賜駙馬酒。〔占旦轉送小生介占旦〕

〔前腔〕佩來閩教恩何厚。瑤池願侍千秋。問仙郎貂蟬貴游。況朝端望重琳球。〔合前小旦〕公主傳旨。霍光父母俱免朝見。快撒鹵簿。送公主入宮。〔雜鼓樂小旦旦持節占旦行介〕

〔舞霓裳〕月照天街簇驂騑。簇驂騑。風迴羅綺暗香浮。暗香浮。錦衣花帽紛前後。〔衆下小生欲隨下末止介小生〕獨留下官在此等候。卻是爲何。你看金根車去疾于流。望絳蠟輝煌如晝。耳畔裏恍惚笙歌揭天奏。〔小旦旦持紗燈上〕望見葳蕤舉翠華。試

看金屋掃庭花。公主宣駙馬進宮謝恩。〔小生拜介共行介〕

〔紅繡鞋〕委禽貴主嬌羞。嬌羞。乘龍夫婿風流。風流。送百兩御三周。偕伉儷樂
衾裯。歌燕爾。詠睢鳩。

〔尾聲〕五雲宮闕遙回首。秣馬行行詣五侯。從此夫唱妻隨天地久。

簇簇花燈燭地。

紛紛鼓吹喧天。

試看皇家嫁女。

眞如塵世登仙。

第二十齣 榮壽

〔海棠春〕〔外白鬚衰蟒上〕生兒將相功名顯。天配合一雙姻眷。今日壽筵張。試
把親情展。下官衛青。一向嫌我妹子與霍仲孺私通。如今兩甥一個威鎮邊疆。一個望隆公輔。休
文夫婦。皆受殊封。非假昔日之緣。安有今日之遇。事由天合。我亦何必諄諄記憶。他今值七旬。滿朝
文武。都往稱觴。我也只索走一遭。左右通報。〔作報介生白鬚持玉杖旦玉縑小旦玉拂末小生上〕

〔寶鼎現〕〔生〕喜逢初度。恩波如許。都歸庭院。〔旦小旦〕映綠酒朱顏猶故。照畫

堂長庚初現。〔末小生〕更喜得填門車馬集。爭把南山頌獻。〔外進見介合〕共酌酒看花。天時人事長長如願。〔外〕下官今日見三位手中所攜美玉。因憶休文昔年夢中言語。如今二位賢甥官居將相。休文兩處姻緣。一一都應驗了。世間有此奇事。非休文福祿壽兼全。何以感動星辰如此。將酒過來。待我稱觴。〔外送生日酒介〕

〔錦堂月〕暖玉生烟。靈芝獻瑞。二星碧空垂眷。天祿方申。還期鶴算綿延。蟠桃薦兩兩仙姑。班衣舞雙雙軒冕。〔合〕持觴勸。報道嵩嶽鍾靈。大家歡忭。〔淨扮內

監上〕華堂今日壽筵開。百福香奩會裏來。小的是公主差來的。公主聞知老太爺壽誕。奏知聖上。親來捧觴稱慶。少盡家人之禮。鳳輦將次到門了。〔衆〕我等快去接見。〔占旦上〕

〔引〕五福壽爲先。親向姑嫜慶宴。〔見介〕

〔錦堂月〕堪羨。弧矢高懸。庭幃燕喜。何當胄引蟬聯。兒位公孤。爭誇裕後光前。種雙璧世重珪璋。偕二美春嬌鶯燕。〔合前衆〕送公主回宮。〔占旦〕華祝人如蟻。稱觴酒似泉。

〔醉翁子〕開謙論七十人生最鮮。況談笑嬉游。精神康健。酬勸愛寸草春暉。衣紫拖朱滿膝前。焚寶篆。齊稽手三星。謝天憐念。

〔僥僥令〕金釵環十二。珠履集三千。縱道魚鳳烹龍尋常事也。須向妙舞清歌樂大年。

〔尾聲〕時人莫慢輕貧賤。玉汝于成意在天。衛霍風猷豈浪傳。

風流倜儻豈長貧。

二美萍蓬締好姻。

天爲生才安社稷。

人從夢卜動星辰。

術操冰鑑先知貴。

寵擅椒房共策勳。

自種藍田產雙璧。

恩榮首冠漢廷臣。

雙



烈



目錄

- | | |
|------|----|
| 第一齣 | 開宗 |
| 第二齣 | 訪道 |
| 第三齣 | 引狎 |
| 第四齣 | 推詳 |
| 第五齣 | 妄尊 |
| 第六齣 | 抒悃 |
| 第七齣 | 抵寓 |
| 第八齣 | 代役 |
| 第九齣 | 應募 |
| 第十齣 | 勉承 |
| 第十一齣 | 奇遇 |

第十二齣 就婚

第十三齣 計遣

第十四齣 惜別

第十五齣 受職

第十六齣 從征

第十七齣 滅醜

第十八齣 酬功

第十九齣 得嗣

第二十齣 決計

第二十一齣 乞恩

第二十二齣 寵錫

第二十三齣 道逢

第二十四齣 鋤逆

第二十五齣 歸省

第二十六齣 策勳

第二十七齣 虜驕

第二十八齣 家慶

第二十九齣 計定

第三十齣 寇逸

第三十一齣 女戎

第三十二齣 酋困

第三十三齣 酋伏

第三十四齣 獻計

第三十五齣 虜遁

第三十六齣

褒功

第三十七齣

忠陷

第三十八齣

辨冤

第三十九齣

決疑

第四十齣

乞休

第四十一齣

修齋

第四十二齣

行遊

第四十三齣

寫意

第四十四齣

策封

雙烈記

明張四維箸

第一齣 開宗

〔青玉案〕人生南北如岐路。世事悠悠等飛絮。造化小兒無定據。翻來覆去。倒橫直豎。眼見都如許。伊周事業何須數。不學淵明便歸去。坎止流行隨所寓。玉堂金馬。竹籬茅舍。總是無心處。〔問答照常〕

〔望海潮〕英武韓公。賢哉梁國。軍門一見稱奇。甘露定盟。歸來告母。新正得效于飛。討方臘。清溪斬苗。劉行在。功業崔嵬。駐旆金山。黃天蕩裏。困酋夷。金兵夜遁。誰知有夫人。劾奏夫失兵機。聖主玉音嘉獎。誥封兩國。應希斥秦檜。奸私見忠良。莫救。解組恬歸。十載西湖烟水。今古羨知幾。

梁夫人佳配潤州城。

宋高宗復辟臨安府。

金兀朮鑿河走建康。

韓蘄王受爵封茅土。

第一齣 訪道

〔瑞鶴仙〕〔生扮韓世忠上〕少負屠龍志。想伊周功業。丈夫餘事。蒼天苦何意。使英雄困屈。半生淹滯。袖中三尺劍。嘆空自光芒貫日。倘一時離匣。風馳電掣。掃除妖魅。燕臺一望客心驚。簫鼓喧喧漢將營。恨切兩宮居朔漠。忍教大駕走神京。敢將長劍撐寰宇。欲挽天河洗甲兵。年少雖非投筆吏。論功還擬請長纓。韓世忠。字良臣。陝西延安人也。七尺身軀。風骨偉岸。千斤膂力。驚悍標雄。射能洞貫穿楊。騎善飛身跳澗。家世本夷原。忝托列侯之苗裔。功名期竹帛。敢恢百二之山河。不幸雙親早喪。事業蹉跎。四海無家。江湖落魄。正是心丹徒切國家憂。時乖未遂男兒願。今當兵戈擾攘之際。正男兒立志之秋。昨者三陽縣張俊。英偉不羣。武藝出衆。頗非凡流。相約往江南投軍。不免在家相候。道猶未了。那壁廂張伯英早到。

〔西地錦〕〔小生扮張俊上〕燕市朝隨俠士。秦樓夜宿娼兒。生平未識家人事。丈夫

立志誰知。自家張俊。字伯英。秦州三陽縣人氏。因善騎射。本州僉爲弓箭戶。雖是家業貧窘。頗

有韜略隨身。昨與延安韓良臣相約江南投軍。不免同去走遭。此間已是呀。韓兄拜揖。昨有所約。幸

望見攜。〔生〕所約已定。更有一事要先行。終南山有一隱士。年高德劭。時望所尊。人皆稱爲陳公。你我身爲功名。到彼請教。可否何如。〔小生〕既有高人在彼。正宜請教。就此同行。欲投郊外。栖雲嶺。離卻城東舊草堂。〔生〕爲訪高明。同到此。休論險峻。陟山崗。此間已是他所。你看青山幾疊。綠水半灣。門掩長松。籬編修竹。是好奇勝也。待我叩門。有人在此麼。

〔前腔〕〔外扮隱者陳公上〕均壑深山高隱。麻衣藿食隨時。封侯拜將他人事。嗟余骨相非宜。自家太虛道人陳公是也。甘投巖壑。不求名利。此間往來甚少。忽聞叩門。不知甚人到此。待我去看。〔外開門科〕呀。賢弟何來。〔生〕小弟久失奉候。特來拜問起居。〔外〕老夫亦嘗想念賢弟。今日下顧。良慰鄙懷。〔小生相見科〕老先生拜揖。〔外〕先生拜揖。賢弟。此位高姓。〔生〕此間乃秦州三陽縣張伯英名俊。韜略諳曉。弓馬熟閒。邁衆不羣。當世名士。〔外〕久慕久慕。〔生〕告稟老先生得知。今國步多艱。羣寇四起。正大丈夫建勛業。取功名之時。晚輩欲報效朝廷。不欲齷齪自守。未知可否。望公指教。〔外〕壯哉壯哉。桑弧蓬矢。以射四方。丈夫之事。今老弟當此青年。一身本事。又值國家用人之際。此時不去。卻不負卻平生。正宜乘此機會。斬戮鯨鯢。勒名鐘鼎。雖老夫樗朽。亦與有光。

〔生〕既蒙指教。深感厚恩。倘有寸進。定當圖報。〔外〕老弟此行。定有幾時相別。我牀頭松花酒熟。聊爲二位奉餞。溪雲野鶴二童那裏。〔丑淨扮二童上〕溪雲溪雲。癡嬾真是無心。只會飽餐困睡。不慣寫字彈琴。〔淨〕野鶴野鶴。作伴青松最樂。不去海上蟠桃。只與師父煅脚。師父喚我二人那壁廂使。用。〔外〕有佳客在此。取松花酒山蔬來共酌。〔丑淨虛下〕理會得。〔復上〕饌羞野筴盈盤美。酒釀松花撲鼻香。師父酒在此了。〔外〕老弟。此一杯酒。爲二位餞別。願此去掃蕩烟塵。取金印如斗懸肘後。吾之願也。張兄是客。先敬此一杯。

〔宜春令〕山河變。社稷危。正烽烟漫漫四迷。英豪雄偉。好將功業鳴當世。還須赤膽丹心。穩倩取金魚瑤珮。〔合〕休辭滿飲二三杯。壯君行李。老弟請飲此杯。

〔前腔〕松花釀。桃核杯。餞君行休悲路岐。兩般須記。蒙塵遷播朝廷恥。此臣子不共深讎。望英雄早行恢洗。〔合前生〕晚輩辱承指教。敢借佳釀。轉敬一杯。〔外〕不勞。

〔前腔〕〔生遞酒〕驅羊豎屠狗兒。敢慚言胸藏豹羆。我雖庸鄙。偷生坐視男兒恥。圖恢復舊日山河。要酬償此生忠義。〔合〕休辭轉敬二三杯。暫酬佳意。〔小生〕小生

也借花獻佛。敬老先生一杯。

〔前腔〕時翻覆。人亂離。擾中原。漁陽鼓鞞。忍看狼狽。還須淨把妖氛洗。看此去不斬樓蘭。誓吾生不容人世。〔合前外〕二位幾時起程。〔生〕今日就行。〔外〕既是就行。老夫當遠送一程。〔生〕不敢遠勞。〔外〕定當少送。〔生〕如此多謝。

〔二學士〕〔外〕海角天涯今日裏。風霜莫惜驅馳。五雲多處三台近。一劍羸他萬戶歸。此去功名成唾手。鱗鴻便莫寄遲。

〔前腔〕〔生小生〕攜卻輕裝離故里。淒淒行色堪悲。吳山楚水行應遍。嶺樹江雲路欲迷。若得功名能到手。鱗鴻信敢報遲。此間已是十里長亭了。再不敢遠勞。就此拜別。

〔外〕今日此別。會晤不知何日。老夫撰得口號二十八字。請收入行囊。留爲後會張本。〔外遞柬讀科〕休嗟世路事多艱。良配奇勛鐵瓮間。尋得藥苗歸鼎鼐。相逢話舊在湖山。〔生〕佳作晚輩不解其意。請爲講解。〔外〕此乃隨筆塗來。無甚說話。後日自知。不敢遠送。卽此作別。

〔尾聲〕〔生小生同揖〕河橋共灑離鄉淚。此去前程事未知。〔外〕管取勛名達帝

畿。

別君今日去天涯。

望望雲山路轉賒。

正是學成文武藝。

今朝貨與帝王家。

第二齣 引狎

〔行香子〕〔老旦扮老鴿上〕花月妖嬈。鸞鳳窩巢。擅京華歌舞聲高。進門那管村俗賢豪。但見撒能捅鏝好相交。〔鷓鴣天〕豔舞嬌歌出絳紗。黃金不惜教琵琶。尊前夜月恣歡笑。陌上春風競富華。人似玉。貌如花。盟山誓海作生涯。烟花寨裏沙叱利。名屬平康第一家。老身梁氏。東京教坊人也。隨駕南渡。僑居京口。親生一女。小字紅玉。真個是蓮臉星眸。蛾眉蟬鬢。窈窕身軀。溫柔情性。最善吹彈歌舞。更精翰墨丹青。一時豪貴英賢爭賞。無論京都遠近馳名。只是我那女兒別是一般行逕。全非門戶心情。不肯迎人接客。只願裙布荆釵。咳。卻是怎了。身邊又無三個兩個。並無別樣營生。終日拈作柶杖。教我怎去支撐。有個丫頭懷五。只是鞭杖兒相應。專會撒嬌使性。那管我債重家傾。不免叫丫頭勸他一勸。萬一轉念回心。烏龜受用不了。我的時運也通亨。不是要幹

這等齷齪勾當。怎奈跳不出這火坑。丫頭那裏〔丑上〕

〔梨花兒〕羨奴羨奴生的來多容貌。小名兒喚做賽多嬌。人人見了我都道好。嗟。道我好似二郎廟裏母太保。我是院中行妓。聽說自家詳細。莫誇一貌傾城。青春纔五十有四。虧了些鉛粉胭脂塗抹。在臉上妝妖假媚。全憑粉絹油紬穿着。在人前扭身做勢。鰻魚脚兩隻尺二。水蛇腰一丈有二。黃頭髮梳不出高髻雲鬢。怪物臉那些個如花似玉。名色是個小娘。那裏曉得吹彈歌舞。百般技藝。歪筆頭撇幾枝墨蘭。強扭捏寫兩個歪字。嘴臉是有些兒懷五。論拿人手段。卻要算我是第一。有那等晦氣的妖兒。跌在我坑裏。扒攤不去。初相見密地裏與他偷情。他只知道我喜歡他標致。第二日心心念念要來。枕席上與他個一夜不睡。摟抱他說盡衷腸。他就是張良諸葛。也信我是真情實意。纔出去就着後生去看他。送他個香囊汗巾。上寫着親夫情契。他接着勝似護身真符。恨不的一步兩步跨至我這裏。卻下手拿他。百般的心生巧計。紅馥馥燒個香疤。血漓漓賭個大誓。抓打搯罵。動不動撚酸。行走坐臥。先不先喫醋。今日郊外游山。明日家中作戲。纏的他腦悶頭昏。那怕他聰明伶俐。假說某相公送了五十兩白銀。又道是汪朝奉強要歇可也沒趣。對着他

眼淚汪汪。似這等不得自在好氣。你不如包我一年半。咱兩個坐臥雙雙。卻不爽俐。包宿歇錢。只是本等。全靠派差纔有生意。買衣服試個水頭。做生日上頭也是小事。上手就娶小娘。還要他蓋房置地。不怕他着斗量金。不上一年二年了。繫無錢我就無情。另尋個有錢的利市。殺人不斬眼纔高。黏牙搭齒不濟。人道我是油鬚髻的魔王。真個是粉骷髏的太歲。做小娘兒的法兒儘有。只是子弟們見棄。但來的要帶五斤生姜。〔老旦〕帶這些生姜何用。〔丑〕看了我這嘴臉。那個不惡心翻胃。呀。媽媽拜了。叫孩兒怎的。〔老旦〕丫頭。自從你倒包到我家。鬼也接不着一個。銀子也掙不來一釐。你這嘴臉。在這裏也怪你不得。只是你姐姐不肯接人。卻是沒法。你我門戶人家。河裏沒船。岸上沒田。開了一扇門兒。那一件不要。有粉頭又不肯接人。卻不是冤家。今叫你出來。別無說話。只是要你勸你姐姐一勸。須是甜言美語。見景生情。不可氣惱了他。說得轉時。你也少打幾頓。卻不是好。〔丑〕媽媽你放心。我人兒不像樣。到是個雕花匠。只消三言兩句。說得他拱手伏降。今夜就接幾個孤老。〔老旦〕這丫頭胡說。一個人怎麼接幾個。〔丑〕媽媽。你欠聰明。一個打釘。一個歇客。藏一個在媽媽房裏偷。卻不是三個。再有我一個。你也替一個。大家都好。〔老旦〕丫頭不要胡說。王四娘家梳籠他

小七姐。我去喫筵席。你小心在意。眼望旌捷旗。耳聽好消息。〔丑〕媽媽。得他心肯日。是你運通時。
〔老旦虛下丑叫科〕姐姐有請。

〔祝英臺近〕〔旦上〕綠窗寒。清露冷。白苧知秋早。看蕭蕭葉墮梧桐老。那更雁度江樓。蛩吟庭砌。攪亂我愁人懷抱。〔菩薩蠻〕平林漠漠烟如織。寒山一帶傷心碧。暝色入高樓。有人樓上愁。欄杆空佇立。宿鳥歸飛急。歸字是何年。終朝幽恨牽。奴家梁氏。小字紅玉。父亡母在。占籍教坊。東京人也。誰憐身世漂蓬。每漬素綃有泪。自恨烟花墮落。欲憑紅葉無媒。但見重重舊恨斜陽外。隱隱新愁細雨中。適聞賽多嬌請我。不知甚事。〔丑〕姐姐。你終朝情懷鬱。愁緒縈。想是怨角枕孤單。恨秋宵寂寞。若是神女有情來楚岫。不愁襄王無夢到陽臺。拈花弄柳。須惜年芳。蹙翠垂紅。莫教自苦。〔旦〕賽多嬌。你說那裏話。聽我道來。

〔祝英臺〕墮烟花心自苦。幽恨幾時消。〔丑〕姐姐。你繡錦滿身。珍羞適口。那些兒不遂你心。還要怨恨。〔旦〕謾話綺羅。休說珍羞。端不趁儂心苗。〔丑〕姐姐。你如今心裏卻待要怎的。〔旦〕須教早從良裙布荆釵。未許迎姦輸笑。這身軀怎肯隨人顛倒。〔丑〕

你是個聰明人。怎說這不聰明的話。

〔前腔〕分曉。你看歲如流。花易老。綠鬢漸成皤。〔旦〕我正怕青春易過。早要尋個歸着。

〔丑〕姐姐。你若嫁了人。那得遂心。不若在這門戶中。隨你揀選爲妙。走狗鬪雞。驄馬貂裘。都是少年英豪。〔旦〕這樣英豪。不在我心上。〔丑〕聽告。恁雙雙月下花前。正好追買歡笑。

〔旦〕這全不是我的事。〔丑〕這般說你我家中那得豐饒。

〔前腔〕〔旦〕難道終不然爲恁衣食。把我自身拋。隨柳問花。舞袖歌喉。怎生將此羅弄昏曉。〔丑〕姐姐。你我門戶人家。做的是這等的事。你也說不得。〔旦〕休饒。把恩情分付

東風。不爲狂蜂相惱。〔丑〕相惱相惱。討債的卻又來了。〔旦〕這丫頭怎敢恁語言羅唆。

〔老旦上〕欲知心腹事。但聽口中言。〔丑〕呀。媽媽來了。〔老旦〕丫頭。你勸的姐姐。有些好處麼。〔丑〕不好不好。他今到惱起來了。〔旦〕媽媽。你看這潑賤好生無禮。

〔前腔〕〔老旦〕我兒休惱。只俺家活計憑誰。你怎說貞操。白鏹馬蹄。生鈔鴉翎。我若見了這東西呵。萍水便同情好。〔旦〕心焦。若要我覓李尋張。不如翦髮爲尼。

須了。〔老旦〕呀。悶殺我。罷罷。但憑你從良。只養我終便安飽。

洗卻濃妝罷舞衣。

從兒心願肯相違。

芳心已泣沾泥絮。

不逐東風上下飛。

第四齣 推詳

〔菊花新〕〔生小生扮行路上〕一肩行李向宵征。歷徧山程又水程。〔小生〕回首好傷情。那是松筠三徑。〔生〕菊黃蘆白雁初飛。羌笛胡笳淚滿衣。〔小生〕腸斷秋江江上水。東流一去幾時歸。〔生〕自別家鄉。行了數日之程。早來到揚州地界。天色將晚。不免趲進這城。尋個客店。少憩勞困是好。

〔一江風〕暮雲橫。掩映江城迥。寒雨歸鴉暝。竹西亭遙接隋堤。幾樹垂楊影。古人云。腰纏十萬貫。騎鶴上揚州。張兄。你我今日呵。休論萬貫贏。休論萬貫贏。休言鶴背輕。笑翛然也到揚州境。〔小生〕早進了這城。韓兄。曾聞揚州富貴繁華。你看今日景物淒涼。宮闕傾圮。多是兵燹之後。以致如此。正是人道路陽花似錦。偏我來時不遇春。

〔前腔〕嘆蕪城。歌舞離宮靜。禾黍叢香逕。問瓊花零落紅芳。無復羊車幸。我聞揚州是淮南第一州。淮南說廣陵。淮南說廣陵。繁華一日傾。這興衰自古原無定。〔生〕張兄。前面有個星士來了。你我要求功名。何不求他決問前程何如。〔小生〕這個最好。

〔天邊雁〕〔丑扮星士上〕命演禽星。精微在子平。貧窮富貴。開口見分明。壽夭莫非命。窮通各有時。迷途人不識。惟有我先知。〔生〕先生拜揖。〔丑〕二位不見了照子。〔生〕怎麼說。〔丑〕失敬。二位官人想是要問命。〔小生〕便是。敢問先生高姓。〔丑〕小子姓開。只因我精通命理。開口便靈。人呼我爲開口靈。小子便是。〔生〕如何見你靈處。〔丑〕官人聽我道來。我算那說言說語。必定是口。拿東拿西。必定是手。臂膊底下是骨肘。腿生兩脚定會走。麻面歪嘴必定醜。我算那白鬍子終些是老叟。注腰上釦兒知是鈕。蓮蓬的根兒定是藕。筵席上醜的知是酒。量米的東西我算他是個斗。房子倒塌必定有些兒朽。樓梯難上必定有些兒陡。我算那重陽節必定是九月九。咬人的汪汪必定是你這狗。〔小生〕呀。這先生使口傷人。〔丑〕休開口。咬人的狗兒不露齒。〔生〕先生不可胡猜。請求推算賤造。〔丑〕官人請說尊造。〔生〕我是戊寅年甲子月丁未日癸卯時。〔丑算科〕好好。貴造戊

寅年甲子月丁未日癸卯時。乃是個煞印格。子平云。煞不離印。印不離煞。煞印相生。功名顯達。又云。七煞逢羊刃。英雄鎮萬人。煞逢寅地合。富貴極人臣。禽星台星。是翼火蛇。正值雷門得令。化亢金龍。入天地風雲變化。王侯之命。

〔中央鬧〕子平格局爲羊刃。七煞喜相應。禽演亢金龍。得化風雲慶。〔合〕當持軍柄。旗開得勝。祿位至王公。眼下還蹭蹬。甚好甚好。只是眼下不足。行在墓庫運裏。墓庫不發。少年人到二十五歲戊午運中。子平云。北人運至南方。君子獲其厚利。如今行西方運。乃是金寒水冷之鄉。蹭蹬不利。聽我道來。

〔前腔〕休囚最忌西方冷。發跡南方丙。天喜結良姻。一路崢嶸境。〔合前〕此命大貴之命。不可輕易。命金十兩。定少不得。與了錢。還有許多話與你說。不與錢。命就不准了。〔生〕

〔前腔〕生平鯁直爲愚性。最惱人諛佞。聽你幾般言。火向心頭迸。〔小生勸科〕何須爭競。妄邪難信。不必聽他言。吾自安吾命。

〔前腔〕〔丑〕君家何故生村性。那怕你拳頭硬。不與我命錢。生死和伊併。〔小生

合前生」這廝這等侮我。不要勸待我打他。「丑」打死人不償命。好沒道理。難道命錢不與。馬扁我的。

命錢不與反生噴。

蠱惑良民假作真。

得放手時須放手。

得饒人處且饒人。

第五齣 妄尊

〔點絳脣〕〔淨扮方臘領兵上〕據嶺依川。睦州獨擅。居南面地窄邦偏。遂不得俺一

統山河願。宋室當亡我國興。鼓笳百里列軍營。鞭稍指處風雷捲。齊晉燕秦一踏平。自家清溪聖公

方臘是也。推背圖讖云。十千加一點。冬盡始稱尊。分明上應天書。道咱有天子福分。如今果然占據

睦州。甲兵百萬。大太子南安王方天定。御弟方豹等。龍行虎步。真個是玉葉金枝。手下左丞相婁敏。

中樞密使呂師囊等。文過張良。武欺項羽。卽今整頓人馬。取杭州跨江克定中原。一統山河。吾之願

也。待大太子到來。自知分曉。「丑扮方天定末扮呂師囊上」

〔前腔〕〔丑〕玉勒金鞍。天街踏遍。香塵軟。「末」敢勇當先。號令鞭雷電。「丑」父王孩

兒方天定叩首。〔淨〕大太子免禮。〔末〕臣呂師囊叩頭。〔淨〕賜卿平身。朕欲御駕親征。由杭州進取中原。軍馬完備不曾。〔丑〕奏上父王得知。孩兒已選十二統制名號令子。天神定光如來國師四大元帥。統領百萬雄兵。選定今日大吉良辰起兵。〔淨〕既然如此。即時起兵前去。

〔紅繡鞋〕轟雷信砲連天。連天。開山鐵騎飛烟。飛烟。軍整隊。將居先。刀出鞘。箭當弦。〔合〕登北固。取中原。

〔前腔〕〔丑〕鑾輿鹵簿森嚴。森嚴。嬪娥彩女盤旋。盤旋。排鳳輦。駕龍軒。支寶帳。結金蓮。〔合前〕

〔前腔〕〔末〕金鉦畫鼓填填。填填。旌旗號帶翩翩。翩翩。征氣肅。殺聲喧。塵蔽日。霧漫天。〔合前〕

〔前腔〕〔衆〕王基霸業由天。由天。妄謀生事招愆。招愆。能自足。得安然。須納諫。羨君賢。〔合前〕

雄兵百萬下揚州。

敵國聞之喪膽憂。

謾誇天塹分南北。

須信投鞭可斷流。

第六齣 抒悃

〔小生扮黃門上〕晨門初啟大明宮。天樂遙聞在碧空。禁樹無風正和暖。玉樓金殿曉光中。自家宋朝中一個小黃門是也。職居紫禁。身侍丹霄。傳宣勅口播綸音。領奏章目瞻天表。天色漸明。恐有百官奏事。只得在此伺候。怎見得早朝。曙色漸開。雞聲初報。幾點疎星明碧漢。半輪殘月墜瑤天。滿地霜華御道寒。貂裘逐對。一天霧氣閣門暗。銀燭成行。太液恩波浩蕩。銀橋水落。萬玉潺湲。西清景色霏微。青瑣柳垂。千絲嬾娜。天開北極輕陰。散禁城曙色蒼蒼。雨歇南山積翠。來紫陌晴光晶晶。紅霞映瑣闌。忽卷忽舒。燦爛漸分雙闕下。玉漏聞馳道。或斷或續。清冷遙在百花中。旌旗挑柳遶宮牆。但見接五連營。英勇猙獰。都是金甲銀盔。捉虎擒龍武士。環珮穿花過內苑。但見峨冠博帶。才豪俊偉。無非銀青金紫。擎天架海文臣。只見麗正門。和寧門。東華門。西華門。宣德門。各門金鎖齊開。日上扶桑明曉仗。文德殿。大慶殿。紫宸殿。垂拱殿。集英殿。各殿朱簾盡捲。雲開闐闔見宸旒。鳴鞘響處。只聞傳勅不聞喧。絳蠟影中。祇見班齊誰見亂。寶幢來樂聲鼎沸。道是五雲仙仗下蓬山。仙掌動日色纔

臨遙見萬歲龍牀端北極。御史事執糾彈。眞個是朱衣鐵面。鴻臚職專宣奏。果然是玉韻金聲。侍臣官趨朝上殿。衣冠身惹御爐香。朝賀官舞蹈揚塵。劍佩聲隨玉墀步。正是諸香玉帛朝元日。萬國簪纓獻頌時。願得君王千萬壽。日華常照袞衣垂。道猶未了。衆官早到。

〔鳳凰閣〕〔末扮李綱朝衣上〕繆叨天眷。簡付樞機。居禁院。〔外扮呂頤浩上〕沙堤新築直如弦。絳蠟朱衣榮可羨。〔外扮王淵上〕趨朝金殿。正斜月清霜曙天。二位老師拜揖。〔末外〕王制置先生拜揖。左右。多官齊時來報。〔衆〕領台旨。

〔賀聖朝〕〔淨扮秦檜上〕夢回月落宮垣。晨寒入擁金鞦韆。天街塵淨慢加鞭。似闌苑登仙。下官禮部尙書秦檜是也。自與金國訂盟。放我生還。未得便宜行事。奈何。多官已進。不免逕入則個。〔黃門〕班齊出笏鞠躬。〔衆〕

〔神仗兒〕鞠躬頓首。鞠躬頓首。山呼萬壽。臣仰受皇恩厚。願效馬牛奔走。〔合〕遙拜着鳳凰樓。遙拜着鳳凰樓。〔黃門〕朝賀已畢。衆官勿散。官裏有事廷議。

〔滴溜子〕〔衆捧詔書鼓樂上〕九重上。九重上。恩波沛流。五雲裏。五雲裏。簫韶齊奏。

玉音降。須清書。捧來出鳳樓。天香滿袖。勅諭多官。有懷須剖。聖旨已到。跪聽宣讀。皇帝詔曰。邇者腥膻猾夏。家國丘墟。兩宮在虜。百姓流離。天下人民。莫不痛心酸鼻。汝衆臣子。豈可安意舒眉。當念先皇櫛風沐雨。不可謂朕不肖無爲。朕今意欲興兵遣將。志在席捲長驅。勦除可汗。斬戮闕氏。恢復中原疆土。迎還二聖鑾輿。不共戴天之仇。可雪罔極終天之恨。少舒專望。汝等據忠效力。獻謀出奇。卽今面奏。各陳所知。朕當採納。欽哉勿疑。〔衆〕萬歲萬歲萬萬歲。〔黃門〕衆官各陳所知。依次奏聞。〔末〕臣李綱誠惶誠恐。稽首頓首。謹奏陛下。

〔雙鷓鴣〕虜酋肆詐百出。念一切墮其奸計。賴天命未移。當嘗膽枕戈求治。內修仁外御夷。一帝不迎自至。但恨宰輔負君恩。望陛下納臣十事。〔外〕臣呂頤浩誠惶誠恐。謹奏陛下。

〔前腔〕君父值險危。時臣怎敢偷生坐視。臣濫叨軍國機。敢不身先軍士。報國遇有此軀。誓與賊不兩立。反覆虜酋情。豈可聽其和議。〔淨〕臣秦檜誠惶誠恐。謹奏陛下。

〔前腔〕臣今謹承旨意。看南北自當分據。須解忿惜爭。天下自然無事。若苦生靈動師旅。勝負卒難期。必欲二聖生還。須是定其和議。〔外〕臣王淵誠惶誠恐。謹奏陛下。

〔前腔〕今日裏邊報馳。報賊人方臘聲息。據睦州洞溪。難抵當猖狂之勢。願陛下勞睿思。臥榻側難容假寐。倘採納臣言。當遣將驅兵前去。〔黃門〕聖旨道來。虜情難測。講和未妥。秦檜所奏。中書省議了來說。加李綱爲御營使。爲國運籌。加呂頤浩江南東路制置使。領兵駐江寧府。以覘虜勢。進兵。加王淵浙東兵馬大元帥。領兵勦方臘。仍賜空頭誥勅。便宜行事。賊平班師之日。論功陞賞。謝恩。

〔滴溜子〕〔衆拜〕微臣的。微臣的。荷蒙聖慈。微臣的。微臣的。感恩無地。臣濫叨樞密。小臣何敢當軍機重事。仰賴天威。勦滅醜夷。〔黃門〕聖上進大內去了。衆官各散。

文謨武烈獻丹宸。

武武文文佐聖人。

四海雖皆王者土。

半由天子半由臣。

第七齣 抵寓

〔夜游朝〕〔生〕小生行路上。買棹長江離北岸。蓬轉處早到江干。〔小生〕水宿風餐。名牽利絆。衣敝囊空堪歎。〔生〕書劍催人。不暫間。三吳羈旅自秦關。〔小生〕江山處處愁邊政。鄉國時時夢裏還。〔生〕張兄。今已渡江。此是京口地方了。你我尋個客店住下。打聽投軍消息。卻不是好。〔小生〕正是呀。且喜正遇個客店。不免問聲。店主人何在。〔丑〕相逢燕趙齊梁客。廣接東西南北人。客官拜揖。〔生〕店主人免禮。我要賃間房子。〔丑〕有有。此間齊整。且是僻靜。飯食喫我的。一日三餐。每人白銀三分。房錢不要。若是自喫。鍋竈便當。每人房錢一分。〔生〕這等喫你的罷。〔丑〕官人可喫飯。〔生〕方纔江頭喫了。明日喫罷。你自穩便。〔丑〕是如此。〔下生〕張兄。我在此整頓行李。煩你上街打聽投軍事情如何。〔小生〕理會得。暫別鄉兄去。還探好事來。〔虛下生自嘆科〕蒼天。蒼天。我韓世忠離家許久。到此衣服俱盡。又未知功名何如。是好悶也。

〔玉山頽〕堪憐堪歎。爲功名千難萬難。望家鄉雲暗秦關。見長江水接銀漢。天寒歲晚。這寂寞怎生消遣。朝暮羞無辦。笑馮驩。空餘長鋏月中彈。〔小生上〕

〔前腔〕不須嗟歎。論英雄非同等閒。見如今虜犯淮安。又聞得方臘謀叛。朝廷今日呵。招軍十萬。遣制使王淵收選。此際歡無限。羨馮驩。免教長鉞月中彈。韓兄。卽今方臘據睦州清溪洞作亂。勢甚猖獗。制置使王淵。奏上朝廷。卽遣王將軍征勦。不日到此。招軍買馬。你我發跡有日了。〔生〕張兄。如今衣衫俱盡。一文盤纏也無。如何是好。

迢遞天涯滯此身。

此身舉眼又無親。

路貧方是真貧也。

須信家貧不是貧。

第八齣 代役

〔普賢歌〕〔淨上〕招商沽酒是營生。鐵瓮城中舊有名。春盤美更精。新筍香又清。若是無錢難奉命。自家店主人是也。數日前有兩個人來此投歇。小二與他斷定。每日兩人六分。到今半個月日。該一兩多銀子。每日又喫一百文長錢酒。共該二兩。欠銀分文不與。且無酒德。坐客都被他打散了。此人姓韓。人都喚他爲潑韓。老大生事。那一個姓張的還好。趁他此時沒酒。不免叫小二請他出來。要這銀子。小二那裏。〔丑上〕聽得東人叫。慌忙就來到。家長叫小二。有何話說。

〔淨〕小二那姓韓的兩個人酒飯錢該二兩多銀子。一釐也無。又要惹事。生意俱被他打脫了。如何是好。〔丑〕這怎了得。見今城中蓋造倉廩。預備軍儲。每戶人家出人夫搬木上倉。我家該出人夫二名。路遠人少。老大難覓。里長排頭就來催了。〔淨〕既有此事。須索要請他二人出來。討這銀子。此時不討。更待何時。〔丑〕說得是。不怕他惡。這是有理的事。只是一件。話也要說巧些。他的拳頭重。不是耍的。二位官人有請。

〔霜天曉角〕〔生上〕路貧囊罄。眼下難支應。〔小生上〕難道人離鄉賤。還期身顯明廷。〔淨〕二位拜揖。〔生小生〕店主人少禮。〔淨〕二位。小人有句話奉告。〔生〕有話但說不妨。

〔剔銀燈〕〔淨〕官人你半月前來吾店裏。酒飯錢算來多矣。一文不與君何意。況我要官差使費。〔合〕須知。君當見遺。願相體休得再遲。〔生小生〕

〔前腔〕謝東君多蒙高誼。未償還自慚無地。奈盤纏使盡來多日。古人云。好看千里客。萬里去傳名。望君家好看千里。〔合〕須知。出身有期。這早晚千金報伊。

〔前腔〕〔淨〕你爲人何其沒理。開店人些須微利。你說千金報我。遠水救不得近渴。見

鐘不打何須鑄。算還咱免淘閒氣。〔合〕須知。休得太癡。你是何人。我是誰。有好處我難靠伊。〔丑末扮里排上〕夫役沿門派。官差不自由。店小二。省倉老爹急等上倉。你家該二名。快去。快去。〔淨〕韓官人。你說不得沒錢。我如今夫差又來了。況酒飯錢也是少不得的。快見惠。要顧覓人夫要緊。〔生〕店主人。我今真實沒銀子。城中有一朋友。我同里排去。煩他代顧兩名人。替了你的門戶。所欠向後我還何如。〔淨〕如此也罷。二位。我將此二位交付與你。人夫在此二位身上。〔丑末〕客官。你既應承。到那裏在你身上要。不是耍處。〔生〕自然。這是我的事。不勞費心。〔末〕如此公私兩便。甚好。就此同行。〔淨〕我不管你了。你莫再來尋我。正是閉門不管窗前月。分付梅花自主張。〔下小生〕韓兄。你城中有那個朋友。並不曾見你說起。〔生〕我初到此。識得誰。我恰纔在店主人面前不好說。你我不是無氣力的。又聞在這裏。銀錢又沒的還他。替他挑兩日米。也了得一件事。張兄。你若不肯。只做我着便了。〔小生〕原來如此。這也說不得了。〔丑〕二位到何處去尋人。〔生〕沒尋處挑米的。就是我二人。方纔在店家面前不好說。我沒錢與他。只是替他挑米。〔丑〕不要取笑。這如何使得。〔生〕不是取笑。這是情願。

〔前腔〕嘆吾儕時乖命否。欠人錢代人挑米。英雄空有成何濟。笑子然資身無計。〔合〕須知教人可嗤。這發跡未知在那里。

代人負米實堪羞。

空使英雄恨未休。

正是在他矮簷下。

教人安得不低頭。

第九齣 應募

〔番卜算〕〔外扮王淵上〕袖底握陰符。肘後懸金印。白旄黃鉞統三軍。兩越叨藩鎮。青海長雲暗雪山。檄書飛渡玉門關。將軍自有平蠻策。不遣溪蠻疋馬還。下官杭州制置使兵馬大元帥王淵是也。今有方臘那廝據睦州青溪洞謀叛。昨已奏聞聖上。勅遣下官征勦。如今兵微將寡。卜日招兵。已遣旗牌官將招軍旗扯起。左右。但有投軍的到來。卽忙着他進見。毋得攔阻。〔衆〕領鈞旨。

〔一翦梅〕〔生上〕轅門旗幟颭紅雲。聞說招軍。欲往投軍。〔小生上〕生平壯志未能伸。同往軍門。報効軍門。張兄。此間已是王將軍營寨。不免央把門軍士報入。多少是好。〔生

央軍士譚科外」着他進來。「生小生見外科外」你是那裏人氏。姓甚名誰。從實說來。

「一封書」「生」吾鄉是古秦。住延安砂石村。吾年齒二一旬。韓世忠情敢隱。列國藩侯傳代遠。騎射兵書曾討論。「合」拜轅門。投健軍。望乞收留。敢惜身。「外」那一

個姓甚名誰。那裏人氏。從實說來。

「前腔」「小生」容張俊叩陳。是秦州版籍民。因時世變。迤涉江淮來此郡。擒狐射雁隨身技。虎略龍韜曾預聞。「合前」

「前腔」「外」吾今領大軍。向清溪討叛臣。當此際用人。遇良材難棄隱。軍政司取

新軍冊過來。上了韓世忠名姓。「衆」領鈞旨。「外」看他魁梧雄偉。非凡類。斬將奪旗定

出羣。那韓世忠在轅門。掌騎軍。克敵成功奏聖君。「外」韓世忠。你與我掌管二千鐵騎。不

須遠離。只在鈴閣之下聽候。你若不負我委託。日後自有重用。「生」領鈞旨。「外」那張俊。此時朝廷用人之際。我單與你一角文書。赴朝廷行在。必有重用你處。卽宜速去。「小生」領鈞旨。

英雄自古識英雄。

伯樂經過冀北空。

今日得君提拔起。

免教人在污泥中。

第十齣 勉承

〔鵲橋仙〕〔旦上〕更殘燈暗。夢回衾冷。曙鼓鄰雞相應。起來小步立天街。正見曉星光耿。〔蝶戀花〕鐘送黃昏雞報曉。昏曉相催。世事何時了。萬恨千愁人易老。任教繡戶生芳草。青樓歌舞春風好。我自無緣。應惹傍人笑。粉褪香消空懊惱。此心一點憑誰道。奴家雖欲從良。恨未落籍。今當新正元旦。當去府中賀朔。只得梳洗前去。賽多嬌。取妝盒兒來。〔丑上〕寶劍賣與烈士。紅粉贈與佳人。姐姐恭喜。〔旦〕賤人何喜。〔丑〕姐姐一向懶梳妝打扮。今日喜梳洗又早。想是要尋個姐夫。卻不是恭喜。〔旦〕賤人休胡說。今日正月初一日。該去府中賀朔。這是官身。如何不早去。〔丑〕原來如此。姐姐請梳洗。

〔二犯江兒水〕〔旦梳洗科〕慵臨青鏡。這幾時慵臨青鏡。妝奩塵暗生。嘆粉消瓊玉。胭悴紅英。〔丑〕姐姐。你帶根釵兒。〔旦〕鳳頭金誰去整。蟬翼恨凋零。春山畫未成。〔丑〕姐姐。你終日愁怨。敢是爲傷春如此。〔旦〕非是傷春。〔丑〕莫不是有一個人在你心上。

〔旦〕不爲風情。〔丑〕姐姐。你卻是爲何。〔旦〕也只是厭鶯花常咽哽。飛花蕩萍。我是飛花蕩萍。家宜室慶。常自想家宜室慶。那明月中弄瓊簫雙鳳飛。〔丑〕姐姐既是官身。也該早些兒去。〔旦〕

〔前腔〕官身催併。聽得道官身催併。心寒肉顫驚。論從來婦女。不出門庭。羞殺我賤身軀如浪梗。薄命已生成。中心自不平。任酒醉銀箏。花滿蓬瀛。那裏是我終身歸落境。〔丑〕姐姐。雞鳴了。去罷。〔旦〕賽多嬌。你閉上了門。我去就來。〔丑〕閉門下旦。呀。真個雞鳴了。曉雞亂鳴。四下里曉雞亂鳴。官衙承應。不免去官衙承應。又怎禁襪兒涼霜路冷。

婦人不合街前走。

爭奈官差不自由。

第十一齣 奇遇

〔步步嬌〕〔生上〕萬里鵬程心何壯。羞殺千人長。須知執戟郎。滅楚封齊。勛業如翻掌。我豈健兒行。此身擬畫在凌烟上。劍拂秋霜氣吐龍。千夫豈可困英雄。大江一夜

風雷起。方辨人間蛇與龍。自家蒙王將軍收用。叫我掌管二千鐵騎軍。意在重用。未知向後何如今日。是元旦。不免早去伺候。迤邐行來。天色上早。且在這廊廡下少睡片時。多少是好。〔做睡科〕

〔前腔〕〔旦上〕賀朔公庭披星往。離卻平康巷。無人路更長。城暗烏啼曉霧橫。江漲街滑漬寒霜。鞋弓襪小行不上。奴家行了多時。進得城來。天尙未明呀。早到府前。且到廊廡下少坐片時。〔做驚見科〕

〔太師引〕自驚慌。何物猙獰狀。謊得我神魂蕩漾。聽軒駒似嘯風聲響。急抽身走出門房。戰篤速偷睛凝望。分明是班子山君模樣。心中想。這裏是府廊。那裏有南山白額獸中王。

〔前腔〕幸他斂爪垂頭眠石上。早是奴行來未忙。想着他殿頭地上霜威壯。又難同當道豺狼。若是他醒時相撞。便有那東海君也難無恙。天微亮。人來在外廂。待我與他衆人說。提防驚醒獸中王。

〔字字雙〕〔丑貼旦扮妓女上〕高髻雲鬟宮樣妝。停當短身窄袖素羅裳。時樣搖

搖擺擺到街坊。來幌進門。先要脫鞋忙。脚脹。迤邐行來。早到府前。呀。梁一姐。你來得能早。
〔旦〕王四姐。朱二媽。不可進去。廊下不知是那裏來的一隻大蟲。睡在那裏。〔丑貼〕阿呀。嚇殺我也。
你看遠遠的幾個軍士來了。你與他說知。着他進去。

〔前腔〕〔淨末扮軍士上〕大劍長鎗耀日光。明晃頂盔貫甲。賽金剛。雄壯。關糧接
賞氣昂昂。歡暢。出征發馬見闍王。猴樣。你我軍健是也。今日元旦。府裏磕頭去。呀。姐兒們。
元帥升廳未曾。〔旦〕尙未升廳。長官們。府廊下一隻大蟲蹲臥在彼。列位進去。須要仔細。〔衆〕那裏
有這事。想是那個沒瘠筋的。見你來的早。假裝虎嚇你哩。〔旦〕呀。不是取笑。見睡在那裏。你不信去
看。〔衆〕在那裏。〔旦指科〕兀的不是。〔衆看驚科末喊〕一個人怎麼說是虎。〔旦背云〕我恰纔得仔
細分明是虎。怎麼如今是人。呀。我知道了。王四姐。我來得早了些。着了些寒。心裏不快起來。要家去。
倘或點名。煩你代我應聲。回來相謝千萬。〔貼〕我知道了。將軍不下馬。各自奔前程。〔齊下旦蹴醒
生科生〕你是誰家女子。推醒我則甚。〔旦〕官人。奴家有句話問官人。此間往來不便。請到前面甘
露寺裏奉告。〔生〕賢姐。平日不曾相識。有何說話。〔旦〕請到那裏。自有說話。〔生〕如此請行。離卻元

戎府〔旦〕同來般若門。官人萬福。〔生〕賢姐有禮。多蒙賢姐相邀。到此不知有何見諭。〔旦〕奴家斗膽。請問官人高姓何名。先鄉何處。〔生〕小生姓韓。名世忠。陝西延安人也。〔旦〕再請問尊翁令堂在否。乞恕瑣瀆。幸明見諭。〔生〕既蒙見詢。賢姐聽稟。

〔玉交枝〕辱卿問訪。我行藏言之可傷。身孤命蹇。親雙喪。〔旦〕官人娶妻未曾。〔生〕家貧未娶妻房。〔旦〕爲何充此軍伍。〔生〕鑿輿聞說南渡江。金兵越寇多搔攘。爲功名前來水鄉。願投軍期爲上將。

〔前腔〕〔旦〕他言辭雄爽。轉雙眸睛流電光。虎頭燕額封侯相。將來豈是尋常。奴家趁此寒微之時。與他結爲夫婦。後來庶幾有托。〔轉身向生科〕寒家今住在平康。敢勞

玉趾親臨降。〔生〕多蒙見招。不知賢姐有何說話。〔旦〕並無甚說話。爲新正君留客鄉。備椒花聊消旅況。官人。奴家住京口平康巷第三家。便是。妾有金釵一枝。碎銀些須。權且表意。休嫌褻

瀆。望官人到寓所。脫換衣帽。卽來。妾先到家奉候。莫使奴家久等。乃見邂逅至情。〔生〕謹當奉命。敢問賢姐高姓。〔旦〕奴家姓梁。止母親在家。並無兄妹。望乞早臨。〔生〕梁賢姐請先行。小生隨後便至。

邂逅相逢意覺濃。

新正行幸遇英雄。

有緣千里能相會。

無緣對面不相逢。

第十二齣 就婚

〔生查子〕〔旦上〕偶爾遇英賢。意氣相留戀。倘得效于飛。遂卻生平願。奴家今早府中賀朔。分明見一虎蹲臥廊下。及至天明看時。卻是一卒。見他意氣軒昂。語言雄爽。表表一丈夫。非同小可。奴家當此時不結納他。日後崢嶸。怎得相近。卻不是錯過了。卻纔與他銀物。着他換衣帽。到我家來。我曾留意與他。料他必來。我先與母親說知。諒能相從。轉東過西。早到家下。母親有請。

〔前腔〕〔老旦上〕佳氣入新年。柏葉春杯滿。〔丑上〕香放後園梅。識得東風面。〔老旦〕我兒。你去賀朔。回來何早。〔旦〕母親。孩兒有一事奉稟。〔老旦〕孩兒道來。

〔懶畫眉〕披星行至府衙前。譙鼓初停欲曙天。忽逢猛獸枕廊眠。鼾齁聽似風雷轉。嚇得膽戰心驚不自全。〔老旦〕是甚麼東西。〔旦〕是一隻大蟲。〔老旦〕呀。府衙裏大蟲是那裏來的。不曾嚇着你。後來怎麼。

〔前腔〕〔旦〕衆人來看府廊前。不是虎。〔老旦〕卻是甚麼。〔旦〕原來是凜凜英雄一少年。〔老旦〕我兒。敢是你去的早。天暗錯看了。〔旦〕我看了又看。分明是虎。卻不知怎的向後是人娘。我想來當初漢高祖在芒碭山中。所居之地。有雲氣在上。劉知遠微時。五色蛇鑽他七竅。帝王將相俱有靈異。想是他元神今自夢中還。此人甚非凡類。異日必然拜將封侯。我呵甘爲他婦奴之願。怎肯倚戶從人獻笑妍。〔老旦〕我兒。你會問他是那裏人。娶妻未曾。〔旦〕他是陝西延安人氏。父母俱亡。妻亦未娶。見投軍在王元帥麾下。〔老旦〕阿呀。孩兒。你差了也。

〔前腔〕孩兒今日聽吾言。你的終身我暮年。窮軍何必恁留連。看你年芳貌美真堪羨。少甚麼貴客豪門結好緣。〔旦〕母親。你說那裏話。人不可貌相。海水不可斗量。你說

我不知事。我一雙眼睛頗知好歹。此人日後非王卽侯。決不是常人。我一心要嫁他。〔老旦〕這冤家。我雖許你從良。終不然嫁個窮軍。〔旦〕母親。你不許我嫁他。我剪了頭髮。去做尼姑。你也不許。〔老旦〕呀。這妮子怎生這等直傲。這是你終身事。怎不從長計議。也不管他是軍是匠。與我幾百兩銀子。許你嫁他。〔旦〕就說一文也無。定要嫁他。〔丑〕母親。我有一言。

〔前腔〕婚姻男女本由天。豈不聞月下老之事乎。千里姻緣着線牽。古來兒大母難專。母親。姐姐性氣不好。有些好歹。那時悔之晚矣。不如成就隨他願。〔老旦〕一個大窮怎麼好。〔丑〕母親。你若這等說。一千也不成。到如今。莫話無錢話有緣。〔老旦〕既然如此。賽多嬌把家裏年酒節菜。收拾齊備。待我那封侯的姐夫來。〔生上〕

〔步蟾宮〕窮途好事來新歲。藍橋偶遇神仙。釵頭金鳳是良緣。何幸佳人繾綣。臘後復陽春。否極還須泰。金屋有嬋娟。相見還相愛。自家偶遇一妓女。贈我金鳳銀子。約我到他家去。雖是好意。但大丈夫不當失身可賤之人。若假此消遣旅懷亦可。此人姓梁。想陳公良配之語。應此亦未可知。我且去看。那壁廂立着一個使女。待我問他一聲。大姐。你家姓梁麼。〔丑〕我家姓梁。官人莫非是韓官人。〔生〕正是。〔丑〕請裏面來。姐姐在家等候多時了。姐姐。韓官人來了。〔生相見科〕媽媽賢姐拜揖。〔老旦旦〕官人萬福。〔老旦〕韓官人。小女年方二八。雖在門戶。素願從良。適見官人。英雄俊偉。意欲仰託終身。未知官人意下如何。〔生〕小生江湖淪落。囊篋蕭然。深媿兼葭。實難倚玉。〔老旦〕韓官人。老身半絲兒紅線也不敢需索。只今元旦大吉良辰。已備杯酒。爲官人合卺。賽多嬌

取酒過來。

〔梁州序〕〔老旦奠天地遞酒科〕青陽纔至。鴻鈞初轉。就暖條風輕軟。辰良景媚。好將合巹杯傳。但願你伯鸞高節。德耀貞良。瓜瓞多蕃蔓。老身當暮景。得安然。始識吾兒絡秀賢。〔合〕花燭夜。笙歌院。乘龍女壻人爭羨。看喜氣藹門闌。

〔前腔〕〔生遞酒科〕孤身囊罄。千山家遠。何幸娘行垂眷。器非坦腹。深慚漫駐絲鞭。誰道有妝臺玉鏡。孔雀金屏。始見嫦娥面。紅絲無一縷。荷姻聯。始識丘山苗母賢。〔合前〕

〔前腔〕〔旦奠拜天地拜老旦拜生〕叩蒼穹配合良緣。謝萱堂俯從奴願。喜英豪不棄。辱成姻眷。他本是魁梧李靖。奇表陶謙。我自非無見。他年持節鉞。珥貂蟬。始識東鄰騏驥賢。〔合前〕

〔前腔〕〔丑遞酒拜〕武陵溪偶泛漁舩。天台路喜逢仙眷。看香翻舞袖。酒淹歌扇。知你是華陽玉女。盛世仙郎。滿卻今生願。雙雙歸畫錦。永團圓。始識沙哥崔嫂。

賢〔合前〕

〔節節高〕〔衆〕雕盤裊篆烟。燕龍涎。柳搖臺榭東風軟。江梅綻。彩燕翻。生盤薦。胡桃鵲鴿紅爐暖。銅龍玉漏冰漸淺。〔合〕莫把閒愁憶故鄉。室家歡慶眞親眷。〔前腔〕金杯玉手傳。酒如泉。羊羔麟脯羅華宴。人歡忭。情愛憐。心留戀。朱幃翠幙春情綰。金花銀燭春光炫。〔合前〕

〔餘音〕新春新景開新宴。喜新人共駕彩鸞。看取新年樂事綿。〔旦〕我今爲良家婦。志願足矣。曾許下南海香願。滿月後行。賽多嬌。凡進香所用收拾下。〔丑〕理會得。

燭影搖紅夜色濃。

鳳和鸞協兩心同。

今宵剩把銀缸照。

猶恐相逢是夢中。

第十二齣 計遣

〔淨扮店主人上〕自家買賣甚小。近日齟刺頗大。明明白日鬼迷。明明青天雨下。自家京口店主人。便是。今年買賣不濟。又撞見個陝西人姓韓的來住下。三四兩銀子酒飯錢。只替我挑了兩日官米。

其餘一釐不見。因他在梁大媽家做女婿。我累次取討不得。他丈母昨日着使女來請。我想是要還我銀子。須索走一遭去。迤邐行來。此間就是。待我叫一聲。有人在麼。

〔霜天曉角〕〔老旦上〕吾家愛女。何故將他嫁。〔丑上〕只是那時見錯。撞來真是

冤家。〔老旦〕養多嬌。你請那店家。如何不見來。〔丑〕外面有人叫。想是他來了。呀。是店主人來了。我

家母親久等多時。請裏面坐。〔淨〕媽媽拜揖。〔老旦〕店主人少禮。〔淨〕大媽呼喚小子。想是還我銀

子。特來拜領。〔老旦〕這個得在我有件事奉議。我女兒沒主張。平白地招了那韓家光棍。倩喫倩穿。

一些好歹高低不知。沒奈何冤家不得離眼。我今煩你街坊上尋幾個老的。小的。到我家討利錢房

錢柴米錢嚷鬧。待我在他面前恨生怨死。語言訕他。他是個不好性子的人。肉身不安。使性出去。卻

不是好。帳目銀子還你。另外白銀二兩奉謝。心下如何。〔淨〕這事不難。到其間不要霸短。〔老旦〕一

言既出。怎麼說謊。〔淨〕我就來。〔下老旦〕養多嬌。你叫那窮神出來。我說你勸他。自然知趣。〔丑〕也

是。韓姐夫。母親有請。

〔前腔〕〔生上〕天涯人去。心意勞牽掛。非是輕憐重惜。受恩深處爲家。〔老旦〕賢

婿。我女兒南海進香。多時不見回家。好生放他不下。家中諸事缺少。負欠又多。如之奈何。〔生〕小婿
做客日久。囊無一文。未能俱贍。稍待日後。有些好處。決不負恩。重當圖報。〔老旦〕賢婿可知道是好。
只是眼下難過。你豈不知。我衣衫首飾。都典賣盡了。今日柴無一根。米無一粒。如何是好。天。〔哭介〕
〔泣顏回〕說起淚如麻。怨無夫無子無家。銀錢誰假。這連朝柴米無些。房錢欠
他。又連年利債盤來大。也知咱無計難支。空憐我有女如花。〔丑〕母親過不得日子。
大家商量。只恁齋糟怎的。

〔前腔〕聽咱何必恁嗟呀。思吾家子母做事全差。非聾非啞。不安排些子生涯。
那母親呵。愛錢是他。至親情都只爲無錢罷。不須嗔媽媽多言。且寧耐姐姐回
家。〔衆扮討債人上〕受人之託。必當終人之事。梁大媽央你我假妝討債的。到他家吵嚷。意欲趕那韓
潑出去。你我不免去走一遭。轉灣抹角。此間就是。待我叫一聲。有人麼。〔老旦〕外面是誰叫。〔丑〕待
我去看。〔衆〕

〔前腔〕丫丫。你是大媽家。〔丑〕便是。母親討債的來了。〔衆〕大媽請作揖。你好忒沒理。利錢

怎不還咱。你居吾大廈。討房錢月月磨牙。油鹽米茶。不還錢休怪我登門罵。你今朝有靠東牀。再休題推托媽媽。〔老旦〕列位老官人小官人。這兩月家下實是不足。少待幾日送來。〔衆介〕不聽你。你家賺錢的嫁了人。銀錢從那裏來。不管你借當與我去。〔丑〕列位不必破言。我家也是有頭臉的。〔衆嚷介〕誰是沒頭臉的。莫閒話。不與銀子。打鋪在你家睡。〔老旦〕列位且去。明日送來。極遲不過後日。〔衆〕不去。有了方去。〔丑〕沒奈何列位再寬一日。定然不敢再遲。〔末〕老官也罷。我們也去。明日不送來。再作區處。正是欠錢如管轄。還了兩平交。〔衆下老旦〕姐夫。人口重大。日子正多。女兒又不見來。如何是好。

〔前腔〕〔生〕知他。只恁假喧譁。教人羞慚滿面。殊失光華。語言敲打。怎當他俐齒伶牙。〔丑〕姐夫休怪我母親。〔生〕吾難怪他。大丈夫怎肯居人下。料咱門別在今朝。〔丑〕姐夫。你那裏去。母親雖有句把言語。姐姐不會惱着你。你怎麼把他恩愛都忘了。〔生〕怎忘我恩愛渾家。〔丑〕姐夫。這裏是家。還往何處去。〔生〕大丈夫四海爲家。那裏不去了。怎肯受你家眉高眼低。乾言溼語。你姐姐來家時。與我多多拜上。說我韓世忠不乘駟馬。不握兵符。誓不還家。

〔丑〕媽媽。姐夫要去求功名去哩。〔老旦〕賢婿。待我女兒回家去也罷。〔生〕岳母在上。窮軍女婿。打攪府上多時。少待此行。覓得一官半職。卽來補報。就此拜別。〔老旦〕姐夫此去。非王卽侯。

心去意難留。

留下結冤仇。

早知不是伴。

何必遠相投。

第十四齣 惜別

〔月雲高〕〔旦行路上〕綠陰村徑。撩人好光景。勗慘離人思。好鳥聲相應。別後慈顏。嘆衰年苦孤影。得與傑士成佳偶。人願天從阿幸。丈夫呵。你是奮翼飛天陶士行。正是對泣牛衣王仲卿。奴家爲母親年老。夫婿新婚。往南海進香了願。今日回來。早到京口家鄉了。呀。遠遠望見一人。好似丈夫模樣。待我行向前去試看。〔虛下〕

〔前腔〕〔生上〕山明雲靜。清和夏初景。柳外花飛雪。撩亂人愁病。我那娘子進香未回。他娘千方百計。生發我出門。怪殺薄倖青樓。這無情舊行逕。只是一件。割我荆妻愛。甚日崢嶸重整。我欲學那投筆封侯班仲昇。豈不是立志題橋馬長卿。〔旦上

相見科〕呀。那壁廂是我丈夫。〔生〕呀。那壁廂是娘子。娘子。你回來了。〔旦〕官人。我回來了。你爲何在此閒行。〔生〕娘子。一言難盡。聽我告訴。你那母親呵。

〔憶多嬌〕他情狠絕。把奸計設。炎涼態度難盡說。只要我離卻伊家心方悅。〔旦〕官人。你卻怎麼。〔生〕我怎肯依株守穴。〔旦〕苦也。我那母親。怎麼做這等事來。有了女兒。就有女婿。終不然我不回家了。

〔前腔〕你言苦切。我喉欲咽。到底娼家情毒絕。將我夫妻輕分拆也。難遽輕別。難遽輕別。再作商量議說。官人且到家裏。我自有處。〔生〕卑人無再回之理。我會與賽多嬌說。

待你姐姐回家。千萬拜上。我韓世忠。不乘駟馬。不握兵符。決不回家。天假良緣。在此相遇。就此拜別。待卑人有一官半職。夫妻相會。未爲遲也。〔旦〕官人既欲要去。幹辦前程。我怎肯作兒女子態。留戀官人。只是到家中。取些衣裝盤費。與官人去。〔生〕多謝娘子厚情。卑人身邊尙有些須。聊可盤纏。決然無顏再回。〔旦〕官人既不肯回去。奴家餘剩白金數兩。簪珥兩件。官人收置作日費。還有衣衫一二件。可留作禦寒之具。〔生〕娘子深恩厚德。何以爲報。卑人更有一言奉告。人生事變不常。此去功

名未知如何。娘子回去。須順你母親心意。尋個終身。不可自把青春擔擱。我韓世忠心下也安。〔旦〕
官人說那裏話。豈不聞一與之醮。終身不改。賤妾雖路柳牆花。自知非雲情水性。官人此去。富貴到
手。別娶名門。妾一聞知。有死而已。〔作悲科生〕娘子不須煩惱。既有此意待卑人。卑人之心。惟天可
表。但此行實難爲情。就此拜別。〔作悲科〕

〔鬪黑麻〕吾此去。知伊鏡鸞影缺。無可奈功名暫時有別。能遂志。倘成業。錦製
征袍。卽歸故國。〔合〕釵分袂拆。相看淚滴血。鏤骨銘心。難忘厚德。

〔前腔〕〔旦〕邁世人豪。衝霄氣節。專指望茲行建功立業。須奮發。早飛越。萬里
鵬程。羨君健翮。〔合〕釵分袂拆。相看淚滴血。富貴之時。還知念妾。〔生〕娘子。你我堅
心自持。不可有背。爭奈天色晚來。不能久話。好傷情也。

分開鴛侶情難捨。

握手臨岐恨未平。

相思相見知何日。

此時此夜難爲情。

第十五齣 受職

〔賞宮花〕〔外扮王淵戎衣上〕英雄俊髦。羨長城。欽爾曹。爲國求良將。旣得肯相拋。璞內已知和氏玉。軍中原有霍嫫姚。轅門旭日映旌旗。海上雲飛走檄書。已得淮陰眞國士。管教項羽帳前誅。下官蒙聖上拜爲浙東兵馬大元帥。深愧溪蠻未滅。有負天寵。且喜得一軍姓韓名世忠。此人風骨偉岸。目瞬如電。英雄俊爽。必非常人。昨日管門軍士報來。說此人酒醉晚歸。城門已閉。被他用臂膊一靠。城門木開兩段。我想此人兩臂有千斤之力。更兼武藝精熟。乃萬人敵也。見今我營中缺少先鋒。非此人不可。昨已遣將佐奏聞。封他爲武節郎。掌先鋒印。已蒙聖旨准下。叫軍士。與我請韓世忠來。道元帥已奏聞。封你爲武節郎。挂先鋒印。速到中軍受職。〔衆〕領鈞旨。〔下介生上〕

〔前腔〕萍蹤亂飄。恨風波平地高。幸見嫦娥面。眷愛意難消。誰信燕子樓中張盼盼。也知麒麟閣上霍嫫姚。姻緣嗟復斷。功名恨尙難。出門卽有礙。誰謂天地寬。自家旅邸

中得諧佳偶。幸出望外。誰想那鴛子可惡。因他女兒去進香。就生暗遣不容之意。不想得遇着娘子。慰我好言。贈我銀物。身雖暫別。心實縈牽。今日無事。不免到帥府裏打聽征方臘消息。走一遭去。

〔衆上〕呀。韓先鋒恰好來了。〔衆作報介〕韓官人。元帥着我等報請。元帥昨遣將佐奏聞。封官人爲武節郎。挂先鋒印。喜錢不敢要。你我是舊同僚。不可作模樣。看顧看顧何如。〔生〕那有此事。〔衆〕眞實。元帥升帳久等。〔軍士報請介生〕韓世忠叩頭。〔外〕韓將軍請起。下官昨已奏准聖上。封汝爲武節郎。挂先鋒印。叫軍士取冠服印劍來。韓將軍請冠帶了拜闕。

〔降黃龍〕〔生冠帶拜闕介〕仰荷神堯。封非無遺。策名廊廟。〔轉身拜外〕韓世忠草茅鄙人。爲元帥執鞭墜鐙。已自慶幸。今又辱名郎職。印挂先鋒。恐有負所舉也。銜恩罔極。當效力

前驅。盡忠圖報。還叨廟謨。韓算指顧處。悉平巖島。願元戎召下星門。檄飛須早。

〔外遞酒介〕先鋒請飲三杯。

〔前腔〕英豪受命皇朝。萬里長城。賴伊非小。此時龍蛇莫辨。值狐鼠潛窺。犬羊紛擾。須教奮威揚武。馬到處蕩平巖島。囑先鋒席捲長驅。渡江須早。

〔降黃龍滾〕〔衆合〕轅門列寶刀。虎帳羅花帽。鯤化蛟騰。平地風雷瀑。〔合〕金章紫誥。黃旄皂纛。清潮海。建偉勛。酬廊廟。

〔前腔〕金鐙動地搖。鐵騎催山倒。妖避魔藏。殺氣騰江嶠。〔合前〕

〔尾聲〕昨朝逆旅遺人笑。豈料今朝榮耀。看取報主酬恩莫憚勞。

薦舉恩私厚莫酬。

知君談笑覓封侯。

正是千軍容易得。

果然一將最難求。

第十六齣 從征

〔喜相逢〕〔旦上〕良人去也。何時駟馬還家。想英姿豪氣。豈爲人下。莫笑他爲卒。男

兒暫時屈。蛟龍得雲雨。豈是池中物。奴家招得延安韓世忠爲婿。此人豪邁不羣。頗愜奴意。豈料母

親作惡。忿怒辭去。那日幸得在城外相會。訂盟而別。今寄居府前。他雖不來家。我時常衣服銀錢飲

食不缺。昨聞人說。卽日要征方臘。未知真否。倘有此事。收拾些盤纏衣裝送去。養多嬌那裏。〔丑上〕

來了。有情人去遠。無日不相思。姐姐呼喚我怎的。〔旦〕我聞得人說。你姐夫要征方臘去。你去打聽

個消息來。報我知道。〔丑〕理會得。

〔小蓬萊〕〔生冠帶領衆上〕憶昔布衣別去。今朝衣錦還家。朱輪皂蓋。寶刀銀印。

繡帽宮花。下官蒙王元帥薦拔。此恩何報。左右。此是我家門首了。〔丑驚報介〕姐姐。金鼓旗號到。我門首。一位官人來了。〔旦〕是誰。〔丑〕不知是誰。待我再看看呀。姐姐。是姐夫。戴着紗帽。穿着圓領。進門來了。〔旦迎介〕官人。你怎生這等服色。卻是那裏來的。〔生〕告知娘子。昨蒙王元帥保奏。封我爲武節郎之職。挂先鋒印。卽今去征方臘。我特回家拜辭。令堂娘子前去。〔丑〕母親有請。

〔海棠春〕〔老旦上〕喜鵲噪簷牙。好事來門下。我兒。你在這裏和誰說話。〔旦〕母親恭喜。你女婿做官了。〔老旦〕那個。〔旦〕韓官人。〔老旦〕那有此事。〔旦〕見在堂前。請你相見。〔老旦〕呀。姐夫。恭喜。你做官了。向日怎麼使性子。去了再不來家。一向不知在何處。老身好生放心不下。〔生〕只在府前。〔丑〕不要提罷。我到惶恐。〔老旦〕姐夫是何職。任請問。

〔雁魚錦〕〔生〕烟塵四處今未寧。豈無端叛賊生奸橫。吾主寄帥臣專闕命。薦吾授先鋒。領將驅兵。職叨居武節。雖榮貴。思任匪輕。也應知博得個不負玄才舉。索把那妖氛此行掃淨。〔老旦〕姐夫。卻是眞喜。不知起兵何處。征甚麼人。〔生〕

〔前腔〕前征水國山城。擣妖民方臘。睦州蠻境。〔老旦〕姐夫。幾時准行。〔生〕兵車戒

整。暫歸來報與新承命。〔老旦〕姐夫今日身榮。切莫忘我兒女。〔生〕怎忘卻甘露訂盟。怎忘卻軍門遇卿。怎忘卻合新正。取酒過來。深佩領。瑤觴捧拜謝萱庭。娘子奉此杯。更賀娘行此滿觥。我這裏深慚毛義微官廩。那些個少可酬雲英逆旅情。〔衆捧盃甲上〕袍繡簪花裁蜀錦。甲穿金鎖扣獐狃。稟先鋒。元帥差小的們送袍鎧在此。請先鋒起兵。〔生〕我知道了。多稟上元帥。說世忠即時就行。〔衆〕領鈞旨。將軍不下馬。各自奔前程。〔下〕

〔前腔〕〔老旦對旦介〕他行爲你愁增。怎拚得新婚。忽地分鸞鏡。你可相留緩住幾日。敘慰夫妻恩愛私情。〔旦〕怎說這話。酒已完備。請韓官人賀喜。餞行便了。〔老旦捧杯敬

酒介〕持杯特敬。願君今去。縱鐵騎橫行鐵嶺。佇看咱門楣杜廣登台鼎。更羨我弱質文君識長卿。〔生〕娘子。我欲少留。奈國事不容遲滯。如何是好。〔旦〕官人。你差了也。

〔前腔〕風霆。迅疾將軍令。兵機事豈容子女相眷戀遲梗。況爲臣委身須當忘私。無勞念奴離別輕。賽多嬌取酒過來。我奉餞官人一杯。〔旦奉酒介〕願你摧強用武。據忠膽。更須要出奇行。正青海京佇望功成。〔生〕擒賊之日。卽當馳報。〔旦〕官人又差道了。

捷書不必通家信。露布先須達帝京。〔老旦〕姐夫。我只是捨你不得。〔丑〕窮軍如何捨他不得。〔老旦〕休記舊話。

〔前腔〕〔生〕岳母休咽哽。也知咱難株守室庭。事業在茲行。看昆吾揮斬盡魑魅鯤鯨。那時節歸來喜生。那時節再圖個家慶。〔衆旗號上介〕三吳羽檄飛來急。一令將軍促去忙。稟先鋒。元帥將令急候吉時起兵。〔生〕既如此。岳母娘子就此拜別。辭別去未容停。但看鎗尖直指清溪境。叛賊須教一掃平。〔旦〕賽多嬌。我家不比往日。乃是官宦人家了。等閒不可開門。〔丑〕是如此。

崑玉石中藏。

肉眼誰能識。

眼望旌捷旗。

耳聽好消息。

第十七齣 滅醜

〔水底魚兒〕〔淨方臘丑方天定定光和尚末呂師囊〕十一一天神。如來佛世尊。神兵到處。聞者卽消魂。〔淨〕左右。將大隊人馬擺開陣勢。那壁廂宋兵到來。好生對敵。〔衆〕領鈞旨。

〔前腔〕〔生領兵上〕方臘妖民。欺凌敢領軍。天兵到此。鬼魅卽潛形。〔生〕大小三軍。那壁廂是方臘營壘。射住陣角。擂鼓挑戰。〔衆〕領鈞旨。〔淨丑交戰生鞭打方天定下呂師囊又戰鎗刺下定光和尙又戰鎗刺下淨敗下生〕衆軍校扎住營。不許擅動。待我自去捉那賊來。〔衆〕領鈞旨。〔生趕下〕饒他走上焰磨天。脚下騰雲追趕上。

〔撲燈蛾〕〔方臘敗走上〕可憐百萬兵。可憐百萬兵。一朝盡皆喪。惟餘此一身。教我何方投向也。回頭遠望。見一人步拈長鎗。分明是追咱模樣。怎支當。將身且在草中藏。

〔前腔〕〔生持鎗趕上〕分明見賊徒。分明見賊徒。盤山過溪港。如何轉眼間。不見妖民形像也。心中自想。這深山無房舍園牆。料潛身林叢草莽。把長鎗。草中搜索自難藏。〔生捉住淨介〕叫軍士綁了解赴大營去。〔衆〕領鈞旨。

正是射人先射馬。

擒賊先擒王。

第十八齣 酬功

〔鳳凰閣〕〔外扮王淵上〕洞蠻不軌。百萬王師過激水。先鋒已得虎侯癡。呼吸風雷誰敢拒。這回看取掃淨幫源洞溪。錦袍燦燦轅門列。金印纍纍肘後懸。提將三尺清風劍。撐住東南半壁天。下官奉命前來勦征方臘。雖則手下雄兵猛將。似虎如彪。怎如韓世忠驍勇英雄。絕倫蓋世。已封爲前步先鋒。領二千鐵騎前去。這回蕩平洞溪。擒斬叛賊。料一舉萬全矣。昨遣探子前去打探消息。不見回報。左右探子到時。急令來見。〔衆〕領鈞旨。〔探子上報介〕這場好斷殺也。

〔北黃鍾醉花陰〕殺氣砒砒撼山嶺。蔽天日旌旗蕩影。人猛烈。馬飛騰。號令風生。直殺到清溪境。兩隻脚不留停。報報報。逕奔轅門來報稟。〔外〕探子來了也。看他精神多抖搜。喜氣動容顏。要知端的事。惟聽口中言。那探子喘氣定了。慢慢的從頭試說一遍。

〔喜遷鶯〕〔探子〕誰似俺先鋒英勇。恰便似降神霄黑殺天工。朱纓亂撒在盔頂。看了他甲掛獐狨。金雁翎。看馳騁。明晃晃鎗橫玉蟒。赤律律馬跨金睛。〔外〕

短甲隨身袖襖齊。金丸雉尾緊相隨。兩脚賽過追風馬。肩上橫擔令字旗。那陣上那員將出馬。俺先鋒怎生相持。喘息定了。再說一遍。

〔出隊子〕〔探子〕我則見南安王刀當頂。怎如俺韓先鋒武藝精。惡狠狠叫殺似雷鳴。冷颼颼鞭飛如電影。那南安王躲不及。一鞭打於馬下。骨吐吐鮮紅如水傾。

〔外〕號令肅秋霜。戈矛晃太陽。先鋒誰得似。真是個中強。鞭打死方天定。更有何人出馬。再說一遍。

〔刮地風〕〔探子〕俺先鋒挺着鎗。垓心相待等。呂樞密拍馬來迎。兩陣上金鼓連天震。恰便是風捲雷霆。這一個紫金鎗。鬼怕神驚。那一個方天戟。掣電飛星。整個過。打個轉。就見輸贏。那呂樞密難架撐。俺先鋒鎗下無情。雙舉手看的心窩正。颼的來。蟒穿心。捌透明。〔外〕鞭打南安王。鎗刺呂樞密。賊將雖已誅。方臘無消息。俺先

鋒殺到甚麼去處。叛賊的營壘軍馬。卻是怎生。仔細再說一遍。

〔四門子〕〔探子〕俺先鋒怒重重。火向心頭迸。縱龍駒追過嶺。砍倒他旗。躡亂他營。十萬兵那個逃得命。恁地也強。真個也能。一匹馬。一條鎗。直殺入賊巢深境。〔外〕百萬敗殘兵。盡解犀皮甲。功業已垂成。須是擒方臘。韓先鋒既殺過烏龜嶺。已是清溪洞了。未

知擒得方臘未曾。探子再說一遍。

〔古水仙子〕〔探子〕俺那先鋒呵到來到恁賽城。來來來了個佛子英雄元覺僧。他他他鎗挑了如來。又又又簡丟了方晟。殺殺殺直殺的血成河。尸積嶺。見見見冲天焰燒了宮庭。去去去那方臘嶺後逃生命。俺俺俺先鋒隨後勞跟定。擘腦揪活捉入大軍營。〔外〕我這雙眼睛看定了他。真是個萬人敵。端的是好喜也。那探子。賞你兩瓶酒十斤肉。免你一個月打差。後營中歇息去。〔探子〕謝元帥。

〔尾聲〕萬里蠻烟恁縱橫。盛賴將軍一躡而平。今日是好喜也。我則見晝無兵夜罷警。

〔神仗兒〕〔生衆綁方臘上〕班師回騎。班師回騎。賊擒兵潰。山野歡聲沸。都在凱歌聲裏。〔合〕飛捷報。莫延遲。飛捷報。莫延遲。〔衆〕稟先鋒。已到大營轅門外了。〔生〕左右通報。〔相見介外〕韓將軍。聞知方臘被擒。平定溪洞。功高當世。勇冠三軍。可賀可賀。〔生〕末將託朝廷洪福。元帥虎威。僥倖成功。不足掛齒。〔外〕此皆將軍大功。定當保奏。方臘捉在何處。〔生〕見在轅門外。專候軍令。〔外〕拿他進來。〔衆押方臘跪見介外〕方臘賊徒。亦本山野草民。何敢反叛。僭稱偽

號。謀爲不軌。將囚車封了。械送朝廷。韓將軍。下官備一杯酒。并酒器數件。爲將軍酬勞賀功。左右取酒過來。

〔大和佛〕平定三州殲厥魁。功勛蓋世奇。封侯拜爵。鐘鼎姓名題。這幾件金玉酒罇彝。聊且贈特爲酬勞。莫辭推。〔生〕

〔前腔〕叛賊猖狂殘庶黎。天兵當勦夷。朝廷福庇。元帥播雄威。小將有何爲。敢叨受寶玉多般酒尊彝。〔外〕韓將軍。長者賜少者不可辭。理當收下。〔生〕小將多辱元帥提拔。

又蒙辱賜金寶。卻之不恭。受之有愧。尙當致身圖報。〔外〕軍士們。拔了營寨。整頓旗旛。奏凱回軍。

〔雙聲子〕〔衆〕凱歌調。凱歌調。齊奏出昆陽利。得勝令。得勝令。齊唱着并州喜。歸轡緩。歸轡緩。驕馬嘶。驕馬嘶。看萬民相慶。牛酒相攜。

〔前腔〕人情爽。人情爽。行路在春風裏。人意樂。人意樂。歸路羨家鄉美。圖爵賞。圖爵賞。封妻子。封妻子。喜太平重見。脫卻戎衣。

領將驅兵海上來。

斬妖縛魅賊巢摧。

喜孜孜鞭敲金鐙響。

笑盈盈齊唱凱歌回。

第十九齣 得嗣

〔謁金門〕〔老旦上〕光景驟漸覺羅衣寒透。笑採黃花盈把嗅。問渠誰個瘦。〔旦
上〕喜誕麟兒神授。看取凱旋功奏。多辦好香焚寶獸。謝天相庇祐。〔老旦〕老景
孀居無後嗣。幸今有女是門楣。〔旦〕知他是個奇男子。不斬樓蘭誓不歸。母親萬福。〔老旦〕孩兒道
來。且喜你招得韓姐夫。他既身榮。今又生個兒子。卻不是雙喜。韓氏有後。你身有託矣。但韓姐夫去
後。不知他勝負若何。〔旦〕告覆母親得知。昨日軍中遣來報道。屢戰屢捷。方臘已擒。今班師臨朝復
命。不日就到家了。〔老旦〕如此謝天。可喜可喜。

〔風入松〕鏡中白雪已蒙頭。嘆桑榆時候。幸然有女能相守。又喜得英雄爲偶。
但只慮淒涼畫樓。悔教去覓封侯。

〔前腔〕〔旦〕淮陰國士豈凡流。羨功成唾手。飛馳青海擒強寇。羨兒女閨中廝
守。當此際兵戈未休。看談笑覓封侯。

〔得勝令〕〔生上〕玉轡鳴騶。導引旛幢列碧油。凱旋奏入鳳凰樓。叨爵賞。衣紫腰金笑敝裘。〔衆〕稟爺車駕到本府門首了。〔生進見介〕岳母請拜。〔阮郎歸〕羅衫寵賜茜紅新。深慚受國恩。〔老旦〕森森畫戟列朱門。東牀有貴人。〔生〕夫人請拜。當逆旅。得相親。情真感是真。〔旦〕喜兒今誕玉麒麟。終身託有君。〔生〕謝天地。且喜生個兒子。夫人抱出來我看看。〔旦〕賽多嬌。抱小公子出來見韓老爺。〔丑抱公子上介〕老爺。公子在此。〔生看介〕且喜好個兒子。夫人。我與他取個名字。叫做韓彥直罷。〔旦〕子生父命之以名。正理。賽多嬌抱進去。不可驚嚇了他。〔丑抱下老旦〕姐夫。恭喜大捷。不知加何官職。〔生〕蒙問。王元帥見門婿有功。賞賜許多金玉酒器在此。取過來與太太看。〔老旦〕那都是金玉的。仔細收了。〔生〕申奏朝廷。陞門婿爲浙江宣撫使。鄜延路總管。平寇將軍之職。夫人亦有誥命。封爲夫人。勅賜還家。〔老旦旦〕如此可喜可賀。〔旦〕賽多嬌。喚女樂出來。與老爺磕頭。〔貼扮女樂上〕舞低楊柳樓心月。歌罷桃花扇底風。老爺磕頭。〔生〕夫人。這是那裏的。〔旦〕告知相公。相公今日位高望重。妾身討得這兩個供奉相公。〔生〕如此多謝。他兩個喚做甚名字。〔旦〕喚做金鶯玉燕。〔生〕甚好。

〔五供養〕〔老旦遞酒介〕蕩氛平寇。功重朝廷。威鎮三川。承恩加紫綬。賀捷捧金甌。〔生〕何辭尊賜。奈蝸量不勝盃酒。〔旦〕金鶯玉燕。奉你爺一杯酒。〔貼旦捧酒跪介〕願老爺千歲。〔起介〕霓裳呈妙舞。新曲按涼州。〔旦〕老爺請進三爵。位至三公。福全遐壽。〔前腔〕〔旦遞酒介〕玉壺香透。瑤罌頻斟。琥珀光浮。喜看登帥府。絕勝步瀛洲。〔生〕此盃免飲。負娘行情厚。〔衆奉酒介〕桃葉持檀板。菱角擘箜篌。老爺夫人同進此爵。紫誥加封。白頭相守。〔小卒捧書上〕三耳麻鞋萬字巾。名稱健步似飛雲。羽書急報勤王事。來到將軍帥府門。此間韓將軍府門首。門上人快通報。道外面有報緊急軍情事的在此。〔衆〕稟爺。外面有報緊急軍情軍健到此。不敢放入。候爺軍令。〔生〕着他進來。夫人岳母請少避。〔老旦旦下卒進見介〕那漢子是那裏的。有何緊急軍情。〔卒〕小的是承宣張爺差來的。有書在此。〔生〕接上書來看。

〔駐馬聽〕〔生拆書看介〕書寄韓侯。逆賊苗劉搆叛謀。將王淵殺害。脇太后臨朝。廢高帝居休。東宮冲幼實堪憂。宦官康履皆梟首。今日朝廷呵。壘卵之秋。望提兵

早至平江相候。張俊頓首大宣撫使韓將軍鄉丈麾下。呀。元來如此。卻不痛殺我也。左右取酒過來。〔生酬酒介〕蒼天蒼天。朝廷有此大故。恩相有此大變。我韓世忠誓不與此賊共立天。若不斬此賊。有如此酒。那漢子。此係朝廷緊急軍情。作急回報你張爺去。道我不寫書。星夜起兵來也。左右取五兩銀子賞他作盤費。快回去。〔衆取銀子遞卒接銀拜介〕謝爺賞。已報韓將軍去復張都督。〔下老旦旦上〕相公適來報甚事的。〔生〕夫人適間我秦州張伯英寄書來。道苗傅劉正彥在朝作亂。廢高宗皇上。脇制六宮。太后臨朝。又將我恩相王淵殺害。意在謀篡。約我勤王。正欲與夫人計議。我欲夫人以入覲太后爲名。二賊見我宅眷在朝。他定有書招我協助。我陽爲應諾。陰修戰具。我來彼決不疑。出其不意。此賊可擒矣。不知夫人意下如何。〔旦〕相公爲臣死忠。爲子死孝。古今大義。今君父有難。豈可坐視。卽當致身報國。奴知此事不宜遲滯。就當拜別母親起程。金鶯玉燕隨我去。留養多嬌在家伏侍母親。〔老旦悲介〕我兒。你去了。我家中靠誰。

〔江兒水〕嘆我無依倚。只恁愁。賴伊夫婦看衰朽。誰知母子今分首。蕭條舉目無親舊。〔旦〕母親且自寬懷寧候。若要團圓。除是蕩平賊寇。

〔前腔〕〔生〕不是輕離別爲國憂。〔老旦〕姐夫此去幾時回來。〔生〕掃清君側方回首。夫人你留心入覲皇王后。娘兒未可徒廝守。〔旦〕相公。我報主素心持久。就裏乘機。諒彼難逃吾彀。〔生〕軍士們。你與我點齊隊伍。整率旗鎗。在東門外候我到卽行。〔衆〕領鈞旨。〔生〕夫人。我今從陸路先行。你別岳母往水路速去。

望斷山程共水程。

倚門不必泪盈盈。

此行管取清君側。

單聽春雷響一聲。

第二十齣 決計

〔六么令〕〔老外扮呂頤浩上〕苗劉賊黨。肆兇殘橫亂朝綱。忍看社稷遽傾亡。心耿耿。泪雙雙。一天愁鎖眉峯兩。

〔前腔〕〔末扮張俊上〕中心勞攘。正金兵越寇猖狂。又遭禍變起蕭牆。飛羽檄。詔勤王。腹心先去苗劉黨。

〔前腔〕〔小生扮張浚上〕中原板蕩。又那堪逆賊猖狂。摧陵殿陛實堪傷。鋤逆黨。

正綱常。這回須是韓公往。〔小生末〕樞相拜揖。〔外〕二位大人拜揖。二位大人。苗劉二賊。妄行殺戮。擅自廢立。謀爲不軌。大逆不道。爲臣子者。聞之酸鼻。奈何。〔末〕樞相侍御大人。俊將起兵討賊。兵微將寡。力不能支。此須樞相運籌。侍郎大人濟以經術。毋驚動乘輿。庶幾克濟。爲臣子者。言之至此。真爲痛心。〔作悲介小生〕承宣大人。旣爲人臣。卽當捐軀赴難。豈敢坐視偷生。浚若得斷賊臣頭。以安殿陛。雖粉骨碎身。在所不恤。樞相素有威望。大事非樞相莫能斷。〔外〕老朽何敢當此重任。惟望二位協力相助。二賊可擒。殿陛可安。更須勤王之師。早至爲妙。〔末〕下官已有書約韓宣撫去了。此人忠勇異常。可付大事。彼若到來。此事必辦。〔外〕宣撫言之極當。〔小校上介〕傳檄昨差來瀚海。回程今又到平江。小的到韓爺處下書。韓爺正排家宴。見書慟哭。卽以酒酬地。言誓不與此賊共戴天。又說不必寫回書。卽時起兵來也。〔末〕二位老大人。韓公之來必矣。叫小校。韓門外望着韓爺來。卽忙通報。

〔前腔〕〔生領兵上〕書傳海上。起二軍進發平江。兼程尅日赴勤王。鋤叛逆。定家邦。酬恩報主當茲往。〔小校〕兵到平江大營了。〔生〕左右通報。〔小校報介〕張迎見請入拜介。

〔外〕生不願封萬戶侯。但願一識韓荊州。〔生〕淳化功名推許國。礪溪功業重西周。〔小生〕何幸得逢淮海士。〔生〕豈期重見曲江儔。〔末〕渡江共作勤王者。〔生〕咸佩兵符鑄虎頭。老樞相。朝廷遭此大變。雖得張伯英書來。未知顛末。望樞密見教一番。〔外〕請坐奉告。

〔刮鼓令〕那苗傅呵。他爲世將郎。恃勛逞橫強。那劉正彥呵。爲平劇盜功高賞薄。又妬王淵登廟廊。殺害墮冠裳。無端廢休當今主上。協儲君太后坐朝堂。〔生〕還有人同謀麼。〔外〕有世修吳湛佐強梁。

〔前腔〕〔生〕聞公說頗詳。教我怒填胸痛斷腸。最苦是乘輿遭變。恩相無辜被殺傷。〔外〕我慮此賊恐有他虞。如之奈何。〔生〕聞取券自隄防。因知可無他虞別恙。〔外〕此去功可必勝乎。〔生〕興兵討逆理之常。管教他狐鼠盡皆亡。

〔前腔〕〔末〕余心自忖量。那賊臣在天子傍。欲擊鼠還須憐器。事急須知生禍殃。我前日有一心腹人。預遣到他行。甘言誘伊同謀賊黨。他安心多是不隄防。好從容籌劃克錢塘。

〔前腔〕〔小生〕吾知賊勢強。據兵符挾廟廊。此去兵微將寡。賊覘軍聲未肯降。我有鐵衣郎。分君二千添威助壯。應知賊黨自摧戕。看將軍再整舊家邦。

驅兵領將施威武。

討逆除奸救危主。

笑他燕雀正嘻嘻。

不知門外韓擒虎。

第二十一齣 乞恩

〔丑淨扮苗劉上丑〕統制當朝位已尊。此心不足爲何因。〔淨〕今朝身命俱難保。卻悔當初錯用心。〔丑〕劉大人。我當初聞說韓世忠海上陷沒。因此上放心做了這事。又着吳湛王世修那廝贊成。誰知韓世忠見在。如今領兵勤王。望錢塘進發。如何是好。

〔賽觀音〕恨無端。思無計。事到此須知悔遲。實指望移天轉日。豈料今朝禍迫。怎支持。〔淨〕苗大人。我有一計在此。〔丑〕何計。

〔前腔〕〔淨〕省愁煩。聽詳細。我這裏可見放着他妻共兒。假安慰修書將去。他豈不聰明。他若害我。我害他妻子。几肉籠雞有翅也難飛。〔丑〕劉大人。你我見識兒淺。已是錯

做了。今番不可再錯。我和你到朱僕射處請教他去。我看此人似有你我一二分意。就是韓世忠也聽他說。〔淨〕如此可就此同行。左右。擺頭踏朱府裏去。正是病危胡服藥。事急亂投師。此間便是。左右通報。

〔四國朝〕〔外扮朱勝非上〕君父艱危日。正人臣扼腕時。下官尙書僕射朱勝非是也。邇者皇上南渡。家國陵夷。又值苗劉二賊。妄行廢殺。下官孤力無助。不能翦除。勤王之師。又不見至。怎生是好。〔衆〕稟爺得知。苗劉二統制在外求見。〔外〕呀。此賊來有甚事相告。〔丑淨入見跪介外〕二位統制爲何行這個禮。〔丑稟〕恩相在上。廢主立幼。殺大臣之事。原非我二人本意。都是吳湛王世修勒逼做的。今日韓將軍來要擒我二人。望恩相救拔。定有厚報。〔淨〕下官有一言奉告。韓將軍夫人公子在此。下官欲寫一書去。見得我等供養在此。他豈不知我的意思好歹。他顧戀妻子。定無意前來。此計恩相籌度何如。〔外〕這事不可。你拘留他妻子。分明是挾他。倘惱了他。下官也難解。我有一言。不知二位聽否。〔丑淨〕謹聽教。

〔人月圓〕〔外〕他忠烈性堅礪如金石。那顧妻子成拋棄。不如好好施恩義。具

鞍馬衣裝早送歸。爲君計。請睿聖還朝。庶掩前非。

〔前腔〕〔丑〕恩相此言正合着吾之意。要彼回軍須如是。將他妻子還他去。豈不念恩私把我摧。承君誨。將鞍馬衣裝早送回歸。多謝教言。就此拜別。容當叩謝。〔下外笑介〕可喜可喜。我只道二賊胸中實有經緯。原來無計。梁夫人公子此去。韓將軍前來。二賊死無葬身之地矣。

堪笑兇徒好太癡。

送歸妻子豈相宜。

今朝送佛歸靈塔。

明日頭顱手內提。

第二十二齣 寵賜

〔老旦扮隆佑太后上〕家國摧殘禍亂頻。此行何事苦多迍。好將傳示勤王者。急早興師斬叛臣。自家隆佑太后是也。近因金兵入寇。家國凋殘。二帝蒙塵。天子南渡。所遭不幸。一至于此。豈期苗劉二賊乘機作亂。妄行廢立。肆殺無辜。苦何極也。賴得韓太尉兵來。二賊喪膽。已復天子明辟。今具鞍馬送他妻子回去。料無他虞。此不幸中之一幸耳。昨中使宣梁氏。囑付他促太尉早來。更愜吾願。宮官。

梁氏到來有宣。〔衆〕領旨。

〔唐多令〕〔旦朝衣上〕兇逆肆奸欺。家邦受禍危。勤王消息竟遲遲。日斷碧雲天際。辭殿陛。好淒其。萬戶傷心生野烟。百官何日更朝天。可憐君父多危難。專望將軍解倒懸。今日苗劉二賊具鞍馬送我回歸。又蒙太后宣召。須索面見太后走遭。我想此時是何時也。

〔桂枝香〕人情洶潰。朝綱傾敝。怎能勾天潢內激起頽波。大道中翦除荆棘。教人可悲。教人可悲。漬衣血泪。填胸冤氣。丈夫呵。豈宜遲。早向堯天外。擎回舜日西。行來已到午門外了。不免逕入。

〔前腔〕銀河欲曙。金門初啓。轉過了太液池頭。卻早是未央宮裏。忙修容整衣。修容整衣。向螭頭拜跪。中宮千歲。〔太后〕賜卿平身上殿。〔旦〕啓黃扉。何幸膺天寵。

深慚弱婢兒。臣妾韓世忠妻梁氏誠惶頓首。今苗傅劉正彥遣人送臣妾歸。又蒙召旨。謹候命下。

〔太后〕夫人。你夫婦忠義。朕心頗知。但此行早促將軍勤王。速清殿陛。家國大幸。宮官取金盒茶葉來。〔宮官領旨下復上介〕制得內宮金鳳盒。採來穀雨小龍團。奏娘娘。金盒茶葉在此。〔太后〕夫人。

此物賜卿路途消渴。〔旦〕臣妾過蒙恩賚。不勝榮幸。願陛下千歲。〔太后〕夫人聽我道來。

〔醉扶歸〕想韓公英勇誰能比。我皇家傾圮更憑誰。願傳言太尉莫延遲。早興師討逆清巖陛。我朝朝泪眼望旌旗。你回歸是必還留意。

〔前腔〕〔旦〕念孤忠自許酬天日。這王家憂戚更關誰。我茲行豈是避艱危。促兒夫早辦勤王計。那兇徒已自怯無爲。願宸衷不必常愁泣。臣妾就此拜辭陛下。旬

日之間。管教賊徒授首。毋勞聖慮。臣妾言之至此。不勝悲愴。〔太后〕卿夫婦忠良。古今無比。雖爵賞薦加。未得爲報。但卿此去。我孤身無倚。受制賊徒。如何是好。〔作悲介〕

〔長拍〕涉歷危時。涉歷危時。遭逢亂世。又怎禁覆番天地。蕭牆禍起。會銅駝已雜荆籬。故國已成非。又怎禁惡狠狠賊臣攘臂。苦殺咸陽兵火亂。那見王師拓地飛。不由人心膽每驚疑。韓將軍。又未知你肯憐我宗社陵夷。

〔短拍〕〔旦〕睿聖還朝。睿聖還朝。姦驕屏氣。這中興機會須知。陛下莫憂疑。管取洗天兵到。一掃淨蕩烟浮翳。從此奠安宗社。欣指日拜賀丹墀。

〔餘文〕〔后下〕日出丑淨具鞍馬迎上介。鞍馬衣裝俱準備。今朝特送遠行人。〔丑淨見日跪介〕苗傅劉正彥謹候夫人台駕。送鞍馬人夫在此。望夫人於將軍前美言寬宥我二人。當結草啣環。〔旦〕二位請起。我見將軍自有道理。

青驄皂蓋紫霓旌。

特送夫人人事遠行。

爲人莫作虧心事。

何必遑遑自喫驚。

第二十二齣 道逢

〔生上〕旭日轅門鼓角鳴。勤王兵馬出江城。只存一點丹心在。虎穴龍潭掉臂行。下官赴闕勤王。大小三軍與我整率前去。至秀州來報。〔衆〕領鈞旨。〔生〕

〔北新水令〕統三軍星火赴勤王。貫長虹寸心偏壯。賊臣謀叛逆。君相被摧傷。恨塞愁腸。恨塞愁腸。對東風倍悽愴。

〔南步步嬌〕〔小生扮公子同旦騎馬上〕陌上春歸風光爽。日暖遊絲颺。風輕柳絮狂。驛路山程。馬足車塵灑。回首好悲傷。看九重宮闕烟霾障。〔旦〕左右。打了中火。急

忙趨行。〔衆〕領鈞旨。〔下〕

〔北折桂令〕〔生上〕走雙旌飛捲龍光。疊鼓鳴笳。掣劍橫鎗。憑着俺陣列貔貅。胸藏龍虎。血染豺狼。只俺這運神機奇行正往。那怕他恣橫行馬壯人強。離卻平江。進取錢塘。好振軍威。再整朝綱。〔下〕

〔南江兒水〕〔旦上〕緩縱青驄騎。迢迢去路長。山花零落增惆悵。望前途不見勤王將。恨家鄉久別萱堂養。無耐兩般勞攘。〔衆〕稟上夫人。傳說韓爺軍馬已離平江了。急縮絲韁。料此會在秀州江上。〔下〕

〔北雁兒落帶過得勝令〕〔生〕我只待要破長風駕海航。只待要開大道鋤荆莽。只待要撥雲烟顯太陽。只待要正綱紀誅妖妄。呀。只俺這忠憤塞穹蒼。血泪灑空江。愁逐征雲慘。心隨去路長。鷹揚殺氣有三千丈。強梁管教他今朝劍下亡。〔衆〕

稟爺到秀州地方了。〔生〕傳令安營。大小三軍。不許擅離隊伍。仔細關防。有事卽忙通報。〔衆〕領鈞旨。〔旦上〕左右。你看前面是那裏軍兵來了。

〔南僥僥令〕漫天塵土暗。動地鼓鼙揚。想是勤王兵和將。須是向轅門尋問訪。

〔衆〕領鈞旨。〔小卒做問回報相見介〕

〔北收江南〕〔生〕呀。你緣何只恁不忠呵。遂私自出錢塘。又不知怎生了太后共吾皇。更兼賊子那行藏。卻有何計量。憑甚人主張。須教從頭逐件說其詳。

〔旦〕二賊聞相公兵來。甚是慌懼。已請皇上復辟。備鞍馬送我。太后叮嚀。教我促將軍速清巖陛。

〔南園林好〕朱僕射存心頗良。苗劉賊謀爲不臧。遣苗翊臨平相抗。你趨行在。可隄防。趨行在。可隄防。〔生〕夫人言之有理。我今稱病不行。治造攻城之具。然後起兵。那苗翊等乳臭小兒。乃敢敵我。

〔北沽美酒帶太平令〕他姦狡心太不良。俺忠烈性豈尋常。本是萬火堅金百鍊鋼。那記得私情可償。祇知有君親恩罔極難忘。若說他亂家國肆行無狀。惱得我髮衝冠氣滿胸堂。拿住時須難輕放。試昆吾剝爲泥醬。〔旦〕相公。那賊兵強將勇。不

可輕敵。〔生〕我呵。你說他兵強將強。任他似虎狼。只說他望旌旗魂飛魄喪。

〔意不盡尾〕城狐社鼠羣爲黨。一鼓擒之淨廟廊。辦取丹心答我皇。〔生〕夫人。着五百軍校。送你子母回。我卽起兵前去。

中興功業豈難收。

爲報君王莫重憂。

此去好提三尺劍。

管教斬取賊臣頭。

第二十四齣 鋤逆

〔水底魚兒〕〔淨丑領弓弩手上〕

勁弩強弓。呼爲神臂翁。馬陵夾道。憑此射英雄。

〔丑〕軍士們。前面兵船使來。想是韓世忠來了。此人不可輕敵。將神臂弓弩一字兒擺開。控弦而待。不容登岸。〔卒〕呀。這弓只好彈綿花。那韓將軍不是戲的。不如投降。也免得費手。〔丑〕這厮長他人志氣。滅自己威風。拿去砍了。〔小卒慌介丑〕劉大人且饒他。此時用人之際。若斬了他。只剩下你我二人。不好看。那壁廂來了。快將弓弩擺開。

〔前腔〕〔生領兵上〕白刃青鋒。光芒走電虹。陰山遼水。曾此斬雄雄。大小三軍。岸上賊兵。準備殺上岸去。〔卒〕稟爺。那岸上賊兵。準備弓弩。控弦而待。豈可輕進。〔生〕胡說。此時不進。賊

笑我怯。賊勢一張。卒難以破。今日我韓世忠當以死報國。大小三軍。如有面不帶數矢者斬。〔衆〕領鈞旨。〔生殺上岸淨丑慌跑衆捉住介〕那逆賊。你官居統制。身近台階。朝廷有何負你。妄自廢立。殺害大臣。是何道理。軍士們。與我解進城去。待我奏過皇上。將二賊赴恩相墓所萬剛祭奠。〔衆〕領鈞旨。〔生回陣〕

〔剗鋏兒〕司徒已獲臨洮董捷書先報未央宮。歡聲沸泉涌。燕驕驟風。〔合〕高皇運隆。中興可頌。君側澄清。太平再逢。

〔前腔〕蒼天祐翊吾皇宋。臨淮得定史安功。凌烟受恩寵。河山誓封。〔合前生〕那解元傳令將四門嚴守。你領刀斧手。將吳湛王世修并二賊家眷。不分老幼。綁赴市曹處斬。此係叛逆大故。各宜小心。毋得疎虞。有犯軍令。〔衆〕得令。

圍住前街并後巷。

滿門良賤休輕放。

饒他走上炤摩天。

隨後駕雲追趕上。

第二十五齣 歸省

〔丑提藥罐上〕若問吾家事。年來生計疎。賠錢招漢子。折本費工夫。自家爲何道這句言語。我姐姐乃是出色的粉頭。偶遇見韓姐夫。就看上了。定要嫁他。不上一年。做了個官。只道是好。不料苗劉作亂。把我姐姐拘禁在彼。我那媽媽想他女兒。晝夜啼哭。染病不起。想他做鴿子時。我受了他千萬打罵。恨不能了。只是他今日有病。不看管他。又心上不安。只得扶他出來。勸他進些飲食湯藥。也是陰騭。媽媽有請。

〔夜行船〕〔老旦扶病上〕萬想千思兒不到。肝腸摧裂。夢魂顛倒。〔丑〕看了他憔悴形骸。憂愁像貌。天那。真個是昏朝難保。〔老旦〕養多嬌我兒。生受你了。〔丑〕媽媽莫說那生受的話。只願姐姐早回。你病早愈。我今煨好了這藥。煮些粥湯你喫。〔老旦〕哎也。我那裏喫得下。你看外面是甚麼響。〔丑看介〕媽媽。沒有甚麼響。落細雨兒了。

〔金索掛梧桐〕〔老旦〕閒庭細雨聲。永夜孤燈影。最慘離情。況復多愁病。賊臣逞橫強。禍朝廷。拘禁吾兒忒不情。須知老景娘依女。我兒。未審我今朝死共生。拋雙泪。真個是心勞意攘。夢魂驚。〔合〕盼殺人兩眼睜睜。料難保餘生命。〔丑

送粥介老旦我喫不下。

〔前腔〕〔丑〕媽媽。你聊將粥食增。還把愁煩省。年老身衰。禁不得此三兒病。諸凡那慣經。況單丁。萬一摧殘事怎撐。那姐姐被禁呵。天憐佛保應無恙。韓姐夫此去。那鬼魅妖氛自隱形。媽媽。你當揸掙。俺姐姐終須有日到家庭。〔合前〕媽媽。扶你睡去。明早買狗肉你喫。〔老旦〕呀。狗肉可是我喫的。〔丑〕你不喫狗肉。我小娘家許多狗肉帳是那裏的。〔老旦〕休胡說。兒別終難見。更深且去眠。〔虛下〕

〔駐馬聽〕〔小生同日騎馬上〕冉冉雲旌。沙軟堤平。馬背輕。想着前離秀水。昨過吳江。今又毗陵。不愁風餐水宿。未曾經。只愁天番地覆。何時定。前面是北固江城。不須前去。已歸鄉井。〔衆叩門介丑上〕候門深似海。不與外人敲。是誰呀。姐姐回家了。太太爲你想出病來幾乎。太太有請。

〔前腔〕〔老旦上〕靈鵲喧聲。簾外傳呼。不暫停。想是好音來報。逆賊成擒。元來我女歸寧。〔哭介〕我兒。你今朝若不到家庭。明朝不見娘形影。聞你被禁強臣。怎

生脫得歸來鄉井。

〔前腔〕〔旦〕比至神京。主廢臣危國不寧。那奸臣聞得。太尉兵來。向僕射求生。朱僕射教他請睿皇復辟。御承明。送奴歸省。多車乘。奴家西歸。丈夫東去。至秀水相迎。料他平定。卽歸鄉井。

〔前腔〕〔小生〕離卻家庭。母子相依最慘情。受此江風吹雨。野徑迷烟。古驛長更。常思呵太影伶仃。此時相見真僥倖。〔老旦〕且喜骨肉團圓。只是你父親不得回來。放心不下。〔小生〕若說家尊。料他掃清巖陛。定歸鄉井。〔老旦〕我兒途路辛苦。賽多嬌看酒。與你姐姐拂塵。

〔梧桐花〕〔老旦舉酒介〕我年當桑榆景。只道白首相依母子命。誰期紫雲得配。英豪倩。只你這三月音書杳難憑。教我萬種愁懷亂不定。〔合〕今聚首。須歡慶。〔前腔〕〔旦回酒介〕捧瑤觴。心還省。當膝下承歡。盡孝敬。豈可天涯遠別孤親影。只爲國家多艱未安寧。母子相違怎得並。〔合前〕

骨肉團圓喜自親。

銀屏金屋列重裯。

滿門今日叨天祿。

難道蕭郎是路人。

第二十六齣 策勳

〔扮殿頭官上〕新衫一樣殿頭黃。銀帶排方獼尾長。禁鼓五更交早直。好催承應侍君王。下官殿頭官是也。今者苗劉平定。主上燕賞功臣。不免催各司祇候。承應人員那裏。〔衆上〕承應人磕頭。〔官〕你衆人聽着。今日中興筵宴。非比等閒。各宜用心承應。那儀鸞衛司擺設何如。〔校尉〕老爹聽稟。〔西江月〕鹵簿駕頭先設。五門五岳儀鎗。衙刀班劍與旂常。白鷺繡鸞馴象。玉兔龍旂雉扇。負圖金節輝煌。鳴鞭響處見君王。端拱九重天上。〔官〕是好齊整。那廚子何如。〔廚子〕老爹聽稟。〔西江月〕廚子世間都有。似咱天下無雙。擘麟炙鹿與蒸羊。炮鳳烹龍異樣。徹卓鋪牲小割。五齋七醢非常。駝峯虬脯膾絲湯。縱有易牙不讓。〔官〕不信你這等手段。〔廚子〕老爹要見小人手段。有兩個卓盒呈樣。〔官〕是好手段。那盞酒。你酒何如。〔盞酒〕老爹聽稟。〔西江月〕白玉缸盛琥珀。紫檀榨滴瓊漿。蘭陵美酒鬱金香。西域蒲萄佳釀。見說新豐味好。麻姑仙醞非常。玉膏桂髓世無雙。端的是杜康不讓。

〔官〕我不信。那有這等好酒。〔盃酒〕老爹若是不信。小的有兩瓶薄魯奉上。〔官〕也是留着我嘗。便知好歹。那教坊司本事如何。〔丑〕老爹聽稟。〔西江月〕十棒輕敲畫鼓。六么慢奏笙簧。翠盤舞罷紫霓裳。小玉伊川齊唱。院本內家妝束。清平翰苑新腔。梨園雜劇擅當場。便是李龜年不讓。〔官〕有許多本事。〔丑〕老爺。他兩個酒肴俱好。小的有個女兒奉唱。若是奶奶喫酸。老爹準備着一頓大棒。〔官〕休胡說。各宜用心。那壁廂黃門大人來了。〔齊下黃門上〕三殿飛雲禁鑰開。風從天上送香來。叛臣平定中興日。齊獻君王萬壽杯。下官黃門官是也。今者主上設宴。賞賚功臣。正是天上堯尊傾北斗。樓前舜樂動南薰。道猶未了。多官早到。

〔金瓏璫〕〔生〕天街人簇擁。絳紗影裏青驄。〔外〕長樂曉聽鳴鐘。〔小生〕叛臣今已矣。太平何幸重逢。〔末上〕朝北極。賀重瞳。〔生〕列位大人。明良相遇。千載奇逢。燕會中興。一代盛典。可賀可賀。〔衆〕太平再逢。中興重見。皆大人之賜也。〔生〕此乃主上洪福。列位大人威力。下官何能。〔衆〕過謙了。此是午門外。請進朝見。〔黃門〕班齊。〔外〕

〔神仗兒〕〔衆拜〕中興盛會。中興盛會。微臣遭遇。謹鞠躬拜跪。惟願五皇萬歲。

歌帝德。頌巍巍。歌帝德。頌巍巍。

〔前腔〕〔衆捧詔書上〕

鸞旗前衛。鸞旗前衛。笙歌聲沸。見祥雲飛墜。鳳詔捧來天

際。封爵土。蔭妻兒。封爵土。蔭妻兒。聖旨已到。跪聽宣讀。皇帝詔曰。邇者腥膻鼓毒。中原震蕩。

遷都避敵。南渡錢塘。不意仍遭內變。禍起蕭牆。二兇橫逆。誰其救匡。賴爾僉書樞密使呂頤浩等。盡

忠國家。協力勤王。除呂頤浩爲尙書右僕射。張浚爲川陝諸路宣撫使。張俊爲御前右軍都統制。韓

世忠首奮忠勇。擒獲兇逆。朕之復辟。惟卿之功。除檢校少保武勝昭慶節度使。領兵鎮駐江拒金兵。

便宜行事。伊妻梁氏。智略之優。無愧前史。封爲梁國夫人。給內中俸以報。其子韓彥直。學行俱優。除

爲祕書省少監。仍賜韓世忠金忠勇二字。以光旗幟。以下將士論功陞賞。設宴文德殿賞賀中興。仍

准韓世忠所奏。王淵係是有功大臣。死于無辜。勅賜諭葬。錄其子爲殿前統制。於戲。臣子安邦除逆。

固其自盡自效之忠。朝廷賜爵加封。乃其報德報功之典。惟爾恪守乃職。永綏天命。朕其嘉焉。欽哉

勿替。謝恩。

〔山花子〕〔衆呼萬歲拜介〕酬功深荷君恩重。河山漢擔周封。仰堯天舜日大同。

草茅何幸重逢。〔合〕紫雲中天門九重。扇開雉尾瞻聖容。丹墀虎拜臣禮恭。頓首山呼。願祝華嵩。〔黃門〕各官就席。報事官各進酒饌。

〔前腔〕〔衆飲宴介〕大烹遠自天庖貢。奇珍炮鳳烹龍。五雲漿光浮玉鍾。宮袍醉污腥紅。〔合〕喜朝廷清平再逢。臣工相慶熙皞中。大酺天下恩澤宏。海宴河清。物阜年豐。〔黃門〕奏樂。

〔前腔〕〔奏樂畢介〕金雞竿下。冉冉龍蛇動。蕭韶一派飄。空羽干迴兩階舞。風重看大定功崇。〔合前黃門〕聖上到來。各官相慶三巨觥。

〔前腔〕姦驕已滅。深幸皇圖鞏。全叨太尉精忠。紀勛功名垂鼎鐘。恩須玉券彤弓。〔黃門〕謝恩。〔衆拜〕紫雲中天門九重。扇開雉尾瞻聖容。丹墀虎拜臣禮恭。頓首山呼。願祝華嵩。〔黃門〕筵宴已畢。聖駕回宮。各官當散。

〔紅繡鞋〕〔衆出朝騎馬行介〕旌旗冉冉飛空。飛空。驂騮蹀躞嘶風。嘶風。榮紫誥。醉黃封。希帝寵。重軍功。欣國泰。際時雍。

〔前腔〕御街人散匆匆。匆匆歸途。月色朦朦。朦朦花影亂。酒香濃。歌舞隊。綺羅叢。叨宴賞。喜登庸。

〔十二時尾〕吾王翊運隆。皇宋當此際。中興可頌。還冀中原恢復功。

大庭宴罷百官欣。

馬上歸來酒半醺。

寵渥優沾何以報。

須知一飯不忘君。

第二十七齣 虜驕

〔點絳脣〕〔淨扮金兀朮上〕孫武神謀。項籍威武。誰爲伍。笑俺單于。曾占中原否。

王基霸業今朝定。舉鼎拔山蓋世強。看俺脚尖踏踏處。猶如猛虎啖羣羊。自家大金兀朮四太子是也。勇歷中華。氣吞諸夏。鎗尖指處。萬將消魂。馬足臨時。一城納款。徽欽二帝。被咱虜入五國城中。南渡高宗。是俺驅逐臨安府內。試看江北地界。是處在俺版圖。今日江南此去。管教歸于一統。把都兒們那裏。〔衆唱金字經上淨〕把都兒們。俺兵入中國。如踐無人之境。你看今日已到江南。真個是中華佛國。錦繡江山。好灑落。好灑落。天下大勢已定。豈可錦衣夜行。與我整率旗旛。歸去報俺單于得。

知是好快活也。

〔清江引〕神兵到來誰敢阻。飲馬長江濟。吹噓定魯齊。談笑平吳楚。看江南江北皆吾土。〔衆〕稟元帥。聞知韓元帥兵拒江岸。邀截歸路。〔淨笑介〕呵呵。何須記念。俺自起兵以來。誰敢與我爲敵。韓世忠吾何怯哉。把都兒們擂鼓。與俺殺向前去。

〔前腔〕蹙蹙陣前喧戰鼓。殺氣騰江濟。秋高馬似龍。弓勁人如虎。諒那個敗殘的宋家兵何足數。〔淨〕傳令安營。此間有金山龍王廟。形勢極峻。可以覘宋兵虛實。明日親自帶領輕騎。到彼登覽。便知端的。

倒海摧山勢若崩。

長帆大櫓下江東。

雌雄勝負何須慮。

盡在登臨一覽中。

第二十八齣 家慶

〔出隊子〕〔生領軍上〕西風歸路。西風歸路。黃葉丹楓入畫圖。金戈繡襖馬前呼。野外人家驚未覩。〔衆〕稟爺。到京口地方了。〔生〕咫尺江城。早至故廬。〔虛下〕

〔喜遷鶯〕〔老旦上〕秋生庭戶。聽砧擊寒霜。蛩吟清露。〔旦上〕慰別音書。勤王消息。那更曉夜。縈慮孤枕。愁窺涼月。遠夢驚回。斷浦。〔公子上〕專稟復。見門人來報。已進征車。〔旦〕快遣人去接。〔公子〕領慈命。〔生上見介〕咫尺江城。已是故廬。〔生進見介〕岳母拜揖。〔老旦〕姐夫。風霜辛苦。王事賢勞。〔生〕本等。夫人拜揖。〔旦〕相公萬福。相公。朝廷事體如何。〔生〕苗劉二賊。已被下官擒獲。并逆黨俱斬。市曹訖。朝廷肅清。家邦無恙。主上設中興筵宴。賞賚功臣。下官蒙陞檢校少保。領兩鎮節度使。夫人封梁國夫人。給內中俸優賞。誥命在此。韓彥直授祕書省少監。賽多嬌擺香案。請奶奶大老爹拜闕。〔旦〕公子拜闕介。〔賀聖朝〕〔旦〕君恩似海深。難報。每叨承金花紫誥。〔公子〕願吾皇萬歲。皇圖鞏固。萬邦熙皞。〔旦〕母親請拜。恩同天地。情猶烏鳥。敢不承顏行孝。〔公子〕老大父親母親請拜。願清時安享白頭。康健畫堂歡笑。〔生〕小婿無以爲報。謹奉黃封一杯。爲岳母壽。賽多嬌看酒。金鶯玉燕奏樂。

〔畫眉序〕〔生遞酒介〕佳氣溢天衢。藻繡輪連障。朱屋看金缸。脚壁耀流華燭。瑤壘內滿捧黃封。紈扇底高歌青玉。〔合〕今朝玳宴排家慶。何幸共沾天祿。

〔前腔〕〔旦遞酒介〕深慚荷恩睦。九鳳花冠鏤金束。喜頒來天上。鳳誥犀軸。霞帔羨煥爛。拖朱環。珮聽鏗鏘。鳴玉。〔合前〕

〔前腔〕〔老旦回酒介〕西山日將沒。嘆我南來寡親族。喜家門今日。有女賢淑。你識得紫塞長城。我種德藍田雙玉。〔合前〕

〔前腔〕〔公子奉酒介〕仙娥降西幄。樂奏賓雲右仙曲。看柘枝妙舞。芙蓉裊褥。喜高堂椿茂萱長。羨滿門佩金橫玉。〔合前〕

〔滴溜子〕〔生〕謾說道。謾說道。叛臣就戮。多應是。多應是。朝廷有福。幸今謬膺崇祿。闔外寄兵權。推輪捧轂。受國殊恩。敢忘舉足。

〔鮑老催〕〔旦〕相公。國危主辱。中原板蕩。當克復。虜酋侵擾。當驅逐。忠和孝。節與義。須相勗。奇珍異味。天庖餼。一飯須知恩可報。君恩似海深難掬。

〔滴滴金〕〔衆〕金爐寶獸香馥郁。錦瑟瑤聲箏斷續。纖腰翠袖風翻逐。晝如春人似玉。情愛篤。願教百歲歡娛足。歡娛足。畫堂不夜。光生銀燭。

〔雙聲子〕凌霜菊。凌霜菊。喜開遍闌干曲。蟾蜍魄。蟾蜍魄。喜高挂銀河曲。羅浮綠。羅浮綠。傾千斛。傾千斛。羨侯門富貴。來誇金谷。

〔尾聲〕中興莫作尋常日。麟閣勛功誰可續。看取世代恩榮券垂玉。〔卒〕稟老爹。金兵沿江扎營。〔生〕傳令差人過金山龍游寺治酒。約明心長老。我來與他話舊。毋得遲誤。〔卒〕領鈞旨。

家慶宏開玳瑁筵。

玉山醉倒月明前。

從來母貴由兒貴。

須信妻賢夫亦賢。

第二十九齣 計定

〔末頭目上〕丹陽固北是吳關。畫出樓臺雲水間。千巖烽火連滄海。兩岸旌旗繞碧山。自家韓元帥麾下頭目是也。我元帥差我過金山寺治酒。約明心長老話舊。迺邇行來。卻早到這江頭也。那聽事船渡我過去。〔丑船家唱山歌上〕萬里長江不斷流。得停舟處且停舟。我在黃蘆灘畔。白蘋岸頭。得魚沽酒。妻歌子謳。怎肯去浪花堆裏悲船漏。〔歌〕世人弗識風波險。只到風波

險處休呀。長官那裏去。〔末〕渡我過金山去。〔丑〕如此請上船來。〔末〕上得這船來。是好江面。地分吳楚。形勝東南。七澤西流。萬川東注。無端烟水茫茫去。不盡長江滾滾來。月碾素秋來海底。天光上下。淨涵萬頃玻璃。風擁雪浪捲長空。水勢泝溯。怒倒千尋銀壁。驪珠吐燄。鮫人出沒浪花間。黃狗駕肩。霹靂鞭追江水裏。正是吞吐九區波濤闊。出納三江地界寬。過得這天塹長江。卻早到金山寶地。〔末上岸〕那聽事船只在山下等。〔丑〕理會得。〔下末〕你看好座金山。脈來京峴一峯突。寺建梁陳。千載開江風四面。撼波濤。屹立中流砥柱。神蟒一朝皈法旨。創爲不二道場。百仞立金鰲。地勢平吞三楚遠。千尋浮碧玉。山光高壓大江雄。浮金堂。雄跨堂。碧映丹輝。嗟嗟峨峨。雲捧樓臺出天上。化城閣。無邊閣。涵虛閣。金鋪玉砌。重重疊疊。山藏殿宇出波心。妙高臺上望諸峯。點點青螺天際小。得月亭前觀大海。茫茫碧漢水邊浮。僧歸夜船月。咿咿啞啞。櫓聲搖曳坐來聞。龍出曉堂雲。氤氳氤氳。嵐氣霏微沾袖濕。天垂四面青。攜得紫簫吹月上。榻借東軒勝。呼將白鶴渡江來。真個是天多剩得月。果然是地少不生塵。數點漁燈。看不盡暮烟晚景。半江帆影。望斷水闊天空。正是繁華今古饒中土。形勝東南有此山。此間已是方丈。待我叫一聲。有人在此麼。

〔金字經〕〔丑僧上〕我表子小名兒叫做一錠金。俊俏風流沒處尋。偏稱我的心。叫一聲南無普陀崖大慈悲救苦難觀世音。〔末〕長老。出家人有表子。〔丑〕長官。我見你來。故意取笑。長官何來。〔末〕我是韓元帥差來的。在此治酒。請你師父話舊。〔丑〕元來如此。待我請師父出來。師父有請。

〔西地錦〕〔外僧上〕誰謂菩提有樹。須知明鏡無臺。瓶中止水天心月。應未惹塵埃。自家金山寺住持明心是也。徒弟請我。不知甚事。〔丑〕師父。韓元帥差此位長官來請你。〔末〕長老拜揖。〔外〕長官有禮。〔末〕元帥差遣小人來治酒。少頃即來與長老翫月敘舊。〔外〕長官請坐獻茶。徒弟快去打掃法堂。收拾齋供。去山門外迎接韓元帥到來。〔丑〕理會得。〔生上〕

〔秋蕊香〕秋到潤州江上。紅蓼黃蘆白浪。小船載酒恣幽賞。誰識此行情況。下官來此閒行。豈是我當國家多故之時。爲此游樂之事。欲假此看此間形勢。以爲破虜之計耳。呀。早到金山了。〔衆〕請爺上岸。〔與僧相見介生〕長老。久不相見。每勞塵想。〔僧〕元帥今日降臨。山僧多幸。〔生〕今日天色清明。定有好月。特來與長老坐月話舊。〔僧〕多謝。請元帥游玩片時。就到方丈請

坐獻茶。

〔惜奴嬌〕晶晶長江。發岷山萬里。赴海歸洋。三吳地。突起鷺峯江上。眞賞。碧玉浮波。蒼鶻搏風。金鰲吞浪。凝望。我則見倚天開樓閣。棟飛簷敞。〔生〕這廟宇是何神聖。〔僧〕此是龍王廟郭璞墩。有淺水沙洲逕達東岸。〔生佇望〕過此往那裏去。〔僧〕此處過去是小房。請獻茶。

〔前腔〕〔僧〕崖房。石跨危梁。向江開竹逕。小構僧房。蒲團上。且請暫閒塵鞅。道人看茶。取火來燒香。〔內應〕來了。〔僧〕蒙訪。滿爇沈烟。旋煑先春。聊爲供養。〔生〕天色漸晚。且登覽一回。卻不是好。〔僧〕如此請了。披蟒纔轉上妙高臺。正與海門相向。〔生〕呀。不覺月早上了。

〔鬪寶蟾〕蒼茫海月流光。漾長波跳躍萬條銀蟒。吸青冥風露。袂涼襟爽。追想賦詩橫丈槩。擊楫誓長江。事堪傷。那異代豪華。都付水流長往。

〔前腔〕〔僧〕銀潢。遠接江光。拭青銅淨洗一天秋爽。聽漁歌忽斷。晚風蘆港。還

想鯨飛邀月醉。猿嘯引杯長。進霞觴。莫負此良宵。須放好懷歡賞。〔生〕

〔錦衣香〕泛月江。僧歸舫。濺佛裳。鯨噴浪。張祐孫魴令。人遐想。中泠冷。濺齒牙。香。消吾渴吻。滌我枯腸。待臥吹簫管。上揚州。許誰豪放。吞海亭虛敞。江光四望。欲駕天風。恣游蓬閬。〔僧〕

〔漿水令〕頭陀洞。蟒蛇皈向。郭璞墩。蛟龍隱藏。燃犀昔日事荒唐。風流江左。曾羨周郎。霸王業俱蒿莽。空勞鐵索沈千丈。金樽罄。金樽罄。好酬佳況。銀蟾墜。銀蟾墜。須整歸航。

〔意不盡〕明朝又逐紅塵曩。準備衝風破浪。帆櫓旌旗蔽滿江。

終日驅馳塵壤間。

欲尋幽勝且登山。

因過江上逢僧話。

偷得浮生半日閒。

〔弔場生〕左右喚蘇德解元來。〔衆〕領鈞旨。蘇解二位將軍有請。〔小生末上〕馬跨征鞍將掛袍。柳梢門外月兒高。男兒未掛封侯印。腰下常懸帶血刀。蘇德解元聽令。〔生〕蘇德。此間形勢。無如金山

龍王廟最峻。虜必登此。覘我軍虛實。你可領六百驍勇軍去。三百人伏廟中。三百人伏江岸。遣人于中望之。戒令聞江中鼓聲。岸兵先入。廟兵繼出。裏外夾攻。務要臨機應變。活捉酋虜。功居第一。勿致疎虞。惹罪不貸。〔小生〕領鈞旨。〔生〕解元。你將海艦盡泊金山脚下。命工鍛鐵。兩船相連。爲長綆貫一大鈎。準備聽用。〔末〕得令。

計就月中擒玉兔。

謀成日裏捉金烏。

第二十齣 寇逸

〔醉太平〕〔小生〕韜戈斂鋒。短箭輕弓。龍王廟裏立奇功。要潛形隱蹤。他來撞入牢籠洞。夾攻裏外施英勇。看他鵬翮怎搏風。管教墮吾計中。衆軍士。你三百人伏於江岸之側。蘆葦之中。着一人遠望。見有虜入。擂鼓爲號。三百人齊殺入廟。我廟中三百人殺出。莫教走了一個。元帥將令。不可違誤。各宜小心。〔衆〕謹遵將令。

〔前腔〕〔淨領四人騎馬上〕戰袍血紅。玉帶玲瓏。絕塵赤電似蛟龍。看一鞭驟風。傳令往淺水沙路。逕上龍王廟去。龍王廟裏山形聳。長江四面皆相控。宋營虛實在。

我一觀中。看今朝立功。上的這山來。你看江光浩渺。山勢巖從。四顧無人。吾好計也。把都兒們隨我到廟裏來。〔衆擂鼓殺上捉住二人淨走下〕

〔劉滾〕〔小生〕果然的。果然的五騎入神堂。那玉帶紅袍。必爲酋長。捉得此人。回。定加重賞。快去擒來。莫教輕放。傳令不要走了那穿紅的。快去擒來。莫教輕放。

〔下〕

〔前腔〕〔淨慌跑上〕誰承望。誰承望廟裏伏兵藏。〔淨下馬復上走介〕馬失遭顛。幸咱無恙。忽聽喊聲來。心驚膽喪。急急奔離。天羅地網。〔跑下小生領衆上〕急去擒來。莫教輕放。〔衆〕將軍那紅袍玉帶的已跌下馬來。又被他復上馬走去遠了。欲再趕恐有伏兵。請鈞旨定奪。〔小生〕既如此。不必去趕。且押那廝過來。〔衆押二人跪介小生〕你兩個羯狗。那玉帶紅袍是誰。〔丑〕將軍。是俺主帥四太子。俺二人是他部曲。望將軍饒命。〔小生〕左右。押這廝去見元帥。正是踏破鐵鞋無覓處。得來全不費工夫。

第三十一齣 女戎

〔掛真兒〕〔生上〕設伏金山擒賊虜。諒非馬邑機疎。〔旦上〕妙算無遺。神機莫識。看取一朝恢復。相公萬福。〔生〕夫人拜揖。夫人。昨遣蘇德去金山龍王廟裏埋伏。料賊虜必來。如何這早晚尙不見回報。〔旦〕相公神機妙算。定無遺失。蘇將軍智勇。必能成功。不必多慮。〔小生領軍士押金人上〕腰間寶劍七星文。臂上彎弓百戰勛。計定金山擒醜虜。始知天上有將軍。左右通報。〔衆報介生〕着他進來。〔小生〕蘇聽參見。〔生〕蘇德。金兀朮曾來麼。〔小生〕元帥神算。小將領鈞旨。將人兩下埋伏。果有五騎入廟。當擊鼓爲號。裏外夾攻。活捉二賊。走了三騎。其一人紅袍玉帶。跌下馬來。末將急上前擒捉。被他復跳上馬走脫。末將審此二虜。說是金兀朮。末將未獲全功。請鈞旨發落。〔生怒介〕你領六百人。不能捉金酋五騎。明日金酋十萬之衆。怎生與他相持。慢吾軍令。左右推出轅門。斬訖報來。〔衆綁小生日〕相公明日與兀朮交戰。正當用人之際。乞看妾面。且饒他這遭。況使功不如使過。着他帶罪殺賊。未爲不可。〔生〕旣夫人要寬宥他。放他轉來。那蘇德。且寄你頭在項。明日交戰。果能殺賊。另作區處。你聽我分付。

〔大逐鼓〕明朝戰大江。與我擺齊戰艦。齊率帆檣。遣兵先塞沿江港。夾攻兩岸。

謹隄防。背水功成。伊罪可償。

〔前腔〕〔小生〕蒙恩生德。怎當敢據忠效力。用武摧強。駕長風。殺入黃天蕩。管教酋虜喪。長江。淝水功成。吾罪可償。

〔前腔〕〔旦〕相公吾心自忖量。荆奴慚愧。屢沐恩光。欲行圖報。心常快。今朝正好赴勤王。洹水功成。吾責可償。相公。奴家今願從軍。敢效一箭之勞。以圖補報。望相公不棄。〔生〕夫人雖女流。有此忠勤。亦是難得。願請同行。

殺氣轟騰蔽太陽。

甲兵千萬下長江。

木蘭忠義今還見。

笑殺男兒不自強。

第二十二齣 酋困

〔縷縷金〕〔淨丑兀朮龍虎大王上〕風勢惡。浪頭高。小船如漂瓦。魄應消。那更兵船遶。隨風跳躍。安能插翅把生逃。餘生料難保。把都兒們。你看風力怒號。江濤洶湧。南人乘船。若履平地。你我不利於水。如之奈何。前面宋家兵船使來。不免上前迎敵。

〔前腔〕〔生日領水兵上〕江水闊。陣雲高。順流三翼下。列千艘。殺氣騰江嶠。旌旗照耀。胡兒今日命難逃。君讎足相報。〔旦〕元帥今日之戰。非比等閒。一則有長江天塹之險。二則有元帥甲兵之勇。擒之甚易。不可錯過。迎還二帝。恢復中原。在此一舉耳。妾親執桴鼓。大小三軍。不許輕退。違令者以軍法從事。

〔東甌令〕傳吾令把帆拽。力戰乘風爲上策。催征戰鼓奴親掌。當速擣巢穴。滅胡興宋這功業。應在此時節。〔生〕夫人言之極當。解元等乘風殺向前去。〔兩軍分立介〕

〔前腔〕〔生〕那搔羯狗合當滅。你看洶湧江濤號怒颺。艤幢百萬排千里。插翅怎飛越。投降急早省饒舌。免取頸汚血。

〔前腔〕〔淨〕吾好笑你狂說。豈不知驕勇天生當世傑。江南江北皆吾有。誰敢阻歸楫。伊今要把雌雄決。看取手中鐵。〔旦搦鼓兩軍相衝捉住龍虎大王淨敗下介〕

〔四邊靜〕〔生催兵趕下〕中軍戰鼓聲轟裂。催船速排列。一字擺長蛇。首尾要相接。須圖大捷。乘銳衝折。一鼓盡成擒。應將國讎雪。

〔前腔〕〔淨慌跑上〕艤艫貫索橫江截。歸途阻交絕。號炮咤雷驚。戈刀電光掣。蕩魂捫魄。心驚腦裂。傳令急收帆。逃生港中泊。〔復跑下介生趕上〕一鼓盡成擒。應將國讎雪。〔衆〕稟爺。金兵敗入港中去了。〔生〕傳令把住港口。〔衆〕領鈞旨。〔生〕押過那廝來。〔押丑跪介生〕那羯狗。你是甚麼人。〔丑〕將軍。我是金兀朮女婿龍虎大王的便是。望將軍饒命。〔生〕左右。將這廝送府牢固監候。〔衆〕領鈞旨。〔下旦〕元帥兀朮那廝既入囊中。可遣將督兵。水陸並進。卽成擒矣。〔生笑介〕夫人。那廝敗入死港。插翅也飛不去。解元等好生督兵巡備。嚴加防守。彼糧盡自然成擒矣。〔衆〕領鈞旨。正是

不施萬丈深潭計。

怎得驪龍領下珠。

第二十二齣 酋伏

〔憶秦娥〕〔淨領敗兵上〕宋兵滿目如蜂聚。長江阻絕難歸去。〔衆〕難歸去。入地無門。上天無路。〔淨〕跨馬橫戈數十秋。威名赫赫震中州。〔衆〕而今兵敗黃天蕩。你不到烏江不肯休。〔淨〕把都兒們。我自起兵以來。到今二十餘載。取中原百二十州。未嘗敗北。今日被韓世忠殺的

我有家難奔。有國難投。在這死港內。裏無糧草。外無救兵。怎生是好。我有個計策。待俺請他相見。俺便做個伏低。納款投降。他放我渡江。也不見得。小把都兒。你出港口。大叫說韓營軍士通報一聲。俺元帥請你家元帥扳話。〔丑〕領鈞旨。〔丑報生上〕傳令着他出來。〔淨出相見介〕韓將軍。將軍天朝上將。末將沙地小虜。有犯將軍虎威。合該萬死。但這水鄉。舟楫頗非。末將長技。就此成擒。將軍亦不爲武。願將軍施好生大德。活螻蟻餘生。假一道北還。誓不敢再犯江南。惟將軍諒之。

〔鐔鋏兒〕向轅門拜倒。陳情啓告。乞憐我殘兵將弱。危亡怎逃。北平敗殍。欲還假道。叩英豪。求恕饒。願歲歲貢天朝。從此休兵講好。

〔前腔〕〔生〕你全不量度。真是教人可笑。你本是林中翼虎。雲外飛鷗。旣入我樊籠圈套。怎放你迅飛號跳。覷寶刀。你頭可裊。今日雪恥報皇朝。你休想穹廬醉飽。左右取酒過來。〔衆〕領鈞旨。〔下復上〕瓶鑄黃金鳳。杯浮碧玉漿。稟爺酒在此。〔生飲介〕萬里長江戰艦連。秋風殺氣暗吳天。笑他李廣非良將。怎放胡兒匹馬還。

〔前腔〕〔淨驚介〕看了他雄威壯貌。那更安閒灑落。不由人氣淹神耗。使不的語

絮言叨。韓將軍。我金兀朮已服將軍虎威。再不敢與將軍爭雌雄。較勝負。謹有所貢。乞求放還。貢名馬金鞍玉埒。并送還剽掠。求講好。聊慰勞。倘見憐。假道。後日當銜環結草。

〔前腔〕〔生〕聽你語言顛倒。只恁不知分曉。欲求假道。貢獻何勞。只須把中原復我。送一聖還朝。方講好。卽恕饒。歸來明主報。只此你生還可保。〔淨〕將軍旣欲二帝還朝。須索放我歸去。送還便了。若此時堅執不放。只怕勝負未可分。將軍請自思之。〔生怒介〕這臊羯狗。你命懸於吾手。還這等誇口。左右取弓箭來。〔生射介〕看箭。〔淨驚跑下介生〕大小三軍。兀朮那廝今在死港內。諒無出路。好生把守。聽吾號令。

戰艦連營列幾遭。

小船巡哨莫辭勞。

穿中餓虎何愁縛。

釜底窮魚命怎逃。

第二十四齣 獻計

〔丑金兵上〕我是金營頭目。專管男女俘囚。有錢的饒他性命。無錢的一頓拳頭。自家掌管俘囚。這兩日困在此間。打辣酥也沒得喫。不免叫俘囚們出來。拷打一回。騙些銀物。卻不是好。那夥男女那

裏〔衆上丑打諢點名介〕還少一名在那裏。〔扮福建人上〕口吐張儀舌。胸藏孫子機。此身沈陷穽。能說不能飛。排頭作揖。〔丑〕死囚與誰作揖。把銀錢衣物來。饒你二十皮鞭。快些。〔末〕排頭。我銀錢都無。有一奇策。獻與元帥。得出重圍。有賞賜奉承一半。何如。〔丑〕你有甚奇策。說與我聽。〔末〕這是機密事。私說不得。你報與元帥。自有說話。〔丑〕你莫騰那。我元帥處不是耍處。莫連累我。〔末〕不妨。見元帥自有好處。〔丑〕如此。少待元帥升帳我稟。

〔珠絡索〕〔淨上〕黃天蕩裏困重圍。愁似江流日幾迴。無計可施爲。自家被韓世忠兵困在此。爭奈他足智多謀。兵強將勇。難與爲敵。昨日與他扳話。要還他二帝。復他中原。纔肯放還。事到如今。則得依他。別無出計。如之奈何。〔丑〕小的稟事。〔淨〕稟甚麼事。〔丑〕俘囚隊裏有一福建人獻策。稟知。〔淨〕既有獻策的。快請來。〔丑〕獻策人有請。〔末〕小人叩頭。〔淨〕謀士有何教我。那裏人氏。〔末〕小人是福建人。姓王名智。有一得之愚。冒罪上聞。〔淨〕願聞。〔末〕此間有老鸛河故道。掘開三十里。逕趨建康。用小船拈上木板鋪平一船。用槳八把。鑿穴安槳。無風則出。有風則止。無風他大船難動。我船疾快。仍用火箭射他箬篷。不攻自破。此爲上策。〔淨〕甚妙甚妙。我有眼不識好人。把

都兒取盔甲牌劍來。就拜汝爲參軍。功成之後。再加陞賞。參軍這責任在你。任你施行。違令者斬。
〔末〕將軍聽令。

〔黃鶯兒〕軍令敢從容。辦鍬鋤與土籠。依他河影開淤涌。今朝起工。明朝奏功。百人一丈工齊動。笑談中。秦淮古渡。三十里自相通。

〔前腔〕小棹混江龍。浪花閒便折衝。平鋪土板須沈重。不須用篷。還須火攻。有風未可輕移動。穴牆中。八人搖槳。來往疾如風。
〔淨〕傳令不可泄漏。卽時起兵。正是

摔碎玉龍飛彩鳳。

頓開金鎖走蛟龍。

第二十五齣 虜遁

〔上林春〕〔生旦上〕封豕無遺。長江血濺。昆吾刃。
〔旦〕莫言唾手成擒。只恐遲留事變。鎮常多憤。
〔生〕報國丹心廿載餘。燕然功業豈難圖。
〔旦〕相公。莫因貪看中秋月。失卻盤中照乘珠。相公。這幾日巡哨軍兵。未見來報。不知兀朮那廝消息如何。相公不宜如此怠慢。
〔生〕夫人。昨日蘇德來報。兀朮那廝困極無計。只在早晚受縛。二聖可還。中原可復。吾之心願。可卒遂矣。
〔旦〕

相公還要仔細上緊。只恐停留有變。〔生〕夫人。我已籌之熟矣。諒無他虞。夫人。今日仲冬天氣。暖盎如春。山色江光。爽霽可愛。我與夫人駕戰艦乘風巡哨走遭。〔旦〕如此甚好。〔生〕左右。將金鳳瓶注玉膏酒。穩放中流。高掛風帆。巡哨一迴去。〔衆〕領鈞旨。〔生〕且上船看天介。〔呀〕天色變了。

〔香柳娘〕〔生〕看彤雲四合。看彤雲四合。北風恁緊。江天黯淡寒生。見洪濤迅奔。見洪濤迅奔。怒颼擊鵬鷗。狂雷鬪蛟蜃。忽飄飄雪紛。忽飄飄雪紛。長空撒銀。青山傅粉。

〔前腔〕〔旦〕戰玉龍敗甲。戰玉龍敗甲。漫天作陣。舞風還似楊花滾。想奴訛拜驚。蹴奴訛拜驚。衛闕泣窮薪。藍關抱孤恨。〔生〕左右取暖酒來。共夫人飲一杯。雖不及銷

金帳裏飲羊羔。對此江天大雪。亦是勝賞。〔旦〕且停杯問君。且停杯問君。誰擒蔡人。驕酣不省。〔生〕夫人言之有理。左右將船收港。明日自有理會。〔衆〕領鈞旨。

〔不是路〕〔末〕走報上。路滑泥深。冒雪轅門聲啞頻。〔末〕驚相問。狼奔鼠竄爲何因。〔末〕告將軍。金兵夜掘洲河遁。路出金陵淮水津。〔生〕怎麼這等快。〔末〕真神迅。

飛屯六合軍聲遁。元帥急當征進。急當征進。

〔前腔〕〔生〕蘇德諸軍。爲甚高坐江營。若不聞。〔末〕知他遁。調兵追戰大江濱。有
閩人。〔生〕閩人怎麼。〔末〕教他小船拈土平鋪穩。八槳搖來風送雲。他船小槳多。無風
出來。我船大。無風不能移動。難征進。被他火箭飛來緊。我船五緡見火就着。只見滿江中
煙飛焰滾。這事怎了。望將軍早作區處。〔生〕那探子。我知道了。你自去。〔末〕請鈞旨。既已報元帥。還
去覆先鋒。〔下旦〕相公。吾聞智者不倍時而棄利。勇士不怯死而滅名。忠臣不先身而後君。今相公
黃金橫帶。騁于江淮之間。不顧君上之難。非忠也。手握重兵。臨事每至于畏縮。威令不行于諸軍。非
勇也。當取不取。倚可乘之勢。棄千載之利。非智也。有此三者。可得謂之大丈夫乎。

〔解二醒〕〔生〕夫人。我也曾遣巡兵嚴加守禁。他既開河。怎不來聞。縱他謀成計
就連宵遁。嗟破甑。託非人。我本待要展酬廉范雲中忿。到做了計拙玉恢失雁
門。吾何恨。恨只恨柙中虎兇。怎放馳奔。〔旦〕

〔前腔〕相公。事在軍機。當捷敏。兵若驕矜。宜敗淪。緩兵縱賊。休他問。這情罪。在

將軍。你連檣空設橫江索。他鼓譟先過建業津。吾何恨。恨只恨國家從此多故多屯。〔生〕你自回府中去。

〔尾聲〕我今渡江再跨青鬃駿。追逐金酋領大軍。〔旦〕我明日到臨安呵。亦有封章達聖君。

謀事在人成在天。

機緘不密是君愆。

憑吾鐵騎追還得。

驚網遊魚去不還。

第二十六齣 褒功

〔末黃門上〕五雲樓閣鳳城連。花木長新日月邊。三十六宮通內苑。太平天子住臨安。自家黃門官是也。今日早朝時分。下官職司傳達。掌受奏章。恐有奏事官員。不免在此祇候。道猶未了。奏事官早到。

〔梁州序〕〔旦朝服執笏上〕金兵潛遁過長江。忠恨逐波長。蛾眉淡掃整晨妝。趨鳳闕。陳章疏。面君王。夫婦有私恩。君臣有公義。私恩雖不忘。公義那可廢。奴家丈夫韓世忠。雖

則忠勇豪雄。只是近日有些驕奢拒諫。黃天蕩兵圍兀朮。已是唾手可得。他銳始怠終。徒守不攻。致使兀朮那厮鑿河遠遁。所謂虎兕出于柙。龜玉毀于櫝中。是誰之過與。向後兩宮之還。中原之復。未可卜也。奴家若隱而不奏。雖則伉儷之情全。欺匿之罪大矣。今入朝具奏。早來到午門外廂了。金鶯玉燕只在此伺候。〔小旦〕理會得。〔下旦進朝黃門問介〕來者何官宅眷。所奏何事。就此披宣。

〔啄木兒〕〔旦朝拜介〕瞻舜日。仰堯天。頓首誠惶謹奏。言臣妾丈夫韓世忠呵。任元戎赴敵專征。冒矢石。怎惜身先。誰知冠軍驕侈。將兵機緩。致使吐蕃竟作壇西變。把那垂死胡兒生放還。〔末〕聖旨道來。卿夫韓世忠。智勇雙全。忠義獨步。金兀朮遁失。出於不測。況勝負亦是兵家之常。非卿夫不忠於國也。

〔前腔〕〔旦〕成和敗。雖在天。事屬人謀。貴萬全。怎禁他鎮月淹留。這生奸長智。誰愆那時節。謀施背水。全軍陷。到如今釀成赤壁。鑿兵變。臣夫緩兵縱賊。事屬不忠。軍法當刑。何待言。〔黃門〕夫人請起。聖旨已知。卽有旨意出來。便見端的。

〔舞霓裳〕〔衆捧詔書鼓樂上〕宸語叮寧。下瑤天。下瑤天。鼓樂從空降。恁喧填。恁喧

填。旗幟冉冉香風軟。一紙紫泥封。勸獎忠賢。聖主仁明斷。泰運從今轉。看取河
清海將晏。聖旨已到。跪聽宣讀。皇帝詔曰。邇者胡馬飲江。大肆殘虐。卿夫婦感激思奮。慷慨自期。獨
扼全軍。往邀歸路。將士聽命。水陸齊攻。捷音遽聞。殺獲甚衆。言念忠勞。不忘嘉嘆。金兀朮雖則遁去。
將折兵殘。氣消膽喪。助功當紀。罪何有焉。朕覽梁國所奏。忠義凜然。尤見卿夫婦爲國忘家之忠。韓
世忠特授橫海武寧安化軍節度使。檢校少保克京東淮南東路宣府處置使兼營田大使。其妻梁
氏。封爲兩國夫人。仍徹儀衛鼓樂送兩國歸第。用表忠義。卿其勉焉。欽哉勿替。謝恩。

〔二段子〕〔旦〕謝恩。聖恩不淺。念臣勞雖微。必憐。臣顏汗赦。念愚忠雖存。尙慳。玉
音反嘉。垂恩眷。過愆赦宥。無誅譴。叩謝金階。不勝歡忭。〔黃門〕夫人請行。

〔歸朝歡〕〔衆〕祥雲擁。祥雲擁。旌旗蔽天。黃金勒。天街踏遍。鸞鳳和。鸞鳳和。簫
韶鬧喧。寵渥恩深。這遭際。人生罕見。始知汪洋海深。還爲淺。君恩浩蕩。天高遠。
從此報國忠貞益自堅。

夫忠婦義世應稀。

臣直君仁兩得之。

世治朝廷多正氣。

家危婦子恁嘻嘻。

第二十七齣 忠陷

〔滿園春〕〔淨秦檜上〕位正三台列上卿。恩加九錫寵光榮。四海承風。百僚拱手。威名赫盛。下官當朝宰相秦檜是也。職掌絲綸。位居台鼎。黃麻紫誥。曾叨宮省之封。玉帶金魚。已極人臣之貴。六卿之上元老。天子之下一人。每思希固寵榮。須用諂諛以媚主上。意欲妄自尊大。還當擅威福以挾臣僚。順吾者官陞祿進。逆吾者罷職加刑。緘口須指鹿爲馬。專權必假烏爲鸞。吾知近日以來。岳飛韓世忠等。專事征伐。敗我和議。甚是可惡。前日我假以論功陞賞之名。俱除入樞府。罷其兵柄。此事已妥。昨又得金四太子蠟書云。飛兵朱仙鎮上一陣。殺得他片甲不回。身幾不免。說我朝夕以和請。而飛方爲河北圖。必殺飛而后。可眉頭一縱。計上心來。我想岳飛少事張俊爲列將。一旦拔起。爵位與齊。俊常深忌之。諫議大夫万俟卨。亦常與他有怨。況二人又是我心腹。昨已遣人去請他來商議。得他二人相從。岳飛父子。死無葬身之地矣。堂候官分付把門人。張樞密万俟卨諫議來時。卽來通報。〔末〕領台旨。

〔寶鼎兒〕〔小生丑張俊万俟高上〕忽報相府相呼。急整鳴騶趨命。〔丑〕樞密大人拜揖。〔小生〕諫議先生拜揖。〔小生〕諫議先生。秦丞相相邀我二人。不知有甚話說。〔丑〕樞密大人在上。秦老丞相請。必是爲在朝諸老。在外大將。阻諫和議。想是爲此呼喚相議。〔小生〕諫議先生。是爲此相招。你我到彼。怎生答應。〔丑〕下官愚見。秦老丞相勢焰燭天。炙手可熱。榮辱在其掌握。必當順其意旨。不可違逆。大人請自上裁。〔小生〕諫議先生言之極當。正合愚意。就此同行。轉東過西。此間便是相府門首了。〔小生〕左右通報。〔衆〕稟。張樞密万俟諫議來了。〔淨〕有請。〔小生〕老丞相拜揖。便是相府門首了。〔小生〕左右通報。〔衆〕稟。張樞密万俟諫議來了。〔淨〕有請。〔小生〕老丞相拜揖。〔淨〕樞密先生免禮。〔小生〕下官蒙老相國呼喚。不知有何分付。〔淨〕正是今因天下多事。生民塗炭。爲我憂戚。特請二位高明相議。倘有見教。老夫拱聽。〔小生〕老師相在上。若要天下安寧。須是罷兵爲上。〔淨〕呵呵。樞密先生言之有理。爭奈岳飛貪兵好殺。敗我和議。甚是無狀。欲煩二位畫一策除之。〔小生〕老相國既有此意。這全不難。聽稟。那岳飛呵。

〔瑣窗郎〕在軍中橫暴無情。將將佐輒加刑。有王俊二人。彼心積恨。欲報無能。呼他訐告。如形隨影。使其徒自相攻發。可爲證。怎出我這深窞。〔淨〕諫議先生有何說。

話〔丑〕老師相在上聽稟。

〔前腔〕遣臺官劾奏明廷。誣他竊兵柄慢軍情。虛申探報。以動朝廷。謀爲不軌。抗違君命。任他有冲天羽翼難舒掙。我砌就這深窞。〔淨〕二位在此。我還有一言。

〔前腔〕要謀成須用嚴刑。這干繫信非輕。須知遺患。畫虎不成。那時人笑。徒爲畫餅。囑伊家停留長智生奸釁。要牢固這深窞。

驕將貪兵屢誑君。

敗吾和議實堪嗔。

饒他縱有擒龍智。

難出天羅地網門。

第二十八齣 辨冤

〔畫堂春〕〔生朝衣上〕一封朝奏九重天。辯明忠義深冤。須知爲國惜豪賢。那避奸權。下官報國心誠。一點貫日。交游誼篤。其利斷金。可憐少保精忠。禍遭秦檜誣陷。令人矢心噴火。怒髮衝冠。今早具奏。若得准行。是社稷生民之福。少保父子之幸也。稍待秦檜到來。當面與辨。尤爲切要。

〔前腔〕〔淨朝衣上〕朝回紫禁散仙班。衣冠香惹爐煙。職司變理近堯天。獨擅威權。韓樞密拜揖。〔生〕相國拜揖。〔淨〕先生來省中何早。〔生〕下官爲岳飛被誣事。特問老丞相。那岳飛恢復中原。賸有七八。勦滅酋虜。僅存二三家國中興。正在此際。顧乃壞此良將。豈宰衡事乎。〔淨〕是誰誣他。他自悖逆無道。謀爲不軌。有他裨將告發。大理審鞫得實。非老夫所得私也。〔生怒介〕你誣害忠良。真個是賊殘心性。有乖和氣。那些個變理陰陽。

〔紅衲襖〕〔淨怒介〕你道是理陰陽在廟堂。我正要爲朝廷鋤逆黨。見如今酋肆毒流霄壤。又怎禁大將貪兵逞橫強。憂殺我宋家邦。幾覆亡。苦殺我宋生靈。遭殺傷。我只願兩家罷戰通和也。看取兵氣銷爲日月光。〔生〕咄。你佛口人前說善言。毒蛇常養在心田。

〔前腔〕你自道掌朝綱佐聖王。我道你假威權叢惡黨。全不想未迎二帝蒙塵壤。全不想未復中原禍犬羊。你既欲爲生民謀泰康。你就當爲皇家植棟梁。如何壞了萬里長城也。我會見荆棘銅駝臥夕陽。〔淨〕呀。韓樞密。你全然不知那岳飛了。

〔前腔〕他恃軍威甚不臧。濫軍功叨上賞。虛申探報恣欺罔。他附下要名殊未良。棄淮西住大江。肆奸雄玩廟堂。致書張憲通謀也。他只欲獵獵雲旗入建章。

〔生〕岳少保父子忠義。朝野共知。那通謀的事。可保其無。〔淨〕韓樞密。你知人知面不知心。此事莫須有。〔生〕老相國。你差了也。天下事當有明驗。猶恐有疑。說甚麼莫須有。莫須有。三字何以服天下。

〔前腔〕那岳少保呵。天地間忠義郎。古今稀英傑將。殺得那金酋心膽聞風喪。只俺這家國仇讎儘雪償。那些三個謀不臧。那些三個心不良。你那莫須有。三字怎服得天下人心也。說甚麼黃閣經綸肅萬方。〔淨〕韓樞密。你道是我等誣也。

〔薄媚滾〕朝廷上。朝廷上。聞奏臺官。龍顏怒難擋。勅司勘詳。追尋逆黨。已是究出奸謀情狀。誰人將他來冤枉。自罹殃。竊柄貪兵。百般欺罔。〔生〕老相國。國破家殘。不思拯救。鍛鉗結網。毒害忠良。是何心也。

〔前腔〕全不想。全不想。人有人心。此處難容枉。如何藏禍殃。陷誣名將。願吾皇准奏鑒明欺罔。此時追誅奸邪黨。這純鋼。不到他行。在奸邪頭上。

罪加悖逆理應當。

謀害無辜太不良。

大鵬吹在梧桐樹。

自有傍人話短長。

第二十九齣 決疑

〔臨江仙〕〔旦上〕國有奸臣獨擅權。肯容人功業巍然。誣他父子墮重淵。夫君雖爲辨。只恐反招愆。奴家夫君爲岳少保被誣。今早入朝爲他奉辯。又言若遇秦檜。定當面斥。我慮此時主上旣彼欺瞞。少保已遭刑獄。言旣不行。禍當旋至。如何是好。院子那裏。〔末上〕堂上一呼。階下百喏。小人叩頭。〔旦〕院子。你去階上有起課的尋一個來。〔末〕領鈞旨。呀。出得門來。卻早見個起課的來了。

〔丹鳳〕〔丑扮卜者上〕靴破底穿。袖通肘見。奔波終日飢難免。誰道我千算千靈。一身無算。〔末〕看你越奸越巧越貪。正是人算不如天算。〔丑〕我就是鬼谷君平。只落得口唇皮兩片。〔末〕請你去韓爺府裏起課。〔丑〕莫不是韓世忠那裏。不去。〔末〕好大膽。叫韓爺名兒。〔丑〕他當年來揚州投軍。我算他當爲大將封侯。只爲多言。把我一囤拳頭。打得觔斷骨折。至今天陰。骨頭還

疼。我還敢去。〔末〕如今是夫人問課。你去不妨。我那韓爺好人。你算得他既靈。相見還有重賞。快去。
〔丑〕大哥。沒錢也罷。只不要打。〔末〕稟復夫人。起課的來了。〔旦〕着他進來。〔丑〕小人叩頭。〔旦〕先生請起。有一事煩你一課。聽我道來。

〔鎖南枝〕心間事有萬千。狐疑不決。憂慮牽。知爾契先天。願求你先見。爻和象仔細占。吉利凶與直判。〔丑〕請賜一物。〔旦〕丫頭。將此釵與他。〔丑〕看介。夫人聽稟。

〔前腔〕金是寶貴莫言。金傍又字事有愆。珠玉嵌成圈。忠臣被誣陷。移人手彼弄權。寶物急收回。福祿還自遠。這數忠良莫救。奏章不准。舉家無恙。若能恬退。福祿自然綿遠。〔末〕老爺回來了。〔丑〕小人且迴避。

〔哭相思〕〔生上〕痛殺爲國忠良。經百戰。誰知今日遭誅譴。夫人在此與誰扳話。〔旦〕妾因相公進朝。在此問卜。〔生〕他怎麼說。叫來見我。〔丑〕小人磕頭。〔生〕這人我有些認得。當時在揚州相遇。開口靈是你。〔丑〕不敢。正是當初冒犯天威。望老爺寬恕。〔生〕是故人。起來作揖。〔丑〕不敢。〔作揖介〕夫人。此人在揚州算我命。別後一言一語。無不應驗。卻纔如何說。〔丑〕老爺在上。此

數極好。是祿位永終。福壽長遠之數。若能恬退更妙。〔生〕此言正合吾意。左右將銀十兩二表裏酬他。〔末〕銀段在此。〔丑〕小人不敢受。只不打就勾了。〔生〕你收了。〔丑〕小人拜謝。正是夫人開眼覷。便是福星臨。〔下旦〕相公奏事如何。〔生〕夫人聽告。

〔江頭金桂〕我本爲忠良。誣陷陳言玉。陛前頗奈奸邪欺蔽。阻匿封箋。向誰明這黑冤。當此際禍結兵連。有人當薦。卻把長城壞了。恨殺奸權。〔生〕與秦檜大爭一番。恨不得以笏擊賊。只是不濟事。睜睛赤面終惘然。夫人我前後百餘戰。報國之心力盡矣。此時不休呵。是不知進退。豈得爲智。待除簪脫冕。待除簪脫冕。功名分淺。謝塵緣。鈎船春雨惟高臥。黃犬東門免自憐。

〔前腔〕〔旦〕聽你說來有見。眞爲出世言。我想風波久涉。苦海無邊。又何須扣祖逖舷。那誤國奸權。他有千機萬變。終要遭他毒手。貴識機先。歸去五湖眞是賢。這天顏旣遠。這天顏旣遠。夢驚須免也安然。榮枯盡付浮雲外。荆布相看白髮前。〔生〕夫人我有三事欲了。〔旦〕相公那三事。可爲妾道。

〔前腔〕〔生〕我想自來征戰。生靈戮萬千。雖是身承國命。慘酷應憐。我欲薦亡靈解宿冤。又想負欠無還。書名立券。並要將來焚毀。了卻牽纏。皈向紫陽酬醮筵。〔旦〕請問第二件。〔生〕我今投老之時。這聲容欲遠。這聲容欲遠。侍兒當遣。斷姻緣。黃金散盡教歌舞。留與他人樂少年。

〔前腔〕〔旦〕君說欲爲三件。知君賢更賢。這人意允當天意。無量無邊。看你慶還餘福自綿。設醮禳愆。薦亡焚券。更用先期齋戒。意潔心虔。功德應知恪九天。散侍兒一節。妾任其勞。備房奩與遣。備房奩與遣。有父母者還他父母。無父母者任他適人。各從方便。古人言。今生已受前生福。再結來生不了緣。〔生〕我明早上表乞休。未知聖旨如何。〔旦〕那秦檜見相公做事礙手。得你辭官。是他心願。必准。〔生〕有理。

明日封章辭一官。

歸來此際可投閒。

莫憂世事兼身事。

須信人間比夢間。

第四十齣 乞休

〔一疋布〕〔淨上〕謀已遂。勢堪爲。伊誰敢抗違。強梁頗奈講閒非。看他禍自隨。恨小非君子。無毒不丈夫。自家因岳飛那廝。貪兵好殺。敗我和議。今已下獄。是他自取。頗奈韓世忠不干己事。替人出力。昨日奏我道奸邪誤國。幸得主上付之不理。又與我面爭一場。受他許多閒氣。但相見一揖而已。全不采我。甚是可惡。今結果了岳飛。料他禍來不遠。正是惟有感恩并積恨。千年萬載不生塵。

〔馬蹄花〕〔末〕步急心馳。機密前來特報知。早朝時候。韓府家人。上表丹墀。〔淨〕他奏甚事。〔末〕其中未審甚言辭。老爺這裏開緘。便見他情意。〔淨〕奏聞未曾。〔末〕小黃門未敢申聞。報鈞臺請自施爲。〔淨看本介〕檢校少保樞密使韓世忠。奏爲懇恩乞骸骨歸田里事。呀。元來這等。〔笑介〕

〔前腔〕笑彼狂癡。也有聰明識事機。他見前車既覆。後載還來。定爾傾欹。他今既覺出頭非。罷罷。我今也作饒人計。那官兒命中書批給回文。道吾皇准令伊辭。〔末〕領台旨。〔下〕

位望當朝重。

威權孰敢撓。

閉口深藏舌。

安身處處牢。

第四十一齣 修齋

〔趙皮鞋〕〔扮老道士上〕家住萬山巔。沒個煩惱肚皮寬。身披鶴氅帶黃冠。常與白雲爲侶伴。自家紫陽宮住持是也。昨日韓府送白米十石。銀子五十兩。分付做七晝夜黃籙大醮。不是等閒。叫徒弟法孫出來分付他。徒弟們那裏。〔道士道童白〕聽得師父叫。慌忙就來到。不是燒香掛旛的來。定是有人來打醮。〔丑〕我不來不來。〔外〕你如何不來。〔丑〕我三年攢得五分龜背銀。要去柴垛橋南沈家做東道。〔外〕莫胡說。前日韓府裏送五十兩銀子。十石白米。做七晝夜黃籙道場。你們可作速打掃醮壇。治辦齋事。務要齊整。〔衆〕理會得。〔衆打樂器介生上〕

〔少年游〕紫陽真境。建修黃籙。仙樂送聲頻。〔衆〕道官道士接爺。〔生〕起來。〔道〕請爺看。意旨。僉押文書。〔道士作法事科〕上請三洞五雷經籙神霄執法仙官臨安府道籙司右正上小臣來景福。謹爲大宋國修建祈恩保安薦亡謝過。信官韓世忠。卽日謹露丹誠。上干天鑒。意者伏爲身

爲大將。握領重兵。討逆除殘。殺傷甚衆。雖爲國事專征。實則傷殘可憫。有傷天地好生之德。不無鬼神譴責之愆。今於東宮慈父太乙救苦天尊玉闕下謹奉清醮一百廿分位。東獄天齊大生仁聖帝玉闕下謹奉清醮一百廿分位。地府北陰酆都玄天大帝玉闕下清醮一百廿分位。冥府十殿十王慈仁真君前清醮一百廿分位。用拔亡靈。救諸疾苦。脫離沈淪。往生仙界。恭於道力。介福方來。請老爺上香。

〔急板令〕〔生上香〕 爇名香拜臨醮庭。積誠悃申明鄙情。望仁慈鑒憫。望仁慈鑒憫。普度無辜。殺害亡靈。萬類孤魂。一切超生。歸西土極樂天京。〔合〕 求懺悔。保安寧。道官。我有人借貸文券。俱欲焚毀。〔道〕 請爺再上香。

〔前腔〕〔生〕 再焚香拜于上眞。望鸞旌龍車暫停。有情詞瀆聽。有情詞瀆聽。凡借貸人家。曾立券書名。今日呵。不欲償還。焚毀當庭。惟天帝作證爲名。〔合前道〕 道場圓滿。天神歸天。地神歸地。後有修齋。還當奉請。福生無量。天尊不可思議功德。〔生〕 道官道士。生受你了。〔衆〕 不敢。送老爺。〔生〕 上去。

修建黃籙大醮。

功德無量無垠。

願人常行好事。

願天常生好人。

第四十二齣 行遊

〔滿庭芳〕〔生野服上〕投老歸湖。皇恩浩蕩。閒身得伴漁竿。〔旦上〕日遲風軟。飛燕翦輕寒。最喜春隨人意。勸東君莫放杯乾。〔丑〕雕闌外。風搖翠竹。日日報平安。〔生〕少年十五二十時。英名不數黃鬚兒。一身轉戰三千里。一劍曾當百萬師。而今潦倒歸田裏。李

廣無功緣數奇。〔旦〕顛崖有險君知否。拂袖歸來真罕有。路傍時賣故侯瓜。門前學種先生柳。茫茫古木連窮巷。共看兒女欣相守。〔生〕夫人。下官蒙聖恩放歸田里。勅賜新淦田養老。更封我爲通義郡王。改別號清涼居士。今番是好無拘也。〔旦〕相公。人情喜榮者多。恬退者少。相公於濃豔中卽能擺脫。豈是上而不能下。伸而不能屈。往而不能自返者耶。可喜可慰。昨領尊命。侍兒們與他隨身房奩。給銀五十兩。任他自便去了。妾又遣人去接老母。并告。〔生〕如此甚好。紫陽宮薦亡焚券。事亦俱完。恰好老友陳公。自終南山來。他當初有言。休嗟世路事多艱。良配奇勛鐵瓮間。尋得藥苗歸鼎鼎。完。

相逢話舊在湖山。夫人姓梁。功名俱在潤州。除苗劉。救少保。既而入相。今日西湖相會。歷歷皆驗。此老真神仙也。〔旦〕難得。〔生〕奚童。你去請陳公西湖一游。牽蹇驢攜酒榼伺候。〔丑〕領鈞旨。陳老師父有請。〔老外上〕春日攜壺湖上游。錢塘門外霽烟浮。更多積翠千山遠。勝有拖藍一水流。奚童請我則甚。〔丑〕老爺請游西湖。〔老外〕我則在此相候。請老爺出來同行。〔丑〕老爺。陳師父在門首相候。〔生〕如此夫人暫別。徐步出錢塘。相將載酒觴。〔旦〕喜知山水趣。丟卻名利韉。〔旦下生老外相見介〕老先生。下官聊具酒殺。屈往西湖閒游。〔老外〕多謝提攜。

〔甘州歌〕湖山勝覽。向錢塘門外。謾整行鞵。葛巾野服。無拘樂事無邊。花間酒家張翠幃。堤上游人逐畫船。餘寒峭。麗日暄。清明幾處有新烟。松間月。竹裏泉。酒邊舊侶漫留連。

〔前腔〕行行至水邊。喜斷橋堤口。柳柔莎軟。〔生〕奚童。喚酒船過來。〔叫船介船家唱山歌上〕來了。我做船家無了休。終朝湖尾又湖頭。〔唱〕看了些王孫仕女聽了此宮詞野謳。喫了些殘羹剩酒。受了些風掀浪浮。人歸後。月似鉤。將船停泊淺

汀洲〔歌〕打掃子官倉。樓子我個家婆困。得風流處且風流。老官人要船請上。〔生〕
奚童。你牽驢到金沙灘相待。我船過六橋便來。〔丑〕領鈞旨。〔生老外上船唱〕揭天簫鼓。重湖
深處喧填。玉膏滿樽新市美。銀鯽堆盤荇菜解。紅香岸。碧樹灣。青絲纜引木蘭
船。風光好。景色妍。綠楊如髮。雨如烟。

〔前腔〕〔生〕蓬窗青幙懸。見湖光十里。淨鋪冰練。蘇公堤上。桃腮柳眼爭妍。六
橋豔陽還若昔。雙鬢蕭騷不似前。〔老外〕杯重勸。興欲翩。百壺那送酒如泉。尋
蘭汜。過藕川。葛巾欹側未回船。〔船家〕此間是金沙灘了。〔生〕老先生請上岸。〔丑牽驢上〕
老爺來了。〔生〕奚童。你牽驢隨後。我與老先生步行回罷。

〔前腔〕〔老外〕平湖野寺連。見青松徑轉。白雲門掩。〔生〕奚童。你問和尚可在。〔丑〕長老
在家麼。〔和尚上〕世間好話佛說盡。天下名山僧占多。是誰呀。二位老官人稽首。請告茶。〔老外生〕
長老拜揖。〔外〕翠微僧舍。暫來一餉談禪。老僧試烹建州雙鳳餅。汲取吳山第
一泉。〔生〕巖阿下水石邊。懸知此地是神仙。投衰老。結淨緣。多閒數得上方眠。

〔小重山〕〔扮二將官上〕路出錢塘嘶玉驄。湖山都入畫。景偏濃。來尋恩相扣禪宮。無覓處。多在此山中。左右。打聽韓爺在那寺裏。〔衆〕稟將軍。前面靈隱寺門首。韓爺小驢繫在那裏。想在裏面。〔二將〕左右不得輕進。待我扣門。有人麼。〔僧〕是誰。〔跪介〕不知二位將軍到來。接待不週。勿令見罪。〔二將〕你起來。韓爺在裏面。〔僧〕裏面有二位老官人。並無韓爺。〔二將〕你不知那葛巾野服的便是韓爺。你去通報。外面有麾下裨將來見。〔僧〕皮匠敢是要做靴。〔二將〕胡說。快去稟。〔僧進跪白〕韓爺。小和尚不知該萬死。外面有二位將軍。道是皮匠要來做靴。〔生〕呀。是我麾下將軍。他皆貴顯。來見我怎麼。那老僧去說。不勞相見罷。〔僧〕領鈞旨。〔生〕呀。我既無官。況又絕世緣。那紅塵中人見我怎的。老僧此去。他必進來。我今閉了此門。煩先生說往後山去了。不必相見。正是閉門不管窗前月。一任梅花自主張。〔虛下僧回復介〕二將〕長官。你我須索逕入。也見得誠懇之意。〔二將進不見〕老人家。韓老爺那裏。〔老外〕將軍。韓老相國傳示二位。他說既無官。況又絕世緣。往後山去了。道不勞相見。〔二將〕似此怎生。你我朝上拜四拜去。異日再去旌忠莊候見。〔拜介〕

〔前腔〕麾下衆軍戎。幾年成間隔。想高風。啣恩無極拜威容。老人家代稟一言。說我

二人朝上拜四拜回了。容日齋沐再求相見。空回首。惆悵對東風。〔下老外〕老相國。他二位去了。〔生上〕他們去了。〔老外〕二位朝上拜了四拜回了。道異日再來求見。〔生笑介〕呵呵。見我怎的。各從所好便了。老先生同往山中一游何如。〔老外〕甚好。請行。

〔皂角兒〕過孤山處士梅園。挹清風後人難見。憩西冷放鶴亭前。見酒家青旗招颭。九里松。石屋洞。兩高峯。三天竺。嶺迴溪轉。暖風十里。麗人好天。更堪憐。薜蘿深處。梵磬時傳。

〔前腔〕羨栖霞路接靈源。汎桃花胡麻仙飯。拜觀音大士山巖。發慈悲度人弘願。又早到獅子山。呼猿洞。北鷲峯。南屏嶺。萃奇深遠。烟中列岫。夕陽遠天。欲言還。行歌互答。歸路聲喧。

〔餘文〕蹇驢輕。香塵軟。餘情付湖水湖烟。明日還尋載酒船。〔內吹打生聽介〕奚童。這是誰家作樂。〔丑〕這是蘇尙書老爺家宴客。〔生〕蘇老尙書。是我極厚僚友。我今撞席走遭。也是春風一度。陳老先生先回。〔老外〕如此請別了。

歌舞歸來酒半釀。

襟懷自覺有餘春。

興來不必存形迹。

看竹何須問主人。

第四十三齣 寫意

〔遶地游〕〔老旦上〕世人多少。都向風塵老。嘆衰殘。又向烟江艤棹。〔衆〕稟太太。船已到臨安埠頭。請太太上轎。轉東過西。此間是本府門首了。〔老旦〕左右通報。

〔前腔〕〔旦上〕□鶯啼曉。鄉夢偏驚覺。〔公子上〕空極目楚天音杳。〔衆〕稟夫人。太太到家了。〔旦〕卻好。我正要差人去再接母親。〔有請〕母親音容久別。途路辛苦。待孩兒拜見。〔老旦〕我兒。生受你了。〔旦〕

〔御林鶯〕從別後。路頗遙。阻音書。慰寂寥。久離膝下兒不孝。也只因王事多勞。擾。〔合〕喜今朝。團圓子母。甘旨好親調。

〔前腔〕〔公子拜介〕年華邁。道路遙。別離輕。想念勞。教人魂夢天涯遶。盼飛鴻。望斷江天杳。〔合〕喜今朝。團圓甥舅。歡笑樂陶陶。

〔前腔〕〔老旦〕王家事當效勞。且休言。把我拋。相逢只恁相親好。這相思一筆都勾了。〔合〕喜今朝團圓骨肉。漫自話通宵。女兒相公如何不見。〔旦〕相公已奏准歸休。每日湖上盤桓。就歸來也。〔老旦〕元來如此。高致可喜。〔生上〕只知湖上樂。忘卻世間情。〔旦〕呀。相公來了。相公。老母到了。〔生〕岳母遠來。程途勞倦。取酒來爲岳母拂塵。〔旦〕甚好。酒在此。

〔琥珀貓兒〕〔生遞酒〕杯擎碧玉。香浥瀉春醪。拜獻丘山聊慰勞。好將懷抱放春宵。〔合〕傾倒喜門逕清閒。是非無惱。

〔前腔〕〔旦遞酒〕一家歡慶。難得似今宵。宴聚華堂春正饒。香濃酒豔對花嬌。

〔合〕傾倒願福似川長。壽同松老。〔生〕夫人。昨日歸來。遇着蘇仲虎尙書宴客。我一時高興。做個不速之客。他見我甚喜。痛飲通宵。我今日口占二詞。分付廚下蒸羊羔一器。并二詞送去作謝。〔旦〕如此。賽多嬌分付廚下蒸羊羔一器。老爺要送人。〔丑〕理會得。〔旦〕相公佳作。可讀一過。

〔生〕我讀。夫人試聽。冬看山林瀟灑淨。春來地潤花濃。少年衰老與花同。世間名利客。富貴與貧窮。榮華不是長生藥。清閒不是死門風。勸君識取主人公。單方只一味。盡在不言中。此是臨江仙詞。再

讀南鄉子與夫人聽。人有幾多般。富貴榮華總是閒。自古英雄都是夢。爲官寶玉妻兒宿業纏。年邁已衰殘。鬢髮蒼浪骨髓乾。不道山林有好處。貪歡只恐癡迷誤老年。〔旦〕佳作可誦可愛。相公封固好了。待羊羔熟。卽遣奚童送去。〔生〕正是。

從今子母鎮相隨。

不向東風怨別離。

自古養兒能代老。

應知女婿是門楣。

第四十四齣 策封

〔福清歌〕〔丑扮都官上〕都官是我己身役。鎮終朝接送辛苦。聞知勅旨下天衢。忙排儀仗。伺候在韓王府。自家旌忠莊地方都官是也。今日朝廷有旨。封韓郡王爲一字王。天使將到。不免安排香案儀仗。打掃街坊。聚集人夫伺候。道猶未了。韓爺早到。

〔迎仙客〕〔生日旦同老旦公子上〕笑鳩拙久疎。謀希寵渥夢寐無。何期天詔下西湖。天恩滂沛也。及我朽枯。下官乞歸林下十餘年。全忘世故。不意朝廷垂念老臣。復有封爵。樗朽何當。不免再整冠裳。安排香案。迎接道傍。多少是好。〔丑跪介〕天使已到。請爺接聖旨。〔生起來做

迎接介

〔前腔〕〔末捧詔書旗鼓上〕前代無。思舊老寵遇殊。頒來玉券并金書。封王爵。榮慶
耀門廬。聖旨已到。跪聽宣讀。皇帝詔曰。朕惟臣子乃國家揚武翊運之棟梁。忠義又臣子立身行己
之要領。忠惟自盡。義所當存。此朕素所屬望於臣下者也。茲爾通義郡王韓世忠。赤心報國。而豐功
偉烈。昭昭與日月爭光。通義郡王夫人梁氏。直言抗疏。而勁節忠心。凜凜共冰霜競勵。雖勒鐘鼎之
盟。每興拊髀之想。今進封通義郡王爲蘄王。通義郡王夫人爲蘄王夫人。其子彥直等除翰林院學
士。蘄王夫人母梁氏。能令其女改邪歸正。守貞可嘉。乃其平日得姆儀之訓。着有司月給米帛優養。
終其天年。於戲。老臣勳舊。旣秉爲國之忠。王爵維新。用彰報功之典。惟冀欽哉。永綏天命。望闕謝恩。
〔生日〕萬歲萬歲萬萬歲。

〔大環着〕〔生〕感當今聖主。感當今聖主。記念庸愚。金書玉冊。叮嚀天語。更封
妻蔭子。加爵封王。分茅胙土。螭文虎符。看龍飛鳳舞。祥鸞翥。金貂接武。喜綿綿
慶澤生門戶。老年何幸。復借天風。湛湛霑甘露。〔合〕皇恩廣布。念此生潦倒何

須數。深愧已無補。〔旦〕

〔前腔〕享千鍾厚祿。享千鍾厚祿。錫賚天廚。慚儂弱婢。并叨遐福。把名香滿爇。更謝生成。皇天后土。麟兒鳳喜。今朝也得登言路。腰懸白玉。羨五花宮。□文犀細。更多寵渥。七寶香車。翠蓋朱旛簇。〔合前〕

〔越恁好〕雕櫳朱戶。金鑪噴瑞霧。笙歌迭奏。氍毹□。酒頻呼。人生好景能經幾。更須知止。何勞自把精神苦。簪中白髮莖堪數。

〔前腔〕清平寰宇。好修文偃武。官清國正。民安堵。把眉舒。樽中綠醴休辜負。典衣沽取。高歌一曲黃金縷。休教落日悲西浦。

〔尾聲〕夫忠婦義誰爲伍。全始全終天下無。達者須知幾早圖。

佐主盡忠功業顯。

相夫篤義古今良。

虜酋膽喪奸邪避。

千古留名翰史香。

雙烈記終

御



吼

目錄

- | | |
|------|----|
| 第一齣 | 提宗 |
| 第二齣 | 敘別 |
| 第三齣 | 訪友 |
| 第四齣 | 住錫 |
| 第五齣 | 狹遊 |
| 第六齣 | 書招 |
| 第七齣 | 歸讌 |
| 第八齣 | 談禪 |
| 第九齣 | 奇妬 |
| 第十齣 | 賞春 |
| 第十一齣 | 諫柳 |

第十二齣 訓姬

第十三齣 鬧祠

第十四齣 贈妾

第十五齣 赤壁

第十六齣 頂燈

第十七齣 變羊

第十八齣 偷樂

第十九齣 復形

第二十齣 爭寵

第二十一齣 訴冤

第二十二齣 攝對

第二十三齣 冥遊

第二十四齣 謝師

第二十五齣 生子

第二十六齣 祖席

第二十七齣 撫兒

第二十八齣 西歸

第二十九齣 廷薦

第三十齣 同榮

獅吼記 目錄

四一開明書店



獅吼記

明 汪廷訥 箸

第一齣 提宗

〔東風齊着力〕〔末上〕任俠龍丘。高才蘇子。結社遊嬉。陳妻柳氏。奇妬世間稀。無奈翩翩豪興。但違禁甘受青藜。致學士犯顏極諫。私贈家姬。繫足苦難離。神人怒。一朝攝向冥歸。仗誰起死。佛印發慈悲。降伏河東獅子。順妾意代撫佳兒。送夫子雙登廊廟。驚嶺皈依。

陳季常風流懼內。

蘇東坡慷慨全交。

動幽冥禪師力大。

發菩提妬婦災消。

第二齣 敘別

〔戀芳春〕〔生扮陳季常晉巾便服上〕閨闔門楣。詩書世胄。青雲事業難酬。謾思五陵豪俠。肥馬輕裘。雅志尋山問水。賞心處陽春堪奏。慚株守。潦倒家園。何如選

勝遨遊。一脈書香遠借芬。才情磊落更超塵。花前愛挈東山妓。座上常開北海樽。詞賦有聲追屈宋。交遊到處結雷陳。男兒大肆探奇癖。何用浮名絆此身。小生姓陳。名慥。字季常。別號龍丘居士。原籍眉山。與蘇子瞻同里。先父公弼。作宦黃州。因而流寓岐亭。不幸風木含悲。年來獨與妻房柳氏。諧其伉儷。卑人雪窗螢火。曾苦志於三冬。雲路鵬程。未雄飛於萬里。因此陶情詩酒。寄興烟霞。愛客之心。孔文舉尙退三舍。好遊之癖。謝康樂還讓一籌。怎能殼丘壑中置向此身。恨不得金蘭簿盡收名士。只是我娘子雖多詠雪之慧。卻少剉薦之風。豈惟不樂交遊。亦且專作威福。役使盡皆老婢。那裏有金雀丫鬟。僕從總是蒼頭。何曾容青衣童子。使區區有懷莫展。抱鬱難伸。我想先父存日。曾令我拜呂公著爲伯父。他目今在京爲樞密。屢次以書見招。我借謁呂爲名。多載金貲。結客遊樂。料娘子決不阻我。事不宜遲。待娘子出來。便與他商議則個。〔旦扮柳氏上〕

〔臨江梅〕臉似芙蓉腰似柳。眼波湛湛橫秋。雲鬟斜軀玉搔頭。羞逞風流。難掩

風流。〔相見介〕〔浣溪沙〕〔生〕娘子。你裙拖六幅瀟湘水。髻挽巫山一段雲。到來不語自生春。〔旦〕

相公。你徙倚閒庭如有待。躊躇白晝豈無因。支吾言語不須論。〔生〕娘子。我有一事。正在此度量。卻

被你看出來了。〔旦〕有事何不對我說。〔生〕呂伯父自陞樞密。我不曾遣人走賀。他反數次相招。卑人意欲往謁洛中。以修通家之好。娘子意下如何。〔旦〕洛中道遠。有甚要緊。拋離家室。爲此浪遊。〔生〕

〔梧桐樹〕非忘道路修。爲念交情舊。暫別蘭閨。把父執親臨候。娘子。我得見呂公呵。功名倘可圖。及早乘機邁。願借吹噓。衣錦榮清晝。我豈是天涯海角空馳驟。〔旦〕

〔東歐令〕你把鄉關別。室家丟。迢遞長安作客遊。只怕你風流落在他人後。我寂寞難生受。〔生〕卑人非但不敢欺娘子。這家事也難久離。見了呂公。探一功名消息便返。〔旦〕果若爲前程幹辦。怎淹留。一任你買棹入皇州。你既然要去。何日起身。〔生〕打點行囊。即便登程。〔旦〕如此。丫頭看酒來。與相公餞行。〔丑扮丫頭持酒上〕杯酒慇懃勸。驪歌不忍聽。長安遠於日。無限別離情。酒在此。〔旦奉生酒介〕相公。我奉你一杯。

〔大聖樂〕心間事欲說還休。唱陽關斟別酒。啼痕漚透青衫袖。〔生〕娘子。卑人不

日就回。何勞悲痛。〔旦〕怕意馬放難收。休被那朝雲暮雨向臺前誘。休被那流水桃花在洞口留。更怕是呼盧浮白。被高陽狂客羈絆歸舟。〔生〕娘子放心。這都不必過慮。

〔三學士〕暫爾分違鸞鳳偶。怎將你恩愛輕丟。〔旦〕只怕你出了門。不是這等的心腸。

〔生〕我冰心不惹風塵垢。你香閣何勞抱杞憂。從今去。我謝客除花還戒酒。擬明月大刀頭。〔旦〕似這般說便好。

〔餘音〕只願你故人逢。功名就。我甘心坐待綠窗幽。〔生〕兩地相思望斗牛。

〔生〕欲去長安謁故人。
匆匆話別最傷神。

〔旦〕勸君更進一杯酒。
只恐貂裘染洛塵。

第二齣 訪友

〔鵲橋仙〕〔小生扮蘇子瞻角巾忠靖衣上〕紫宸列仗。螭頭濡筆。衣惹御爐香細。深慚文豹管中窺。叨寵眷瀛洲仙吏。〔鷓鴣天〕雙龍闕下拜恩初。天語躬承註起居。載筆已齊周

右史論詩更事謝中書。青瑣闥。鳳凰池。泠泠宮漏響前除。還聞漢主親詞賦。好爲從容奏子虛。下官姓蘇。名軾。字子瞻。眉山眉州人也。自幼同弟轍受經於家君。是以名起。髫年身登甲第。鬱鬱書香。堪稱濟美。輝輝棣萼。寧讓二難。下官僉判鳳翔三年。蒙恩召直史館。玉堂金馬。班依日月之光。東壁西崑。目涉圖書之府。遭際榮矣。但宦邸未攜室家。稍覺寂寞。卻喜妓女琴操。自杭州來訪。我愛他文雅風騷。久留在此。今日退食餘閒。且和他坐談半晌。琴操那裏。〔老旦扮琴操上〕

〔天下樂〕喬木參天綠蔭垂。可容蘿蔦暫相依。多君一段殷勤意。握手長安戀故知。〔長相思〕恰秋天。又春天。自入神京已半年。歸期不忍言。〔小生〕憶嬋娟。對嬋娟。孤館相逢正

解顏。何勞問故園。琴操。我連日館中事冗。把清興全消。今日稍暇。趁有名香爇在此間。你可將瑤琴弄一曲我聽。〔老旦〕使得。使得。〔取琴撫介〕

〔二犯傍妝臺〕纖指拂金徽。鷓絃撥處。誰道賞音稀。正好向客窗同夜話。怎忍彈別鶴。竟思歸。我移商換羽腔。須按你流水高山思欲飛。〔合〕塵情頓滅。羈懷自怡。怪不得文君司馬深相契。〔小生〕

〔前腔〕焦尾挈相隨。錦囊塵滿。恨未遇鍾期。喜風流齊薛倩。更文雅勝崔徽。我欣從湖海逢同調。你休道鷓鴣得暫棲。〔合前小生〕卿別彈一曲我聽。〔老旦再彈介生

帶二家僮上生〕

〔不是路〕故國分離。我油壁車輕金犢肥。既遠別了娘子。心何忌。揮金買笑任施爲。愛探奇。歌兒舞女朝朝醉。鳳管鸞笙步步隨。自古道獨樂不若與人。小生初入洛陽。

苦無同志。昨聞蘇子瞻召直史館。他與我爲莫逆之交。數年闊別。正當續此舊好。我因此上忙驅

騎。向詞垣遠訪通家契。把舊盟重締。舊盟重締。〔家僮〕相公。方纔問人說。此處便是蘇

爺官衙。〔生〕你着把門人通報。〔家僮問介末扮院子上〕東壁圖書府。西園翰墨林。你是那裏來

的。〔家僮〕是黃州陳季常相公。來拜蘇爺。〔末應入報介小生〕呀。季常久別。正思一見。快請進來。

〔末報生入見拜介生〕故園一別幾經秋。羨爾鸞坡載筆遊。〔小生〕最是停雲無限思。不期把臂在

皇州。琴操可來見了陳相公。〔老旦出見介生〕這美人是誰。〔小生〕是杭州琴操。〔生舉手向老旦

云〕久慕仙標。今方親炙。〔老旦〕緬懷大雅。喜慰識荆。〔生〕

〔長拍〕巫峽分違。巫峽分違。我向黃州僑寓。聞你鳳池鰲禁雄飛。恨傳書無鴈。夢兒中恍覩丰儀。〔小生〕小弟奔走風塵。不得見兄。亦形夢想。兄今日卻爲何入洛。〔生〕爲呂樞

密呵。招我入京畿。〔小生〕呂公奉使而出。兄曾相遇否。〔生〕怪皇華天使。未能相會。

〔小生〕既未遇呂公。何不來敝衙暫處。今寓何所。〔生〕不瞞兄說。舞榭歌臺聊遣興。〔舉手向

小生〕想不棄舊心知。〔舉手向老旦〕況遇傾城傾國。把洛陽勝跡。踏遍輪蹄。

〔小生〕季常。我與兄

〔短拍〕髻鬣交遊。髻鬣交遊。金蘭意氣。既相逢。怎忍輕離。山水願追隨。〔指老旦〕

況又有雲鬢高髻。〔老旦〕愧殺蒹葭倚玉。增聲價。專待兩君題。〔小生〕琴操。你且

進去分付備酒。與季常敘闊。〔生〕子瞻兄。既蒙相款。則何敢辭。弟明日約兄同美人郊外一遊。望勿

見卻。〔生〕

〔尾聲〕溪山正喜逢新霽。〔小生老旦〕對酒當歌訂賞期。〔生指小生老旦〕才子佳人際會奇。

〔生〕準擬今春樂事濃。

休教枉卻一東風。

〔小老〕樽前剩把銀缸照。

猶恐相逢是夢中。

第四齣 住錫

〔浪淘沙〕〔外扮佛印禪師持錫上〕飛錫入紅塵。誰識根因。金繩覺路去來身。日把慈航浮法海。普渡迷人。出言會解神天福。見性能傳佛祖燈。自從一掛袈裟後。萬結人緣不斷。

僧。老僧了元。別號佛印。原籍饒州。曾住持潤州金山寺。心了三乘。位證羅漢。金鎚抉翳。全憑迦老錘。玉杵降魔。亦仗韋馱抖擻。貫頂一針。言下便超有漏。當幾半句。立時頓悟無生。只爲大事因緣。來此娑婆世界。乃發弘願。接引衆生。我想世人真好苦也。

〔甘州歌〕只因迷宿本。似飛蛾投焰。自取焚身。殺人鳩毒。最是骷髏紅粉。金枷玉鎖何時脫。蠅利蝸名鎮日奔。生惡趣。惹客塵。膠膠擾擾只貪嗔。若要成正果。須是斷六根。空花眼底總非真。迤邐行來。早已入了黃州。遠遠望見一座寺。倘清淨可居。老僧在此住錫。須索前去。〔行介〕

〔前腔〕鐘聲漸漸聞。見蒼松萬疊。把香臺深隱。莊嚴寶殿。浮圖擁起慈雲。天花如意紛紛落。野鹿親人。個個馴。山當戶。水繞門。黃花翠竹接比鄰。借這如來境。寄我清淨身。六時此地好修焚。待我看這扁額。〔看介〕原來是定惠禪寺。好個莊嚴道場。禪堂中無人。待我喚一聲。長老在家麼。〔丑扮小僧上〕

〔大齋郎〕恨雙親捨空門。金刀如雪把頭髮。燒香掃地猶還可。但提師父便消魂。〔出見外介外〕你這小和尚。爲甚麼埋怨師父。〔丑〕老師父。你不知。說我沙彌苦楚。乾魚也要淚流。

晝在香廚燒火。晚向寶塔添油。寒暑專司佛殿。晨昏管撞鐘樓。〔外〕這是做小和尚的職分。怎生推托。〔丑〕日日客來遊賞。奔馳迎送無休。婦女空齋餓眼。葷醒未入饑喉。〔外〕難道將戒破了。〔丑〕

似此辛勤欲睡。師父夜搜一頭。不管更長漏永。只顧亂扯胡抽。我想他前生定非人類。〔外〕不是人類。卻是甚麼。〔丑〕是個鑽洞泥鳅。〔外〕休得亂言。你長老尊號。在家麼。〔丑〕家師號性空。今日施主請去修齋。老師父從何處來。〔外〕我號佛印。自海上來。欲借一靜室。少住月餘。不知有否。〔丑指云〕這數間房。原留以待四方長老。隨尊意擇居。一應供給。俱是小僧照管。你只不要學我師父下毒手。

我當不起這許多門戶。〔外〕又來亂言。你聽我道。

〔甘州歌〕相隨朝與昏。休黏泥帶水。好將心印。難參佛法。今朝幸遇聲聞。〔丑〕

師父。你從那裏得聞道來。〔外〕一從傳得三更棗。何處能容半點塵。〔丑〕師父。那佛

與菩薩。豈容易做得。你這言語是哄我。〔外〕休道曹溪遠。鷲嶺尊。人人衣底有珠存。〔丑〕

師父。我生來只好頑耍。怎戒得性定。〔外〕龍堪擾。虎可馴。屠兒立證涅槃因。

〔前腔〕常將戒體薰。看我袈裟不動。蒲團安穩。〔丑〕師父。你明日教我念經何如。〔外〕

五千法藏。會將來一字無存。騰空不用風雲力。破暗何須日月輪。若不惺惺悟。

只去泛泛論。頭鑽故紙枉勞神。休把因果撥。須將真幻分。超凡入聖莫因循。

我且在這間房裏住下。待令師歸家。我與他相見。此後倘有人來訪我。你須一一引進。休得阻他。

〔丑〕理會得。

〔尾聲〕師父。你欲傳三藐菩提印。丈室維摩寄此身。〔外〕我最喜是人來遠問

津。

〔外〕精舍何緣得暫過。

〔丑〕禪師住錫愛烟蘿。

〔外〕世間好語佛說盡。

〔丑〕天下名山僧占多。

第五齣 狹遊

〔金菊對芙蓉〕

〔生晉巾豔服旦小旦盛裝駿馬末小末扮青衣家僮丑挑壺盒隨上生〕路入

溪山。攜來樽俎。風光正好夷猶。羨蛾眉螭首。舞袖歌喉。〔旦小旦〕石榴裙罩桃花馬。繫纖腰錦帶吳鉤。〔合〕香塵滿路。新妝映日。車從如流。〔生〕十隊紅妝結束齊。馱

笙載酒出郊西。佳人金縷青絲髻。駿馬銀鞍碧玉蹄。芳草平鋪官路軟。綠楊斜罨畫樓低。踏歌連袂紛遊女。一曲襄陽過大堤。小生別了室家。遨遊洛下。幸遇故人蘇子瞻。追歡朝夕。今日乘此春光。山川秀朗。約他同琴操行樂一番。因此帶了妖姬變童。鈿車寶馬。步障隱囊。花氈繡毯。縷衫檀板。錦瑟瑤笙。悉皆齊備。呀。遠遠望見子瞻同琴操來了。〔小生扮子瞻老旦扮琴操上小生〕

〔菊花新〕龍丘俠氣邁時流。裘馬翩翩結客遊。〔老旦〕不爲錦纏頭。欲附高賢馳驟。〔見介小生〕侍女優音望若仙。未曾浮白已陶然。〔生〕遨遊得遂烟霞癖。〔老旦〕愧殺當年金

谷園。〔生〕小弟奉候良久。備馬在此。一同出郊。〔小生老旦〕請了。〔齊上馬行介生〕

〔普天樂〕傾城姝如蘭友。〔小生〕白雪詞烏程酒。〔老旦〕向春郊向春郊十里
遨遊。〔旦小旦〕識歡心乳燕鳴鳩。〔合〕呀。看山川錯繡。何須羨五侯。駿馬戎妝來
往。來往占斷風流。〔末〕稟相公。已到郊外了。〔生〕將壺盒陳設於此。子瞻。我們對景聯詩何如。

〔小生〕妙妙。〔生〕二姬奉酒。子瞻首倡。〔旦斟酒介小生吟〕芳郊綠野恣行時。〔生〕春入遙山碧

四圍。〔老旦〕興逐亂紅穿柳巷。〔小生〕困臨流水坐苔磯。〔生〕莫辭盞酒十分勸。〔老旦〕祇恐風

花一片飛。〔小生〕況是清明好天氣。不妨游衍莫忘歸。〔生大叫〕是好瀧樂也。請酒。請酒。〔衆飲酒

介合〕

〔北朝天子〕洗春山雨收。漲春江水流。聽嚶嚶黃鳥春求友。參差樓閣。勝蓬萊
十洲。一處處如雲構。共舒着醉眸。齊開着笑口。款款留。款款留。論陶情無
如詩酒。無如詩酒。休淪落他人後。休淪落他人後。〔小生〕季常。你這諸姬呵。

〔普天樂〕容貌似芙蓉秀。腰肢似垂楊瘦。立筵前立筵前已把魂拘。怎當他馳

騁驊駉。〔合前生〕叫諸姬走馬與蘇爺看。〔旦小旦應走馬介合〕

〔北朝天子〕據雕鞍體柔。飛玉勒道周。金鞭笑捉纖纖手。輕黏寶鐙。顯雙灣鳳頭。單只怕瑤釵溜。望霜蹄電流。聽鸞鈴聲湊。緊緊逐。緊緊逐。動塵埃如龍廝鬪。如龍廝鬪。只見他汗浸浸羅襟透。汗浸浸羅襟透。〔二旦下馬介小生〕如此絕

技。大快生平。將酒來。我奉美人。〔末斟酒小生奉二旦介生〕小廝們。歌舞一回奉蘇爺。〔家僮舞唱〕

〔普天樂〕子夜歌盤珠走。六么舞宜長袖。按霓裳。按霓裳。錦瑟箏篋。暢遊情歌舞淹留。〔合前小生〕歌舞更佳。季常。日已西沈。恐歸途昏黑。早早進城何如。〔生〕吾興方發。兄何

遽爲敗興之言。〔老旦遠望云〕那壁廂燈火燭天而來。似此郊原。十分可畏。〔小生望云〕果是爲何。〔生笑云〕此是小弟遣人來候。〔小生〕既有燈火。便通宵何妨。〔生〕諸姬與小童輪流奉酒。〔衆應奉酒介合〕

〔北朝天子〕鳥喧喧樹頭。角鳴鳴畫樓。喜迎來燈火明于晝。論浮生歲月。抱甚

麼杞憂。倒金樽。偎紅袖。好風光。倡酬。賢賓朋。聚首。夜夜遊。夜遊。夜遊。夜遊。問明朝。陰晴知否。陰晴知否。須秉燭。閒消受。須秉燭。閒消受。〔小生〕季常。小弟醉了。留餘興。以待明日。未爲不可。〔生〕既然如此。回去罷。

〔小生〕青春行樂。竟忘疲。

〔老旦〕帶醉歸來。路欲迷。

〔生〕客邸爭扶入羅帳。

〔合〕任他明月下樓西。

第六齣 書招

〔旦上〕〔長相思〕唱陽關。別陽關。海角天涯人未還。空閨獨倚闌。風聲寒。雨聲寒。鴈字無憑欲見難。

遙將蹤跡探。奴家柳氏。自丈夫遠遊洛陽。倏已一載。杳無音信。不知他曾見呂公。又不知近來所作

何狀。早間聞本州舍人自洛陽回。必知端的。已曾令蒼頭去問。如何不見回報。〔淨扮老僕上〕長安

有浪子。遊冶縱歡情。欲報蘭閨婦。中心恐不平。大娘子。小人方纔尋見舍人。他道相公入京時。呂老

爺業已出使遠邦。相公卻未相遇。〔旦〕呀。既未相遇。卽當還鄉。今在那裏何幹。〔淨〕他道相公與蘇

學士朝朝。〔旦驚訝云〕朝朝怎麼。〔淨做沈思云〕朝朝想家。〔旦怒云〕既是朝朝想家。卻與蘇學

士何預。你不從實說來。莫要討打。〔淨〕大娘子。我實說。我實說。

〔剔銀燈〕大相公天生豪爽。蘇學士才情偏放。相逢意氣相傾向。戀山水逐朝歡暢。紅妝三三兩兩。乘駿馬遨遊洛陽。〔旦驚問云〕這紅妝駿馬。卻是誰人的。〔淨〕

〔前腔〕大相公金揮土壤。買娉婷傾城模樣。笙歌壓倒平康巷。況又有變童相傍。他鄉無人攔擋。全不念糟糠在堂。〔旦搥胸跌脚唱介〕

〔前腔〕聽伊言魂飛膽喪。恨喬才天涯流蕩。當初不道將妻誑。誤信他故人遙訪。蒼頭快整辦行裝。吾須自往。怎容他淹留客鄉。〔淨〕大娘子就怪小人也怕不得。容小人

奉稟。大娘子要去呵。

〔前腔〕這家私誰人執掌。況途路風波難量。他一朝興盡把歸舟放。那時節團圓無恙。〔旦〕等得他興盡歸來時。我已氣成水蠱了。你休攔我。我定然要去。管甚麼家產。怕甚麼風

波。〔淨〕商量。娘休鬧嚷。待小人去請了相公回來。你須索修書幾行。〔旦〕這箇計較也好。我修書你去。他見了書。敢不星夜而回。〔淨〕大娘子。小人還有一言。相公抱磊落之才。擔風月之

癖。只爲平日在家。守株太嚴。是以今日出門。跳梁越甚。大娘子不如多覓歌兒舞女。待相公歸來。任其所欲。那時他怎肯遠離鄉邦。浪遊湖海。〔旦沈思云〕這也說得是。你見相公。就說我已娶下幾個美人。專待你回來同樂。〔淨〕大娘子莫要食言。使小人得罪于相公。〔旦〕我豈有與你戲言之理。你取紙墨筆硯過來。〔淨應遞紙筆介〕旦沈思欲寫介〕我要寫得太狠。恐怕他惶懼。不敢速歸。

〔前腔〕我只得把寒溫虛講。將心頭火暫時消降。道我盈盈淚眼常凝望。臨尺素倍添惆悵。蘭房名姝佳釀。待歸來盤桓醉鄉。書已寫了。你快持去。〔遞書介淨〕小人領了書。卽辦行李。明早登程。

〔前腔〕拚水宿風餐遙往。見相公怕言詞衝撞。我將夫人美意先傳上。他定思歸舊家門巷。看華堂夫妻謙賞。紅燭下金釵兩行。

〔旦〕可恨夫君心太奢。

爲耽聲色不還家。

〔淨〕管教書到人隨返。

莫對東風怨落花。

第七齣 歸讌

〔一江風〕〔生騎馬淨挑行李隨上〕自天生一段風流性。受制難馳騁。我用計離了妻室。來到洛陽。買娉婷。結客豪遊。纔展我疎狂興。〔指淨恨云〕你這天殺的。你這天殺的。無端促返程。無端促返程。教人恨滿膺。我便似榮華一枕黃梁醒。〔淨〕相公。這般迢遞程途。小人豈好爲勞役。奉大娘子差遣。不敢不來。相公不回去也自由你。如何埋怨小人。

〔前腔〕你見書驚。似聽了將軍令。巴不得一刻還鄉井。〔生〕這狗才。難道我怕老婆。

〔淨〕若說相公懼內。是我打誑語了。相公只是略小心些兒。〔生笑介淨〕最傷情。駿馬紅妝。你都向誰行贈。〔生〕我要歸得緊。臨行都贈與同社王靜菴了。到家如大娘子問。只說無此事。

〔淨〕小人知道。況大娘子呵。多方覓小星。多方覓小星。〔生〕他那裏有這等好意。〔淨〕小人未出門時。聽得大娘子說。要多尋幾個與相公。那冰人已應承。料小蠻樊素成家慶。

〔生舉手向天云〕如果娘子有此事。陳慥當設一羅天大醮。〔淨〕相公。恐怕大娘子懸望。把馬催行一步。〔生打馬快走云〕家山知不遠。〔淨〕心急馬行遲。〔虛下旦上〕

〔前腔〕恨難平。浪子眞無行。待他回來呵。我將往事親相證。〔沈思介〕我且罷。我且罷。

省閒爭。將娶得丫頭。把他意馬牢拴定。我只悔當初見不明。當初見不明。虛言信老成。從今但放心腸硬。〔生淨上淨〕相公。已來到家門了。〔生〕我和你徑入。〔旦迎見介〕呀。相

公回來了。〔生〕娘子。伉儷久違。朝夕懸念。〔旦〕相公。風塵遠寄。夢想爲勞。〔淨〕大娘子。小人叩頭。

〔旦〕路途辛勤。你歇息去罷。〔淨〕請問大娘子。爲相公。納妾。事體若何。〔旦〕已娶一月。你分付後堂備酒。爲相公接風。〔淨〕理會得。〔下旦〕相公。你爲何久絆洛中。待招而後返。請說一遍。〔生〕

〔大送鼓〕驅車入帝京。未逢樞密。卻遇詞盟。〔旦〕詞盟是誰。〔生〕是眉山蘇子瞻。他現直史館。與吾桑梓交會訂。喜天涯握手。故人情。我正要束裝歸來。遠接魚書。兼程倍行。〔旦〕

〔前腔〕男兒太薄情。〔生〕卑人有何情薄。〔旦〕貪花戀酒。忘裙布釵荆。〔生〕如有此事。怎

瞞得蒼頭。〔旦〕望君早把歸鞭整。將明珠十斛買娉婷。只要你從此收心。休如蕩

萍。〔生〕娘子既有此盛意。卑人再不想離家了。請問討了幾個。〔旦〕四箇。我俱與他取了美名。〔生〕你

說。你說。〔旦〕一個名滿頭花。〔生〕拍掌笑云。妙妙。〔旦〕一個名後庭花。〔生〕妙妙。〔旦〕一個名眼

前花。〔生〕妙妙。〔旦〕一個名折枝花。〔生〕越發妙。越發妙。娘子。我等不得了。快到後堂。叫他們出來奉酒。〔生日行進介旦〕四花娘。快出來見相公。〔雜扮美人一禿頭一大屁股一白果眼一跛足齊應上〕相公叩頭。〔生見大叫云〕誑殺我也。快趕出去。快趕出去。〔旦〕今晚權且家讌。明日叫他們紅妝駿馬。郊外遨遊。有何不可。〔生〕娘子。你這計策忒用得毒了。將酒來。我與你對飲。要他們做甚。〔旦遞生酒介〕

〔節節高〕杯中綠醕傾。敍離情。夫妻百歲相依命。你把吞花性。弄月情。吟詩興。改做齊眉舉案當年敬。也勝風塵千里遙馳騁。〔合〕美人簇擁座生春。紅妝絳蠟相輝映。〔生〕

〔前腔〕聞言喜不勝。感芳卿。只道石崇侍妾環圍盛。誰知名不稱。貌可憎。妝非艷。恰便似。夜遭魑魅相纏定。命涼張帥難稱慶。〔合〕久別歸來好合歡。須拚頰玉將樽罄。〔旦〕你四人聽我分付。相公好的是風月。你們伏侍不周。我定然責你。〔雜〕理會得。

〔尾聲〕羣花遵奉夫人命。再不放郎君出戶庭。〔生〕天天。陳慥早知如此。寧可流落

天涯過一生。

〔生〕只道歸來樂事多。

誰知不幸見妖魔。

〔旦〕戎妝駿馬君休想。

〔雜〕一片閒心戀薜蘿。

第八齣 談禪

〔西地錦〕〔小生上〕負郭小堂築就。孤身謫宦棲遲。百篇斗酒烟霞地。逢時好暢襟期。〔慕山溪〕東坡居士未老心先嬾。愛學道人家。辦竹几蒲團茗椀。青山可買。小結屋三間。開一

徑。俯清溪。修竹栽教滿。

客來便請。隨分家常飯。若肯小留連。更薄酒三杯兩盞。吟詩度曲。風月任

招呼。身外事不關心。自有天公管。下官方直史館。因科舉之議。不合荆公。從此外補。歷守吳興。言事

者承望風旨。道我謝表謗君。蒙聖主寬恩。責授黃州團練副使。本州安置。雖則是宦。況蕭條。卻喜故

人龍丘居士。僑寓岐亭。佛印禪師。又住錫定惠寺。我與他兩人。朝夕往來。稍破岑寂。昨馬正卿遣我

廢圃于臨臯亭東坡之脇。此地林木翛然。堪供嘯詠。我因搆一草堂。今已落成。禪師居士。許我見過。

此時想到來也。〔外上見生上拱手行介生〕

〔出隊子〕如蘭心契。如蘭心契。我爲高才放逐悲。〔外〕他風流慷慨世間稀。選勝誅茅堂構美。〔合〕何幸羊求三徑見攜。〔生〕路入臨臯亭。〔外〕轉向東坡側。〔小生迎揖介〕不敢掩柴扉。怕有題鳳客。〔生外看介外〕這堂非子瞻胸中丘壑。怎能如此結構精奇。敬服。敬服。〔生〕休說堂外竹樹如雲。試看壁間巖巒繪雪。吾輩又得一樂地矣。〔外〕請問此堂何名。〔小生〕尙不會想起。但我大雪中爲此。因繪雪于四壁之間。不如卽命名爲雪堂。吾別號東坡。少頃當書東坡雪堂四字懸之。何如。〔外生〕最妙。最妙。〔小生〕琴操出來燒香煮茗。以供清賞。〔老旦應上〕焚來雞舌輕烟裊。煮就龍團渴吻消。禪師相公萬福。〔生外〕美人免禮。〔小生〕小弟置酒以待。二公久矣。琴操奉酒。〔老旦奉酒介外〕

〔啄木兒〕華堂啓。瑞雪飛。瑤岫瓊林都從毛穎揮。〔生〕水晶宮移向人寰。白玉樓隱在簾衣。〔小生〕旣無車馬紛紜至。又將市井喧囂避。〔老旦〕只與豪客眞僧世外期。〔生〕請問禪師。佛門以何爲宗。〔外〕以無爲宗。〔生大笑云〕世間色色皆有。因何說無。〔外〕君卻不知。此皆凡人妄見。試想眼前衆有。從何而來。將後究竟。復歸何處。〔生點頭會意介〕

〔降黃龍〕〔外〕欲破昏迷。須知假合形骸。虛幻天地。如來闡教。道色不離空。只要人了悟禪機。〔生〕禪機可能開示麼。〔外〕菩提是人真性。休得被塵情遮翳。〔生〕既在人間世。怎麼斷得塵情。〔外〕你但造生前業。如何不作身後想。這浮生危如朝露。死投阿鼻。

〔前腔〕〔生〕慈悲指點皈依。我怎令煩惱關心。無明覆慧。欲登彼岸。盡打滅貪嗔。怕少上乘根氣。〔小生〕休疑。但能清淨。定身超惡道輪迴。〔外〕只愁伊牽纏不斷。業冤沈溺。〔生〕請問禪師。今有一等人。專意懼內。至不可說不可說者。卻是爲何。〔外〕此等

惡業。皆自無始劫來。夙世身爲歹人。不作善果。打爺罵娘。欺大壓小。凌逼儕偶。傷殘奴婢。罰令今生劫遇婆提達多。獨招惡厲之妻。受無量苦楚。莫可解脫。〔生〕這般惡婆。卻從何處生來。〔外〕此惡婆名大羅刹如。天心朗朗。善曜者幾。中有天狗天賊。勾絞毛頭。黃旛豹尾。見則凶災立至。鬼哭神愁。當知是婆。此曜降誕。又如昆蟲毛羽。中有毒龍毒虎。惡狗惡蛇。蜈蚣作怪。狐狸成精。當知是婆。此類幻化。人一遇之。迷眩昏沈。捨身忘螫。痛哉痛哉。〔生〕以何修持。得免此難。〔外〕爲丈夫者。須用降伏四

魔力。滅諸煩惱力。發無上菩提之心。使業累俱遣。內外皆淨。則此婦悍妬潛消。故得無礙。自生解脫。
〔生合掌云〕南無阿彌陀佛。〔小生〕觀季常惓惓下問。想正犯此病。〔生作色云〕陳慥是世上奇男子。人間烈丈夫。豈有怕老婆之理。〔小生笑云〕王丞相謝太傅諸人亦自偉然。何懼內乃爾。尊嫂如果欠柔。怕婆經兄不可不誦。〔生〕

〔黃龍滾〕我思將風俗維。怎把裙釵畏。賤荆但見我呵。奉約兢兢。何敢些兒背。我權無內制。他心甘中饋。真個是萊子婦。冀缺妻。梁鴻配。〔小生外〕

〔前腔〕你欣逢內助宜。不把家聲墜。〔老旦〕瑟弄琴調。好合誠堪慰。〔合〕有恩有義。無猜無忌。願早遂。河東鳳。孔什麟。燕山桂。〔外生老旦〕

〔尾聲〕雪堂雅社今纔啓。說有談空逸思飛。〔小生摟老旦〕我醉擁紅妝客且歸。

〔外〕四壁圖書帶雪堂。〔生老旦〕客來文酒共徜徉。

〔小生〕世間惡婦何須畏。寄語男兒當自強。

第九齣 奇妬

〔一翦梅〕〔生上〕談空說有遇名僧。勘破浮生。了悟無生。一爐香篆數函經。欲斷塵情。尙戀凡情。冠天履地學爲儒。無奈青雲事業虛。近向西來探祕密。黃花翠竹盡真如。小生自在東坡雪堂。得與佛印禪師。謬結同心之契。常聆出世之談。欲仗大士因緣。消我前生業債。茫茫苦海。墮落堪虞。泛泛慈航。皈依頗切。爭奈我妻房柳氏。生性兒有些蹻蹶。遽難化誨。我甘心兒陪些從順。何怕折魔。今巳辰牌時分。待我入蘭房中。看娘子起未。〔入介〕呀。娘子起來了。〔旦上〕

〔女臨江〕朦朧春夢鶯啼醒。綠窗外日移花影。掀簾誰蕩玉鈎聲。春山郎欲畫。螺髻未妝成。春眠不覺曉。處處聞啼鳥。〔生〕夜來風雨聲。花落知多少。〔旦〕相公。你今日爲何出

門太早。〔生〕我欲尋蘇東坡談禪。誰知他已不在家了。〔生抱旦介〕娘子。我看你雲鬢雖亂。意態更妍。恍如宿醒太真。絕勝捧心西子。〔旦推生介〕我也不喜你虛頭奉承。只要實心帖服。〔生〕娘子。我和你

〔懶畫眉〕似關關匹鳥兩和鳴。夫唱妻隨協氣生。須知那伯鸞德耀振賢聲。白頭相愛還相敬。我怎忍反目徒傷結髮情。〔旦〕陳郎。我豈不知

〔前腔〕幽閒貞靜博芳名。只怕你做丈夫的。宜室宜家道未行。〔生〕若論刑于之化。卑人其實不讓文王。但恐娘子未如淑女。〔旦怒介〕你那些兒見我不如淑女。出言何故太欺凌。多應未諳區區性。〔生慌介〕娘子。我與你耍子。如何便認真。〔旦〕也是你作耍成真。自取憎。如今這時候了。快拿過妝臺來我梳洗。〔生〕敢不效勞。〔遞妝鏡介〕鸞鏡犀梳象牙眉掠俱在此。

〔旦對鏡照介〕

〔前腔〕輕塵拂去鑑光明。〔生〕照得你丰采翩翩百媚生。你這影兒好似對門張員外家媳婦。〔旦怒介〕你看上甚麼張媳婦。卻將我來比他。〔摔鏡介〕我將菱花擲碎恨難平。〔生

袖中出扇搨旦介〕奶奶休發怒。我與你搨搨。〔旦回頭見扇佯笑奪扇看介〕這丹青便面是何人贈。莫不是擲果潘安遠寄情。〔旦〕我看這扇兒精緻。多應是風流年少人物。〔生〕有一朋友。年方弱冠。因我愛他。特遣人送來的。〔旦將扇打生扯碎擲地介〕

〔前腔〕男兒不自重時名。甘比狂童背聖經。〔生〕娘子。你撚酸喫醋。全不怕人聽。

〔旦〕我家常說話。怕甚麼人。〔生〕詩中長舌宜三省。〔旦〕三省三省。磨得你投河落井。〔向

內大叫云「小廝每你聽着。但有年幼的朋友來拜。竟自回他。休得通報。」內應「知道了。」旦「免得東君喜送迎。」末扮蘇院子上「爲有看花約。因傳折柬來。陳相公在家麼。」生「外邊有人聲。我看是誰。」生欲出介旦扯生介「你且住。我去張一張。若是年幼的朋友。不許你出去。」張介「原來是一個僕人。你出去罷。」生出見介末「蘇爺方纔失迎相公。今日天色晴明。南郊花事可翫。欲拉琴操陪相公遊賞片時。特差小人奉請。」旦大叫云「不許去。不許去。」生慌背末云「琴操二字。不知可曾聽得。若聽見怎了。」回身向末云「院公。你可少待。我進去便來。」入見旦云「蘇學士請我遊春。並無他客。」旦怒視介「我素知東坡是風流人豪。寄興花酒。況他欲拉琴操同遊。你如何哄我。」生「那裏是琴操。叫我是陳慥。」旦笑云「誰曾見主人請客。反呼客名。」生「原來娘子不知。我在洛中拜子瞻爲兄。兄呼弟名。正是古禮。」旦「我這箇信不過。若是妓女。斷不與你干休。」生跪云「若是妓女。甘心受責。」旦「你旣自招。奈家無刑具。你去隔壁借李大嫂昨晚打李大伯的竹篋來。」生遲疑介旦大叫「還不快去。」生慢行自語介「叫我此去。如何開口。」旦扯生介「你說甚的。莫不罵我麼。」生「我怎敢罵你。我說李大嫂竹篋。自家要用。我書房中有青藜拄杖一條。何等方便。免得求人。」旦「你說

的是。那藜杖頗堅。儘勾你消受。快去取來。〔生入取杖出介〕杖兒。杖兒。我想劉向當年賴你呵。

〔解三醒〕炊藜火把瑤編曾映。今做了撻良人夏楚之刑。古來只有伯俞受杖遵慈命。幾曾見甘痛決被妻荆。〔旦大叫〕藜杖現放在那壁。怎麼不快拿來。〔生〕來了。來了。〔低唱〕我

非無斬釘截鐵剛方氣。都只爲惹草沾花放蕩情。權支應。〔旦〕這箇卻權不得。要打

便打。〔生遞杖與旦介〕倘違約束。任爾施行。〔旦叫末介〕蘇院公。〔末應〕夫人有何分付。

〔生〕你好沒分曉。叫他說甚麼。〔旦〕你對老爺說。我相公久已受戒。不見婦人。休得引亂他心。有傷雅道。〔末〕我老爺一生也是怕見婦人的。夫人放心。〔生〕娘子。你方纔疑我哄你。難道此人也誑言。

〔旦〕那蘇學士呵。

〔前腔〕爲風流招愆惹咎。這來人言語難憑。你楊花心性渾無定。〔舉杖示生介〕

若犯着我呵。把藜杖重才丁。〔生背末對旦云〕休被那人聽見。不像體面。〔旦〕你欲全體

面休干犯。莫怪我心腸易變更。〔末〕相公請行。老爺候久了。〔旦〕且趨他命。縱然你欺吾不見。難掩風聲。

〔旦〕柳色鶯聲及早春。

〔生〕出門俱是看花人。

〔末〕杖藜扶你橋東過。

路上行人也斷魂。

第十齣 賞春

〔滿庭芳〕〔小生扮東坡末扮院子挑食壘酒樽隨上〕迢遞鄉心。崎嶇仕路。一官牢落經年。獨餘豪興。題詠遍山川。〔老旦扮琴操上〕天付鶯花淑景。喜追隨金馬名賢。〔合〕賞心處。高歌對酒。人醉綠楊煙。〔小生〕遷謫都忘逆旅愁。琴樽此外復何求。〔老旦〕枝頭黃

鳥如相識。日日春風喚客遊。〔小生〕下官在此。宦況蕭條。幸得與陳季常交懽。稍破岑寂。今日約他

同往郊外遊樂一番。〔老旦〕奴家見陳相公。儀表如雞羣之野鶴。姿是昂藏。志氣似天末之流虹。甚

覺璀璨。自合與老爺情投膠漆。契合金蘭。〔小生大笑介〕琴操。你正不知。那陳生對朋友雕龍炙穀。

才思驚人。奉妻孥婢膝奴顏。節概掃地。〔老旦〕陳相公未必如此。這言語恐屬浪傳。〔小生〕我適差

院子請他。走至中堂。正聞其妻撚酸發怒。院子不知趣。竟說我與琴操奉候。他聽得似火上澆油。陳

生百般支吾。決不放出。〔老旦〕畢竟放他來否。〔小生〕陳生自招受杖。今始放來。〔老旦笑云〕世間

婦人作威福者雖多。幾曾見畏法如季常者乎。待他來時。須嘲笑他一番。〔小生〕不可不可。閨闈之事。未可明言。只宜隱諷。呀。陳生已遠遠來了。〔生上〕

〔遶紅樓〕憶爾登瀛望若仙。三生石幸結前緣。選勝吟囊。邀歡歌扇。花事正爭妍。不如意事常八九。可與人言無二三。小生陳慥。今蒙東坡見招尋春。誠爲樂事。爲何說這兩句言語。

耐妻房柳氏。聞此行有美人在席。便生妬心。對蘇公院子。十分狼狽。我欲待不來。恐負蘇公雅愛。如今既來。恐拄杖有所不免。罷罷。家醜未必人知。我且放着膽。走一遭去。〔小生老旦迎見揖介小

生〕春山無伴獨相求。伐木丁丁山更幽。〔生〕酒債尋常行有處。〔老旦〕人間亦自有丹丘。〔小

生〕季常。下官與琴操奉候良久。就此同行。〔生〕請問東坡欲待何處尋樂。〔小生〕出郭門外。過柳

市南頭。那一搭兒杏塢桃谿。山光水色。儘堪眺望。〔生〕妙妙。〔行介合〕

〔石榴花〕如雲車馬濟濟出郊原。桃散錦。柳飛綿。春風輕扇綺羅筵。奏笙歌動地喧天。山回水旋。喜香塵暗撲遊人面。萬花叢低撥琵琶。短牆頭送出鞦韆。

〔末〕稟老爺。已行過柳市。此間正好飲酒。〔小生〕可將食壘酒樽擺下。我們藉草而坐。〔末應衆坐

介小生〕將酒來。〔遞酒科老旦〕

〔前腔〕幕天席地。促坐草芊芊。〔生〕憐國色。笑嫣然。仙郎自合挾嬋娟。也何勞
急管繁絃。〔小生〕歌喉細傳。按陽春一曲。把金杯勸。〔合〕儘今朝醉臥苔磯。勝當
年悞入桃源。〔衆勸酒介淨扮蒼頭急上〕青竹蛇兒口。黃蜂尾上針。兩般猶未毒。最毒婦人心。老

漢陳相公家蒼頭是也。可歎我那主人是個菩薩般的相公。撞着這夜叉般的娘子。坐下一張繡榻。
就是怕老婆的攝魂臺。手中一條藜杖。就是打老公的降魔杵。不見得如花似玉。卻倒會喫醋拈酸。
分付跪一日。到下半日也不敢起來。說要打十板。到第九板也不敢轉動。還可笑我相公。憑着那張
嘴。談空說有。頑石都會點頭。見了他的面。喪魄銷魂。乾魚也須弔淚。在家中做小伏低。好似啞子喫
了黃連在心裏苦。到人前包羞忍恥。真是好漢打落牙齒向肚中嚥。似這般受怕擔驚。卻又好嘲風
弄月。今日蘇爺差人來請。纔說道有箇琴操姐。魂也不在身上。又聽見一聲不許去。心都跳在口裏。
沒奈何儘興招承。方纔得權時發放。我想這會兒美人佯得有趣。只怕那時節藜杖敲得無情。如今
差老漢去緝訪他。仔細想將起來。大娘子着實有些殺氣。見了他真箇膽寒。說有不好。說無不好。如

之奈何。須索去走一遭。自有道理。來到此間。〔作覷介〕呀。果然有箇婦人。不免向前見了相公。看他怎生撐答。〔向前叫生介〕相公。何不快歸家去。尙然在此追歡。〔生驚見起身云〕蒼頭。家中有甚事情。叫你尋覓到此。〔淨〕特來與相公報最。〔生〕怎麼報最。〔淨〕世間最多心的。莫如大娘子。世間最惹禍的。莫如相公。〔生急扯淨背云〕低低的說。莫被他們聽見。〔淨〕大娘子知相公必然與妓同遊。安排下一把刀。一條索。一根拄杖。相公回家。如不甘受拄杖。他或是刎死。或是自縊。這事怎了。〔生頓足云〕我便受他幾杖。有何不可。怎敢教他自盡。蒼頭。你莫不是來謊我。恐無這話。〔淨〕相公。我難道是說謊的人。你自料可是懼內的人。我實對你說。大娘子疑相公有妓。特着小人來潛窺。但大娘子威嚴。相公尙怕。小人怎敢欺瞞。〔生〕蒼頭。你念我平日看顧之情。千萬替我瞞這遭兒。〔生跪淨淨忙扶起介小生同老旦上前云〕季常。是你家的老僕。有何事反曲膝求他。〔生〕小弟有一弟。千里遠歸。途次幸保無事。賤荆遣他來報。是以望天稱謝。〔小生〕這事也遣人來報。尊嫂可謂有主張矣。〔淨〕相公。蘇爺如何也知大娘子有拄杖。〔末〕怎瞞得我。〔生〕院公。可將酒餚借少許。以勞蒼頭。〔末〕有有。〔生扯淨背云〕你喫了酒先回。對娘子只說無妓。我明日做領青衣賞你。〔淨〕青藜原

是相公受用。小人經不得。只替你瞞過便了。轉災爲福。吾絨舌。倚翠偎紅。你小心。〔淨下小生〕蒼頭
既去。琴操。你唱一曲奉陳相公。〔仍坐老旦奉生小生酒介老旦〕

〔泣顏回〕寒食杏花天。望青旗柳外高懸。紛紛士女。鬪腰肢。遺落金鈿。風和日

暄。燕交飛。觸碎臙脂片。〔合〕歎駒馳倏忽。春歸笑蠅營。孤負花前。〔小生〕泛泛飲

酒。恐不盡興。我們行一令何如。〔老旦〕說得是。〔生〕請學士發號。〔小生〕我們於禽獸中各舉一極

狠的物。倘有能制服之者。罰一巨觥。請季常先道。〔生思想介〕我是虎。〔老旦〕虎怎見得極狠。〔生〕

虎是山君。嘯則風生。百獸服慄。〔小生〕說你是虎。見哈三也要銷魂。罰一巨觥。〔生飲酒介〕受罰受

罰。琴操請道。〔老旦〕我是蛇。〔生〕蛇怎麼極狠。〔老旦〕獸莫大於象。蛇能吞之。豈不極狠。〔生〕是是。

〔小生〕季常。你只知蛇狠。卻不知拄杖兒能打草驚蛇。琴操該罰。〔老旦飲酒介〕受罰受罰。蘇爺是

何物。〔小生〕我是鷓鴣。〔生笑云〕鷓鴣小物耳。狠到那裏去。該罰該罰。〔小生〕世間惟有妒婦狠。山

海經云。食鷓鴣可以療妒。是狠過於妬婦。豈不極狠。君如不信。請歸而試之。〔生起身背云〕我聽東

坡所言。大都是見嘲之意。但我閨闈中事。他們如何得知。或無心偶中。未可曉也。這也不必計較。

〔小生〕日將暮矣。我們攜殘樽隨路飲回何如。〔生老旦〕好好。〔生攜老旦手行介生〕

〔前腔〕翩翩歸路並香肩。聽馬嘶紫陌。人醉蒼煙。〔小生〕遊情未倦。喜苔茵軟

襯金蓮。〔老旦〕啼殘杜鵑。望江城返照還堪戀。〔合〕撫山川寫入丹青。攬芳菲

載向詩篇。〔生〕東坡叨擾。小弟先此告回。〔小生〕多慢了。〔生〕問柳尋花載麗人。〔老旦〕行春不覺

又黃昏。〔小生〕天涯遷客無聊賴。〔合〕萍梗相逢意自親。〔生下小生笑介〕琴操。你知季常蒼頭來

意乎。〔老旦〕奴家不知。〔小生〕多是其妻令來窺伺。陳生身雖在此。膽已落矣。待明朝我去探聽。併

規諫柳氏一番。〔老旦〕老爺。你須記得孔子說。忠告而善道之。不可則止。妬婦不是好惹的。〔小生

笑云〕假使你做柳氏之夫。懼內云何。我去自有道理。

〔小生〕妬婦心腸堅似鐵。〔老旦〕仁人口舌善回天。

第十一齣 諫柳

〔生查子〕〔旦持拄杖上〕兒夫喜浪遊。不把盟言守。嗚嗚奈予何。伊作伊還受。

〔如夢令〕自是男兒情薄。莫怪婦人口聒。爲愛出牆花。玩法甘違初約。知覺。知覺。抵死與他一着。昨

日丈夫欲偕東坡嬉遊。自招若有美人。甘受藜杖。我令蒼頭潛去窺視。那老奴也把言語支吾。我怒發先要杖他二十。他方纔吐露真情。說果有婦人在坐。天天有這樣不守法度的男子漢。他歸來推醉。我也不曾理他。待今日和他算帳。丈夫那裏。〔生應上〕有有。

〔前腔〕看花昨夜歸。尙未醒殘酒。聞喚急趨踰。琴瑟娛清晝。〔見介〕娘子有何見教。

〔旦怒云〕見教見教。可知你災星拱照。若還違拗些兒。我不列便弔。你昨日出門時。對着拄杖兒。招些甚麼來。〔生〕奶奶。我但見你紅下臉來。我有話都說不出了。你請息怒。容分割。〔旦佯笑云〕你昨

有妓無妓。〔生〕娘子。其實無妓。〔旦怒將杖打生云〕昨坐在東坡右手。穿藕絲裳者是誰。〔生〕娘子。

昨日遊人千叢萬簇。想是蒼頭看得眼花了。我們實不會攜甚美人。〔旦〕你還硬嘴。叫老奴來對。

〔大叫〕蒼頭那裏。〔內應〕買下飯去了。〔生慌云〕不必叫蒼頭。我認了。我認了。〔旦〕禽獸。人說你腸

子有弔桶粗。我說你膽子天樣大。我與你做夫妻多年。你豈不知我平日的性子。輒敢欺心玩法。跪過來。定打三十拄杖。〔生〕奶奶。不才初犯。且饒這遭。〔旦〕斷要打。休惹起我的性子來。〔生〕奶奶。打

我是小事。你方纔養成指甲。恐被抓傷。吾罪越重。不如權且恕過。下次莫饒。〔旦〕也罷。我饒你拄杖。

罰跪在池邊。〔生〕奶奶。這箇容易。只求把大門閉了。恐有人來。不當穩便。〔旦〕若要閉大門。打了去跪。〔生〕我跪我跪。〔旦虛下生跪介生〕

〔宜春令〕心中恨。〔旦內叫云〕你恨我麼。〔生〕臉上羞。〔旦內云〕你是該羞也。〔生〕對着碧粼粼方塘水流。〔旦內云〕你到不如投在水裏罷。〔生〕當場出醜。這般恩愛難消受。〔旦

內云〕你既沒情。我也無義。怎怪得我。我且睡一覺來放你。〔內做亂蛙鳴生〕呀這孽畜。往常不叫。偏今日咕咕聒聒。如鼓吹一般。蛙哥。蛙哥。你可憐陳慥。閉嘴一時。只怕他疑我與人說長道短。你休

在清池閣閣爭喧。免疑我對傍人嘵嘵搬口。苦我這膝蓋兒跪得疼了。望娘行大發慈悲。暫時寬宥。〔小生上〕既已爲男子。應當制婦人。牝雞曾有戒。未可令司晨。昨日陳生歸家。必受柳氏之氣。我去探望他一回。來到門首。門兒半開在此。不免徑入。〔見生跪背語科〕呀。兀的不是季常。緣何跪在池邊。奇絕奇絕。待我閃在這壁。聽他說些甚麼。〔生〕

〔前腔〕啣冤氣。遡禍由。我也不怨娘子。只怨蘇學士。挈紅妝春郊戲遊。〔小生背云〕我挈紅妝。你不來也自由你。如何怨我。〔生〕到今日呵。落他機彀。幸得無人來見。倘人窺嘲訕

般般有。我的娘。誓從今改過收心。敢如前胡行亂走。〔向空頓首介〕望神明轉日回天。急來搭救。〔小生忙扯起生介〕救你的神明是我。〔生怒介〕東坡。你好沒禮。緣何不先通報。徑直入人家來。〔小生〕若待通報。怕你膝蓋兒越疼了。季常。陶元亮不爲斗米折腰。至今猶有生氣。況你爲丈夫。乃甘曲膝於妻孥。豈不汗顏。〔生慌掩小生口云〕噤聲。噤聲。跪的是我。不干足下事。〔小生喝云〕衣冠不整。尙屬朋友之過。世間那有這樣縮頭的男子。〔旦持拄杖叫上〕禽獸。緣何不待我發放。擅自起來。卻與誰人在此鬧嚷。〔見小生拜介〕原來是蘇大人。〔小生〕尊嫂。軾聞婦道以順爲正。從一而終。是以牝雞司晨。長舌階厲。尊嫂何不恪遵四德之訓。甘犯七出之條。季常有何得罪。而令其長跪池頭。竊恐夫既不夫。婦亦不婦。傷風敗俗。逆理亂常。不可不可。〔旦〕蘇大人。奴家雖係裙釵賤質。頗聞經史懿言。自古修身齊家之士。先刑寡妻。乃治四海。古之賢婦。雞鳴有警。脫簪有規。交相成也。齊眉之敬。豈獨婦順能彰。反目之嫌。祇緣夫綱不正。今我丈夫呵。

〔梁州序〕襟懷偏放。面皮徒厚。不把我機關參透。〔小生〕你待要他如何。〔旦〕要他繩趨尺步。休輕惹罪招尤。蘇大人。羨你望隆山斗。卻怎心戀烟花。輕把我兒夫誘。〔小

〔生〕琴操是我的相識。季常不過陪行。於理何礙。〔旦怒視小生云〕你引花了他的心兒。又來管我。〔以杖指小生介〕恨不青藜打殺你。老牽頭。〔小生慌躲介生跪云〕奶奶。寧可打我罷。〔旦用拄杖撥生跌倒介〕教你狗黨狐朋莫再遊。免使我恁爭鬪。〔小生背與生云〕看這般光景。休道你怕他。我也有些兒膽怯了。待我勉強說他幾句。〔生〕他手中物。不是當耍的。〔小生〕尊嫂。從來悍戾之婦呵。

〔前腔〕當年爲害。千秋遺臭。他把那四德三從。一旦丟開腦後。淫心悍氣。全無半點溫柔。〔旦〕從來那些悍戾的。你說我聽。〔生〕東坡少說幾個罷。休連累我喫打。〔小生〕有那武姬斫樹。劉氏垂幃。王道也爲他揮塵親馳驟。明光因誦賦。濁清流。五虎威嚴鬼也愁。〔小生作恨介旦〕大人爲何發恨。〔小生〕恨不剝這禽獸。〔旦大喝指小生云〕你言言嘲訕。句句扛幫。我雖奈何不得你。〔舉杖打生云〕都是這畜生串了來的。〔生跪唱〕

〔前腔〕告娘行細察因由。蘇學士突然來候。這顛言狂語。盡皆紕繆。我自隨伊。饒舌。憚爾青藜。朝夕歡相守。〔旦〕我往常聞你向學士談禪。十分敬服。誰知談的都是老婆禪。

蘇大人。各人有家。此後免勞下顧。〔小生鞠躬〕領命領命。〔生〕是非今說破。莫追求。〔旦對

生云〕我若再攬他上門。我和你做一世冤家。〔生〕難道不是冤家不聚頭。〔揖小生介〕

請暫退免僛僛。〔小生扯生背云〕閒話休提。季常。你年將強仕。蘭夢無徵。何不與令正商議娶一

妾。〔生〕還敢要他娶妾。我向在洛中。聞知吾所爲。遣蒼頭以書見招。說家中已納四妾。我急急歸來

看時。卻娶了四箇魑魅魍魎。教人怎下得手。〔小生笑云〕就容貌醜些。但得生子。亦是好事。〔生〕未

及月餘。他并醜的也都趕回去了。〔小生〕待我與他說。〔向日云〕尊嫂。季常此後決不敢戀酒貪花。

但下官有一言奉告。〔旦〕請說。〔小生揖旦介〕

〔前腔〕念鯁生略獻愚謀。論不孝須防無後。〔旦〕呀。我陳門無後。與蘇君何干。〔小生〕下

官與季常呵。忝金蘭交誼。忍絕箕裘。〔旦〕老蘇。你未諳麻衣相法。怎曉得我再不生兒子了。

〔小生〕尊嫂。倘容他娶一妾呵。你是螽斯不妬麟趾。鍾祥百福從天祐。〔旦〕螽斯麟趾。

是周公做的詩。若周婆肯說這話。怪不得有官奏你排謗朝廷。原來你好管人家閒事。〔向生云〕陳

郎娶妾是好事。但我每日要打一百拄杖。直打到七十歲止。你若經得起。任你施爲。〔生慌介〕肯

因添一妾。與你結爲讎。難道無兒沒葬塚。〔小生指生云〕你反這般樣說。〔旦推小生出門

介〕快走快走。推出去莫容留。〔旦手拖拄杖拉生下小生笑云〕蘇子瞻遨遊四海。閱人如多。

何曾見這般惡婦。我將侍兒贈他。一者令陳生有後。二者令柳氏分權。柳氏。柳氏。

〔尾聲〕你雖是乾坤戾氣天生就。怎出得東坡妙手。一計教他命即休。

願天常生好人。

願人常行好事。

若還婦制其夫。

便是背生芒刺。

第十一齣 訓姬

〔四園春〕〔小旦扮蘇侍兒上〕倏忽春歸朱夏來。一番梅雨灑蒼苔。欲行怕溼鳳頭

鞋。放燕偷將簾半開。日長無聊賴。徙倚對庭槐。〔憶王孫〕風蒲獵獵小池塘。過雨荷花

滿院香。沈李浮瓜冰雪涼。竹方牀。針線慵拈午夢長。奴家乃蘇老爺侍兒秀英是也。自幼看成。年今

二八。分雖不敢當夕。才卻略諳縫裳。因此我老爺呵。

〔尾犯序〕雅意重憐才。侍女叢中青眼相待。他自認康成。將我做鄭姬疑猜。啣

愛。我僅供奉辰昏巾櫛。愧難附三千粉黛。思量起當年絡秀。屈節好傷懷。〔小生

上〕四月清和雨乍晴。南山當戶轉分明。更無柳絮因風起。惟有葵花向日傾。呀。秀英。你在此獨立。

卻是爲何。〔小旦〕奴家因晝永如年。針指稍倦。閒步一時。並無別意。〔小生〕我正有一句話欲對你

說。你年齒方少。德性頗賢。我非割捨得你。只是我家多姬妾。恐擔閣了你青春。陳季常風流俠氣。不比尋常。我愛之重之。他如今尙無子嗣。我欲將你贈他。一者令你得所。二者見我交情。吾意已決。再

休推阻。〔小旦掩淚云〕奴家久蒙恩養。願侍終身。怎忍將奴棄了。〔小生〕你聽我道。

〔駐雲飛〕杏臉桃腮。蘭蕙清芬絕點埃。閨闈箴規解。井臼操持在。嗟。我肯令久塵埋。那陳季常呵。風流瀟灑。願他早誕麟兒。故割肌膚愛。你事他大娘子。如婦尊姑一室諧。〔小旦〕

〔前腔〕聞說癡騃。棄置難禁淚滿腮。〔小生〕這是我的好意。你休傷情。〔小旦〕老爺。你平素

將我做入掌明珠愛。今日做團扇經秋待。嗟。雖是離合命應該。我心頭自揣。〔小生〕

你揣些甚麼。〔小旦〕只怕劣性夫人。度量非滄海。你把好意翻成做禍胎。〔小生〕他

大娘子心性雖未可知。但主張卻在於你。你能守嫡庶之分。他自消嫉妬之心。這都不必過慮。〔背云〕但我被柳氏罵詈之後。久不曾到季常家去。季常亦無顏見我。我若親造。又恐柳氏生嗔。待擇定良辰。先期寫一藏頭詩帖子。暗約季常。他見了。必然過來。此計甚好。秀英。我

豈將恩愛一時分。

祇爲憐才贈麗人。

妾婦順從千古訓。

敬遵此道免生嗔。

第十二齣 鬧祠

〔旦上〕人無害虎心。虎無傷人意。祇爲夫不才。冷氣淘熱氣。我自前日被老蘇嘲訕一番。因而成病。這都是我那禽獸串將來的。令人越想越恨。

〔北端正好〕非是俺性情乖。只爲他把威風仗。好教人氣滿胸堂。我將他胡言亂語。都記在心兒上。算不了冤家帳。

〔滾繡毬〕細尋思。惱斷腸。試與他做一場。怕甚麼官司告狀。終不然打拷婆娘。且休提別事。只他往洛中。棄閨門結髮妻。戀笙歌入醉鄉。自他歸來呵。俺也不會將惡

氣十分衝撞。他反串無徒大肆強梁。俺豈不知夫妻恩愛須和順。自是他朋友扛幫惹禍殃。此恨難忘。罷罷罷。一不做。二不休。待他來。待他來。〔生上〕入門休問榮枯事。觀看容顏便得知。娘子。你病體自當排遣。卻怎生悶悶獨坐。〔旦〕我問你。前日老蘇那般言語狼藉。卻是爲何。

〔生〕他是好意勸你。休錯怪他。〔旦〕你要降老婆。卻借朋友之勢。恨藜杖兒不在手邊。我咬下你肉來。〔旦欲咬生生慌跑旦跌在地大叫介〕好好。你要跌死我。不如休了我罷。〔趕上挽生云〕私休不如官休。等開衙門。我告你去。〔生跪云〕奶奶。是你自跌。非關陳慥事。情願受杖罷。〔旦〕決饒不過你。

〔挽生虛下末扮官雜扮皂隸隨上末〕守法朝朝樂。欺公日日忙。老爺心更苦。最怕退前堂。〔皂〕老爺退了前堂。怎麼又苦又怕。〔末〕我兒。這話難與你說。你看有告狀的帶進來。〔旦挽生上〕大人告狀。〔皂帶進見介末〕婦人挽着男子。想婦人是原告。〔旦〕婦人是原告。〔末〕說上來。〔旦〕婦人柳氏。這是丈夫陳慥。〔末〕夫妻間卻有甚事不平。皂隸。你看夫人不在屏風背後。我好問這樁事。〔皂看

介〕稟老爺。夫人不在。〔末〕那柳氏你說。〔旦〕

〔耍孩兒〕丈夫生性多豪放。違約束甘心跳梁。〔末〕想必有人引誘他。〔旦〕蘇東坡

勾引醉紅妝。〔末驚訝云〕蘇學士望隆朝野。怎做得牽頭。〔旦〕因望隆不甚隄防。他教我

丈夫將言氣死糟糠婦。待要任意多求窈窕娘。〔末〕那裏有此事。〔生〕大人。這都是柳

氏誑言。〔旦〕非虛誑。我特來控訴。乞示推詳。〔末〕陳慥如何說。

〔五煞〕〔生〕歎鯁生太善良。感東坡有主張。他欲化吾妻妬苦把人倫講。〔末〕此

是實情。好學士。好學士。〔生〕可惜學士費了一片心。他忠言未見回天力。我藜杖翻遭遍

體傷。此情無處伸冤枉。〔末切齒云〕這婦人可恨。情理難容。情理難容。〔生〕難逃明鏡。怎

免王章。〔末〕

〔四煞〕這丈夫軟似羊。這婦人狠似狼。我見了他肚裏先膨脹。這是乾坤有變天

番地。夫婦無情陰亢陽。更可恨將一個蘇學士無端謗。須加刑憲。庶正綱常。〔淨內

〔淨大叫云〕正甚麼綱常。待我來。〔末跌下公座云〕怎好怎好。夫人聽見了。〔淨扮夫人跑出扯起旦

云〕你起去。待我打這不明白的東西。〔一手扯末一手打落紗帽云〕你跪着。〔末〕奶奶。手下人看

着。乞存體面。〔皂〕夫人發怒。我們且須迴避了。〔下淨扯末罵介〕

〔二煞〕你是驢糞球爲甚官。你是麵糊盆坐甚堂。黑白不辨怎把人發放。〔指生〕似這般欺心的男子該流二千里。〔旦〕夫人說得是。〔淨指旦〕怎把賢德的妻兒罵一場。

〔旦〕夫人說得是。〔末〕奶奶。憑你斷了就罷。休只管絮絮叨叨的。〔淨〕我若不說呵。你一時得

志威風長。你只好在堂上謊人。卻不思我狠一狠。你頭如搗蒜。我睜一睜。你身似篩糠。〔末〕

奶奶。你說得勾了。我跑進後堂去罷。〔扒起跑介淨〕你越跑。我越打。〔淨打末末扯淨云〕甚來由只

管打我。我打不過你。和你告土地去。〔淨〕告土地去。〔旦扯生云〕我們也同夫人見土地去。〔同往

土地祠跪介末〕稟上土地靈神。陳慥被妬妻誣告。下官從公問理。反遭吾妻毒打。情實無辜。〔淨〕

土地。吾夫與陳慥黨同枉法。是以妾身不平。乞示明斷。〔外扮土地上〕我也聽得良久了。你們起來

聽我道。

〔二煞〕做官的理自直。〔淨〕他有甚理。〔外〕做妻的心太剛。〔淨〕我不剛。〔外〕你如何

大鬧公堂上。〔淨〕便大鬧何害。〔外〕柳姬悍妬真堪罪。陳慥風流不異常。〔末生〕尊神

斷得是。〔外〕你做夫人出醜妝牌榜。從此要小心聽令。拱手伏降。〔丑扮土地娘娘

跑上揪外打末生慌跑介外跪云「娘娘。我不曾說甚麼。」丑指外罵

「一煞」做神明全要公。在神祠好受香。如何斷事情偏向。全不管。婦人水性須當讓。逞着你男子雄心越放佯。俺這裏拳頭巴掌聲聲響。「外」娘娘饒了老夫罷。「丑」直打得你下尋地獄。上走天堂。「丑打外介外揪淨云」因你卻打我。我只打你。「外打淨介淨揪末云」因你卻打我。我只打你。「淨打末介末揪旦云」因你卻打我。我只打你。「末打旦介旦揪生云」因你卻打我。我只打你。「旦打生介混打一團丑氣倒在地淨旦」休氣壞了娘娘。我們扶進去。「淨旦扶丑下外氣倒在地末生扶起介外」

「煞尾」休道你做人受折磨。我爲神也損傷。這場禍害從天降。「末生」他是天生蜂蠆原非善。我們命遇鴟神定不祥。從今後逆來順受消災障。饒你是當坊土地。惹了他活見閻王。「並下」

第十四齣 贈妾

「賀聖朝」「生上」龍丘冤抑難伸。坡仙義氣堪陳。何年弧矢得懸門。是寒谷生

春。小生向蒙蘇學士雅情。勸我娶妾。以圖後胤。我娘子豈但不從。把他推出門去。教我日久無顏見他。今早進得書房。見一詩帖子在地。看時卻是東坡墨跡。上寫着子夜星初落。瞻雲意若何。早衙猶未啟。候吏已先過。我細詳詩中。頗無意味。卻是暗藏子瞻早候四字。他分明怕我妻兒見怪。不令人來明邀。暗暗以此約我。我托故出門。早已來到。蘇大人在寓麼。〔小生上〕

〔寶鼎現〕安排茗椀爐煙。擬聽高人玄論。〔見科生〕十年磨一劍。霜刃未曾試。〔小生〕將

來把似君。誰有不平事。陳兄。賢哉令正。賢哉令正。我至今夢裏尙毛骨竦然。怪不得兄膝蓋兒上盡無皮也。〔生〕東坡。小弟不幸遭此。休得見笑。小弟一來謝罪。二來見早候之詩。特來請教。〔小生〕此帖令正可知麼。〔生〕不知。〔小生〕若知。又是我的招由也。向聞令正之言。斷不容妾。奈君乏嗣。何。下官有一侍兒。堪奉巾櫛。聊以相贈。〔生〕大人割肌膚之愛。使小弟遂熊羆之占。恩至渥矣。心則何安。又恐賤荆知之。禍且不測。〔小生笑云〕倘你二人敵他藜杖不過。我當借孫悟空金箍棒夾攻何如。適間已曉諭侍兒。敬治一杯。與兄作賀。梅香扶姐姐出來。〔小旦新妝丑扮梅香扶上〕

〔前腔〕鸞臺纔罷新妝。鵲駕又傳芳信。〔小生〕梅香。你可對天地祝讚幾句。〔丑〕男室女

家大倫攸係。天長地久。樂意相關。郎君德器魁奇。具瞻喬岳。姐姐儀容窈窕。堪列小星。伏願孔釋送生。卽見麟兒入孕。更祈劉向去閣。〔小生〕怎麼要劉向去閣。〔丑〕老爺。劉向一日不去。他二人一日不安心。須劉向去閣。方免藜杖成精。〔小生〕休得取笑。將酒過來。我遞他二人一杯。〔遞酒介〕

〔玉胞肚〕杯斟合盃。管情諧百年好姻。戲清波堪羨鴛鴦。應明時定產麒麟。調琴弄瑟有餘春。教他倚杖斜陽。枉斷魂。〔生〕

〔前腔〕持杯自忖。太山般叨君厚恩。也不須十斛明珠。卻相遺絕代佳人。只怕風聲泄漏。致生嗔。隔斷巫山杳莫親。〔小旦〕

〔前腔〕苦縈方寸。對新人難拋舊人。捧瑤觴強做歡容。整花鈿暗掩啼痕。肯將闔教背家尊。他便有八面威風也自馴。〔小生〕陳兄。你家中旣難相容。我官舍亦所不便。計

將安出。〔生〕寒舍隔數家。有一別業。今將新婦安置於此。旣可瞞過賤荆。亦且往來甚便。〔小生〕如此卻好。梅香。你可送他夫婦到門卽回。〔丑〕理會得。

喜得雙仙駕綵虹。

臨岐含淚別恩東。

今宵試把銀缸照。

猶恐相逢是夢中。

第十五齣 赤壁

〔風入松〕「小生老旦末扮院子隨上小生」功名富貴等鴻毛。愛莊叟逍遙。江湖何似居廊廟。況又有煙霞同調。「老旦」妾久把風塵念拋。陪仙史學揮毫。「外佛印上」〔前腔〕浮生碌碌鬢空凋。向火宅煎熬。眼前丘壑無真好。甘錯過時光多少。蘇學士才高興高。但遊衍便招邀。「相見介小生」呀。禪師來了。「外」聞命即趨。不知有何見諭。

〔小生〕小弟赤壁之遊。尙未盡興。今當十月既望。欲再續此行。「外」座中豈可少季常。「小生」他令政不是好惹的。所以未去相約。「老旦」就此同往。「行介外」山川留勝跡。「小生老旦」我輩復登臨。「虛下生上」

〔前腔〕感伊割愛贈妖嬈。便啣環難報。情悰生怕妻知道。欲叩謝豈容輕造。今日箇推迎故交。便取路向臨臯。昨蒙東坡贈以侍兒。半月來未敢踵謝。我怕洩漏機關。兼他防閒更密。但我欲出。則滴水於地。說定水不乾要回。我想東坡住居旣遙。他若苦留。也難遽返。我對

娘子假說窗友遠歸。特去敍舊。望你將水多潑一口兒在地下。那冤家卻燃起佛前香。用手指指一印。以爲還家之驗。天天。這不是柳氏足智多謀。也只是季常年災月厄。須跑快些。免得遲了。〔跑介〕小生外老旦末撞上外〕恰好遇着季常。〔小生〕呀。我欲人斯人至矣。兄欲何往。〔生〕向辱高情。特來相謝。〔老旦〕相公你卻跑怎麼。〔生〕我恐蘇爺出門。不得面晤。因此急行。〔小生〕恐不是此意。〔生扯小生附耳介小生大笑云〕蘇子果然長於料人。〔挽生手云〕憑你怕砌水隱形。香印過界。也要陪我們赤壁一遊。〔生〕赤壁太遙。小弟實不敢去。〔小生〕到彼處。放兄先來。〔衆行介末〕稟爺已到赤壁了。〔小生〕喚隻船過來。〔丑扮船家唱歌上〕赤壁崔嵬江水長。朝朝生事駕孤航。阿誰載酒來尋樂。贏得青蚨入醉鄉。〔末〕撐船過來。〔丑〕來了。來了。呀。且喜又遇蘇老爺。船家叩頭。〔小生〕免禮。〔丑〕老爺向日之遊樂乎。〔小生〕不樂又來何幹。〔丑指老旦云〕老爺就不要幹。他也要幹。〔老旦〕休得亂說。〔丑〕老爺請上船。〔衆上船介小生〕琴操奉酒。〔老旦斟酒介小生〕

〔惜奴嬌〕獨坐臨臯。正連朝霜露降來林表。幽棲處。喜一一客從予寄傲。斗酒藏家。鱸魚歸網。怎不向江頭遐眺。移棹。傍斷岸聽江聲。好把綠樽傾倒。〔外〕

〔前腔〕逍遙風引寒潮。削芙蓉千丈。臨流奇峭。清塵抱。說甚麼十洲三島。聽告。我欲足履巉巖。愛他松偃虬龍。石蹲虎豹。長嘯聽谷應與山鳴。軒舉不殊飛鳥。〔生〕

〔蛤蜊序〕風騷須讓吾曹。歎周郎孟德。盡眠衰草。問何如今日玉山頹倒。歡笑。況眞僧西竺標。佳人舊是腰。共相招。不是學士高情。此際鬱陶誰告。〔老旦〕

〔錦衣香〕海雁翔。穿雲叫野鷗。閒親人遶。隱隱鳴榔。煙波垂釣。堪將彩筆染生綃。新妝水映。翠袖風飄。佐飛觥走罌。按紅牙新翻高調。雲遏歌聲。馮夷驚覺。滄洲勝集。休輕回棹。〔生〕東坡如此勝遊。小弟恨不留連達旦。適間所告。不敢不歸。列位從容。小

弟先別。〔外〕兄休敗興。須少待同行。〔小生〕弟非不近人情者。放兄先去。吾等各用水香字。贈兄二句。勸酒一觥。琴操奉酒。〔生笑云〕小弟願領願領。〔老旦斟酒介小生捧杯吟〕戰兢忠水約。匍匐赴

香期。〔生笑飲介外捧杯吟〕細彈防事水。短爇戒時香。〔生笑飲急欲行介老旦扯住捧杯云〕難道

奴家不敬一聯。〔生〕阿姐饒我罷。我飲不得了。〔老旦〕如不飲。決不放走。〔生〕你速道。你速道。〔老

旦吟〕命係逡巡水。時牽決定香。〔生笑云〕這兩句更狠。〔生飲作嘔吐狀小生〕若夫人嫌遲。但道被水香勸盞留住。〔衆笑介小生〕船家送陳相公登岸。〔丑應生上岸拱手云〕賓不顧矣。〔小生笑拱手云〕人其舍諸。〔生下小生〕院子。洗盞更酌。再遊向赤壁邊去。〔末應放舟奉酒介合〕

〔漿水令〕放中流一葦眇小。挾飛仙遺世飄飄。山高月小映寒濤。時將半夜。四顧寥寥。見孤鶴橫江表。〔外〕人生虛幻如漚泡。〔小生〕寄天地。寄天地。蜉蝣可弔。〔合〕總不如托醉鄉。托醉鄉。磊砢堪澆。〔老旦〕禪師。奴家雖係蒲柳之姿。頗厭風塵之態。適間談及蜉蝣漚泡。令人惕然猛省。從今願發菩提。望禪師收爲弟子。〔小生〕不意嬉遊談笑之間。令你脫離苦海。禪師幸借慈航。力爲接引。〔外〕此貧僧本願。何俟叮嚀。〔老旦〕如此。奴家就舟中拜了師父。〔拜介外合掌介外〕

〔尾聲〕欲參祕密須把塵根掃。〔老旦〕言下機鋒莫憚勞。〔小生〕禪師。我看這水不是赤壁之水。〔外〕不是赤壁水是何水。〔小生〕是滾滾曹溪洗俗器。

夜闌客醉大江頭。

狼籍杯盤未舍舟。

今日紅妝親受傷。

這回不是泛常遊。

第十六齣 頂燈

〔金蕉葉〕〔旦持杖上〕嗔伊怪伊。不知他因何留滯。非是我青藜慣持。怎當他無端生氣。我丈夫杜門數旬。儘見他遵我的約束。今早他告假拜客。說道不久卽歸。我與他滴水刻香爲期。怎麼水已乾了。香又燃盡。眼見得日晡尙然不返。我在齋中等他。待他來我自處。〔生慌跑上〕遲了。遲了。怎麼好。〔跑介〕

〔水底魚兒〕赤壁探奇。猥蒙蘇子攜歸。愁違限須將言語欺。〔進見揖旦介〕娘子。有

偏有偏。我與那窗友久別。他一見怎肯放我。我顧不得他怪。竟逃席而回。〔旦〕你看這地下水乾也

不乾。〔生看地云〕還有些潮意兒。〔旦〕你看這佛前香盡了還未。〔生看香云〕尙有些餘煙兒。〔旦

大喝一聲將杖打生生跪云〕奶奶請息怒。〔旦丟去杖云〕你起來。你起來。我也不打你。將頭髮散

了。你坐着。我與你綰起髻來。〔生喜坐介旦將生髮綰爲匾髻安燈盞燃火于上生〕這是何爲。〔旦〕

你若滅了燈。打二十藜杖。〔生〕苦苦叫我怎生轉動。〔旦〕

〔小桃紅〕狂生何處漫遊嬉。全不把盟言記也。你躲離家門。使我望眼欲淒迷。林薄外日沈西。早已香烟斷。水痕稀。鐘聲發。你卻落得歸來醉也。我且不打你頑皮。只罰你跣趺坐。當一個供佛琉璃。呀。早已二更。你頂着燈。不許滅了。〔生〕奶奶。放我睡一會兒。我明日再頂罷。〔旦〕不許。不許。我且進去。再出來看你。〔旦虛下生愁臉頂燈端坐介〕

〔下山虎〕頭須正直。體怕傾欹。這苦何曾慣。兢兢敢移。渾一似土木形骸。又被那睡魔暗欺。也罷。也罷。我只認做佛頂爲巢。苦行持。奶奶。你略把天威霽。我寧甘杖藜。似這般刑罰。還不說漢代蕭何狠作爲。〔旦內叫云〕你知罪麼。〔生〕我知罪了。〔旦〕你再敢來遲麼。〔生〕我再不敢來遲了。〔旦〕既如此。放下燈盞。不許進房來。就在齋中睡罷。〔生連應諾介〕受了半夜苦。我且睡一會兒。〔放燈睡介旦持飯上〕

〔蠻牌令〕非婦道敢凌逼。恨夫婿不遵依。他頂了燈盞一夜。定然改過。身從書舍隱。人訪華門稀。我情願饗飧自奉。怎教他蛙步輕離。〔進見生睡〕呀。現于今花陰日移。尙兀自伴莊生蝴蝶魂飛。〔生驚起介〕呀。睡熟了。不知已到巳牌。娘子。你爲何將茶飯攜來

此處。〔旦〕你此後只在齋中看書。我有茶飯送來與你。你不可仍前出門。〔生〕敢不遵命。〔旦虛下生〕

〔憶多嬌〕他強作威。我假意隨。欲向嬌娃那壁。將笑臉偎。偷出書齋莫待遲。我喫了飯。戲耍一刻便來。娘子未必就尋我。私赴鶯期。私赴鶯期。顧不得瞞心昧己。我將門兒輕輕閉了。快去快去。〔生急走下旦上從門隙中窺低唱〕

〔前腔〕我向門隙窺。看他何所爲。呀。匣中虎兇今復馳。冷落書齋悄莫知。〔恨介〕他性格難移。性格難移。須索尋蹤覓跡。〔大叫介〕蒼頭。蒼頭。〔淨應上〕小人有大娘子

何事分付。〔旦〕相公連日幹的事體。你盡知道。卻不對我說。叫丫頭取藜杖來。〔淨慌云〕大娘子。何勞取藜杖。我從實說便了。〔旦〕你說。你說。〔淨〕蘇老爺將侍兒贈與相公。連日暫入書房。卻背了大娘子往新娘處去。〔旦驚訝云〕新婦住在何處。〔淨〕在隔壁店房裏住。〔旦〕昨日抵暮方歸。莫非也在那裏。〔淨〕多是如此。〔旦大叫一聲氣倒介淨扶云〕大娘子既知。如何着急。〔旦〕若非我哄出你言語。怎知有此情。〔淨〕呀。原來大娘子不知。相公。這是我害了你也。〔旦〕

〔江頭送別〕男兒漢。男兒漢。全沒恩義。蘇學士。蘇學士。不知道理。贈與侍兒教。
他將妻棄。這老子是釀禍渠魁。〔淨〕

〔前腔〕娘行的。娘行的。暫須寬慰。郎君的。郎君的。自應改悔。蘇公軫念生蘭計。
因此上贈與家姬。大娘子。相公來家。休說小人洩漏此事。〔旦〕我自有主張。你迴避罷。〔淨背云〕
我是非只爲多開口。大娘子。大娘子。你煩惱皆因強出頭。〔下旦〕天天。誰知有此事。我欲待尋去打
死那潑賤。爭奈人說夫爲子嗣。妻不能容。把我平日賢慧名兒都壞了。待他來家。我亦不參破他。也
只用計束縛爲上。

〔尾聲〕依然還把書齋閉。薄倖歸來竟不知。我自有的陳平計算奇。〔下〕

第十七齣 變羊

〔胡搗練〕〔生跑上〕心兒樂。脚兒奔。纔從巫岫會行雲。縱是機關參不透。也應假
意獻殷勤。拘管由他拘管。偷行我自偷行。但得天從人願。一朝賜與寧馨。方纔瞞着娘子。往新婦處
取樂片時。料必不曾尋我。我須到他面前打一愧去。〔進介旦持杖上〕莫信直中直。須防人不仁。那

禽獸敢過來也。〔生見旦〕

〔鎖南枝〕苔封砌雲掩關。娘子長日如年易困人。〔旦〕你在那裏做甚麼。〔生〕在靜室把香焚。〔旦〕你敢不在齋中。〔生〕怕擎燈敢逃遁。〔旦〕你平日謊話太多。我不肯信。〔生〕虛頭話沒半分。我縱要欺你。也不敢欺這杖兒。怎當得你手中揮。我身上忍。〔旦怒科〕

〔前腔〕聽他話令我嗔。你蹤跡難防朝與昏。罷罷罷。我與你夫婦欲全恩。〔撇開拄

杖介〕捶笞枉成恨。〔生抱旦云〕奶奶正是恩愛夫妻。我與你要一耍兒何如。〔旦〕少待少待。

〔旦向身邊取出長繩介〕你可伸足來。〔生伸足旦繫繩介生驚云〕這是怎麼。〔旦〕我時刻不忍離你。將此繩繫於牀脚上。你在齋中。我扯此繩。你便卽至。休胡走莫浪奔。你要我杖兒閒我先要你脚兒穩。〔推生出云〕你可往齋中看書去。我且睡一會兒。〔旦牽繩虛下生出低唱〕

〔前腔〕咱陰事莫不他竊聞。足上拘攣教我怎出門。〔旦內扯繩介生跑云〕來了。來了。娘

子有何使令。〔旦內云〕偶然翻身落枕。快遞與我。〔生應入旦內云〕去罷。〔生出〕那壁廂青眼望

來頻。這壁廂赤繩繫來緊。〔旦內扯繩介生跑云〕來了。娘子又有何差委。〔旦內云〕看杯茶來我

喫。〔生應入旦內云〕去罷。〔生應出唱〕我怕風聲敗只得把約束遵。〔生跑介〕來了。來了。〔旦內云〕我卻不會扯繩兒。〔生回顧介〕呀。原來是雞行把繩引。〔生以手理繩介〕天天當初何不叫繩兒再生長了五丈。怎直恁剛剛到得大門前。苦哉。苦哉。我且立在這壁。看門外有甚人過。〔淨扮巫媪背一布包上〕

〔前腔〕妝厲鬼降假神。世上巫師我奪尊。〔生以手招介〕巫師。巫師。你快來救我一命。

〔淨〕相公有何事。〔生低云〕不瞞巫師。我娶一妾在隔壁。朝夕偷行。娘子探知。用長繩繫我足上。不時扯繩。怎能暫脫。倘有妙用。自當重酬。〔淨〕相公且在齋中坐着。待我家去牽羊來。自有道理。〔淨

虛下生進云〕想此婆無有法術。假以牽羊脫身而去。〔淨牽羊上見生〕相公。我幸有羊存。君

應救星進。〔淨解生繩繫羊足介生慌云〕若如此。娘子見了怎好。〔淨〕相公不妨事。我對你說。〔附

生耳云〕這般這般。快走快走。〔生應急下淨〕他今將繩扯定喪魂。自然發菩提戒兇狠。

我且躲出門去。待他尋我。再作理會。〔旦牽繩上〕這半日我不會扯繩兒。陳郎敢熟睡也。〔扯介內作羊叫旦〕如何耳內恍聞羊聲。〔又扯介羊上旦慌視云〕呀。怎麼不見丈夫。只見一羊。謊殺我也。

說殺我也。且去門前叫蒼頭來看。〔出介〕

〔前腔〕渾身顫雙目昏。這事蹺蹊有鬼神。〔淨上慢行介旦大叫〕巫師。巫師。〔淨〕來了。

〔旦〕你步履莫逡巡。我有事情待詢問。〔淨〕大娘子有何分付。〔旦〕你快進來看。〔旦進

指羊云〕我怕丈夫胡行。日用長繩繫其足。欲見便扯繩兒。方纔扯繩。只見繫的是羊。不知丈夫何

處去向。〔淨用手抹羊細看大駭云〕這是陳門祖先。怪你積惡。故罰郎君變羊。〔旦抱羊哭介〕我的

丈夫呵。怎得你還人道脫獸羣。〔淨〕大娘子。這事不難。只要你齋心懺悔。〔旦〕但得你顯神

通我情願發誠悃。〔淨〕大娘子。你須齋戒三日。舉家避於室中。我替你哀求鬼神。令放郎君。還復本

體。〔旦〕敢不遵命。倘丈夫一來。卽望呼喚。

〔淨〕祖先言語記來真。莫道無神卻有神。

〔旦〕我發虔心求懺悔。丈夫及早復人身。

第十八齣 偷樂

〔紫蘇丸〕〔小旦上〕小庭日午湘簾捲。倚綠窗閒拈針線。熱心一片自空憐。雙眼

含清淺。窈窕守容華。但歌有情曲。轉盼非無以。斜眉幸相矚。不減許飛瓊。多勝劉碧玉。何因送款款。半飲杯中醪。俺老爺將奴家贈與陳相公。一者愛其才情。二者慮其乏嗣。只早柳氏大娘。要他杜門謝客。十分防閑。奴家潛住在他隔壁。相公雖日日偷走過來。猶恐知覺。爲禍不小。可惜一個風流人豪。每每爲此鬱悶。奴家今且奈何。況奴家呵。

〔桂枝香〕生來腴腆。羞爲機變。常自愁屬耳垣牆。怎敢做留春鶯燕。他是風流雋才。風流雋才。恨不與我連枝廝纏。雙飛廝戀。兩情牽。我甘分難當夕。那大娘呵。他如讎不共天。〔生跑上喜抱小旦唱介〕

〔前腔〕纔乘方便。來舒心願。〔小旦〕爲甚麼這般歡喜。〔生〕我今日呵。不從人道偷生。又向羊羣新變。〔小旦驚訝介〕相公變羊。是怎麼說。〔生〕恨無端妬妻。無端妬妻。你我的事情。難逃窺覷。〔小旦〕既然如此。怎生是好。〔生〕他不容分辨。他將我足繩纏。〔小旦〕繫着足爲何。

〔生〕教我出戶難爲計。休猜做牽絲夙有緣。〔小旦〕你足旣繫着。怎又到得這裏。〔生〕幸遇巫師。潛將羊兒繫了足。說祖宗怪他嫉妒。令我變羊。須閉在室中。齋戒三日。可以復還本體。今娘

子正在齋戒之時。我落得過來與你歡暢。〔小旦〕原來如此。

〔醉羅歌〕可畏可畏情蹤見。可笑可笑女巫言。悄地將羊做成圈。遂卻你心頭願。〔生〕趁着這一樹花兒開得好。我沽樽酒來與你同飲。〔小旦〕一時狎昵。花邊酒邊。〔生〕我巴不得點上燈兒。就和你同衾共枕。〔小旦〕百年盟誓。燈前枕前。〔生〕我想今宵之樂。非人世所有。〔小旦〕似天台得覩劉郎面。相公你縱博得今宵樂。只怕明日冤。禍延林木爲亡猿。〔生抱小旦介〕

〔前腔〕我愛你綽約綽約如飛燕。我愛你皎潔皎潔似嬋娟。我愛你額妬芙蓉貼珠鈿。我愛你玉臂籠金釧。我愛你臙脂未抹。朝霞讓鮮。我愛你腰肢微動。秋鴻讓翩。我愛你薄羅稱體裙拖練。我愛你眉如柳。我愛你足似蓮。我愛你擎杯如玉露春纖。〔掉角兒〕〔小旦〕念妾非希恩取憐。望郎君夢蘭如願。〔生〕卿言至此。令人感佩入

骨。〔小旦〕遠紹伊百代箕裘。近和你齊眉賢媛。〔生〕那不賢慧的東西。提他做甚。〔小旦〕休這般說。你不記臨着池。頂着燈。燃着香。滴着水。心驚膽顫。〔生〕正在歡樂時。

休說這掃興的話。〔小旦〕君能玉立。妾叨瓦全。須信道祥生和氣。骨肉團圓。〔生〕
〔前腔〕聽芳卿慨慷數言。似當年脫簪規諫。我忍不過羅刹婆操戈弄權。因此向
溫柔鄉尋方覓便。你快着將樽兒開。燈兒點。褥兒鋪。衾兒展。通宵繾綣。千金一
刻。嫣然可憐。便此情來朝敗露。我膝軟如綿。〔小旦〕

〔尾聲〕郎君何事把饞涎嚥。〔生〕娶不如偷自古言。〔合〕但願無禍無憂共百年。
〔同抱下〕

第十九齣 復形

〔粉蝶兒〕〔淨上〕弄假成真。只要夫妻和順。我受陳相公之托。欲挽回他大娘子妬心。故意
變羊。待他齋戒三日。令丈夫復還本體。此時料必回心轉意。只是這兩日好了陳相公也。我須尋覓
他去。〔虛下生上〕

〔前腔〕暮雨朝雲。多感巫師憐憫。幸我漁人獲利。笑他齋戒空持。倏忽已經三日。問巫師消
息何如。呀。老嫗遠遠來了。〔淨〕相公快去快去。休被大娘子識破機關。〔生應與淨快行介生〕既已

入門。你怎生處置。〔淨〕待我來。〔解羊繩繫生足大念云〕鬼神洋洋。昭格四方。赦過宥罪。頃刻亡羊。呀。忽然又變成郎君了。大娘子快些出來。〔旦哭上〕

〔麻婆子〕祖宗祖宗心何狠。遽使兒夫入獸羣。巫師巫師言須准。速令羊兒變化人。思量起。暗消魂。未知法力可通神。〔見生驚訝抱哭介〕天天。家常爭論何足恨。怎不想一夜夫妻百夜恩。相公這兩日在那裏。兀的不想殺我也。〔生〕娘子。

〔榴花泣〕遭伊繫足。陰被祖先嗔。甘連累失人身。爲羊多日受艱辛。〔旦〕這羊兒你何曾做得慣。〔哭介生〕記當時日出成羣。〔旦〕成羣往何處去。〔生〕覓餐草根。到如今腹痛還難忍。〔旦哭介〕好苦。好苦。〔生〕擬終身戴角披毛。幸一朝反畜爲人。〔旦抱生哭介〕

〔前腔〕聞伊訴說。不覺自酸辛。怎麼閨闈事動冥神。是非從此再休論。願一家和氣生春。〔生〕娘子。你今後可用拄杖麼。〔旦〕不用了。〔生〕可容我娶妾麼。〔旦想介〕這箇再計較。〔生〕生跌倒做羊叫日慌抱云。容你。容你。〔淨〕大娘子。方纔祖宗教你將蘇學士所贈新婦。接來同居。

倘或不容。這遭做羊。永不得人身了。〔旦哭唱〕我欲言又吞。怕先靈口只得權承認。陳郎。你做良人家室能宜。我做妻孥鬧吵無因。〔生〕娘子。領命領命。〔淨〕大娘子既然承認。相公可接新婦過來。〔生下同小旦上小旦〕

〔山花子〕妝成圈套雖堪哂。還須強做眉顰。〔生〕新婦過來。拜了大娘。〔旦怒視云〕這是誰。〔生做羊叫旦〕冤家。你怎麼這般變得快。〔生〕娘子。你不變。我也不變。〔小旦〕大娘請坐。待奴家拜見。〔拜介〕數年來婦儀熟聞。甘心事奉家尊。〔合〕論齊家尊卑務分。金過北斗何足論。猜嫌不作情自親。感動天心。百福駢臻。〔生〕

〔前腔〕娘行大德能容隱。從今改舊從新。這丫囊生來頗馴。〔旦〕你如何便見得他馴。〔生〕試看箕箒殷勤。〔合前旦拜淨介〕

〔前腔〕多蒙巫媪消災軫。方知禍福無門。〔對小旦〕倘夢熊羆吾當問辰。〔對生〕君休偏向新人。〔合前淨對旦〕大娘。

〔前腔〕你倘依宗祖無憎忿。管君家麟趾振振。〔對生〕相公。你須念關雎。是開周本

根。〔對小旦〕新娘子。休忘嫡庶彝倫。〔合前〕

〔旦〕夫妻嫡庶永相和。〔生小旦〕免得終朝受折磨。

〔淨〕萬兩黃金未爲貴。〔合〕一家安樂值錢多。

第二十齣 爭寵

〔淨扮牛頭丑扮馬面雜扮二鬼卒執鐵鎖鐵叉上〕業因似影隨形。果報如聲答響。閻羅本性大慈。衆生自投羅網。我等奉閻羅天子之命。因陳慥妬妻柳氏。罪業太多。攝魂問理。不敢有違。須索前去。

〔下旦持拄杖上〕

〔憶秦娥〕全不量。癡心要遂熊羆望。熊羆望。伊貪歡愛。吾添悽愴。〔生上〕殘生幾被青藜喪。多蒙巫媪消災障。〔小旦上〕消災障。不知何事。怒氣重生臉上。〔旦〕

悔聽巫師棄杖藜。〔生〕變羊那得做夫妻。〔小旦〕世間神鬼須當信。〔旦〕信鬼人皆笑我癡。〔生〕娘

子。我與新婦恁般伏事你。料無得罪處。你今持着拄杖兒。待要打誰。〔旦怒叫云〕我要打你這欺心的禽獸。〔生慌云〕我做丈夫的有甚欺心。你說。你說。〔旦〕我前日看祖宗面上。容這潑賤同居。你卻

憐新棄舊。將恩變讎。是何道理。〔生〕怎見得。〔旦〕你與他轉眼擠眉。盡是狎昵之態。〔生〕我若看他。眼睛落地。〔旦〕調唇弄舌。莫非罵詈之言。〔生〕我若罵你。口生疔瘡。〔旦〕但想起事事傷心。若說來。椿椿切齒。〔生〕奶奶。我那一夜不陪着你眠。〔旦〕縱通宵同衾共枕。心則生疎。〔生〕我也不會少了你夫妻之禮。〔旦〕只一合。棄甲曳兵。與偏嬾散。〔生〕奶奶。我並不曾親近着他。你休冤我。〔旦〕你靜悄悄瞞過了我。這恰便似金蟬脫殼。喜孜孜偷將他去。真好像白鷺窺魚。〔旦〕以杖打生介。你這樣不公道的丈夫。我恨不得一杖打死了你。〔指生唱介〕

〔金落索〕男兒太不良。〔指小旦〕潑賤真無狀。〔小旦〕大娘。干我甚事。〔旦〕我兩口兒本是和和睦睦的。自搬你來家。災禍從天降。〔生〕你不生事。更有何災。〔旦打生介〕我但說他。你就護在裏面。無論是與非。定扛幫。誰與區區做主張。〔生〕奶奶。我接他來家。一者爲伏

侍你。二者圖生子嗣。〔旦〕免勞伏侍。免勞伏侍。我只怕神天未把麟兒送。先已氣殺閨中窈窕娘。〔生〕奶奶。你把懷抱放寬些兒。〔旦〕你教我把情懷放。除休潑賤纔免這參商。

〔合〕一家兒恹恹惶惶。短短長長。恨不遇善斷事的包丞相。〔小旦跪介〕大娘。

〔前腔〕我虛心受你降。〔旦怒叫〕你跪着我。是要折死我麼。〔小旦起介〕你沒影兒將奴誑。

雞蛋裏尋針。全少容人量。〔旦〕賊潑賤。誰與你磨牙。我只打這禽獸。〔打生生躲介小旦跪扯

拄杖唱〕娘行且恕饒。發慈祥。〔生〕小奶奶勸勸。〔小旦〕須念夫君是婦綱。若還有

責奴甘受。〔旦打小旦介〕我便打你。你敢奈何我麼。〔生扯拄杖介小旦向生唱〕切莫攔伊把

情越傷。〔旦大叫〕左鄰右舍。陳季常氣殺了妻也。氣殺了妻也。〔小旦〕大娘。你休把聲音放。怕一

街兩巷處處醜名揚。〔旦〕我做了泥鳅。那怕污眼。管甚麼好名歹名。只是要打。〔合前生〕奶奶。

〔前腔〕你莫不甘心配我羊。故意揮伊杖。〔旦〕做羊是你受苦。與我何干。我怎不杖你。〔生〕

奶奶。我是你結髮夫妻。忍使我一日人身喪。罷罷。我變了羊。斷不饒你。泣訴與祖宗。立追你

的命去。〔旦〕要死就死。我怕甚麼。〔小旦對生云〕既不畏死。不可以死激他。〔生〕從來陰性怯。

怕閻王。他性格如同百鍊鋼。〔小旦〕相公讓大娘幾句罷。〔旦〕賊潑賤。我也不要你在面前討

好。〔生背對小旦低唱介〕他行喜怒難拿定。你我休輕自惹殃。〔旦大叫〕你兩個這般

呢我。教我如何不氣。〔打生介生跪唱〕你把青藜放。願從今尊你做老婆娘。〔合前旦〕呀。

我身子十分不快。莫非要死也。〔丟杖跌倒僵臥介生慌扶云〕娘子甦醒甦醒。〔旦漸呻吟介生抱旦放聲大哭云〕娘子。誰知你一病至此。可不痛殺我也。〔旦睜眼看生云〕你哭爲何無淚。〔生〕以帕拭乾。〔旦〕此後果實心是哭。須要見淚。〔生〕娘子。你疾勢若何。〔旦〕

〔山坡羊〕昏沈沈眼花頭痕。虛飄飄魂飛魄喪。氣淹淹軟弱身軀。急煎煎難按納的情和況。〔旦掙坐介生〕娘子。你把閒事都丟開。保重身體。〔旦〕勢必亡。冤家是你行。你

兩個都去。休在我面前。我見了越添氣惱。〔小旦〕我們只得依他。且閃在這邊。〔旦扶杖欲起跌倒

介生〕蘇姬。你扶着大娘。我去取湯來。〔生背云〕這般疾勢。我須要哭幾聲。又怕眼中無淚。他不見信。〔想介〕也罷。我將溼紙置於頭巾中。少時叩額而哭。他見了水淋。定信是淚。〔下取湯上〕蘇姬。大

娘若何。〔小旦〕大娘已醒來了。〔生置湯碗於地抱旦撞頭大哭云〕娘子省愁煩。休得拋撇了我。

〔旦睜眼看生頭云〕淚出於眼。何故從額上流。〔生〕豈不聞自古云。水出高原。〔小旦〕我與大娘拿拄杖。你扶他進房中歇息去。〔旦〕潑賤。你休輕失卻。失卻青藜杖。〔生〕娘子。你這般病得狠。還不把心兒散些。〔旦〕我虎瘦心雄恨未償。〔生〕娘子。我請一良醫來看你何如。〔旦大

叫云。你要藥死我麼。休道奇方。決不嘗伊索命湯。〔小旦〕還請前日巫師來與你禳解。何如。〔旦怒云〕我聽那人之言。致有今日。休道祈禳。拚着身兒死變羊。〔生扶旦介〕

〔尾聲〕百年恩愛成磨障。我從此俯首低眉願受降。〔小旦持拄杖〕大娘。大娘。你須知降火平肝是第一方。〔下〕

第二十一齣 訴冤

〔三臺令〕〔小生上〕欲把世道隄防。可許陰驕抗陽。吾友憚妻房。消磨了一片剛腸。黃州柳氏陳家婦。鶯悍狐綏恣嫉妬。勞勞長舌牝雞晨。廢弛三綱全不顧。一身無子可奈何。徐卿有慶偏房多。不思無後絕夫嗣。閨中旦夕操干戈。下官自激怒柳氏。久未造季常齋中。近聞他信巫嫗之言。回心轉意。搬進侍兒。料也不怪下官了。今日無事。探望季常。早已來到。季常在家麼。〔生上〕賓至下塵榻。憂來命綠樽。我看外面是誰來相訪。〔出見介〕呀。原來是東坡。東坡請進。〔進揖介小生〕昨秦太虛寄一詩贈兄。小弟親攜奉覽。〔遞詩箋與生生看念介〕侍童雙擢玉。鬢髮光可照。駿馬錦障泥。相隨窮海嶠。暮年更折節。學佛得心要。鬻馬放阿樊。幅巾對沈燎。不獨感太虛遠思。亦且詩皆

實錄。昨王靜菴亦寄臨江仙一詞。誦與兄聽。〔小生〕願聞。〔生念介〕細馬遠馱雙侍女。青巾玉帶紅靴。溪山好處便爲家。誰知巴峽路。卻見洛城花。面旋落英飛玉蕊。人間春日初斜。十年不見紫雲車。龍丘新洞府。鉛鼎養丹砂。〔小生〕二兄之作。可稱並美。小弟久未奉訪。齋中更修飾得精潔了。〔生〕正欲求東坡題一齋名。〔小生〕何不名曰四畏。〔生〕只聞君子有三畏。那一畏安在。〔小生〕兼畏老婆。〔生〕休得取笑。東坡尙不知。賤荆每日閒爭。以致病危伏枕。今且奈何。〔小生〕原來尊嫂舊病又發了。〔生〕東坡。我一言難盡。

〔集賢賓〕我生來意氣原倜儻。遭逢一世魔王。〔小生〕你不惹他。他怎怪你。〔生〕他在飯後茶前尋鬧嚷。看不上強梁模樣。〔小生〕他是婦人。怎敵得過你男子。〔生〕卻不道雄衰雌旺。平地上無風生浪。空悵快。受不盡無端冤枉。〔小生〕

〔前腔〕我登堂幾度閒奉訪。聞伊惡語難當。你爲甚的妝啞推聾無話講。〔生〕我非不會對他爭。奈他手中拄杖兒狠。〔小生〕誰教你親招藜杖。到如今恩稀怨廣。只落得意勞心攘。空悵快。你可不抱愧在乾坤霄壤。季常。自古道入宮而妬。入室而仇。這也是人情

之常。只是你尊嫂犯了箇忒字兒。〔生〕東坡。我與他也不像是夫婦。〔小生〕卻像甚麼。〔生〕

〔黃鶯兒〕性格太猖狂。我如兒。他似娘。正是人心不足蛇吞象。緒叨叨口強。冷

颯颯臉黃。還有一件不好說。〔小生〕兄便說何妨。〔生〕前日赤壁之遊。因我歸遲。他將油燈盞教

我徹夜擎頭上。〔小生恨云〕有這般事。何不跑開。〔生脫衣與小生看介〕我試脫衣裳。他揪

擗搯打。你檢驗滿身傷。〔小生〕我向日見你

〔前腔〕長跪綠池旁。卽欲殺兇頑。借上方。擎燈更不似人模樣。〔生〕我怕他。我怕他。

〔小生〕論黃巢可降。這夫人怎當。果然是臙脂虎。天賦威風壯。受災殃。也是你妻

宮注定。何日得安康。〔生〕

〔琥珀貓兒墜〕我包羞忍恥。淚眼直汪汪。當不得他一日閒爭十一場。早知如此做

冤家呵。今生不合配鸞凰。思想教人怨氣沖天。惱裂肝腸。東坡。我受不得這樣熬煎。

不如尋個自盡。〔小生〕季常。你休這般說。我看你將來還有些福分。〔生〕怎見得。〔小生〕相書云。婦

人手如乾薑。定配侯王。我前見尊正。手擲着拄杖。似乾薑一般。你豈無侯王之位。〔生〕相得着。相得

着。我娘子手不是薑。怎麼半月前打的耳巴至今猶辣。〔小生〕我想他這病呵。

〔前腔〕從前造業。今日始還償。你療疾須求黑鳳凰。恐伊病已入膏肓。泉壤未
知他叱咤威風。死後曾降。〔旦內大叫云〕我這般病體沈重。是誰在此絮絮叨叨的聒我。快
拿拄杖兒來。〔生小生慌跑介小生〕季常。我平日究心三乘。以無量自在力。盡除恐怖。今聞他一聲。
令人心膽俱碎。莫不是獅子吼麼。

〔尾聲〕一聲大吼。我魂先喪。〔生〕饒你鐵石之人也是慌。東坡。我死後倘有輪迴之說。
情願變馬變驢。再休遇這大鼻金毛的獸裏王。〔小生〕季常。我有四句詩贈你。你聽麼。〔生〕

願聞。〔小生〕誰似龍丘居士賢。談空說有夜不眠。忽聞河東獅子吼。拄杖落手心茫然。〔生〕東坡。休
得取笑。〔淨丑鬼卒齊跑上云〕這是柳氏門首。我等進門拿柳氏去。〔繞場跑一遭下小旦內叫云〕
相公。大娘似有人拿他之狀。這會昏昏沈沈。手足漸寒。口眼俱閉。只是心頭一點熱氣。你快進來。灌
他些湯兒。〔生〕東坡。如此怎好。〔小生〕令正惡極罪大。數恐難逃。他四德俱無。七出咸備。嗚呼哀哉。
大吉大利。〔生〕忙忙的勿戲言。〔小生〕兄果欲救他。須仗佛印法力。或可度脫回生。〔生〕所見甚有

理。只是小弟不得離身。卽煩足下懇求。諒禪師必然憐憫。「小生」我就去。我就去。「生」東坡。你休道衆生好度人難度。寧度衆生莫度人。「小生」只怕度得金毛獅子活。一聲吼入碧天雲。「下」

第二十一齣 攝對

〔北新水令〕〔末扮閻君冕旒袍笏雜扮判執簿吏捧業鏡及神將曹官隨上末〕人憑積善脫輪迴。則俺擅威靈昭昭不昧。歎的是愛河空綖戀。苦海枉沈迷。自孽難違。逃不出殿上親磨對。苦填不滿火坑。屢償難了冤債。安得三輪盡空。化作蓮花世界。自家閻羅帝君是也。身居地府。神攝人寰。巍巍峨峨。玉階金殿列千官。猙猙獰獰。鐵面銅頭環百卒。作善作惡。幽隱悉知。降福降祥。毫釐不爽。早升殿視事。考校罪人。分付鬼卒。可將勾到的帶上殿來。「判」鬼卒。可將勾到的帶上殿來。「淨扮牛頭丑扮馬面應聲以索繫旦旦囚首短衣扭手枷項哭上」

〔南步步嬌〕浮世光陰如流水。難把長繩繫。身如朝露危。況復多病多愁。不禁憔悴。今日到此好傷悲。鬼使。鬼使。沒奈何放我歸家。我多將些金帛酬你。「丑」你在陽間。好不狠心。肯放過誰一着兒。「淨」我看着他。想起我當初那妬婦來。恨不卽時推你到無間地獄去。打打打。

〔用棒打旦介旦哭云〕可憐見饒我罷。我生來未受鞭笞累。〔判〕快帶罪人上殿。〔淨丑應帶旦跪云〕柳氏當面。〔判送文卷跪云〕稟大王爺。罪人卷案多端。先將重大者呈上覽決。這一名柳氏。〔末〕柳氏。你自供脚色。〔旦〕婦人柳氏。年三十六歲。係湖廣黃州人。自嫁與陳慥爲妻。夫婦調和。並無過犯。不知大王爺拘到。有何問理。〔末喝云〕我看這簿上。你嫉妬蓋世。殘酷逆天。尙兀自支吾無過。叫鬼卒鞭背。〔淨丑應鞭旦旦號泣介末〕

〔北折桂令〕自從伊年少于歸。大肆着蛇蝎般毒狠虎般威。每日裏把他撓亂禪心。生疎故友。鬧吵深閨。雖然是做郎君乾剛休廢。卻怎麼做妻孥坤順全違。〔旦〕大王爺。我丈夫自有些乾剛不振。婦人並不曾違了坤德。〔末擊案大喝介〕尙兀自口是心非。還不肯意轉心回。卻不道地獄天堂千里毫釐。〔旦〕大王爺。你說我嫉妬丈夫。須有個對證。何不拘那陳慥來。當堂鞫問。庶免婦人受冤。〔末〕我自業鏡照得分明。何必拘提陳慥。叫吏架起業鏡與柳氏看。命曹官一一報來。〔官吏應介吏架鏡叫旦看介曹官〕那陳慥呵。

〔南江兒水〕素有逃禪志。常遭妬婦欺。把他長繩繫足行難離。方池曲膝聲偏

厲青藜撻背冤難洗。〔末〕這事都有見證麼。〔曹官〕大王爺。繩兒是羊見。池上是蛙見。青藜杖是

獅子見。事事應難遮蔽。都只爲喫醋拈酸。甘做下彌天之罪。〔末〕柳氏。我照以業鏡。

燭以火珠。查考功曹。對驗文簿。你罪狀一一相同。怎還不認。〔旦〕大王爺。婦人也是知道埋的。丈夫

一時觸忤着我。罵詈容或有之。鏡中所照。總非實跡。〔末怒云〕這惡婦好生嘴硬。不刑不招。叫鬼卒

用刀鉤摘他舌來。將鐵鑊燒紅烙之。〔淨丑要烙旦旦慌叫云〕罪人這番招了。〔末〕你傷風敗俗。情

法難容。叫鬼卒上起腦箍來。〔淨丑用腦箍旦號泣介末〕那陳慥把你做

〔北鴈兒落帶得勝令〕生菩薩般好護持。你要他似鳩盤茶般深相畏。他雖然犯淫

心在色界中。你爲甚作嗔。想在心田內。你全不發菩提。怎免墮泥犁。怪不得天上垂

凶曜。卻原來人間應惡妻。〔旦〕大王爺不要破言。奴家回到陽間。還要面目見人哩。〔末喝介〕休

題陽世重歡會。須知酆都無了期。〔判〕稟大王爺。小判聽柳氏這段事情。十分忿怒。願借階

下武士金瓜。待小判痛打他一場。萬死無悔。〔末〕壯哉。壯哉。你到有些丈夫義氣。但你是戴紗帽的

人。動手行刑。恐失體面。〔判〕大王爺不知。如今更是戴紗帽的受老婆的氣。〔末〕任你打。任你打。

〔判取神將金瓜打介旦號泣介判〕

〔南僥僥令〕你司晨傷雅化。長舌犯良規。把他百代箕裘甘心墜。只這一件呵。我恨不得一金瓜打做泥。〔旦哭云〕尊官尊官。我與你遠日無冤。近日無讎。你怎下這般毒手。〔判〕若

論你的手。比我還毒些兒。〔旦〕天天。怎得一位菩薩來救我苦難。我情願改過也。〔外扮佛印禪師

持錫杖上〕

阿僧祇劫修行。剎那時間瀟灑。六時貝葉經中。五體蓮花座下。誰識泥牛渡河。又道石

人騎馬。有則萬法俱來。無時一絲不挂。貧僧佛印是也。自入黃州。便與蘇東坡陳季常結社來往。適纔東坡說季常之妻柳氏。生平奇妬。得病將危。特來求我度脫他。我慧眼一看。見柳氏已被閻君攝將魂去了。此時正受苦楚。不免親往冥府走一遭。呀。這王舍城緊閉。想當升殿勘罪之時。我把錫杖

扣門一聲。〔以杖扣門介末〕呀。爲何城門外如霹靂一聲。宮殿震動。武士快去看來。〔神將開門見

外忙報云〕稟大王爺。門外一位聖僧卓錫。〔末〕待我奉迎。〔忙見介〕原來是佛印聖師。遠辱慈航。

有失展迓。〔外〕突驚法駕。乞恕罪愆。〔旦伏道旁見外號泣介〕望菩薩慈悲。救婦人一命。倘得回生。

誓不復蹈前轍。〔外〕大王。這婦人卻是爲何。受這重刑。情實可憫。〔末〕聖師。這是黃州陳慥之妻柳

氏論他悍妬。人世無雙。罪案方成。正要下入阿鼻地獄。〔旦叩頭介〕菩薩救命。菩薩救命。〔末〕呀。想着你。

〔北收江南〕嗔心不辯是和非。凌人不問玉和石。到如今沈淪萬劫。怨他誰。任黑風漫吹。〔指外唱〕切莫想青蓮接引再生歸。〔外揖末唱〕

〔南園林好〕試將君慈悲念祈。〔指旦唱〕願將他沈疴病醫。灑如來楊枝露水。若放他再生呵。感天地量恢恢。感日月照輝輝。〔末〕聖師爲何這般苦苦替他告饒。〔外〕不

欺大王。一者蘇學士是箇善知識。求我救他。二者陳居士皈依佛乘。與我機緣不淺。〔末〕聖師旣愛陳生。越該重治柳氏。況蘇公屢遭罵詈。亦不當匿怨救他。〔外〕大王。上帝好生。如來忍辱。是以貧僧不欲避嫌。亦且柳氏頗思悔罪。幸從寬宥。實荷慈祥。〔末〕旣如此。叫鬼卒將柳氏刑具放開。聽我分付。〔淨丑應放旦旦叩頭云〕謝大王爺。願聽法旨。〔末〕

〔北沽美酒帶太平令〕黃泉路旣逃回。青藜杖不須持。〔旦每聽一句叩頭應介〕獅子河東且斂威。辦真心出世。除淫殺。戒貪癡。口兒裏休將夫詈。手兒裏休將夫

播池兒上休將夫跪。繩兒上休將夫繫。恁呵家宜室宜。三口兒歡娛唱隨。呀。葡萄架再休折毀。〔外〕大王。此婦今雖放回。恐其舊念復萌。爲害不小。貧僧欲領他遍遊地獄。以堅信心。不識法旨若何。〔末〕聖師之言最妙。本殿已備清齋香供。請聖師自在。卽差鬼卒隨行。叫柳氏且在外面伺候着。〔淨丑旦應下外〕

〔南尾聲〕茫茫苦海無邊際。〔末〕仗慈航一時脫離。〔合〕教他六度檀波善自持。
〔末〕地府冥冥無日月。尼珠何幸照迷途。
〔外〕願移大地爲金界。便覺長河盡酪酥。

第二十二齣 冥遊

〔旦素衣淨丑同上淨〕三途渺渺苦無邊。〔丑〕長夜漫漫幾時曉。〔旦〕閻王怒目打萬靈。菩薩低眉悲六道。二位勞動了。〔淨丑〕勞動勞動。我們也見使用。你若不把銀酬。也須多將錢送。快拿來免得打你。〔旦〕我銀錢怎麼帶得來。家中儘有。俟你送我歸時。多奉二位些罷。〔丑〕這兩日你丈夫備你送終之具。定然費盡了。〔旦〕我平日家法甚嚴。非奉我命。他毫釐不敢擅使。我今日雖做鬼。他必然

還是怕的。〔淨怒云〕這般惡婦。我也不問你要錢。只把你左眼圓了。〔圓眼介旦號泣介丑〕你圓了他左眼。我打折他右手。〔丑打折旦手介旦大叫〕禪師在那裏。快來救人。〔外持錫杖上〕諸惡從心生。竟亦從心滅。緣境俱欲空。因果不可撥。〔旦迎見哭介〕聖師不早來。二卒已將我左眼圓了。將我右手打折。教我下半世怎麼爲人。〔外〕柳氏。柳氏。你休怨他。因你妬心。犯了神人的公惡。以致如此。但左手折了也罷。卻可恨是右手。〔丑〕禪師。右手怎麼。〔外〕他右手要拿拄杖兒哩。〔旦〕聖師。我此後再不敢拿拄杖了。〔外〕我聞你兩眼瞋丈夫最狠。瞎了一隻也該。〔旦〕聖師。奴家造業太多。恐遊到地獄。不肯放出。怎麼敢去。〔淨〕這禪師是西方聖僧。神通廣大。不惟酆都濁世。同切皈依。卽上界諸天。盡皆頂禮。他旣同你去。怕做甚麼。〔外〕你二卒導引。柳氏隨我金錫而行。〔行介雜扮鼓樂旛幢引數婦女俱仙妝上行唱衆〕

〔香柳娘〕共棲神太清。共棲神太清。玄都眞境。霞衣霧縠。仙妝艷。導紛紛彩旌。導紛紛彩旌。白鹿御車行。雲璈徹天應。響珊珊珮聲。響珊珊珮聲。離卻蓬瀛。來趨王命。〔衆下旦〕聖師。那壁廂旛幢耀日。音樂喧天。隊隊香花。簇擁着許多女人。是往那裏去的。

〔丑〕這是胎教太任。義方孟母。柏舟共姜。與那採桑作歌之秦女。不棄惡疾之蔡妻。舉案齊眉之孟光。束髮署帛之董婦。古今百十輩。皆以賢德流芳。並登天府。大王爺素景仰他們。是以常常請來懺會。〔外〕柳氏。作善降祥。神人胥慶。這便是明效大驗。你何不從此回心。〔旦〕奴家已省悟了。〔旦〕

〔前腔〕離森羅殿廷。離森羅殿廷。只見旛幢交映。簫韶一派環圍定。況仙官迓迎。況仙官迓迎。〔外〕他是賢淑動幽明。天曹注名姓。〔淨丑〕上瑤池玉京。上瑤池玉京。〔合〕永享遐齡。南山堪並。〔行介外旦〕

〔前腔〕望前途趨行。望前途趨行。寒雲壓境。只見陰風毒霧連天暝。〔旦驚介〕聽號咷哭聲。聽號咷哭聲。悽慘最關情。〔外〕他們被冤讐苦纏定。〔旦〕頓令人戰兢。頓令人戰兢。奴心不寧。況奴身孤另。〔淨〕休得懼怕。是阿鼻地獄罪人之聲。〔旦〕請問阿鼻地獄怎麼景象。〔淨〕阿鼻地獄縱橫二十萬里。

〔前腔〕是七重鐵城。是七重鐵城。上有七層鐵網。下有十八鬲。鬲中有銅蛇。長萬餘丈。眼如掣電。齒似刀山。身出猛火。但見罪人。便咆哮怒逞。〔旦〕躲過他如何。〔淨〕更有刀林劍樹包

羅定。〔旦合掌云〕善哉善哉。〔丑〕這箇猶自可。又有十八獄卒。頭如羅刹頭。口如夜叉口。有六十四

眼。眼迸銅丸。鉤牙噴火。燒阿鼻城。赤如鎔銅。盡炎炎火焰騰。盡炎炎火焰騰。鋒刃火中生。道

旁蟒蛇勁。〔旦〕請問這獄中敢無婦人麼。〔丑〕男子雖多。婦人不少。〔外淨丑合〕這閻羅典刑。

這閻羅典刑。至公至明。怎肯教婦人僥倖。〔旦慌介〕師父。這阿鼻地獄中。我決不遊。到別處

看看罷。〔淨丑〕既如此。可從王舍城東南過去。〔外〕鬼卒。地獄甚大。罪人頗多。每至一處。你只舉其

一二尤者言之。〔丑淨〕理會得。〔行介淨〕這獄中罪人。形如塊肉。無有手足眼耳鼻舌等。恆爲猛獸

所噉。痛苦難忍。〔旦〕此兩人卻是爲何。〔淨〕這名爲虎狼地獄。一是漢呂后。妬戚夫人。斷手足。去眼

耳。飲瘖藥。名曰人彘。一是唐宜城公主。因他殺駙馬。裴巽之寵姬。割其耳鼻。剝其陰皮。蒙駙馬面上。

仍截駙馬之髮。令廳上判事。集僚友共觀。故獲斯罪。〔丑〕這罪人在油鑊中。牛頭在傍。手提鐵叉叉

着。鑊中煮之。令爛。業風還卽吹活。而復煮之。〔旦〕此人卻是爲何。〔丑〕這名爲鑊湯地獄。此是廣川

王越之妃。昭信也。昭信譖王幸姬。望鄉與郎吏有姦。遂裸繫望鄉。令諸姬持鐵共撻之。割脣斷舌。置

大鑊中。取桃灰毒藥共煮之。令諸姬觀糜盡而止。閻羅天子極惡此人。生下炭坑灰河地獄。仍令受

湯鑊之罪。〔日〕

〔前腔〕那獄中肉形。那獄中肉形。虎狼吞併。這獄中鑊湯騰沸何時冷。〔外〕想昆蟲戀生。想昆蟲戀生。蠢動且含靈。豈可非刑害人命。〔外淨丑合前旦合掌念佛介

行介淨〕這獄中刀林劍樹。無量無邊。罪人坐臥其上。穿骨透胸。解體剜腸。不勝痛楚。〔日〕此人卻是爲何。〔淨〕這名爲刀兵地獄。此是袁紹之妻。因紹死。殺其寵婢五人。又恐死者有知。見紹於地下。乃髡頭黑面。以毀其形。閻羅天子令受刀兵之刑。還欲罰入火磨火城。永不得出。〔丑〕這獄中罪人腹極大。咽喉如針。窮年不得飲食。欲至廁中取糞噉之。廁上有大力鬼。以刀砍使不得近。〔日〕此人卻是爲何。〔丑〕這名爲餓鬼地獄。此是王衍之妻。慳惜己物。但貪他有。致使其夫嫉之。絕口不言錢字。故獲是罪。〔淨〕這獄中鬼卒燒熱鐵鑊。表裏洞赤。以烙罪人之舌。復用三尺鐵鉤。鉤出割之。旋被業風吹長。仍以牛犁耕破其舌。還燒鐵杵。刺其咽中。萬劫難脫。〔日〕此人卻是爲何。〔淨〕這名爲拔舌犁耕地獄。此是戴君奕之妻王氏。王氏止一女招婿。聞君奕在外納妾生兒。晝夜罵詈。君奕不得已。遣其妾攜兒以歸。王氏恐分女財。遂於襁褓中酷加凌虐。致驚悸而死。故獲斯罪。〔日〕

〔前腔〕看如林盡兵。看如林盡兵。血流千頃。那獄中啼饑欲食咽喉哽。這獄中用犁將舌耕。用犁將舌耕。〔外〕萬劫罪難輕。叫天怎生應。〔外淨丑合前旦大驚身顫念

佛介行介丑〕

這獄坐黑黯。大鐵圍山。用巨石壓罪人之體。蟒蛇百丈。吐舌嚙其面。惡蝎千萬。攢共

咬之。無時休息。〔旦〕此兩人卻是爲何。〔丑〕這名黑黯地獄。一是賈充後妻郭氏。賈充先妻生子黎

民。三歲。乳母抱之。充自外入。就乳母手中戲兒。郭氏望見。疑充與乳母有私。鞭殺乳母。餓死黎民。一

是湖南張倅之妻何氏。倅權郡守。會鄰守來訪。開宴命妓。倅與妓戲爲酒令。何氏知之。卽殺其所生

愛子。令吏擎肉一盤。置賓主前。閻羅天子惡其喫醋拈酸。絕夫後嗣。並令受此極刑。〔淨〕這獄中罪

人。盡遭金槌鐵杖。鋸解碓舂。須臾之間。已爲泥醬。業風旋復吹活。獄卒燒熱鐵灌身。鐵釘釘之。尋又

舂解。〔旦〕此人卻是爲何。〔淨〕這名爲舂解地獄。此是荀生之婦庾氏也。庾氏治屋。所造廳堂。不作

後壁。令堂上直窺其外。凡無鬚人不得入門。若送書人以手近荀手。無不痛打。客來倘與荀共牀接

膝。輒以刀杖相加。賓主俱累。故下是獄。〔旦〕這庾氏之罪。較前項頗輕。如何也入此等重獄。〔淨〕閻

羅天子但聞婦杖其夫。便切齒痛恨。〔旦〕

〔前腔〕那獄中鐵圍山杳冥。鐵圍山杳冥。石沈深窅。這獄中確春鋸解還釘釘。〔外〕爲操刀繫繩。爲操刀繫繩。陽世太欺凌。到今日泉臺有知證。〔外淨丑合前旦〕怪不得我那拄杖兒。大王爺知道了。恁般加我重刑。若非聖師。這些處所。皆是我安身牢坐的窩兒。聖師。我從此歸去。盡改前非。皈依大道。〔淨丑〕柳氏。你若仍前牽繩弄杖。嫉妬丈夫。我稟知大王爺。竟押入阿鼻城中。便是地藏王來說分上。也不聽從。那時看我二人的手段。〔旦拜介〕敢不遵命。〔外〕我看衆生罪業難盡。地獄不空。我此去伏乞如來大轉法輪。稍蘇果報。二卒。我不去辭閻君。煩爲轉謝。有勞導引。就此相別。大抵乾坤都一照。〔淨丑〕免教人在暗中行。〔同下旦伏几介〕

第二十四齣 謝師

〔生小旦上生〕天有不測風雲。人有旦夕禍福。蘇姬。大娘子昏憤兩日。不省人事。我欲備殯殮之具。他胸前尙熱。如之奈何。〔小旦〕天天可憐。若大娘甦來。一家完聚。那時我情願齋戒三年。〔旦呻吟介生小旦慌抱旦云〕可喜。漸漸醒來了。〔旦擡頭睜眼看生少時起抱生哭云〕奴家若非佛印禪師。幾不得與你兩個見面。好傷感人也。〔小旦〕相公。大娘在那裏與禪師相會。〔生〕娘子。你細說與

我聽。〔旦〕我病裏被一鬼勾到閻王殿前。平日的事情。盡從鏡中照出。受諸重刑。仍欲押入阿鼻地獄。幸得禪師苦救。因許放還。禪師挈我遍觀地獄。丈夫善惡因果。不爽毫釐。我從此追悔前愆。與你兩人同心辦道。〔小旦〕大娘。你卻休像羊兒一般。不久就變卦也。〔旦合掌云〕阿彌陀佛。且休說閻羅難欺。就是判官小鬼。一個狠似一個。如何當耍。〔生〕娘子。我聞你這般說呵。

〔一江風〕羨阿僧。累劫勤修行。證得菩提性。怕吾儕墮落泥犁。提出深深窞。娘子。你休牽我腳上繩。休牽我腳上繩。同將鷲嶺登。想那是非人。我都是閒爭競。〔旦〕相公。我想從前呵。

〔前腔〕枉嗔卿。未把冤愆省。也是奴家該有這場災厄。因此屢屢反目。恩怨皆由命。奴家拜相公一拜。你切莫記恨了。再羞張癡網。愚帆似不染蓮花淨。〔生〕娘子。你此後可罵我麼。〔旦〕我都忘詛呪聲。都忘詛呪聲。惟將佛號稱。〔生〕娘子。你可用挂杖兒打我麼。

〔旦〕你看我這右手已被小鬼打折了。怎拿得拄杖兒。我執青藜未若敲金磬。〔旦對小旦〕蘇姬。我不但當時言語衝撞。且病中多多勞你。我權此拜謝。〔拜介小旦扶云〕賤妾怎敢當此。大娘

請起。大娘若能苦志焚修。永脫輪迴苦楚。

〔前腔〕對禪燈。眉上毫光映。把戒力先持定。論圓明心自如如。分甚麼凡和聖。

〔旦〕呀。這般道理。你如何得知。〔小旦〕我舊侍蘇老爺竊聽的。大娘。你悟得。牛車最上乘。牛

車最上乘。相公。你也休憂羊兒再變形。一家兒同把無生證。〔旦〕相公。我當初錯怪蘇學

士。禪師今日度脫奴家。皆賴學士鼎力。你兩人扶着我。先向東坡請罪。就煩他引謝禪師。〔生〕娘子

說得是。〔生小旦扶旦行介小旦〕如到蘇爺門首。大娘切勿開聲。〔旦〕開聲便怎麼。〔小旦〕怕獅子

吼。又恐禁住蘇爺。〔行介外小生上外〕

〔前腔〕歎衆生。迷卻原來性。棒喝將伊儆。〔小生〕我想柳氏蒙公救度。定皈依黃面

瞿曇。料不背你醫王命。〔外〕但將凡念清。但將凡念清。行看正果成。〔小生〕赴

靈山口。只在須臾頃。〔小旦〕早已到蘇爺門首。〔生〕我扶娘子在此。蘇姬。你先進去通報。〔小生見

小旦介〕呀。侍兒。你因何到此。〔小旦〕我相公同大娘來謝老爺。見在門外。〔小生忙出迎介〕季常

快請進。幸得禪師亦在此間。〔旦〕我夫婦正欲求大人引去參見投師。既在此間。就此拜謝。〔生旦

小旦拜外外合掌扶介生」

〔刮鼓令〕慈悲仗聖僧。救妻孥死復生。〔旦〕愧我昏迷宿業。一點嗔心枉沸騰。魂已入幽城。幸逢金錫。再還人境。喜從今恩怨盡皆平。〔小旦〕把一家大夢盡提醒。〔生旦小旦拜小生小生答拜介生〕

〔前腔〕難忘學士情。引吾妻來負荆。〔小生〕這都是禪師功德。小弟何與。〔旦〕非藉吹噓之力。怎使枯楊得再榮。我往事實堪憎。你將恩報怨。汪洋千頃。只因我不識賢愚。

怪不得那儔兒。剛去眼中睛。〔小旦〕我一家骨肉賴完成。〔外〕

〔前腔〕良言爾試聽。鷲峯高足可登。須念廣額屠兒證果。切莫牽纏世俗情。〔旦

小旦拜云〕願受師父法戒。〔小生〕我那琴操呵。方寸已惺惺。你兩人和他同心辦道。待

師引領。脫輪迴淨土永超昇。〔生旦小旦〕望折蘆歸去且消停。〔生〕小弟同二姬告回。

〔外〕季常歸去。可築一靜室。供奉佛祖。待他二姬焚修。〔小生〕切不可供奉文殊菩薩。〔生〕卻是爲何。〔小生〕恐見了他坐的獅子。你又喪膽。〔生〕兄又取笑。

苦海茫茫不盡流。

欲登彼岸在回頭。

聖賢原是凡夫做。

只恐凡夫不肯修。

第二十五齣 生子

〔少年遊〕〔旦尼妝上〕無邊苦海。回頭是岸。接引上慈航。貝葉千函。禪燈一點。盥手淨焚香。迷心未易覺。檢點法王經。會理知無我。觀空厭有形。奴家一病已亡。受無限苦楚。若非禪師救脫。怎得回生。看將起來。世界空花。俱非實相。浮生若夢。豈得常存。幸得禪師指教。與琴操蘇姬。三人焚修。一心向佛。以免墮落輪迴。倘或早證菩提。亦未可知。我想昔日呵。

〔賽觀音〕都只爲性兒嗔。因此把心兒障。作不善難逃百殃。若不是遭逢三三藏。廣大神通。誰爇返魂香。我近日呵。

〔前腔〕脫形骸甘隨倡。盡日裏歡娛畫堂。效舉案齊眉相向。欲蓋前愆。急把毒龍降。蘇姬分雖大小。情頗幽閒。幸得他身懷六甲。倘生一子。足繼陳門宗嗣。但不知是弄璋弄瓦。教奴家放心不下。奴家且對天禱告一番。〔拜天介〕

〔催拍〕歎庭階芝蘭未芳。望雲霄麒麟降祥。倘門閭欲昌。早誕寧馨。跨竈兒郎。百代箕裘。永繼宗祊。頻稽首禱告穹蒼。願老蚌發珠光。〔生急上〕娘子。可喜可喜。蘇

姬生下一子。〔旦〕呀。我正在此祈禱。相公常言道有子萬事足。今日遂了奴家心願也。〔生〕

〔前腔〕喜生兒啼聲異常。定他年詩書繼香。你深恩怎忘。〔旦〕這是陳門有幸。與蘇

姬隱德所感。卻於奴家甚事。〔生〕須信不妬螽斯。長發開祥。娘子。你從此莫憚劬勞。定

博封章。〔旦〕奴家自然好好撫育。何勞相公囑付。〔合〕頻稽首答謝穹蒼。羨雛鳳毓朝陽。

〔旦〕相公。我同你進房看兒子去。正是門闌多喜氣。〔生〕孔釋送生兒。

第二十六齣 祖席

〔步步嬌〕〔小生上〕澤畔三閩身憔悴。我亦湘潭棄。孤情托故知。幸得皇上赦罪。以

禮部郎召還。寒谷多年。陡回春意。呀。禪師與琴操來了。〔外同老旦上〕離別不須悲。達

觀去住渾無異。〔小生〕我二三人爲世外之交。方幸金鑰。開我塵翳。不料又有朝命。奈遠別何。

〔外〕足下高才雅望。自合召還。貧僧再將琴操柳氏輩化導一番。亦欲離此五濁。後會尙有期也。但

皇上向賜貧僧高麗所貢磨納。曾求一贊。不知作否。〔小生〕昨日偶成數句。誦與公聽。〔外〕請見教。
〔小生〕匣而藏之。見納而不見師。衣而不匣。見師而不見納。惟師與納。是一是兩。循牆視之。蟻蝨龍
象。〔外拱手介〕謝教謝教。〔生上〕

〔前腔〕青眼相看誰知己。我與蘇東坡呵。管鮑深相契。〔旦〕我回生盡仗伊。〔小旦〕
況是我舊日恩東。離情偏係。〔末〕樽酒餞臨岐。〔合〕渭城一曲千行淚。〔生〕早
已來到雪堂。我們徑入。〔進見介〕呀。禪師琴操。卻先在此。〔衆揖介生〕故人迢遞入長安。〔旦小旦
末〕別緒難陳意獨酸。〔外老旦〕但在乾坤俱逆旅。〔小生〕一樽且盡眼前歡。季常既攜得酒來。我
們何不痛飲。〔斟酒飲介衆〕

〔江兒水〕試聽陽關唱。休停竹葉盃。留得千林瑞雪是堂中壁。留得千秋遺墨是
池中水。留得四時生意是庭前卉。此地風流誰繼。〔小生〕季常。我欲將此堂。贈與潘邠老。
我去之後。兄但有興。可卽過此。便是世變江河。贏得芳名不毀。呀。季常兄。小弟久欲爲兄
作一方山子傳。因循過了歲月。今旣相別。須了此念。兄浮大白。小弟隨口道來。〔生〕小弟飲酒。兄

試誦之。「小生」

〔前腔〕你少慕朱家俠。仍貪李白盃。〔每唱一句生拍手叫好介小生〕談兵說劍將兒曹睨。吟風弄月將騷人擬。輕裘肥馬將黃金費。射獵山頭豪侈。況有趙女燕姬。夜夜笙歌鼎沸。

〔前腔〕勳閥傳來舊。田園儘自肥。近年來葛巾野服甘恬退。香爐經卷參禪理。菴居蔬食忘聲伎。環堵蕭然無累。季常我欲將你牽繩弄杖。頂燈滴水。略贊幾句。卻何如。

〔生日慌云〕不可不可。一經著作。遺臭萬年。懇望遮蓋。〔生日下跪介小生笑扶云〕兄膝蓋兒原是軟的。怎麼老嫂也會跪。〔日〕奴家深悔前非。望乞恕罪。〔小生〕如此請起。羨你膝下垂髻。真是

英才可畏。〔生〕東坡這般倚馬才情。小弟托青雲以垂不朽。何幸何幸。〔外〕請問季常。何以稱方山子。〔小生〕季常隱光黃間。人不知名姓。但見其所着帽。方屋而高。曰。此古方山冠之遺像。因稱方

山子。獨予過岐亭。纔知其爲季常。季常兄雖抱出世之心。若不爲世用。枉了你這大才。況令郎天資穎秀。尤非凡品。小弟此行。倘見信於朝廷。願薦橋梓。但老嫂與琴操秀英。各宜精進。還望禪師接引。

〔旦〕蘇大人。奴家奉此一盃。〔奉酒介〕

〔玉交枝〕蒙君慈惠。鬼門關將奴救回。每思報德啣環。未忍看此日分違。〔小

旦〕奴家奉此一盃。〔奉酒介〕當年沐恩爲侍兒。及笄又擇高賢配。遠還朝身難

附依。聽驪歌寸腸割碎。〔生〕

〔月上海棠〕魂欲隨五雲縹緲籠丹陛。你此去香含雞舌。郎署棲遲。縱無能結

綬彈冠。休冷落高山流水。〔末〕君須記。記當年謝尙。送客親攜。〔外〕東坡。你前身

是五戒禪師。不久便成證果。特以世緣未盡。此行勉之。

〔川撥棹〕榮和悴。總由天默主持。你是宰官身得度無疑。宰官身得度無疑。世緣中今還未離。論時名山斗齊。不如早回頭得坦夷。〔小生〕

〔前腔〕聞高議。我迷人已識機。與蘭交執手臨岐。與蘭交執手臨岐。不由人不心中慘悽。〔合〕恨河梁日欲低。望長安路欲迷。〔小生對三旦云〕下官卽欲登途。你三

位請回罷。到京卽有書奉慰。不勞留戀了。〔生對旦云〕我同禪師送至九江而還。〔三旦掩淚介外〕

〔尾聲〕詞盟此日遙分袂。〔生日小旦老旦末〕蓮社終無載酒期。〔小生〕你們休把禪師寸步離。

多君祖餞大慇懃。

遷客還朝意氣新。

流淚眼觀流淚眼。

斷腸人送斷腸人。

第二十七齣 撫兒

〔七娘子〕〔旦上〕真僧拔濟離陰府。奉如來盡消奇妬。〔小旦上〕琴瑟相調。芝蘭

又吐。二遷慈教推賢母。〔西江月〕〔旦〕何事參禪打坐。欲求滅罪消災。休論日後上蓮臺。眼底

心先無礙。〔小旦〕觀槿山中習靜。折葵松下清齋。卽看天女散花來。管取西方自在。大娘。孩兒陳

謨。年今十歲。蒙大娘撫育。辛苦萬千。幸他志在青雲。料非身終白屋。倘能繩厥祖武。庶幾不負慈恩。

〔旦〕蘇姬。這孩兒雖不從我腹中生出。我看他愛戀之情。勝如己子。但他父親好遊。提撕稍懈。孩兒

朝夕。我自教育。你只去料理家私便了。〔小旦〕多感大娘。此恩難報。呀。孩兒回來了。〔末上〕外受

傳訓。入奉母儀。遇惡自省。見賢思齊。二位母親拜揖。〔旦〕我兒。你今日館中作何課業。〔末〕母親聽

稟。

〔玉芙蓉〕潛心孔氏書。寄興相如賦。更操觚染翰。將義獻臨摹。勳名倘得繩先祖。方信吾家有鳳雛。〔合〕窗前讀。懸頭刺股。況當令聖明天子正崇儒。〔旦〕我兒。你雖不是我生的。

〔前腔〕我看如合浦珠。愛比荆山玉。囑吾兒三冬勤下工夫。高車駟馬光門戶。我也鳳誥鸞封慰板輿。〔末跪云〕孩兒敬遵母親之教。〔合前小旦〕

〔前腔〕你勞將學業圖。休把青春負。我孩兒應憐嫡母勤渠。他和丸不厭朝和暮。你反哺休忘桑與榆。〔末跪云〕孩兒敢不遵命。〔合前〕

欲成令子擇芳鄰。

感謝娘親教育恩。

莫道成人不自在。

須知自在不成人。

第二十八齣 西歸

〔外扮佛印持錫上〕常寂光中淨土。無生會上閒人。問我因何飛錫。度人超出紅塵。貧僧發大弘願。

特來閣浮度世。行至黃州。喜遇故人蘇子瞻謫宦於此。因與陳季常結社往來。誰知季常是天下第一個委靡之人。卻配着天下第一個悍妬的柳氏。我想若化得他回心向道。天地間再無難化之人。正值閣君將魂攝去。貧僧力救回生。攜遊地獄。他遍觀了陰司。翻然省悟。我因令他同琴操靜修。證果有日。貧僧且往靈山。印證如來法旨去也呵。

〔北一枝花〕我看的那拋梭日月忙。粒米乾坤小。人身皆假合。浮世豈堅牢。怎如俺破衲單瓢。無愛戀。無煩惱。也輕便。也逍遙。我恰纔折長蘆將江水浮來。煞強似被一二鼠把枯藤嚙倒。

〔梁州第七〕只爲俺興心兒慈悲廣大。因此上向人間導引勤勞。度得那龍丘夫婦朝聞道。一個將乾剛大振。一個將陰妬潛消。更度得那秀英將釵鈿委棄。那琴操將歌舞全拋。那蘇子瞻人見他詩酒風騷。怎知他出世根苗。俺與他們數年來蓮社追隨。每日裏將真詮究討。今以後都從鷲嶺遊遨。爾曹行高。俺往靈山面向如來告。挈妻妾並琴操。直引上九品蓮臺路不遙。他將俺宿債拘銷。

〔煞尾〕俺那裏黃金布地埃塵少。祇樹成林歲月遙。回首看陸海浮沈總堪悼。全沒有下稍。墮落了怎撈。黑洞洞酆都盼不到曉。〔下〕

第二十九齣 廷薦

〔末扮黃門官上〕頂冠束帶趨金闕。傳達絲綸下玉墀。主德無瑕因宦習。天顏有喜近臣知。自家乃黃門是也。今當早朝。只得在此伺候。〔小生冠帶上〕

〔菊花新〕鳳池一別十年餘。赦罪重宣。值禁廬。忠爲故人攄。報答九重殊遇。幾年謫宦鬢毛班。何幸啣恩得賜環。載筆重遊青瑣闥。朝朝染翰近龍顏。下官安置黃州。蒙神宗皇帝以禮部郎召。到省半月。除起居舍人。不幸龍馭賓天。今當元祐聖人卽位。詔以七品服入侍延和。改賜銀緋。尋除中書舍人。誰料死灰復燃。榮生望外。獨念陳季常才猷。頗堪用世。況他所生之子。年雖垂髫。天資早慧。下官須爲國薦賢。以報知己。正當早朝時分。不免入奏。〔末〕奏事官不得陞殿。就此俯伏。〔小生舞蹈介〕臣中書舍人蘇軾啓奏。

〔駐馬聽〕伏念臣愚。聖主蒙寬斧鉞誅。況使班聯青瑣。身掛緋袍。腰繫銀魚。恩

叨爵祿。可堪虛。心傾葵藿。慚無補。欲贊唐虞。登崇賢雋。誠先務。〔末〕聖旨道來。爲

國求賢。朕心如渴。但士伏草莽。無由得知。卿所見聞。據實舉薦。朕當擇而用之。〔小生〕臣所交黃州

陳慥。

〔前腔〕濟美詩書。信是皇猷。黼黻儒。況他所生之子。年纔黃琬。貌勝潘安。才類相如。須教雨露早沾濡。終祈勳業鳴朝宇。望勿躊躇。卻不道金臺一築。多賢聚。〔末〕

卿奏陳慥既有奇才。卽當錄用。其子陳謨尙幼。遽難任使。召入東宮伴太子讀書。蘇軾有此薦賢之舉。具見體國之念。遷翰林學士知制誥。就命前往黃州。欽取陳慥父子。入朝謝恩。〔小生〕叩頭呼萬

歲介末拱手云。〔學士大人〕恭喜。

〔縷縷金〕賢路闢。帝心虛。龍丘橋與梓。藉吹噓。玉堂清望重。煌煌恩遇。瀛洲原是地仙居。鳳池好飛翥。

〔前腔〕〔小生〕期得士。效臣愚。猥叨新寵眷。將翰林除。慚無稽古力。詞垣竊據。雷陳膠漆。恐難如。彈冠慶相聚。

〔末〕瀛洲仙吏纔承寵。

又做皇華使命臣。

〔小生〕但得故人通仕籍。

不辭千里走風塵。

第二十齣 同榮

〔四園春〕〔生上〕夢與高僧造雪堂。覺來人不見。漫沾裳。〔旦小旦老旦上〕鎮日

裏參禪。扇繡戶。繙貝葉。禮空王。〔末上〕家教兒惟守義方。〔合〕且一家歡聚免

參商。〔生〕自東坡別去。經今半載。緣何不寄一信。令我有故人之思。〔末〕爹爹。蘇大人臨行。曾許薦

我父子。未知果否。〔生〕孩兒。我久斷塵想。意在逍遙。怎肯又入樊籠。受人羈絆。你年方冲幼。尙非出

仕之時。他日養成。何難顯達。二姬。你近日功課何如。〔旦〕奴家多蒙琴操開示。心中甚覺自在。只是

禪師不知去向。令人寢食不忘。〔老旦〕禪師非無故而行。不久當有消息。〔小旦〕我們只堅心辨道。

以待師歸。切不可輕自退轉。〔小生冠帶上〕

〔青玉案〕手捧徵書來天上。感聖主優容量。聖旨已到。跪聽宣讀。皇帝詔曰。今有翰林學

士蘇軾。所奏陳慥。胸藏濟世之才。儘堪國用。今命欽取入朝。量才授任。其子陳謨尙幼。遽難任使。權

爲東宮伴讀。謝恩。〔拜介〕萬歲。〔生〕過蒙仁兄獎薦。但小弟久無用世之心。犬子隨公應召。小弟實不能往。〔小生〕季常君命不可違。須索走一遭。〔外忽上〕閨秀應將金錫望。雪山纔別。岐亭已到。〔見介〕喜故人無恙。〔衆云〕禪師從何而來。〔外〕老僧往見如來。將你們的行藏說過。了。如來道。這般妬婦。尙能化道。勝度盡三千大千之人。十分欣喜。卽着老僧接引參見。此來同成正果。琴操蘇姬。相伴前去。東坡季常。你二公了卻塵緣。不久卽赴靈山相會。〔旦〕我只道終沈地獄。誰知得上天堂。

〔大環着〕枉牽繩弄杖。枉牽繩弄杖。自惹災殃。若不同心。怎逃法網。〔老旦小旦〕苦海滔天風浪。感謝真僧。引我共瞻依。天宮龍象。〔外〕離濁世幡幢導往。居淨土身心歡暢。〔合〕琉璃界。優鉢香。看穩坐蓮臺。壽延無量。〔小生〕

〔前腔〕擁霓旌曉仗。擁霓旌曉仗。身惹爐香。彩鳳驚傳。紫泥初降。〔生末〕父子慚無伎倆。自分巖棲。虛負聖明朝綱。羅天匠。〔合〕天廡馬嘶風爭爽。錦袍袖凌雲飄颺。登廊廟。別故鄉。喜爵祿均沾。九重天上。

〔越恁好〕〔合〕襟懷豪放。襟懷豪放。這分離莫慘傷。縱鸞坡不如鷺嶺。君恩頗浩蕩。世緣償。還應聚首靈山上。纔知藜杖功勞。怎及禪師棒。

〔尾聲〕〔衆〕天堂地獄分霄壤。入聖超凡自主張。須信佛力能將獅子降。

禍福無門只自招。

柳姬積惡犯天條。

獅威盡仗真僧伏。

羆夢全憑學士調。

千里友朋同結社。

一時父子共登朝。

這般妬婦猶成佛。

始信靈山路不遙。

獅吼記終

義我

俠





目錄

- | | |
|------|----|
| 第一齣 | 家門 |
| 第二齣 | 遊寓 |
| 第三齣 | 訓女 |
| 第四齣 | 除兇 |
| 第五齣 | 誨淫 |
| 第六齣 | 旌勇 |
| 第七齣 | 設伏 |
| 第八齣 | 叱邪 |
| 第九齣 | 孝貞 |
| 第十齣 | 委囑 |
| 第十一齣 | 構難 |

第十二齣 萌奸

第十三齣 奇功

第十四齣 巧媾

第十五齣 被盜

第十六齣 中傷

第十七齣 悼亡

第十八齣 雪恨

第十九齣 薄罰

第二十齣 止觀

第二十一齣 論交

第二十二齣 失霸

第二十三齣 釋義

第二十四齣	締盟
第二十五齣	取威
第二十六齣	再創
第二十七齣	祕計
第二十八齣	厚誣
第二十九齣	全軀
第三十齣	報怨
第三十一齣	解夢
第三十二齣	挂羅
第三十三齣	征途
第三十四齣	振旅
第三十五齣	廷議

第三十六齣 恩榮

義俠記

明沈璟著

第一齣 家門

〔臨江月〕〔末上〕眼見人生無百歲。何姑終日逍遙。花間席上暗香飄。和風春倚袖。明月夜聞簫。今古英雄稱義俠。報恩雪忿名高。請看名將出衡茅。談言微中處。莫認滑稽曹。

〔沁園春〕宋世清河。武松名氏。上應星文。自橫海郡中。暫辭柴進。景陽崗上。醉打山君。仗義除奸。報兄誅嫂。刺配從容赴孟城。相逢處。孫娘認義。夫婿識張青。孟州喜遇施恩。濟弱鋤強。受蹇屯。向飛雲浦裏。提刀大鬧。鴛鴦樓內。濺血餘痕。別館孤貧。孝姬苦節。正倚孫娘寄客身。還相聚。夫妻黨類。同作宋朝臣。

景陽崗英雄打虎。

陽穀縣奸黨遭刑。

孟州道恩讎兩報。

梁山泊夫婦榮名。

第十二齣 萌奸

第十三齣 奇功

第十四齣 巧媾

第十五齣 被盜

第十六齣 中傷

第十七齣 悼亡

第十八齣 雪恨

第十九齣 薄罰

第二十齣 止觀

第二十一齣 論交

第二十二齣 失霸

第二十三齣 釋義

我們大官人到了。〔生〕在那裏。〔迎見介小生〕武二哥拜揖。〔生〕大官人拜揖。〔小生〕這幾日家下多事。有失候問。今特與兄少敘片時。〔生〕小弟蒙兄相留已久。卽欲別兄前去尋訪宋公明。他日再來聚首。〔小生〕昨聞宋公明爲事出逃。想他必來看我。兄長再住幾日。就在此相會何如。〔生〕如此甚好。〔小生〕看酒來。〔衆〕有酒。〔小生送酒介〕

〔玉芙蓉〕想我塵埃跡未彰。天地身何往。嘆窮途青眼。更誰相向。嚶。不平氣吐虹霓上。報德心懸日月光。〔合〕年方壯。論男兒當自強。漫學他楚囚悲憤淚沾裳。

〔前腔〕〔小生〕時才若處囊。世態如翻掌。羨君家交誼。古人不讓。虎頭自有封侯相。珠履寧同食客行。〔合前小生〕小弟告辭了。明日再來請教。〔生〕多勞了。〔別介〕

〔生〕飛揚跋扈爲誰雄。
〔小生〕十載青春不負公。

〔末丑〕無限心中不平事。
〔合〕一番清話又成空。

第三齣 訓女

〔生查子〕〔老旦上〕生計拙如鳩。庭院花如繡。〔旦上〕母訓自祇承。女德慚閨秀。

母親萬福。〔老旦〕若真孩兒到來。〔謁金門〕空相憶。無計與傳消息。游子天涯常浪跡。寄書何處覓。

〔旦〕春睡覺來無力。落絮隨風颺白。倚遍欄杆空日夕。亂腸芳草碧。〔老旦〕老身清河縣魏氏之女。

賈門之婦。良人早喪。止生一女。從幼許聘武二郎。奈因他父母俱亡。少年飄泊。我的兒。幾時是你于

歸的日子。〔旦〕母親膝下無人。孩兒正好朝夕奉養。此事不須提起。請母親訓誨若真一番。〔老旦〕

我的兒。

〔二學士〕你四德三從雖自守。奈家徒四壁堪憂。寒門子母空凝望。芳草王孫

只浪游。〔合〕苦樂終身猶未剖。從天降。莫預謀。

〔前腔〕〔旦〕烏鳥衷情尙未酬。何心燕侶鶯儔。亂離時世誰相保。爭如我少小

深閨不解愁。〔合前〕

〔大迓鼓〕〔老旦〕凝眸。上翠樓。何時得見子壻封侯。兒。你今春更比前春瘦。只

怕他心不似你心頭。〔合〕莫把離情無端自兜。

〔前腔〕〔旦〕忘憂堂北頭。桑榆景暮。門巷清幽。娘兒孫有福兒孫受。你得優游處。且優游。〔合前〕

〔旦〕鶯啼繡戶曉雲深。

漸覺池塘有綠陰。

〔老旦〕但願應時還得見。

果然勝似岳陽金。

第四齣 除兇

〔水紅花〕〔淨末獵戶上〕官司懸賞有明文。捕山君。看看着緊。咱們獵戶受災。枉艱辛。徘徊難進。退則恐違嚴限。進又恐亡身。算來總是命難存也囉。〔末〕我們是陽穀縣獵戶。只爲景陽崗上有一吊睛白額虎爲害。本縣大爺立限與俺們。務要捉獲。但此虎猛惡異常。俺們如何拿得。〔淨〕哥。俺們只得穿着虎皮。伏在嶺下。各處多擺些窩弓藥箭。待他自來納命便了。〔末〕說得有理。正是路狹難迴避。〔淨〕官差不自由。〔隱下生上〕道傍車馬日繽紛。行路悠悠何足云。未知肝膽向誰是。令人卻憶平原君。俺武松久住柴皇親莊上。欲投宋公明去。恐他到此。又等了幾日。如今只得別了皇親。打聽宋兄消息。就往陽穀縣尋俺哥哥。走一遭去也呵。

〔北雙調新水令〕老天何苦困英雄。二十年一場春夢。不能夠奮雲程九萬里。則落得沸塵海數千重。浪跡浮蹤。任烏兔枉搬弄。說話中間。早來到景陽崗下。行路飢渴。這裏有個酒肆。酒望子上寫着三碗不過崗。這怎麼說。且進去少坐一回。酒保那裏。〔丑應上〕酒酒。有有有。賒賒賒。走走走。客官裏面請坐。〔生〕且問你怎麼喚做三碗不過崗。〔丑〕客官。俺這裏造得好酒。人若喫了三碗。就醉倒了。上這景陽崗不得。因此喚做三碗不過崗。〔生笑介〕待俺喫上十來碗。看過得崗過不得崗。〔丑斟酒介〕我這裏只有一樣牛肉。只怕不中喫。用得些麼。〔生〕

〔折桂令〕又何須炙鳳烹龍。〔已下一句一碗〕鸚鵡盃浮。琥珀光濃。卻不道五斗

消醒。三盃合道。自有神功。〔丑〕你喫過十二三碗了。就在此宿了罷。〔生醉唱〕何用你虛

擔怕恐。俺偏要去。〔走介丑扯介〕還了俺酒錢。俺有話對你說。〔生背云〕前日柴大官人送的盤纏。

一路用來。剩不多了。酒保。連這包兒與你罷。好教人羞澀囊空。你還有什麼話。〔丑〕你看前

面榜文。爲這崗上有一吊睛白額虎爲害。但有單身客人。不許過崗。恐傷性命。〔生做醒介怒云〕不

說猛虎。俺便不去也罷。若說有虎爲害。不覺精神抖擻。毛髮倒豎。一定要去拿他。〔丑〕看你不出。倒

是一個喫老虎肉的。俺勸你性命還是值錢的。不去罷。〔生走介〕噯。按不住惡氣忡忡。〔丑扯介〕生推丑一筋斗〔介〕生。則是行色匆匆。〔丑〕他自要去送性命。干俺甚事。各人自掃門前雪。休管他家瓦上霜。〔下生醉走介〕趁着這落日熹微。醉眼的這朦朧。已到崗子上。爲何不見甚麼大蟲。這廝們都是胡說。連那官府榜文也是譚帳。酒湧上來。待俺少睡片時。〔做半睡介〕內做虎嘯生醒介。呀。果然有個大蟲來了。〔虎跳上介〕

〔雁兒落〕覷潑毛團體勢兇。〔棍打在樹上折介〕呀。這狼牙棍先摧迸。〔內鳴鑼生略住口〕虎三撲生三躲介。俺這裏趨前退後忙。這孽畜舞爪張牙橫。〔內又鳴鑼生又住口〕虎三撲生三躲介。

〔得勝令〕呀。閃的他回身處撲着空。轉眼處又亂着蹤。〔拿住虎打介〕這的是虎有傷人意。因此上冤家對面逢。〔內又鳴鑼生又住口〕虎又撲虎掙脫走介。你要顯神通。便做道力有千斤重。〔拿住虎打死介〕虎。你今日途也麼窮。抵多少花無百日紅。花無那百日紅。虎已打死了。且乘這酒興。往前去罷。〔淨未穿虎皮跳上〕呀。又有兩個虎來。俺今番死也。

〔沽美酒兼太平令〕則索逞餘威鬪晚風。逞餘威鬪晚風。〔淨末行走介生〕呀。則見雙舉步兩挪蹤。〔淨末〕咄。你是人是鬼。敢在此獨行。〔生〕俺是蓋世英豪喚武松。〔淨末〕你曾遇虎麼。〔生〕試言他兇猛。〔淨末〕你試說一遍。〔生〕負隅處恁威風。〔淨末〕唵。〔生〕身一撲山來般重。〔淨末〕唵。〔生〕尾一翦鋼刀般橫。〔淨末〕唵。〔生〕一聲高千人驚恐。〔淨末〕唵。〔生〕數步遠衆生含痛。〔淨末〕唵。你怎麼不被他害了。〔生〕俺呵。憑着這膽雄氣雄。空拳兒結果了這大蟲。〔淨末〕唵。如此多謝了壯士。〔生〕呀。教衆口將咱稱頌。〔淨末〕好教壯士得知。俺們是陽穀縣獵戶。官府立了限期。要拿這大蟲。又近他不得。只得擺下窩弓藥箭。在此等候。既然壯士打死了他。如今在那裏。〔生〕你們跟轉來。〔走回介淨末遠望怕介〕〔鴛鴦煞〕〔生〕早難道巖前虎瘦雄心橫。〔淨末〕這等一個大蟲。被你精拳頭打死了。就是卞莊存孝。也不如你。〔生〕俺笑那提防鎮日無用。〔淨末〕如今你來得去不得了。〔生〕怎麼說。〔淨末〕少不得送你到縣裏去請賞。〔生〕俺本是逆旅經商。誰想着奏績呈功。〔淨末〕一定要你同去。〔生背介〕少不得要往陽穀縣尋俺哥哥。便同去罷。〔轉身介〕俺去是要去。則怕那六

巷三街前遮後擁。沸沸揚揚。教人道陽穀縣沒人打得這虎。被清河縣人打死了。〔丑末對

介〕真個羞。〔生〕把陽穀人譏諷。〔淨末〕壯士。你是天下豪傑。也教陽穀人認一認。〔生〕罷罷。

〔走介〕只得相從。怎當得他們恁趨捧。〔下淨〕壯士。先走。待俺打虎幾拳。〔末〕死的打他

怎麼。〔淨〕我等只會打死虎的。〔擡虎下〕

第五齣 誨淫

〔小女冠子〕〔小旦上〕慊慊挨過傷春病。這永夏怎安寧。歎今生錯把鸞凰聘。幾時稱我風流興。〔玉樓春〕妾家陽穀城中住。小字金蓮潘氏女。芳年十五鬻豪門。主母無端生嫉妬。自憐妾命一何苦。嫁作村郎箕箒婦。常將月老苦埋冤。半生錯配姻緣簿。奴家武大的妻子。只因向年私通家主。被主母妬恨。逼勒嫁差了對頭。這武大身長三尺。家無一椽。賃房居住。賣餅爲活。街坊上人口嘴叫他三寸丁。谷樹皮。又且喫醋撚酸。防閑得緊。教奴終日納悶。幸有隔壁王婆。常來耍笑。少遣悶懷。今日餅已炊熟。催他出去了罷。大哥那裏。〔小丑做矮子上〕

〔秋夜月〕貌取憎。到處人不敬。命裏嬌妻前生定。無錢怎把家緣整。只靠着賣

餅。怕時逢夏景。〔揖介〕大嫂。大嫂。〔小旦覆介〕爲何怕逢夏景。〔小丑〕如今天氣漸熱。恐賣餅不完。明日不中用了。今後少炊些罷。〔小旦〕你如今這等知事。一發有些意思了。〔小丑〕我的意思。只要些茶兒喫。〔小旦〕爲何呢。〔小丑〕喫得餅多了。〔小旦〕不要閒說。餅已炊完。趁早出去賣罷。〔小丑〕就去。就去。〔搖擺介挑擔走介〕無錢怎把家緣整。苦惱口只靠着賣餅。阿夜怕時逢夏景。〔小旦〕怎麼這等搖擺。〔小丑〕你不曉得。矮子不擺便是寶。被你常叫我是寶。偏要擺一擺兒。羞你一羞。〔小旦〕啐。〔小丑叫賣餅下小旦〕這等腌臢村獸。卻不氣死我也。且把前門閉上。叫開了小門兒。請王婆過來閒講一回。〔敲壁介〕乾娘。〔丑應上〕來了。

〔前腔〕福分輕。半世常孤另。十七八個丈夫都不剩。又無兒女堪承領。難捱這老景。把茶坊自整。〔小旦〕乾娘萬福。〔丑〕娘子娘子。每常見你鬱鬱不樂。今日一發着惱。敢是武大郎有甚挺撞你麼。〔小旦〕倒沒有什麼挺撞。〔丑〕是了。只爲嫁差了對頭。以此不樂。〔小旦長吁介丑〕看了武大郎這個模樣。不要說娘子着惱。就是老身也看得不得。娘子。

〔東甌令〕你多嬌媚。忒娉婷。守着這區區三寸丁。山雞卻與文鸞並。兩下裏不

相稱。你看等閒春色易飄零。別圖個美前程。

〔前腔〕〔小旦〕夫雖醜。義非輕。一夜夫妻百夜情。自古道爲人莫作婦人身。百年苦樂由人定。想萬事皆天命。噯乾娘。任他春色自飄零。又圖甚美前程。〔丑〕娘子。你不對我說。我已在隔壁聽得了。〔小旦〕奴家不曾說甚麼。〔丑〕你不要瞞我。替你悄悄尋個主顧如何。

〔小旦笑介〕乾娘又來取笑。〔內叫介〕乾娘。有人在此買茶喫。〔丑〕來了。〔別介〕

〔丑〕落盡紅芳又綠陰。

〔小旦〕膩紅愁態靜中深。

〔丑〕從今莫說三分話。

〔小旦〕已自全拋一片心。

第六齣 旌勇

〔夜行船〕〔外扮官小生老旦扮皂隸上外〕時序推移如轉首。環四野麥已先秋。馴雉無功。飛鳧不就。願猛虎渡河北走。威鳳託鳩巢。徘徊惜羽毛。催科慚政拙。撫字識心勞。下官陽穀縣尹是也。景陽崗猛虎傷人。深爲憂慮。今早從人報說。有一壯士。獨自打死一個大蟲。實爲可驚可喜。叫左右。〔皂應介外〕獵戶到來。即便通報。〔皂〕理會得。〔生上〕

〔前腔〕一虎何勞傳衆口。還須破百萬貔貅。〔淨末擡虎皮上〕昨朝多懼多凶。今日

無災無咎。都是那人成就。〔淨末〕牌頭哥。煩你稟知獵戶與打虎壯士要見。〔稟介外〕着他進

來。〔生〕打虎的磕頭。〔外〕起來。〔淨末〕獵戶磕頭。這虎是他打死的。〔外〕虎且擡在一邊。〔淨末應

介外〕那壯士過來。你是何方人氏。叫甚姓名。多少年紀了。〔生跪介〕老爹聽稟。

〔鎖南枝〕我年齡少。武略多。名松姓武能荷戈。一塵家世清河。爭奈奔馳命多

珂。〔外〕你如今要往那裏去。〔生〕到此陽穀縣尋我哥。過景陽岡遇着虎爲禍。〔外〕這等一

個猛虎。你怎麼就打得他死。起來說。〔生起介〕

〔前腔〕把他先一按。〔介〕就一撲。〔介〕說時遲。那時快。一掀。〔介〕一剪。〔介〕勢甚速。讓

他幾個翻覆。他性兒自摧阻。銳已竭。俺力尙足。兵法有云。〔外〕怎麼說。〔生〕避其銳氣。擊

其惰歸。打虎時是這機軸。

〔前腔〕〔外〕你心偏壯。計不疎。兼資勇謀一丈夫。愧咱職忝民牧。常恐煩苛猛於

虎。伊長兄既居此都。便留伊長行伍。我要補你做土兵都頭。在我縣裏答應。就與你哥哥完

聚。意下如何。〔生跪介〕多謝老爹擡舉。〔外〕既如此。叫該吏備花紅鼓樂。就着獵戶擡了大蟲。迎這都頭與城中人看。〔衆應介外〕今日得吾提掇起。免教人在污泥中。快迎出去。〔下衆鼓樂與淨末扛虎皮同上隨生行介〕

〔朝元歌〕〔衆〕山村早收。白額當人吼。山行早休。白骨妨人走。自此舒眉。更無疾首。〔生〕這是明府仁深澤厚。民以無憂。〔衆〕你勞而不伐。德更優。今日做都頭。看他年封列侯。〔生〕想分飛日久。兄和弟幾時輻湊。〔衆〕有時輻湊。

〔前腔〕醉裏奇功成就。山靈也是愁。今古更誰儔。志欲凌雲。氣能衝斗。自是雄風神授。電走星流。從容斃虎如擊牛。旌賞豈能酬。還須達帝州。〔小丑跳上看介生〕分飛日久。兄和弟幾時輻湊。〔衆〕有時輻湊。〔生〕這跑來跑去的好似俺哥哥。〔小丑〕這一個都頭好似我兄弟。〔生〕咄。你莫不是武大哥。〔小丑〕你就是武二郎麼。〔跪抱哭介〕

〔玉井蓮〕終朝念想愁煩。又怎知分襟再綰。〔小丑〕兄弟。你新到此間。必無下處。就煩列位送到我家去。光輝令兄一番如何。〔生〕如此最好。〔衆行介〕分飛日久。兄和弟此時輻

湊。此時輻湊。〔小丑〕此處已是。列位請回。〔生〕有勞了。明日相謝。〔衆〕不要都頭費心罷。笙簫歸院落。燈火下樓臺。〔下生〕哥哥請上。兄弟有一拜。〔對拜介〕

〔玉抱肚〕雁羣拆散。影瀟瀟飄泊未還。念哥哥在此地安居。小兄弟特來相看。〔小丑〕打虎一事。其實難得。〔生〕偶因打虎出深山。逅邂相逢城市間。哥哥。你在此營運如何。〔小丑〕你是曉得我的。

〔前腔〕我身無材幹。守艱辛賃房幾間。靠渾家炊餅爲生。〔生〕且喜已娶嫂嫂了。〔小丑哭介〕到街坊被人欺慢。〔笑介〕你今到此我心安。〔咬牙出拳介生合〕管取他人另眼看。〔小丑〕你嫂嫂在樓上。進去相見了。〔生〕哥哥先請。〔小丑叫介〕大嫂。快來接你叔叔。〔內應介〕曉得了。

〔小丑〕幾處移家逐轉蓬。〔生〕年來多難與兄同。

〔小丑〕今宵剩把銀缸照。〔生〕猶恐相逢是夢中。

第七齣 設伏

〔丑王婆上〕茶湯爲活計。漿水作生涯。勝如揚子江心水。賽過蒙山頂上茶。如今六月天氣。人都要吃些茶水。不免早開店面。則個自古道。牙關不開。利市不來。且先喫兩三碗。〔喫介〕好苦茶。好梅湯。好甜水。〔淨騎馬末隨上淨〕

〔光光乍〕積祖富豪家。好酒又貪花。終日遊坊并串瓦。帽兒整得光光乍。〔末〕
〔淨下馬介〕自家西門慶的便是。迤邐閒行。來到王婆茶坊門首。小廝拴了馬。待我進去喫碗甜水兒。〔末接鞭介〕理會得。乾娘。大官人來了。〔暫下丑〕呀。大官人萬福。貴足躡賤地。有甚分付。〔淨〕天氣炎熱。做一個梅湯與我喫。〔丑〕老身做了一世媒。只不會與大官人做。〔淨〕我要梅湯。你卻說了做媒。〔丑〕老人家聽差了。梅湯在此。〔淨〕乾娘。你既會做媒。也與我做一個。重謝你。〔丑〕大官人要喫梅湯。只怕大娘子要喫醋。〔淨〕我們大娘子最好。如今也有幾個妾在我身邊。只是沒有中意的。你若有好親事與我說一頭兒。若會做馬百六。我便費些錢也罷。〔丑背云〕隔壁那話兒倒是一主貨。且不要說破了。慢慢教他在老娘喉下取氣。你看我把些糖兒抹在這廝鼻子上。只教他話不着。大官人遠不遠千里。近只在目前。〔淨〕在那裏。〔丑〕奴家如何。〔淨〕又說渾

籃介淨末」休把他瓜兒打碎。〔小丑敲桌介淨末〕休把他茶甌亂撒。〔丑〕你亂撒。〔小丑〕我亂撒。〔衆〕當場時大家戲耍。〔合前小丑哭介〕一籃瓜都打碎了。〔淨〕這是覓便宜處失便宜。

〔末〕講是非時惹是非。

〔丑〕好手之中逞好手。

〔小丑〕喫拳須記打拳時。

第八齣 叱邪

〔縷縷金〕〔小旦上〕癡男子。假妝喬。我饒涎垂一縷。怎生熬。今日來家後。用心引調。恁從他鐵漢也魂消。須落我圈套。須落我圈套。奴家一見武二。就看上了他。常把眼角傳情。話頭鉤引。他卻撇清妝假。只做不知。可惱可惱。今日待他回來。好生打動他則個。〔生大帽色衣纓帶上〕

〔菊花新〕揮汗歸來罷曉衙。何日成名得建牙。〔小旦迎見介〕叔叔。今日回來得早。〔生揖介〕嫂嫂。我無事早還家。問兄長可曾歇下。〔小旦〕你哥哥還早哩。請叔叔裏面坐罷。〔生〕嫂嫂請。〔小旦關門介生隨行介小旦〕叔叔。脫了汗透的衣服。涼快些好。〔與生解帶介生

走開介〕我不熱。〔小旦〕奴家浸得一壺涼酒在此。與叔叔飲三盃。〔生〕待哥哥同喫罷。〔小旦〕那裏等得他。〔斟酒介〕叔叔滿飲此杯。〔生〕生受嫂嫂。〔小旦〕後生家喫個成雙杯。〔又斟介生〕我喫就是不勞嫂嫂多說。〔生另斟介〕武二回敬嫂嫂一盃。〔小旦〕多謝叔叔。今日沒人在此。奴家有句話。〔笑介〕

〔古輪臺〕要問伊家。聞你東街背地戀烟花。緣何不說知心話。攜來家下。〔生〕我是風虎雲龍。怎肯去平康走馬。〔小旦笑介〕客邸孤單。少年狂放。只怕你心頭不似嘴喳喳。〔生〕嫂嫂。我元非虛話。〔小旦〕我只是不信。〔生〕不信時待兄長還家。把咱行事。試將他問。可知真假。〔小旦〕噯。休說那冤家。這風流話。若他知道我怎嫌他。

〔前腔〕〔生背介〕嗟呀。教我懸望巴巴。這時節。還不見兒歸。嫂嫂。且消停杯罌。天氣炎蒸。〔欲走介〕向門外臨風瀟灑。〔小旦扯介〕叔叔且住。〔背介〕事到如今。機關用盡。怎肯輕輕便撇下。〔笑介〕叔叔。且同消暑。怎生忒不撐達。〔生〕只爲奔馳勞頓。心慵意懶。好難禁架。〔小旦斟酒先飲半盃對生介〕叔叔。此意你知麼。伊休詐。把這盃殘

酒飲乾咱。〔生奪酒潑地怒介〕

〔撲燈蛾〕噯。怪伊忒喪心。怪伊忒喪心。羞慚總不怕。有眼睜開看。把武松特地詳察也。我是含牙戴髮。況先人清白傳家。怎生教敗倫傷化。〔怒介〕嫂嫂。你快不要想這等勾當。倘有些風吹草動。我面皮認得是嫂嫂。拳頭卻不認得。我非誇。自從打虎手兒滑。〔小旦羞介〕

〔前腔〕笑伊直恁村。笑伊直恁村。不辨真和假。酒後聊相戲。怎便將人叱咤也。常言嫂如娘大。好知輕識重賢達。只會把至親欺壓。〔萬福介生背介小旦〕叔叔。總塗抹。從今兩意莫爭差。

〔尾聲〕〔生〕這回家醜堪羞殺。〔小旦背介〕自恨當初錯認他。〔生〕噯。我那哥哥。只恐終須作話靶。〔小丑挑擔上〕清晨出去猶嫌晚。下午歸來汗未消。已到自家門首。爲何閉上了門。

開門。開門。〔旦背介〕呀。武大回來了。待我開了門。徑往廚下收拾罷。〔輕開門拴急走介〕悔將我語同他語。未必他心似我心。〔下小丑推開門跌倒介〕你看我這老婆。故意悄悄開了門。閃我一跌。常

言道跌跌長。有何不可。且進去看。〔見生不語介〕

〔五更轉〕〔小丑〕呀二哥。你甚時歸家裏。點心兒想是尙未喫。呀。緣何頻問都不對。敢是嫂嫂跟前慢慢憎着你。若不是呵。難說你卻惹着官司氣。若還怪我。我就先陪禮。〔殺雞介生〕哥哥不要問罷。若是問起根由。與你妝些幌子。〔竟走出介小丑〕兄弟忿忿而去。大嫂必知其故。大嫂那裏。〔小旦哭上〕

〔前腔〕蠢殺才不爭氣。累奴家喫負虧。〔小丑〕我的令正。我的拙荆。誰來欺你。〔小旦〕情知只有武二居家內。〔小丑〕他便怎麼。〔小旦哭介〕我見他冒暑歸家。備着酒漿茶水。誰知道他太不仁。將奴戲。〔小丑〕我的兄弟不是這樣人。他卻爲何跑了去。〔小旦〕他無顏在此。必要遷居矣。〔小丑〕他若搬了去。須被別人笑話。〔小旦怒介〕嚶。你若兄弟同居。還我休書一紙。〔小丑〕大嫂且息怒。從容再作理會罷。看你

花憔悴恨難禁。

〔小旦〕無奈強徒苦逼臨。

〔小丑〕須信路遙知馬力。

〔小旦〕果然日久見人心。

第九齣 孝貞

〔遶地遊〕〔旦扶老旦上老旦〕炎蒸初過。又早疎桐墮。病和愁兩眉常鎖。〔旦〕母親。你病體懨煎。須把愁城攻破。〔合〕歎人生爲歡幾何。〔旦〕母親。你今日病勢稍可。但寬心排遣。從容服藥。自當全愈。免勞掛懷。〔老旦〕我的兒。今日是七夕佳節。我雖服藥。你也該喫酒肴瓜果。以應時令。不要爲我愁煩。〔旦〕嚶。我那娘。

〔集賢賓〕家家此時排酒果。笑兒女情多。你美景良辰愁裏過。我何心乞巧穿梭。〔對天萬福介〕天呵。願賜長生藥果。早消得娘親災禍。誰似我與嫦娥對影婆娑。〔前腔〕〔老旦〕追思少時此夕呵。正競巧看河。今日老景淒涼彈淚顆。再不能纖指穿梭。我的兒。想着你終身結果。悶似海天來愁大。誰似我被嫦娥笑殺雙蟠。〔淨扮媒婆上〕

〔琥珀貓兒墜〕一年一度。牛女會銀河。老身趙媒婆便是。此間賈媽媽門首。不免徑入。〔與二旦福介老旦〕呀。趙媽媽。你來何幹。〔淨〕若要填河須是我。〔旦〕走。又來胡說。〔背轉介〕

〔淨〕春花秋月莫蹉跎。無多。早尋個跨鳳乘鸞佳婿如何。〔老旦〕媽媽。你還不知。我女兒從幼已許武二郎了。〔淨〕那武二郎在外飄蕩。久不回家。正是馬上喫豬蹄。不知骨頭落那裏了。前巷有個張百萬。要與他孩兒議親。你們姐姐許了他罷。

〔前腔〕〔老旦〕他是一鞍一馬。立志不差訛。〔淨〕便跳個槽兒無不可。〔旦〕走。你這笑刀腹劍女蕭何。〔老旦〕張羅。爲甚的平地無端便起風波。

〔尾聲〕〔淨〕水清玉潔真難污。笑有眼無珠是我。〔二旦〕媽媽。語話參差莫譴訶。〔淨〕既如此。今後再不敢來說了。〔老旦〕多感媽媽。〔別介〕

〔老旦〕春草秋風老此身。

〔旦〕柴門相送月華新。

〔淨〕霸王空有重瞳目。

有眼何曾識好人。

第十齣 委囑

〔小丑上〕昨夜秋光入小庭。至今醉眼未曾醒。〔小旦上〕噯。天那。空階夜色涼如水。羞看牽牛織女星。〔小丑捧小旦面介〕大嫂。你這般模樣。賽得過天仙織女。不知我比得牽牛郎麼。〔小旦〕吓。你只

好田裏去牽牛。倒要比天上的牽牛好沒廉恥。方纔你買賣回來。不曾關得大門。快去關了。〔小丑應介出望介〕來的好似我兄弟。〔生上末小生扮士兵捧盒跟上〕

〔秋蕊香〕〔生〕半月不瞻見面。何時不意惹情牽。〔揖介小丑〕二哥。什麼好風吹得你來。

〔生〕欲把微芹別時獻。願兄嫂鑒愚意。〔見小旦〕嫂嫂拜揖。〔小旦笑介〕叔叔萬福。〔生

對士兵云〕你們把這些東西往廚下整酒去。〔小旦背云〕這廝前日搬了去。如今想着我。卻又回來。正中我的意了。〔小旦〕昨夜是七夕。要請你來喫三盃。那裏不尋得到。今日來得正好。怎麼要你費錢。且到樓上去坐。〔士兵斟酒介生〕你們去罷。〔士兵應介〕正是在他矮簷下。怎敢不低頭。〔下生舉盃對小丑介〕哥哥在上。兄弟今日蒙本縣老爹差往東京公幹。須要五六十日纔回。有句話兒。哥哥若依得。滿飲此一盃。〔小丑接在手介〕你的話無有不依。〔生〕

〔風入松〕你從來心性軟如綿。我不在家呵。你是個隻手單拳。若被人欺壓。遭人騙。我回來後將他消遣。你從明日爲始。遲出去早歸息肩。把門兒閉得安然。〔小丑〕兄弟。這是金子話。我怎麼不依。〔飲介〕酒乾。〔生接盃再斟酒在手對小旦介〕嫂嫂。

〔前腔〕吾兄質朴命途遭。仗伊家看覷周旋。常言道表壯不如裏壯。須知裏壯纔堪羨。怕什麼男兒家柔軟。卻不道夫禍少皆因婦賢。籬牢處犬難穿。〔小旦對小丑怒介〕

你這腌臢村獸。有什麼言語。向外人處說了。來欺負老娘。〔對生怒介〕你不要認差了人。我是個不帶網巾的男子漢。叮叮噹噹響的婦人家。拳頭上立得人。臂膊上走得馬。要人面上走的人。

〔急三鎗〕自從我嫁武大爲宅眷。便是一螻蟻也不進門前。

〔前腔〕卻有甚籬不固招外犬。你這胡言語休要把人冤。〔生〕噯。嫂嫂。

〔風入松〕怕你心頭不似口頭言。若得依如此心堅。何須武二頻頻勸。與兄長也爭些門面。我一句句不忘你言。請將此酒酌蒼天。〔小旦怒介〕武二。我且問你。

〔急三鎗〕既是你多伶俐將人勸。不道長兄嫂彷彿父娘面。

〔前腔〕〔背介〕我當日嫁武大元說無親眷。吓。那裏這個賊兄弟。怎知真和假強來纏。

啐。〔不喫酒介下小丑斟酒對生介〕

〔風入松〕二一哥休記婦人言。我和你且自留連。〔生飲介小丑哭介〕人生難保常

康健。我萬一有些好歹呵。你把一杯酒將咱澆奠。〔生拭淚介〕哥哥爲何說這不祥的話。兄弟去後。你便不做買賣也罷。〔拜介生〕且只在家中自然。我常與你寄盤纏。〔小丑〕曉得了。〔別介〕

〔生〕一瓢長醉任家貧。

〔小丑〕明日千山與萬津。

〔生〕流淚眼觀流淚眼。

〔小丑〕斷腸人送斷腸人。

第十一齣 遭難

〔金蕉葉〕〔小生上老旦旦扮家僮隨上〕憐才愛才。想風期何時可諧。志不在兩行。

玉釵羨殺他三千劍客。樂莫樂兮心相知。悲莫悲兮遠別離。堂前空有三千士。他日報恩知是

誰。我柴進爲何說此幾句。只因前日武二哥苦死要去尋兄訪友。一時隨順了他。如今時常思念。無路追尋。枉招許多食客在此。那裏再有這般豪傑。只得且和他們閒講一回。以消殘暑。家僮請蘇州葉先生出來。〔二旦〕噯。葉先生。大官人相請。〔末上〕世人結交須黃金。黃金不多交不深。縱令然諾暫相許。終是悠悠行路心。大官人拜揖。〔小生〕葉先生拜揖。昨因有事。不得奉陪。今日頗暇。請先生

閒講片時。〔末〕多謝大官人青目。〔小生〕先生貴地自古多產英豪。歷歷可數。〔末〕小子不知。請大官人略說一二。

〔祝英臺〕〔小生〕每神遊三讓里。屈指最多才。〔末〕那幾個是。〔小生〕季札子游。慶忌要離。〔末〕漢時有誰。〔小生〕嚴助買臣爲儕賢哉。〔末〕還有幾個賢人。〔小生〕朱張顧陸相承。四姓餘芬猶在。〔末〕自古稱朱文張武。顧忠陸厚。至今尙爲望族。〔小生〕怎如得文正忠宣絕代。

〔前腔〕〔末〕光采真個地偏靈。人傑出。方策耀千載。〔小生〕山水如何。〔末〕玄墓洞庭。虎阜天池。澤藪具區弘開。〔小生〕可惜不曾去游覽。〔末〕難買。少年有限光陰。何不

遨遊河海。〔合〕待清秋須買扁舟南邁。〔老旦上〕有事不敢不報。無事不敢亂傳。本州知寨

殷天瑞。爲去年李逵在高唐州打了他兄弟殷天錫。如今彼處拿住李逵。行文到此。說大官人通同梁山泊反賊。卽刻殷知寨領兵來拿了。〔急下小生〕呀。去年李逵元來曾在梁山入夥。況我有誓書鐵券在家。怕他怎麼。〔末〕什麼叫做鐵券。〔小生〕免死的執照。葉先生事已急矣。你自走了罷。〔末〕

大官人說了蘇州許多賢人。小子也要與蘇州爭氣。決當爲朋友而死。〔小生〕噯。難得難得。〔淨領生旦上〕

〔憶多嬌〕賊殺才。忒乖。暗通強寇。該不該。誰道今番露出來。〔淨〕把柴進拿下。

〔衆應介小生〕我有何罪。你來拿我。〔淨〕且去高唐州對理。〔衆拿末介淨〕你是他什麼人。〔末〕是朋友。〔淨〕也是賊黨。都綁了。〔小生末〕皇天那。驀地飛災。驀地飛災。鐵券丹書怎措。〔淨〕哇。你既說丹書鐵券。卻不想國家厚恩麼。

〔前腔〕〔小生〕恩豈衰。我常記憶。〔淨〕咄。梁山泊李逵。你也記他在懷麼。〔小生〕他昔年曾到莊上來。豈料如今爲賊帥。〔淨生旦合〕卻又元來。卻又元來。萬阻千推怎捱。

〔淨〕就此點兵押送。我親自解到高唐。聽我哥哥發落。〔生旦應介下〕

〔小生〕百口難明此是非。〔末〕一身聊復共安危。

〔淨〕臨崖失馬收韁晚。〔生旦〕船到江心補漏遲。

第十二齣 萌奸

〔一江風〕〔小旦上〕恨冤家。聽兄弟臨行話。把我禁持怕。怎奈何他。索性做個乖張。早把簾收下。教他且信咱。教他且信咱。爭知奚落他。有一日犬兒放入籬兒下。呀。奴家要挑下這簾兒。卻不曾帶得竹竿在手。不免進去取了出來。〔暫下淨上〕

〔前腔〕〔淨〕沒台孩。午睡醒來快。步出門兒外。〔想介〕上心來。記得王婆許我姻親在。且行來紫石街。行來紫石街。〔小旦上〕已取得竹竿在此。把簾兒挑下來。〔淨〕偷看誰家簾半開。〔竹竿打着淨帽淨見小旦介背介〕呀。這回打動相思債。〔淨看介〕

〔前腔〕〔小旦〕告官人。〔萬福介淨回揖介小旦〕休把奴嗔恨。我失手把竿兒褪。〔淨鞠

躬介〕不妨事。娘子請自便。〔王婆上瞧介笑介〕大官人。你忒殷勤。不在他簷下低頭。打得

好。打你個不淹潤。〔淨笑介〕應該打小人。娘子。還該打小人。〔小旦反笑介〕教奴難置身。〔淨揖介〕娘行不必多謙遜。〔丑〕唱得好肥喏。〔小旦福介〕官人。你不必要見怪。〔淨〕小

人怎麼敢。〔小旦〕乾娘。奴家進去等你。你無事過來閒話片時。〔丑〕曉得了。〔小旦〕東邊日出西邊雨。道是無情卻有情。〔下淨〕乾娘。我的骨頭都酥了。扶我到店中坐一坐。〔丑〕這個娘子有火力。一

根竹頭燒得你這等酥。〔坐介淨〕乾娘不要多說。你只說這個雌兒是誰的老婆。〔丑〕他是閻羅大王的妹子。五道將軍的女兒。你問他怎的。〔淨〕嚶。和你說正經話。〔丑〕他的老公是縣前賣熟食的。人。官人請猜一猜。

〔紅衲襖〕〔淨〕莫不是賣棗糕徐三的女豔嬌。〔丑搖手介〕若是他的。倒是一對好姻緣了。

〔淨〕莫不是銀擔子李二的親底老。〔丑搖手介〕若是他的。也是一對好夫妻了。〔淨〕莫不是花肱膊陸小四的家生俏。〔丑〕也不是。〔淨〕莫不是冒粉團許大郎的留客標。

〔丑〕都不是。說着時教伊也性焦。說出時教咱也好笑。他便是賣炊餅武大的渾家也。好一塊羊肉兒倒落在狗口嚼。〔淨〕嚶。天那。有這等屈事。乾娘。

〔前腔〕我愛殺他玉亭亭軀老兒嬌。〔丑〕是好個身材兒。〔淨〕愛殺他滴溜溜臆老兒

好。〔丑〕是好雙俊眼兒。〔淨〕恨不曾看得他雙撇道。〔丑〕好對小脚兒。〔淨〕幾時得抱着

他細舞腰。〔丑〕大官人說得枯渴了。喫一盞濃熱茶兒把慾火澆。再喫一個和合湯兒將

佳讖討。〔淨〕如今正要喫了。早些拿來。嚶了他下去。〔丑〕一個惡心吐了出來。怎麼處。〔淨〕乾娘。你

是在行的人。畢竟怎麼計較。纔得上手。〔丑笑介〕大官人。最是那研光的兩字兒。偏難也。直待要十分光纔湊着。〔淨〕怎麼喚做十分光。〔丑〕但凡研光一事。極不容易。須得一分一分研上去。研到十分完全了。纔得上手。〔淨〕乾娘且數那十分看。〔丑〕你卻依我說話。買一疋白綾。一疋藍紬。一疋白絹。十兩好綿。送與老身。這娘子做得一手好針線。我請他過來替我做送終衣服。大官人拿耳朵來。〔低云〕那時如此如此。這般這般便了。〔淨笑介〕好計好計。

〔皂羅袍〕〔淨揖介〕乾娘。謝你不推別故。一時間便有六出奇謨。九里山十面大埋伏。管取十一一峯雲雨來朝暮。〔合〕千金莫吝。百年甚促。三生有約。兩情不孤。十分光做一個姻緣簿。〔丑〕大官人。不是老身誇口說。

〔前腔〕這是我從來熟路。說不得許多敗壞風俗。只要去錢堆裏面做馬。百六銀河穩把牛郎渡。〔合前淨〕今日回去。就差人送前項物件來。我明早來打聽消息。事成時白銀十兩相謝。〔丑〕大官人不要說謊。自古道。

有錢能使鬼推磨。

一分錢鈔一分貨。

若還說謊負心時。

難免天災與神禍。

第十二齣 奇功

〔遶紅樓〕〔外扮宋江老旦扮花榮旦扮顧大嫂同上〕一自江州脫死刑。衆兄弟將我要盟。〔二旦〕事有不平。鬪咱俠性。〔合〕只得且勤兵。〔外〕吾乃宋江是也。因在江州配所醉後題詩。惹起禍端。幾致喪命。幸有衆兄弟劫歸山寨。纔得安寧。不上月餘。誰想滄州柴大官人遭此橫禍。他向來與山寨中有恩。豈可不救。只得親自下山伏路。劫取柴大官人入夥。就假妝滄州人馬。往高唐州救李逵回寨。花知寨。顧大嫂。聽我分付。〔二旦應介〕

〔縷縷金〕人捲甲。馬藏鈴。〔二旦合〕山村稠密處。伏精兵。料想高唐去。別無蹊徑。那奸貪知寨合遭刑。親來自納命。親來自納命。〔俱下淨丑押小生末上〕

〔錦纏道〕〔淨二丑〕聽鳴鉦。解奸徒向高唐遠行。〔小生末〕這冤苦對誰鳴。〔二丑打介小生末〕怎當他無情短棍相凌。〔小生〕葉子盈。我遭逢時乖運梗。你爲甚也觸機落筭。〔末〕我非不想全生。臨危苟免。還羞不義名。〔小生末合〕自古傳聞道死

生常變見交情〔二丑〕你這兩個賊徒。走又不走。有這許多說話。〔打介〕

〔普天樂〕〔淨二丑〕短長亭。崎嶇徑。早來到梁山頂。須加意防備賊兵。〔掩旗急走

介〕且銜枚疾走潛行。呀。見長林峻嶺。魂飛意轉驚。〔內鳴鑼介淨〕拚與他相持

對壘。對壘分個輸贏。〔俱下外旦老旦上〕

〔山桃帶芙蓉〕遠望見旌旗影。卻又早人聲靜。〔外〕這廝必然用計。打小路上悄悄過

去了。衆兄弟快趕上去。〔二旦應介合〕我這裏鳴鐘伐鼓軍容競。前鋒後隊戎行整。閃

得他獸奔猶豫魂不定。笑殺人犬羊卻與虎狼爭。〔趕下淨二丑急上〕不好了。不好

了。賊兵趕上來了。〔淨〕軍士們。取出軍器。擺開陣勢。待我作起法來。〔淨披髮介〕

〔普天樂〕普天下。諸神聖。聽殷天瑞虔誠請。都來到都來到助我陰兵。把強徒

一掃俱平。〔外二旦上〕前面是何處軍校。好好歸降。饒你性命。〔淨二丑〕我這裏是神兵。特來收服

你們草寇。〔混戰介淨丑敗走淨仗劍登高作法做大風起介外〕這廝妖法。待我把九天玄女所授

雲符去破他。〔執劍書符介二旦合〕呀。看天罡曜炳。諸神總效靈。怕甚的邪魔厲鬼。

厲鬼作法興兵。〔外〕旦趕上淨二丑奔上。罷了。罷了。被他破了法了。〔外〕二旦趕上混戰殺淨捉住。二丑介外。如今柴大官人在那裏。〔二丑〕躲在戲房內。〔外〕咄。快扶他出來。饒你的死。〔二丑磕頭介二丑〕柴大官人有請。〔小生上〕

〔山桃帶芙蓉〕夢欲斷重呼醒。〔末上〕死不了英雄命。〔外小生抱哭介外〕前番請你全不應。〔小生〕誰知忠義招災。〔衆〕自來天定人難勝。笑殺他捕風捉影起刀兵。〔外〕兄弟。此位是誰。〔小生〕這是吳下朋友葉子盈。〔外〕兄弟。你且上山調理。我一面差人請你家屬。一面往高唐州賺出李逵便了。〔小生〕多謝哥哥好意。〔外〕葉子盈。你肯上山麼。〔末〕小子因見大官人有難。不忍辭去。如今既已上山。小子就此告辭了。〔外小生〕世間難得你這般好人。〔末〕不敢。〔外〕叫小校取二十兩銀子。送葉先生做盤費。〔末〕嚶。將軍。你

〔末〕休將金寶餌英才。
我今日原非爲利來。

〔外小生〕隊隊鞭敲金鐙響。

〔衆〕聲聲齊唱凱歌回。〔走介〕

〔普天樂〕玄女法多靈應。早又把魔王屏。從今去。從今去。宇宙澄清。願皇圖萬

載長寧。呀。把忠貞自秉。休教負此生。會有時龍荒振旅。振旅麟閣圖形。

第十四齣 巧媾

〔懶畫眉〕〔小旦上〕昨日簾前事差迭。兩日相挑心共悅。重門一入暗傷嗟。水流何處花偏謝。路隔桃源雲萬疊。且喜武大不在眼前。偶說出昨日心事。忽聽得小門兒響。想是乾娘來了。〔丑上〕

〔前腔〕庭院涼多暑消歇。〔見介〕娘子。想你玉手初親針線帖。〔小旦〕乾娘。我妝成未展繡文纈。你清晨何事臨寒舍。〔丑笑介〕欲請神針特造謁。老身向年蒙一個財主布施了送終衣。恰遇着如今閏月。急要做完。沒有好裁縫。斗膽央大娘子裁一裁。從容尋人做罷。〔小旦〕若不嫌奴家做得不好。就是我與乾娘做完。只不知今日日子好歹。〔丑〕娘子是一點福星。何用選日。就煩貴步同行則個。〔小旦〕既如此。乾娘先請。

〔前腔〕曲徑通幽省周折。〔過門丑隨行介丑〕纔過門兒賓主別。〔坐介小旦〕乾娘。試將雲錦漫裁截。〔丑捧出介〕天孫妙手被人間借。〔小旦翦介〕願壽比萬縷千絲不斷

絕。

〔前腔〕針線初拈剪刀撇。〔縫介淨盛服暗上咳嗽介〕乾娘。連日如何不見。〔丑〕門外誰人聲響徹。〔福介〕元來是壽衣施主偶相接。來得正好。進來看一看。〔淨小旦相見介小旦背云〕就是昨日那人了。〔淨看衣介〕乾娘。這般妙手難酬謝。不敢動問。此位是誰家宅內客。〔丑〕就是間壁武大郎的娘子。〔淨〕小人只認得大郎。不信他有這等福分。招得這一位好娘子。〔小旦〕官人休要笑話。〔淨〕小人怎麼敢。〔丑〕娘子。你還不認得這位西門大官人。是陽穀縣第一個財主。本縣老爹也和他往來。家裏開個大生藥鋪。極肯撒漫。這段正就是他與我的。〔小旦〕奴家有眼不識。〔淨〕折殺了小人。〔丑〕常言道一客不煩二主。大官人便做個主人。替老身與娘子澆手則個。〔淨〕最妙。〔取銀介〕乾娘。你就去備些酒飯來。〔小旦〕不勞生受。〔丑虛轉介〕酒菜都有了。〔淨斟酒遞小旦介淨〕

〔香柳娘〕幸相逢舉觴。幸相逢舉觴。爲娘稱謝。〔丑〕愧無珍品堪陳設。〔小旦接酒介〕感伊家用情。感伊家用情。〔飲介〕淺量爲君竭。羞顏爲君撇。〔合〕料二生

契結歡情正奢。可能卜夜。〔丑〕呀。可惜買得酒少了。娘子陪大官人喫一杯。老身直去縣前買好酒來。有一會擔擱哩。〔淨〕還是小人奉陪大娘子。〔丑縛門介〕天上人間。方便第一。〔下淨背介〕如今依了乾娘計策。把袖子拂那筊子落地。只做拾筊。捏他脚兒一捏看。〔拂介捏介小旦〕官人你有心。我也先有意了。你對天罰了誓。我就依你。〔淨對天揖介〕

〔前腔〕若忘伊此情。〔小旦〕你要跪了罰。〔淨跪介〕若忘伊此情。暫時拋捨。願天罰我遭磨折。〔小旦掩淨口淨扯下淨〕你也罰一個誓。〔同跪下小旦〕天那。聽金蓮誓言。聽金蓮誓言。若忘了西門大官人呵。願聖手不相遮。天誅更不赦。〔淨掩小旦口同拜介合前同下小丑鄆哥上〕

〔前腔〕有風聲到耳邊。有風聲到耳邊。是女歡男悅。梅湯一盞爲媒藥。自家鄆哥便是。聽得街坊上人說。西門大官人要勾搭武大的妻子。每日在王婆店中。待我只做尋鬧。闖將進去。看了些動靜。報與武大得知。出我前日那口氣。〔看介〕呀。看門兒鎖卻。看門兒鎖卻。敢是計先設。藏人在房內也。〔窺介〕且潛身再窺。且潛身再窺。但見茶烟未絕。好似

僧房客舍。果然沒人在裏面。且是回去。明日再來便了。王婆這老咬蟲。只教你閉門家裏坐。禍從天
上來。〔上丑上聽介〕

〔前腔〕聽人聲杳然。聽人聲杳然。想在枕邊低說。〔開門介〕你兩個做得好事。〔淨小旦

急上跪介〕乾娘。望你高擡貴手將人赦。〔丑〕你們要官休要私休。〔淨小旦起介〕要官休

便怎麼。要私休便怎麼。任你怎的說。誰人敢逆也。〔丑〕要官休報武郎。〔淨小旦

相看驚介丑〕要私休瞞武郎。〔淨小旦〕願把私休管取叩頭稱謝。〔丑〕既如此。娘子。

你從今日起。每日不可失約。〔小旦〕只依乾娘就是。〔丑〕大官人。你自不消我說得。所許之物。不可

失信。你們若變了卦。我就與武大說知。〔淨〕乾娘放心。決不失信。〔小旦〕此時武大將歸了。奴家回

去罷。〔淨〕娘子。西廂記說得好。是必破工夫。明日早些兒來。小人在此專候。〔小旦〕曉得了。不須囑

付。

心有靈犀一點通。

〔淨〕休教宋玉望牆東。

〔丑〕結成鸞鳳青絲網。

〔合〕碾就鴛鴦碧玉籠。〔下〕

第十五齣 被盜

〔憶秦娥〕〔老旦上〕空攏暗。何時得享門楣蔭。門楣蔭。看看望斷。飄蓬忒甚。〔旦

上〕高堂日侍興和寢。婦功時自勤織紝。勤織紝。中秋節屆。寒食當任。母親萬

福。〔老旦〕孩兒到來。〔旦〕且喜母親貴體痊安。只是愁眉不展。今夜中秋佳節。請母親閒步玩月。以

遣悶懷。〔同步介老旦〕我的兒。

〔金落索〕你看澄波若漾金。散彩如鋪錦。〔合〕今歲閏卻初秋。到此寒光凜。孤城

擊柝時幾聲砧。刀尺空搖寒女心。〔老旦〕我那女婿的兒。不知此時在何處。愁殺我江間

波浪兼天湧。愁殺我塞上風雲接地陰。情難禁。更無消息到如今。〔同步介旦〕娘。遇

良宵且自開襟。〔合〕看滿地瑤華蔭。〔旦〕

〔前腔〕關山玉笛沈。樓閣冰壺浸。〔同步介合〕驚起棲鳥。遶樹疑還審。想嫦娥竊

藥來悔應深。碧海青天夜夜心。〔旦〕我的娘。你窮途無奈。衰遲恨。苦調休爲長短

吟。〔背介〕愁難禁。那堪時序漸蕭森。〔同步介老旦〕兒。遇良宵且自開襟。〔合〕看滿

地瑤華蔭。〔老旦〕步月已久。和你收拾睡罷。〔旦〕謹依嚴命。〔睡介丑扮時遷上〕梁上稱君子。人間喚小人。雞鳴與狗盜。曾救孟嘗君。自家時遷的便是。雖然是個好漢。只是生來要偷東摸西。今夜中秋之節。人多有喫醉的。趁此時雲遮月暗。且做些買賣。有何不可。這是張百萬家。他們人手多。不要去。這是個鄉宦家。他勢力大。不要惹他。這是賈媽媽家。只有兩個女人在內。正好偷他東西。〔掘牆進介〕雖是布衣服碎破家伙。也是好的。〔放在牆洞內又偷介淨扮李鬼上〕莫把人心比人面。世情宜假不宜真。自家李鬼便是。每日假稱李逵。在山中剪徑爲活。今日回家。要尋些生意。方纔見時遷掘進這家去了。一定有些好處。〔丑打嚏介淨〕他是獨脚賊。我且在洞邊摸一摸看。〔摸出介〕正是賊偷賊物。偷得落得。〔走介丑〕已偷完了。鑽了出去罷。〔出介摸介〕呀。不知那個天殺的。都偷了我的去。我做的人家。倒與你偷麼。一定是李鬼了。趕上前去。〔暗中頭相撞叫捉賊介下二旦醒介老旦〕呀。天將明了。爲何門窗大開在此。〔旦〕呀。衣服家伙。都被賊偷去。如何是好。

〔劉潑帽〕〔老旦哭介〕偷兒直恁情毒甚。哭得我氣衰聲噤。〔旦背介〕恐傷親意偷悲暗。〔合〕何處尋。何處去相拘禁。

〔前腔〕〔旦〕娘親病後宜安寢。怕憂思忿怒相侵。〔老旦〕恐傷兒意休悲暗。〔合前〕卻是何處尋追。何處去拘禁。〔老旦〕我的兒。如今家緣蕩盡。母子無依。聞知武二郎在陽穀縣。未知果否。且去投奔。我和你扮做道姑模樣。一路抄化便了。〔旦悲介〕但憑母親主意。

〔老旦〕秋來相顧又飄蓬。

〔旦〕風景蕭條舊業空。

〔老旦〕屋漏更遭連夜雨。

〔旦〕船遲又被打頭風。

第十六齣 中傷

〔六么令〕〔小丑扮武大上〕鄆哥曾講。我渾家心向情郎。約他同去闖茶坊。捉奸處。定成雙。那時休想咱輕放。那時休想咱輕放。阿呀。有這等事。昨日鄆哥說。那西門慶和我老婆勾搭上了。句句都有指實的。卻怎肯干休。已與鄆哥約了。打聽奸夫進了茶坊。就把籃兒丟在街上。我便去捉奸。□□今日且躲過一邊去。正是假作癡呆漢。權爲懵懂人。〔下小旦上〕

〔玉抱肚〕喬才虛謊。好教奴心中暗傷。料應他別戀歌樓。這時節。還不到茶坊。〔淨上〕心慌路遠脚兒忙。一日如同隔幾霜。娘子拜揖。〔小旦不回禮打淨掌介淨跪介〕

小旦〕你這薄倖的賊。昨夜中秋。想又在東街張惜惜家醉了。今日這等來遲。〔淨〕今日有新到廣東客人。說道來賣生藥。等得他久了。小人若是說謊。生個碗大的疔瘡。〔小旦扯起介〕既如此。裏面去說話罷。一日如同隔幾霜。〔攜手下外扮客人上〕

〔前腔〕來從東廣。把藥材到陽穀販行。今日裏約定成交。被他人偶爾相妨。自家廣東生藥客人是也。西門大官要買我藥材。今日來得遲了。他鋪裏人說在紫石街王婆店坐地。〔叫介〕王媽媽。西門大官人在此麼。〔內應介〕十來日不曾來了。〔外〕想他是個富豪郎。只在章臺楊柳傍。〔下小丑內叫介〕老咬蟲打得我好。〔丟籃介〕小丑扮武大急上〕

〔六么令〕鄆哥攔擋。老虔婆怎做隄防。我今便去打茶坊。〔丑內叫介〕大娘子。武大來了。〔淨小旦急上拴門介〕小丑推不開怒介〕呀。門拴住。忿難當。〔淨輕開門踢倒小丑介〕淨〕這回打破漫天網。這回打破漫天網。〔下小丑〕阿呀。不好了。不好了。踢了我的小肚子。踢出許多跔踏來了。〔小旦扶小丑介〕怎麼說。〔小丑〕矮子肚裏跔踏多。怎麼不踢了些出來。快扶我進去。噯。做得好事。做得好事。〔扶下小旦丑復上小旦〕乾娘。如今怎麼好。〔丑〕你們要做短夫妻。且將

息好了武大。與他陪了話。從今便散了夥。若要做長夫妻。娘子去贖一帖心疼藥來。大官人鋪裏取些毒藥。下在裏面。

〔玉抱肚〕送了這腌臢魍魎。一把火與他送喪。〔小旦〕武二回來怎麼處。〔丑〕那時節武二回來。沒蹤跡怎生無狀。〔小旦〕好計好計。〔合〕管教他地久與天長。免得明來夜去忙。

〔小旦〕半世關情恨有餘。

從今眉鎖定應舒。

〔丑〕不施萬丈深潭計。

怎得驪龍領下珠。

第十七齣 悼亡

〔山坡羊〕〔生上路行介〕遠迢迢他鄉傳信。慢悠悠英雄自哂。望巴巴到吾兄宅前。急急煎煎欲把平安問。今日門開在此。徑進去罷。〔進門看介〕呀。怎麼到供個靈位。寫着亡夫武大郎之位。敢是我眼乍昏。夢魂中認不真。待我喚嫂嫂出來問他。嫂嫂。武二回來了。〔小旦在內應介〕叔叔少坐。奴家就來也。〔生〕呀。緣何應了行不上。早難道叔嫂之間。不

當通問。〔小旦暗上解紅裙將白帕包頭擦眼介〕生靠靈位哭介。我那哥哥。不信你真個死了。自喪了雙親。骨肉相看只兩人。你做了亡魂。我形影相依只一身。〔小旦哭介〕我的天。你那裏去了。我的天。只見你送兄弟。不見你接兄弟了。〔生〕嫂嫂且住了哭。我哥哥幾時死的。得什麼病症。喫誰的藥來。〔小旦〕自從你去二旬餘。偶患心疼不得除。問卜求醫俱不效。一朝身死痛如何。撇得我好苦。〔生〕我哥哥不會有這心疼病。怎麼就死了。〔丑婆急上〕都頭。天有不測風雲。人有旦夕禍福。那個保得長沒事的。〔生〕如今葬在那裏。〔小旦〕沒處尋墳地。三日後送出去燒化了。〔丑〕大娘子越說越苦。進去了罷。〔小旦〕我的天。你那裏去了。〔丑扶下生〕士兵那裏。〔小生上〕成人不自在。自在不成人。都頭有何分付。〔生〕你去買些酒肴香燭之類。我就與哥哥做碗羹飯。〔小生〕理會得。〔虛下即上〕怕聽高聲哭。他人也斷腸。羹飯都完備了。請都頭行禮。〔生哭拜介〕我那哥哥。〔前腔〕想我去匆匆程途忙奔。見你哭哀哀別離未忍。誰想生擦擦連枝鋸開。哀嚶嚶雙雁驚分陣。我那哥哥。你是軟弱人。只恐啣冤死未伸。若還果有終天恨。便在夢裏鳴冤。我去報仇雪忿。〔想介〕方纔王婆的說話。雖云旦夕之間禍福分。卻又可怪。

何因。三日之間便火葬身。〔內打三鼓〕呀。不覺已是三更了。士兵。你且收了去。就跟我在靈位

前睡罷。〔小生應介〕一滴階前酒。何曾到九泉。〔下生睡介小丑妝鬼哭上〕兄弟。我死得好苦。〔生跳起看介〕呀。方纔似夢非夢。分明是我哥哥訴冤。這一死決不明白。

〔賞宮花〕欲待來朝廣詢。〔速打四更介〕願樵樓更漏頻。秋夜偏長永。怨氣共氤

氲。〔打五更介〕好了。天將明了。只說夜眠清早起。誰知我是不眠人。嫂嫂。且問你哥哥的棺木是誰買的。〔小旦內云〕央王乾娘買的。〔生〕誰擡出去的。〔小旦內云〕就是團頭何九叔。〔生〕既如此。我自有主意。〔行介〕轉彎抹角。此間就是何九叔在家麼。〔末上〕

〔前腔〕誰來款門。〔對揖介末〕感都頭不棄貧。〔生扯住介〕你且實說。我哥哥屍首是怎的

模樣。我便饒你。〔末〕都頭。待我進去。取件東西出來。〔廬下復上〕這是中毒的正見。幾塊酥黑骨。〔生哭介〕可傷。〔末〕這是西門慶與小人的。〔生〕是有一個西門慶。〔末〕十兩雪花銀。只此便

是實情了。都頭。得放手時須放手。得饒人處且饒人。〔生〕你只說奸夫是誰。〔末〕這個不知。只聞得武大郎曾和鄆哥去捉奸。只問鄆哥就是。〔生〕你同我去尋那鄆哥。〔末〕當得鄆哥在

家麼。〔小丑上揖介小丑〕

〔前腔〕都頭屈尊。我先猜八九分。只一件。我親老誰供贍。怎好離家門。〔生〕好兄弟。我把五兩銀子與你安家。〔付介小丑〕如今就跟你去做證見。告那西門慶便了。〔生〕元來奸夫是西門慶。〔小丑〕世上本無難做事。常言只怕有心人。

〔前腔〕〔生〕相煩你們。〔扯二人同走介〕到官司訴此因。呀。本縣老爹退堂了。只得同回去。明日再評論。願把劍誅無義漢。〔對揖介〕還將金贈有恩人。

〔生〕不是冤家不聚頭。
〔末〕干人何事網羅求。

〔小丑〕來朝更有新條在。
〔合〕惱亂春風卒未休。

第十八齣 雪恨

〔小旦上〕下人得志逞英豪。走到衙門不值毫。〔丑上〕撐駕小船歸大海。這回不怕浪頭高。〔見介丑〕娘子。今早武二往本縣告狀。且喜縣裏不准。如今請我和衆鄰舍喫酒。看他怎麼說。〔小旦〕既告不准。今後再沒有話說了。〔生帶劍在內穿布衣上〕

〔南粉蝶兒〕一片熱心。且把冷氣虛情酬禮。呀。王婆嫂嫂拜揖。〔丑〕都頭萬福。〔小旦〕叔叔萬福。〔生〕嫂嫂。你在這裏陪王婆坐地。〔請小旦對丑坐介〕我去就來。列位高親有請。〔外扮老兒與小生末同上〕荷相招設席銜杯。撥窮忙。辭別冗。翻成高會。〔見生與丑小旦介老旦小丑扮士兵上衆合〕常言道遠親戚不如近邊鄰里。〔生扯小生介〕姚二哥。你在王媽媽肩下坐了。〔扯外介〕趙四老。你老人家在我嫂嫂肩下坐罷。〔扯末介〕胡押司。你在姚二哥肩下坐了。〔生與外丑坐介生〕你把前後門關了。快來斟酒。〔老旦小丑〕理會得。〔生〕列位高鄰在上。今日三杯酒。休將作等閒。雖然相答謝。不爲解愁煩。胡押司。勞你從頭寫。〔末〕當得。〔生〕姚二哥。趙四老。憑伊證佐着。〔外小生〕當得。〔生脫衣介〕冤家非路窄。天理有循環。〔老旦小丑急先下衆鄰驚介生拔劍指王婆介〕

〔尾犯序〕今日是冤債到頭日。老咬蟲。且從容與伊說個詳悉。〔對小旦〕賊淫婦。你把吾兄卻便如何謀死。〔小旦〕叔叔恁你冤誰。伊兄死爲心疼病急。與奴家沒些三首尾。〔小旦哭介丑合〕夫和婦。似同林宿鳥。限到兩分飛。

〔前腔〕〔生〕從伊假痛與佯悲。也難饒徹地滔天之罪。〔指丑介〕老豬狗。快把真情一一向前說起。〔丑〕咨啓。怎消得都頭怒叱。容老妾將情訴知。〔生對末介〕真和僞。煩伊盡寫休得有差池。〔末手戰介〕小人細細都寫就是。

〔前腔〕〔外末小生〕王婆。你你何必只恁推。試從頭實說。倘得饒伊。〔生〕你不招時。看我把淫婦凌遲。〔扯倒小旦把劍在他面上磨介小旦〕叔叔。你停威。非是我生心故爲。放我起來說。〔生〕且跪在靈位前說。〔小旦指丑介〕都是你教唆到底。〔俯伏介丑背介〕成和敗。總是蕭何做出今日怎支持。

〔前腔〕〔生〕淫婦。你從實訴口詞。莫藏頭換尾展轉那移。〔小旦跪指丑介〕是他哄我成衣。便入馬偷期。〔生〕旣偷情了。又是誰造意謀死我哥哥。〔小旦指丑介〕也是他撥置。

〔丑〕都推在我身上。〔小旦〕踢傷後口。只說藥醫。教我把毒藥將他灌死。〔生扯丑介〕你還不跪下。〔生對靈座介〕哥哥魂靈不遠。今日二郎與你報仇雪恨。兄和弟。人間地底。恩義兩無虧。〔做殺小旦介外末小生驚跌介生〕士兵。綁了這老豬狗。列位高鄰少坐。我去殺了好夫就

來也。〔暫下老旦小丑綁丑介外末小生合〕

〔駐雲飛〕王婆。你討得多少便宜。着甚來由惹禍危。〔丑〕罷。都是牽頭罪。今日搥胸悔。〔老旦〕吓。〔小丑〕是你老奸賊。害了三人做鬼。便把一命償他。還是便宜你。〔丑

拜衆介〕伏願恩官替解圍。〔拜天介〕還願龍天與護持。〔生提兩人頭上〕

〔前腔〕白刃輕揮。心事還應白日知。〔見衆介衆驚介生〕列位高鄰。這是西門慶的首級。

纔正好淫罪。纔吐男兒氣。〔外末小生〕噫冤報不差池。似簷前滴水。〔丑指人頭介〕看

他結髮相聯。〔拜生介〕不干我牽頭事。〔生〕哇。快口強辭任你爲。送到公庭你悔

後遲。士兵。你押這老豬狗縣前去。待我把兩顆頭祭獻哥哥一番。燒化了靈座。隨後就來。〔老旦小

丑〕是如此。〔丑叫介〕做馬百六的看樣。〔下生放人頭在桌下介外末小生〕我們也拜一拜。〔與

生同拜介合〕

〔鷓鴣天〕一劍分明慰旅魂。休將修短問乾坤。堪憐獨自成千古。但見依然舊四鄰。〔衆下生〕我那哥哥。你隨逝水。散愁雲。我翻□雪忿重傷神。淒涼滿目無窮恨。

慟哭秋原聞不聞。〔提人頭下〕

第十九齣 薄罰

〔賀聖朝〕〔外上〕十年淡飯黃齋。半生錦□□□。男兒五馬貴應稀。把清慎堅持。秩視古諸侯。君恩深未酬。雖云齊地薄。猶喜歲多收。下官東平郡守陳文昭是也。今早陞堂理事。叫左右的把投文牌擡出去。〔淨老旦應介小生扮皂上〕投文人告進。〔淨〕進來。〔小生遞文介〕小的
是陽穀縣遞公文的。解一起犯人在外。〔外看介〕我已知道了。都帶進來。〔小生〕嘎。〔□□□□末丑小丑同上〕

〔前腔〕〔生〕□蒙賢宰提攜。未知本府從違。〔末小丑〕干□何事苦奔馳。〔丑〕怕明鏡難欺。〔小生〕犯人當面。〔外〕武松。〔生〕有。〔外〕何九。〔末〕有。〔外〕鄆哥。〔小丑〕有。〔外〕王婆。〔丑〕不在這裏。〔執問介〕怎麼說。〔丑〕身子在這裏。魂靈不在這裏。〔外〕都帶過一邊去。喚那武松上來。你從實供招。不要隱諱。〔生〕老爹。

〔玉交枝〕我情願殺身成義。既殺人如何諱得。這事情呵。都是王婆撥置奸淫輩。將

兄藥死焚屍。〔外〕屍既焚了。有何憑據。〔生遞物介〕老爹。請看贓物與骨殖。團頭何九堪質對。況生前捉姦是實。鄆哥兒悉知就裏。〔外〕那鄆哥怎麼說。

〔前腔〕〔小丑〕小人呵。曾與王婆嘔氣。恨他們包藏禍機。我報知武大翻貽累。被奸夫踢倒昏迷。小人此時就跑了去。以後都不知了。〔外〕那何九怎麼說。〔末〕小人那時欲殮屍。西門慶買囑求遮庇。驗亡屍遭毒是實。這骨頭如何昧得。〔外〕帶那王婆上來。先

打二十板。慢慢問他。〔淨老旦打介外〕你招也不招。

〔前腔〕〔丑〕自家得罪。到頭來還欲賴誰。想從前原是不吉利。〔外〕怎麼說。〔丑〕把

送終衣服爲媒。〔扯淨介〕老爹。西門慶是他妝做的。〔扯小丑介〕武大郎不死還搬

戲。〔外〕都是胡說。把這老賤人先下在死囚牢裏聽候處決。〔淨老旦應介丑〕謝青天把王婆

斷訖。且到戲房中別作道理。〔押下外〕何九鄆哥都發回本縣寧家。〔末小丑叩頭介〕謝老

爹。〔下外〕武松過來。

〔前腔〕看你英風高義。本待欲全然恕伊。況伊自首當除罪。但事關人命難悔。

今依縣家原問的。做你是祭獻亡兄。有嫂前來趕逐。以致死于鬪毆。又有奸夫護嫂因誅死。據明條當杖脊四十。這個且饒你罷。還要刺雙頰。遐方配你。我這等問了。你意下何如。〔生〕老爹饒了小人死罪。這活罪怎敢討饒。但憑聽斷便了。〔外〕今日就差解子張千。〔小丑應上外〕解你到孟州牢城去。我這裏一面申文省院。待有明條下來。就把王婆處決。決不輕恕了他。你放心去便了。〔生〕多謝老爺作主。生死不忘。

〔外〕任你人心似鐵。

〔二皂〕須知官法如爐。

〔生〕惟有感恩積恨。

〔小丑〕萬年千載難磨。

第二十齣 止觀

〔普賢歌〕〔丑扮少年婦人上〕老娘不是善人家。我父呼爲山夜叉。本非花木瓜。笑他井底蛙。十字坡頭我獨霸。奴奴叫做孫二。卻有殺人手藝。嫁得好個丈夫。張青是他名字。出去剪徑未回。老娘在家管事。但有過路客商。請他家中坐地。若無蒙汗藥酒。教我老娘喫屁。今日開張店面。看有什麼人來。正是饒你好似鬼。也喫老娘洗脚水。〔下老旦上〕

〔十一時〕身世誰憐念。嘆母子客途拋閃。〔旦上〕步履趑趄。容顏羞忝。〔合〕只恐程途裏猜嫌。扮作道姑遮掩。〔老旦〕我的兒。和你千辛萬苦。到得陽穀縣。誰想武二郎又做

出這等事來。這是仗義之事。你我也不要怨他。聞他先行得一日。我們往前趕去便了。〔旦〕母親。只是若真鞋弓襪小。怎麼纔行得上。〔老旦〕我扶着你走罷。〔行介〕

〔黃鶯兒〕〔旦〕秋雨正霏霏。被金風將朔氣添。〔老旦〕呀。霎時間下起雪來了。暮寒釀出冰花豔。〔旦〕不學楊花撲簾。〔老旦〕卻似空中撒鹽。〔合〕等閒卻把關河占。悶懨懨。何時苦盡。有日也回甜。

〔前腔〕〔老旦〕雨雪又相兼。把衣裝取次霑。〔旦〕娘。這會兒風越大了。傘兒卻被風招颭。〔老旦〕損春葱玉纖。〔旦〕蹙春山翠尖。〔合〕旅愁都把柔腸占。呀。好了。望茅簷。前村近也。籬外有青帘。〔丑上〕

〔簇御林〕風簷下獨捲簾。笑途人雨雪霑。〔二旦福介〕娘子。我們是行路的。特來投宿。〔丑背介〕這等兩個道姑。身邊有什麼寶貨。不要留他。〔轉身介〕我們是屠戶人家。不敬僧道。別處

去罷。〔老旦〕可憐見老身是尋女婿的。這就是我女兒。〔丑〕既如此。娘行且請來村店。〔背介〕想應他來補我前生欠。〔合〕意謙謙。愁容變喜。賓主兩無嫌。〔丑〕媽媽。你是何方人氏。如今你女婿在那裏。〔老旦〕老身清河縣人。亡夫姓賈。若說我那女婿呵。

〔前腔〕他狂遊去把婚禮淹。〔丑〕原來小娘子還未成親。〔老旦〕爲報兄讎被法鉗。孟州刺配名無玷。只愁我母子供誰贍。因此上出閭閻。〔二旦〕千山萬水不避路途嫌。

〔丑〕這等你的女婿是個義士了。他姓甚名誰。〔老旦〕名喚武松。曾在景陽崗上打虎的。〔丑〕不瞞你說。我夫妻也是江湖上好漢。〔二旦驚介丑〕常聞得武松是個豪傑。既是他的姻眷。且在小店權歇一宵。〔二旦〕多謝了。〔丑〕只是前頭虎狼又多。盜賊生發。此間十里之內。有個清真觀。觀中都是道姑。不若且在此住下。打聽義士消息。意下何如。〔二旦〕如此最好。〔丑〕明日雪消了。就送你去。

〔老旦〕一片花飛故苑空。

〔旦〕隨風飄泊到簾櫳。

〔丑〕有緣千里來相會。

〔合〕無緣對面不相逢。

第二十一齣 論交

〔寶鼎兒〕〔外扮宋江上〕網羅雖幸免。一度回首。一番長嘆。〔小生上〕何處訴高唐
冤狀。〔末上〕休再提滄州公案。〔淨上〕一自被緇來水泊。〔小旦上〕笑殺裙釵規範。

〔小生〕吾乃柴進是也。〔末〕吾乃林冲是也。〔淨〕吾乃花和尚是也。〔小旦〕吾乃一丈青是也。〔衆〕
大哥在忠義堂上。上前參見。〔外〕願歲歲重陽。兄弟無故。常擎金盞。衆兄弟。我這梁山
泊上。一年兩個節令。〔淨〕那兩個節令。〔外〕可是清明三月三。重陽九月九。今日重陽佳節。有家的
探家。無家的在山賞紅葉黃花。〔衆〕得令。〔外〕叫嚶囉。〔老旦旦應上外〕酒席完備未曾。〔旦老旦〕
完備了。〔小生〕看酒來。〔末淨小旦同遞酒與外介〕

〔錦堂月〕〔小生〕黃菊初繁。〔末〕清樽正滿。〔衆合〕秋來暢懷無限。落帽粗豪。誰
言未若龍山。愛疎林雨後丹楓。想故園霜前白雁。〔合〕時難挽。願取黃榜招安。
爲國除患。

〔前腔〕〔淨小旦〕大哥。我凶悍。寶劍生寒。雕弓恨軟。料誰堪採菊憑欄。士飽秋高。
旄頭夜夜羞看。大哥。爲功名千里雲從。若困守萬夫星散。〔合前〕

〔醉翁子〕〔外〕早晚須有日天開隻眼。把我等冤情盡翻成案。〔衆〕休嘆且豔舞
嬌歌。隨意金風玉露寒。開宴處。〔合〕看秋夜漫漫。甚時方旦。〔丑扮小校上〕報報報。
水亭上朱頭領號箭射來。說打虎的武都頭求見。〔外〕快請。〔生囚服小丑跟上〕

〔前腔〕〔生〕難按。一片心要結交好漢。〔外小生〕武都頭在那裏。〔生〕宋公明柴大哥在那
裏。〔見衆介拜介生〕一班兒英雄豪傑。總多磨難。〔衆〕心懶算古往今來。直道
誰非行路難。〔遞酒介〕堪歎處。似秋夜漫漫。甚時方旦。〔外小生〕請問都頭。爲何得此
罪犯。

〔僥僥令〕〔生〕爲兄讎兵不反。〔小丑合〕官法案難翻。肯把百鍊鋼腸彈珠淚。匣
底看金刀血未乾。

〔前腔〕〔衆〕你浮萍千里泛。〔旦〕棲息一枝安。〔生〕念取雨露恩波應不盡。有日
看刀開明月環。〔外〕既如此。我們也不敢強留了。你如今配往那裏去。〔生〕往孟州去。〔外〕孟州
有一少年。喚做金眼彪施恩。吾聞其名久矣。今夜修書一封。明日都頭帶去。萬一彼處住得不穩便。

與施恩同來聚義如何。〔生〕倘得天恩大赦。自有還鄉拜訪之日。只是久聞哥哥大名。纔得一會。又與柴大哥相別日久。明早就要分手前去。如何是好。

〔尾聲〕人生聚散皆虛幻。〔衆〕嘆此會明年誰健。把茱萸醉裏頻看。

〔生〕分飛休嘆明朝。

〔外末〕勸賞且同今夕。

〔淨旦〕多多助與盤纏。

〔小丑〕添與公差氣力。〔同下〕

第二十一齣 失霸

〔丑上〕新鷹初放兔初肥。卽是關河朔雁飛。人世難逢開口笑。菊花須插滿頭歸。自家是施小管營手下一個火家。我們小管營開得好座酒店。真個是店如星布。酒不雷同。卿相解金貂。不羨長安市上。神仙留玉珮。休誇黃鶴樓中。善助詩人錦繡腸。能添壯士英雄膽。糟皮落水。遊魚知味成龍。酒氣薰天。飛鳥聞香化鳳。劉伶問道誰家好。李白回言此處高。道猶未了。小管營早到。

〔七娘子〕〔小生〕英姿俊骨誇身世。少年時方逞狂遊。閒繫青驄。醉偎紅袖。從來不把眉兒皺。施恩是我姓和名。我父中城做管營。快活林中稱地虎。安平寨內養家丁。自家從

幼學得些鎗棒。孟州人題我一個諱名。叫做金眼彪。東門外有個快活林。山東河北客人都來做買賣。有許多大酒店大賭坊。自家領着百十個囚徒。開一個酒肉店。但有過路妓女。先來參見了。然後許他趕座頭。叫小廝。〔末上應〕有。〔小生〕喚兩個妓女答應。〔末〕理會得。妓女們走動。〔小旦上〕舞愛前溪綠。歌憐子夜長。〔小丑上〕翠眉縈曲度。雲鬢儼分行。〔見末介末〕大爺喚你快去。〔小旦小丑〕大爺叩頭。〔小生〕起來。小廝們看酒。〔末〕有酒。〔小旦小丑遞酒介〕

〔朱奴兒〕裝百寶真珠臂鞦。看宮錦舞罷纏頭。花擁絃歌人倚樓。料斷送一生惟酒。〔小生合〕歡情湊。又何物是愁。天大事權落後。〔淨醉上〕

〔前腔〕我近來從潞州。張團練是我交游。聞得快活林中多粉頭。尋一個前來行酒。〔撞進見介扯小丑〕你來。你來。勞生受權分個座頭。休只把磚兒厚。〔小生〕叫小廝。打這野狗出去。〔淨〕打誰。〔打倒末介小生〕你來。我和你比個手段。〔淨〕爹正要尋你哩。〔脫衣打介〕

〔四邊靜〕〔小生〕你們直恁不卽溜。卻來討儻懣。大膽步難行。自作自家受。〔淨

〔合〕風塵邂逅。龍爭虎鬪。眼下決雌雄。筵前便承受。

〔前腔〕〔淨〕強中自有強中手。你還不見機走。讓了快活林。殘生尙能救。〔小生

合前打倒小生介淨踏住介〕實對你說。爹就是本營張團練的好友蔣門神。爹的鎗棒拳脚。天下無雙。你快快搬了去。把這一方的買賣都讓與爹。就饒了你。〔小生〕大丈夫保身爲重。罷。我讓與你了。〔淨〕既如此。放你去。〔放介末扶介淨〕爹好灑落。〔對小旦〕你元去接客。〔對小丑介〕你就做爹的小娘子罷。〔小丑〕我跟了不要這等拳頭練練哩便好。〔淨〕哇。〔小旦〕正是笑啼俱不敢。〔小丑〕方信做人難。〔淨〕既肯甘心讓。還將善眼看。〔俱下小生弔場上〕

〔朝天子〕噯。討得個還將善眼看。今日回家去有甚顏。〔要走介〕我再和那廝打一頓。猛拚此去不生還。〔末扯介〕大爺。免摧殘。從今努力加餐。要復讎也不難。〔小生合〕要復讎也不難。

〔末〕勝負兵家不可期。

包羞忍恥是男兒。

〔小生〕常將冷眼觀螃蟹。

看你橫行到幾時。

第二十二齣 釋義

〔卜算子〕〔生上〕命蹇遭折挫。甚日能安妥。〔小丑〕前面看看十字坡。尋個寬閒坐。〔生〕和你起了個五更。有些饑了。且到客店裏喫些酒飯。少敵寒色。〔小丑〕正是。店主人有麼。〔丑婆子〕來了。造成春夏秋冬酒。醉倒東西南北人。〔問介〕客官打多少酒。〔生〕酒只顧盪來。肉便切三五斤。好包子要二三十個。〔丑叫〕小二。酒多盪些來。肉要三五斤。包子要二三十個。〔淨上送下飯生拍開包子介〕大娘子。這包子敢是人肉的。〔丑〕客官不要取笑。清平世界。那裏有人肉饅頭。〔小丑〕都頭。我們又饑又寒。好歹且喫他一頓。不要疑心。〔生〕你不曉得。江湖上人常道。孟州十字坡。誰敢輒經過。

〔桂枝香〕只怕經過惹禍。寧擔饑餓。瘦的把去填河。肥者做饅頭包裹。〔丑〕這客官掉謊。客官掉謊。天來般大。〔小丑〕我口邊流唾。快盪酒來麼。〔丑付酒介〕杯中綠蟻頻斟滿。客官在此安歇罷。你看窗外青山薄暮多。〔生背云〕這婦人不懷好意了。待我試他一試。大娘子。這酒淡薄。換些好的來。〔丑〕還有好酒。只是渾些。待我取來。〔下〕

〔前腔〕〔生背云〕機關識破。看他如何藥我。〔丑持酒上背介〕這賊徒要渾酒來嘗。當是老娘行貨。客官酒熱在此了。〔小丑〕且斟來解渴。斟來解渴。〔飲介生〕大娘子。我喫不得餓酒。再取點心幾個。〔丑〕只怕你難存難坐。〔虛下生潑酒在地介丑暗上拍手介〕倒也。倒也。〔小丑跌倒介生〕呀。卻被醉魂魔。〔倒介丑〕賊配軍。你說得好。我把你肥的且做饅頭餛。瘦者填平坡下河。小二快來。〔淨上〕來了。這個瘦蠻子只好做水牛肉賣。〔背下小丑丑〕這個大漢倒好做黃牛肉賣。待老娘親自動手。〔提生介生扯住按丑在地介〕

〔不是路〕〔生〕潑賤虔婆。〔淨上亂跑介生捏拳介〕你要在太歲當頭動土麼。〔末急上〕好漢權饒過。其間就裏話兒多。〔淨〕好了。救星到了。〔下末〕願聞你大名呵。〔生〕陽穀縣都頭武二。須知是我。〔末〕莫不是打虎英雄武大哥。〔生〕虛名播。〔末〕如雷貫耳威風大。〔揖介生放丑介末〕偶逢堪賀。偶逢堪賀。這婦人就是小人的渾家。不知怎的觸犯了都頭。望乞恕罪。〔生〕看你夫妻兩個。也非等閒之人。願聞姓名則個。〔末〕都頭且坐。待小人稟告。

〔皂角兒〕念張青初來此坡。劫掠些單身客貨。遇一人年衰鬢皤。卻和他鬪力

不過〔生〕這是誰。〔末〕這老兒元是綠林中有名的山夜叉孫元。他的女兒喚做母夜叉。他見咱手兒活。年方少。領歸家。招贅了。還住山阿。〔丑合〕但見客商包裹。便張網羅。恰纔的後來誰能猜破。〔末〕我渾家有眼不識泰山。卻怎生起這片心來。

〔前腔〕〔生〕見娘行把衣裝打賸。我心中已先識破。把濁醪輕輕暗潑。卻疑咱把他謀墮。因此上屈弓腰。舒猿臂。要降龍。思伏虎。沒奈咱何。偶然推挫。無勞譴訶。幸相逢。〔與末丑對拜介〕願容結義。做嫂嫂哥哥。〔丑〕呀。我到忘了。兩日前嬸嬸賈氏。跟着他母親來投奔叔叔。也到小店。問卻緣由。送在左邊清真觀住下。如今可往觀中一會麼。〔生〕武二若遇大赦。不久就得還鄉。那時卻取他同去。如今既有兄嫂在此看顧。武二也放心得下了。不去看罷。〔末〕兄弟這等脫灑。豈不是個豪傑。我且問你。

〔前腔〕〔末丑〕女娘們已先從此過。你緣何途中相左。〔生〕上梁山見公明大哥。往來間路途相蹉。〔末丑〕既然是到梁山。歸水寨。入龍潭。探虎穴。怎不操戈。〔生〕我幾年坎坷。安心受他。怎教咱半生清白。一念差訛。〔末〕既如此。此間有個二龍山。

也有許多好漢在內。不如殺了解子。領取家屬。我們一同上山罷。〔生〕說那裏話。快與我救醒解子。明早就投孟州牢城去。〔丑〕叔叔立意如此。只得從命。

〔生〕十載談兵運未通。

青春已過亂離中。

〔末〕一葉浮萍歸大海。

〔丑〕人從何處不相逢。

第二十四齣 締盟

〔生查子〕〔外上〕一命老青袍。也是蒙恩造。〔小生包頭絡手上〕天地有窮時。此恨何時了。〔外〕孩兒。我在此做管營。誰敢欺了你。沒來由要去爭強。卻被蔣門神這廝打傷了。他是張

團練門下人。難與他理論。只得忍氣罷了。〔小生〕父親。孩兒死也要出這口氣。聞得昨日解到囚徒武松。是個仗義的好漢。不在蔣門神之下。今日父親喚他來見。父親做歹。孩兒做好。饒了他這一百殺威棒。再把好意結納了他。那時用他去報仇。未爲遲也。〔外〕這也有理。叫牢子。帶那武松過來。

〔淨小旦應介生上〕

〔宜春令〕身雖辱。氣自高。自不曾求人恕饒。衆人說我沒有見面錢送與管營。一定要擺

佈我。如今看他怎麼。〔淨小旦〕武松當面。〔外〕你那囚徒曉得麼。舊例但有新到配軍。先打你一頓。殺威棒。牢子拿下去。〔生〕據稱舊例。任從要打咱多少。〔外〕這是國法。〔生〕既然是國法難寬。牢子們。你休得把人情賣了。〔外怒介〕快將他拖翻階下。與咱嚴拷。〔淨小旦應介小生〕且不要動手。

〔前腔〕父親。他言顛倒。容悴憔悴。料應他途中病着。〔外〕武松。憐你奔波潦倒。把殺威制棒權停了。〔生〕寄下時割肚牽腸。倒不若當時消繳。〔外笑介〕聽他胡言亂語。果是病軀狂躁。牢子們且出去。留這武松在此答應罷。〔淨小旦〕嘎。〔淨背介〕這等一個管營。見善欺逢硬住的。〔小旦〕正是。〔淨〕今後若要打我。也拿一個不怕與他使一使。〔下小生扶介〕義士請起。這裏不好說話。請到後邊亭子上去。〔行介外〕義士。既是小兒如此敬你。請受他四拜。拜爲長兄。意下如何。〔生〕小人年幼無能。況是囚犯。怎麼敢受小管營的拜。〔外〕說那裏話。〔生與小生對拜介〕

〔前腔〕〔生〕蒙優待。願做刎頸交。若用咱時決不憚勞。〔外〕只爲欲將讎報。幸逢義

士先結好。〔生〕不知小管營有甚讎恨。〔小生〕今日裏未敢明言。待兄長把病軀醫療。

〔生怒介〕噯。笑伊把婦人女子。比咱輕巧。你若不說。我就拜還了你四拜。從今絕交了。

〔前腔〕〔小生〕哥哥。我羞難忍。恨怎消。此處東門外有個快活林。乃客商聚集之所。往常間咱稱勢豪。忽逢惡曜。被蔣門神毒打強奪了。〔哭介外合〕如今兜着手包着頭兒。都爲那傷痕難療。〔生〕聽伊說知就裏。頓然焦躁。〔走介〕待我就去打這廝。〔小生扯介〕哥哥。今日晚了。明早和你同去罷。〔生〕這也使得。只是我

落日心猶壯。

〔小生〕高談病欲蘇。

〔生〕恨小非君子。

〔合〕無毒不丈夫。〔同下〕

第二十五齣 取威

〔淨笑上〕〔西江月〕一自施恩打倒。一方讓我爲尊。一姑酒店一紅裙。一世無愁無悶。一睡起來响午。一天瑞雪繽紛。一壺家釀醉醺醺。一步不知遠近。自家蔣門神便是。今日雪天無事。留着小娘子在店中看管。步到前村債戶人家去喫他一醉。有何不可。小娘子。〔內小丑應介淨〕我去去就來。

你不要與人耍笑。〔小丑內云〕你這等一個利害的。誰敢和我耍笑。〔淨〕說得有理。出得門來。好一天大雪。待我做雪詩一首。浙浙索索往下竦。瓦稜兒裏好去捧呀。後二句來不得了。〔想介內作狗吠介〕有了。黑狗身上白。白狗身上腫。〔笑介〕好一個腫字。詩已做完。往前去罷。正是酒債還如錢債廣。詩才可比將才高。〔下〕

〔燕歸梁〕〔生〕纔見彤雲四野排。大雪已盈街。〔小生〕定應雪恥中心懷。踏雪去。醉歸來。〔揖介生〕兄弟。今日出城去打蔣門神。只還我無三不過望便了。〔小生〕哥哥。怎麼是無三不過望。〔生〕但遇一個酒店。就喫三碗。若無三碗。便不過望子去。〔小生〕東門外到快活林。有十二三個酒店。哥哥若喫了三十七八碗酒。只怕醉了。有誤大事。〔生〕你不知道。我有一分酒。增一分力氣。若不是酒醉。怎麼打得這隻大蟲。〔小生〕小弟卻不知哥哥是這般的小廝們。〔末小旦應上小生〕你們擡着酒肴。我和都頭慢慢喫將去。〔末小旦〕理會得。〔衆行介生〕兄弟。

〔泣顏回〕我和你對酒共開懷。此景尋常難買。〔衆合〕看瓊枝玉樹。偏將凍蕊爭開。〔小生〕哥哥。這雪好似蔣門神。漫天蔽野。平白的占了人疆和界。〔末小旦〕已到一個

酒店了。〔小生〕看酒來。〔遞與生飲介衆行〕有一日臘盡春回。被東君笑殺狂乖。〔小生〕這也是村醪小店。哥哥喫酒麼。

〔前腔〕〔生〕斟來。安問好和歪。但聞是酒須篩。〔飲介行介衆合〕人生不飲。似青山容易頭白。〔生〕兄弟。這雪又比你我一般。歲寒友誰論。心胸潔白無纖芥。〔小生〕哥哥。遠

望見那林子。就是快活林。那十字路口酒店。是這斷強占的了。〔生〕既如此。待我再喫三碗。你和小
斷別處躲罷。〔小生〕是如此。〔生飲介〕如此勾了。今家僮不必攜壺。〔小生別介〕哥哥小心
在意。莫教他恥笑吾儕。〔小生末小旦俱下生〕迤邐行來。已有六七分酒意了。且妝做十分
醉的闖將去。〔看介〕遠遠見一個大漢。在妓女門首走來走去。一定是蔣門神了。我且到他店裏去。
呀。有一個年少婦人在裏面。待我叫一聲。大娘子。買酒的在這裏。〔小丑上〕醉裏乾坤大。壺中日月
長。那一個叫老娘。來了。客官要多少酒。〔生〕先打些來嘗看。〔小丑〕酒保。打些酒來客官嘗。〔丑上〕
來了。酒在此。客官你嘗。〔生飲介〕不好。換來。〔丑換介生飲介〕也不好。快換來。便饒你打。〔小丑〕這
斷醉了。倒來這裏消遣老娘。〔丑〕眼見得是個外路蠻子。胡亂打發他去罷。〔生〕哇。你罵誰。〔打二

丑介末外俱上跪救生亂打介

〔太平令〕堪笑奴儕。直恁癡愚惹禍災。教人氣忿如何耐。〔二丑末外俱走下生〕這一頓暢胸懷。那廝們必然去報蔣門神去了。待我候將去。雪地上打到他。教衆人笑一場。〔行介淨急上〕

〔前腔〕那個殺才。卻向爹行惹禍災。〔見介生將兩拳在淨面上一影生急走淨趕介〕如何未打伊先敗。〔生轉身踢一脚介〕正要你趕將來。〔淨蹲介生又踢一脚淨倒叫痛介生打介〕

〔撲燈蛾〕腌臢乞丐流。輒敢恁無賴。〔淨〕好漢饒我性命。〔生〕若要保殘生。須是守咱三戒也。〔淨〕休說三戒。便是三萬三千三百三十戒也依你。〔生〕一要交還原主。〔淨〕依得。〔生〕二要與施家陪禮大鋪排。〔淨〕依得。〔生〕三要你讓孟州疆界。〔淨〕小人都依就是。〔生〕若把言詞改。就把景陽岡虎做招牌。〔淨〕元來是打虎的武都頭。我的爺爺。你早說要我小娘子也領了去。〔生〕哇。誰要你的。〔小生末上〕

〔前腔〕你熱心抱不平。到處除民害。〔生放淨介〕今日且姑容。明日若伊還在也。那時休怪。你去快活林準備葬屍骸。〔淨〕小人交還了店中家火。連夜就去。自恨我當初不揣。〔拜介〕蒙遮蓋。這條生命在死中來。〔下小生揖介〕今日多虧了哥哥。謝不能盡。

〔生〕這般小事。何足掛齒。

〔尾聲〕〔衆〕須知否極還重泰。雪後從前溫暖來。燕喜頻將綺席開。

〔生〕失路笑駑駘。

〔小生〕茲行更不回。

〔衆〕從前作過事。

沒興一齊來。

第二十六齣 再創

〔浪淘沙〕〔小旦扮道姑上〕清淨是家風。守在環中。嬰兒姘女總非功。一卷黃庭常展誦。傳得仙蹤。小道清真觀觀主是也。今日臘月二十五日。乃玉皇下降之辰。本觀啟建道場。

信女們都來瞻禮。不免請出拈香則個。賈媽媽與小娘子陪了孫二娘出來。

〔前腔〕〔丑上〕原不識丁東。跟着師兄。殺人罪業一時空。〔老旦旦上〕幸有孫娘

來倚重。不困途窮。〔見介小旦〕香燭齋供。俱已完備。賈媽媽請與二娘拈香。〔老旦〕是如此。

〔北耍孩兒〕〔丑老旦拜介〕玉皇臨降人間世。將善惡分明察知。願從前罪過總休提。自今冬賜福扶危。二願佳兒佳婿諧連理。三願無是無非得早歸。〔丑〕又願我興家計。堆金積玉。換套穿衣。〔淨上〕時來風送滕王閣。運去雷轟薦福碑。昨日被武松這

廝打壞了。只得躲在清真觀裏養病幾日。再作區處。道姑在那裏。〔小旦〕是那個。〔淨〕蔣爹到此。不來迎接。還問是那個。好打。〔小旦〕小道不知。失迎了。〔淨〕這也罷了。今日爲何這等整齊。〔小旦〕今日是玉皇下降之日。施主們在此拈香。〔淨〕拈一個與爹看。〔小旦〕小娘子過來拈香。〔旦拜介淨〕來同拜。〔丑推介淨將扇打丑介丑〕

〔二煞〕念衰顏在客途。願神天好護持。好人相逢惡人避。〔淨〕小娘子。爹可是好人

麼。〔丑〕啐。〔淨打丑介小旦拜介〕願山門清淨無災咎。檀越皈依解禍危。〔淨〕爹也拜一拜。〔低唱〕只願那冤家離。他天誅地滅我就展眼舒眉。〔丑〕觀主。你領了他母子二人進去。待我打倒這廝。〔小旦〕二娘休要惹禍。〔丑〕不妨事。〔老旦旦〕閉門不管窗前月。〔小旦〕分

付梅花自主張。〔下丑〕你這廝便是蔣門神。敢來攪擾菴觀。你和老娘比比手段麼。〔淨背介〕活晦氣。又是一個來來來。〔丑脫衣上與淨對打介〕

〔二煞〕〔丑〕我是母夜叉。慣喫人。你是假門神。只說鬼。打你個無端調戲良人配。打你個豪強占盡他人產。打你個狐媚公然假虎威。打你個衝齋會。〔淨輸介丑〕今日我與民除害。功德難及。〔淨跪介〕

〔一煞〕告娘行發善心。告娘行容懺悔。娘行持齋作福修行輩。〔丑〕老娘打死了你這賊。就是作福了。〔淨亂跪揖介丑趕打介淨〕從今不敢來喧嚷。自往他鄉去寄食。

〔丑〕你若說謊便怎麼。〔淨跪介〕敢說那牙疼誓。他時遇見打我如泥。

〔煞尾〕〔丑〕既責伏。既責伏。權恕你。權恕你。只今朝疾往他鄉避。休教我這醋鉢兒。大的拳頭再提起。〔下末上〕有福之人人伏侍。無福之人人伏侍人。〔見淨揖介〕張團練老爹差小人請蔣爹到私宅調理。就此去罷。〔淨〕雖然如此。只得含羞而去。今日的事。你且不要說罷。〔末〕理會得。

〔淨〕孟州人忒欺生。

夜叉打了門神。

〔末〕正是福無雙至。

果然禍不單行。

〔三旦復上小旦〕惡人自有惡人磨。狹路相逢沒奈何。〔老旦〕冷眼覷人煩惱少。〔旦〕熱心閒管是非多。〔老旦〕觀主適纔孫二娘打的是什麼人。〔小旦〕我已不認得他。他自稱爲蔣爹。適纔有人說他是本州張團練的好友。他若與張團練說了。必然要難爲我們。〔老旦旦〕這般說。我們在此住不得了。如何是好。〔小旦〕事已如此。說也徒然。只靠着孫二娘夫妻兩口便了。

〔梧葉兒〕我想孫娘處誼非疎。況張青是偉丈夫。〔老旦旦合〕因他攬禍隨他措處。不必憂虞。好歹靠孫張爲地主。〔老旦〕雖然如此。那孫二娘也好沒來由。自古道。退一步行安穩處。耐心坐地喜歡緣。〔小旦〕人人若把心平等。〔合〕世上誰人喫大拳。〔小旦〕你們也不要害怕。〔老旦旦〕全仗觀主護持。〔小旦〕好說。〔下〕

第二十七齣 祕計

〔臨江梅〕〔小丑扮官外扮皂上小丑〕歲暮天寒難早起。午牌方始披衣。故人被難

尙羈縲。欲請他歸。再與謀爲。自家孟州張團練是也。只爲好友蔣門神。被施恩這廝。叫一個

囚徒武松。痛打一頓。是何體面。怎肯干休。方纔有人報說。張都監要來拜我。待他來時。與他商議。則個。〔老旦扮皂跟丑上〕

〔前腔〕〔丑〕賞雪盃盤猶未洗。今朝又見寒梅。欲邀同志共啣盃。親往相攜。且救朝饑。已到團練門首。快去通報。〔老旦〕門上的。都監老爹相訪。〔外稟介小丑出迎介小丑〕前日

厚擾。未及面謝。〔丑〕連日雪阻。不得常會。〔末扶淨上淨〕連退黃金失色。時來鐵也爭光。〔末〕須信

雪還怕日。休言嫩草怕霜。稟老爹。蔣師父到了。〔小丑〕進來見了都監老爹。〔淨見哭介〕我的爺爺。

幾乎不得見了。〔丑〕這是誰。爲何這等苦楚。〔淨〕小人是團練老爺門下的人。〔小丑〕台尊若問此

緣由。不殺奸雄不肯休。只爲施恩圖霸業。卻和武二恣邪謀。〔淨哭介〕老爹須念打狗看主面。〔丑〕

打狗看主面。〔淨〕正是不思打狗看主面。說我妖狐弄鬼頭。團練故人先打了。都監漸漸也擔憂。

〔丑〕這等可惡。我有計在此。待我取他到衙內使喚。陷他賊情。活敲死他。便是不死。刺配到烟瘴地方。路上斷送他便了。〔小丑揖介〕多謝扶持。

〔瑣窗郎〕〔丑〕論如今世界清夷。那強徒敢妄爲。冠裳首足。豈可那移。下人犯上。如何不治。〔合〕定下擒龍縛虎萬全計。看他遭羅網。怎生避。

〔前腔〕〔小丑〕謝尊官妙算神機。與咱們出口氣。區區武弁。全仗扶持。上官體統。豈容輕廢。〔合前〕

〔前腔〕〔淨〕小人們雖則輕微。也是我恩官一故知。〔哭介〕他公然打我。是把團練相欺。要把都監欺侮。也須容易。〔合前〕

〔小丑〕教人叵奈殺無徒。

〔丑〕誰怕無謀一勇夫。

〔淨〕計就月中擒玉兔。

〔衆〕謀成日裏捉金烏。

第二十八齣 厚誣

〔生上〕命運猶相阻。英雄不自由。在他矮簷下。怎敢不低頭。我與施小管營相處甚厚。昨被都監老爹差人取用。只得別他到此。誰想都監待我又好。且在此住過幾時。〔想介〕找到好了。只是岳母與渾家在道姑觀中。不知怎生度日。料有張青哥嫂在彼。不致流落。我也只得付之無奈。正是雖念故

鄉生計好。受恩深處且爲家。言之未已。老爹夫人早到。〔末扮院子跟丑上〕

〔西地錦〕〔丑〕冬夜休衙無事。畫樓且泛金卮。〔小旦小丑跟老旦上老旦〕一家安樂

皆天賜。〔小旦小丑〕追歡莫負良時。〔丑老旦相見介丑〕院子。喚武松上這鴛鴦樓來。〔末〕理

會得。武松。老爹喚你。〔生〕老爹夫人。武松作揖。〔丑〕看坐的來。〔生〕小人是個囚犯。怎敢與恩相同

坐。〔丑〕我敬你是個義士。這裏又無外人。一定要坐。〔生揖介〕老爹夫人。告坐了。〔丑〕叫芳蕙斟酒。

楚蘭唱曲。〔小旦小丑〕理會得。〔小旦〕

〔滴溜子〕今日裏。今日裏。且傾玉卮。〔合〕明日裏。明日裏。又生俗事。到後來名

標青史。不如身捷時窮奢極侈。莫惜青蚨。被達人笑嗤。〔丑〕楚蘭。你就送武都頭一杯。

〔小旦〕是如此。〔生揖介〕

〔前腔〕蒙恩相。蒙恩相待如父子。休將俺。休將俺。小人折死。〔飲介丑〕敬伊是一

時傑士。夫人。擇個吉日。就將這楚蘭做他妻子。〔生〕小人有岳母同妻子在家。不敢領。〔丑〕

便做偏房。休得固辭。〔生〕既如此。謝了老爹夫人。〔揖介丑〕夜了。收拾了罷。〔末小旦小丑應介〕

〔丑〕逢時對景莫蹉跎。〔小旦〕須信人生能幾何。〔生〕遇飲酒時須飲酒。〔末小旦小丑〕得高歌處且高歌。〔衆下生弔場〕難得這都監老爹一力擡舉我。又把花朵一般這個楚蘭許我爲妾。我如何報得他。

〔啄木兒〕雖不爲這頌綠蟻牽絳絲。報他禮意殷勤誰若此。我是個犯法囚人。他是個本管監司。他敬咱氣魄真國士。我知恩不酬非君子。幾時遂卻區區圖報私。〔內喊捉賊介生〕都監這等待我。既是後堂有賊。我須索去救護。〔拿棍行介〕呀。賊在那裏。〔淨小

丑扮軍上將繩絆倒生綁住介〕賊在這裏。〔生〕是我。是我。〔淨小丑〕你正是賊。〔丑內呼介〕拿住賊了麼。〔淨小丑〕就是武松。已拿住了。老爹有請。〔丑怒上〕

〔前腔〕這強賊窺重賞。悔殺我心思不到此。拿過來。〔淨小丑〕武松當面。〔丑〕你這賊。我怎麼樣擡舉你。你幹出這等事來。〔生〕爲報恩替你除兇。〔丑冷笑介〕報得好恩。〔生〕卻把我妄拿誣指。你還不曉得我。我是立地頂天豪傑士。如何肯爲偷竊事。若有此情呵。甘把鋼刀來剗屍。〔丑〕這賊嘴會賴。且押到他房裏去搜。〔淨小丑應介虛上〕有賊了。藏在箱子內

衣服底下都是金銀酒器。〔生怒介〕皇天有這等屈事。這些器皿從何而來。我曉得了。

〔三段子〕有人主使。這翻覆我夢中也不思。〔丑〕押他過來。賊嘴有辭。這賊物你如何隱之。左右把這斷先打四十。〔打介生不叫不哭生〕這場橫災從天至。吓。算來擒賊也非吾事。悔不拴上門兒睡一個死。〔丑〕賊配軍。賊證明白。畫了招罷。省得受苦。〔生〕罷罷罷。我也枉討這些刑罰。屈招了罷。

〔歸朝歡〕只因見。只因見金銀重貲。自不合被貪心所使。嚶。回天手。回天手教人怎施。枉英雄討得個那眼睜睜待死。〔丑〕你這回要飛也難插翅。〔生〕囚籠檻虎爭如死。〔丑〕哇。誰教你狗盜狼貪不二思。今夜發在死囚牢裏。明日送到府上問罪。〔淨小丑應介〕

〔生〕要與恩官出氣力。

反將賊證誣爲賊。

〔丑〕渾身是口不能言。

遍體排牙說不得。

第二十九齣 全軀

〔駐馬聽〕〔小生包頭兜手末扶捧衣服上小生〕一生英豪〔末合〕威逼賊誣把賊招今日將他發配。誰把施恩怨忿重消。呀。哥哥來了。〔生拱手淨小丑押上小生抱哭生不哭與小生合〕恨綿綿千載永難拋。看悠悠四海將誰告。〔生〕兄弟。你怎麼又是這般模樣。〔小生〕小弟又被蔣門神打了一場。依舊奪了快活林買賣。〔哭介〕連我父親也氣死了。〔生〕有這等事。可恨可傷。〔小生〕今日聞哥哥發配恩州去。特來送件綈袍。〔與生穿介〕不知何日討得故人消耗。〔哭介〕哥哥此行。都是小弟累你。

〔前腔〕〔生〕噯。你小覷吾曹。卻說今番相累了。士爲相知者死。何怕奸謀屈打成招。〔小生〕如今復見古人交。他時願效捐軀報。〔生〕兄弟。你回去罷。〔小生〕哥哥自宜保重。嫂嫂那裏。小弟常送盤費便了。只一件。〔低唱介〕這兩個軍牢。怕不懷好意。你隄防須早。〔生〕曉得了。〔淨小丑催介〕

〔菊花新頭〕〔生小生〕從此交期會面遙。英雄志各自懷着。〔小生末下淨小丑〕下午了。快走。今夜是大年夜。沒來由與你出路。卻不是我們悔氣。〔生〕你們何不待明日起身。〔淨小丑〕

便是官府緊急。你還說這自在話。〔背云〕他兩個怎麼不來了。〔生暗聽點頭介丑末持刀上〕

〔駐雲飛〕腰下懸刀。師父差來走一遭。首級登時要。除夜回家早。〔焦介〕心急路偏遙。〔望介〕後邊來了。擦掌磨拳。只等冤家到。〔與淨小丑拱手介淨小丑〕哥。和你做伴同行莫暫拋。〔丑末〕是了。一路同去。〔生〕這裏是那裏了。〔淨小丑〕你眼又不瞎。橋上須有牌坊。這不是飛雲浦三字。〔丑末〕今冬立春得早。你看冰都解了。

〔剔銀燈〕〔生〕我饑又渴。唇乾口焦。橋兒下冰都消了。你們扶我到水邊去。喫些三河水如服藥。〔淨小丑扶生走丑末遠看介生行介〕也與我解些三枯燥。〔淨小丑〕到水邊了。自去喫。〔生踢淨下水介〕似蓬飄。〔踢小丑下水介〕也與你一交。〔打折扭介〕枷和扭一

齊脫了。〔生回身介末驚跌倒丑走介生打丑介〕

〔前腔〕一拳兒後心打着。奪將他朴刀來殺倒。〔做殺丑介拿住末介〕你這廝來此誰提調。〔末〕咱兩個是蔣師父差到。張團練送了張都監許多錢鈔。定計害你。又差我們兩個幫這解子動手。〔生〕如今蔣門神在那裏。〔末〕今夜都在鴛鴦樓上喫酒。等我們回報。〔生〕卻難

饒也與你一刀。〔殺末介〕都葬在飛雲浦了。雖然殺了這四個賊男女。若不殺張都監張團練蔣門神。如何出得這口氣。況且留他在世。生事害人。天理也容不得。待我連夜趕回孟州去殺了他罷。正是

殺人可恕。

情理難容。

冤家路窄。

今夜相逢。

第二十齣 報怨

〔滿江紅〕〔丑上末跟上丑〕守歲開筵。先擺着清歌妙舞。〔小生扮皂隸接丑上〕荷華

堂招飲。早當趨赴。〔淨上〕雪忿還成傾蓋好。殺身難把恩人補。〔末〕團練老爹與蔣

師父到了。〔丑迎見合〕看千尋鐵索鎖蛟龍。擒飛虎。〔浣溪紗〕〔丑〕送臘迎春酒一卮。〔小

丑〕安排眼望旌捷旗。〔淨〕相公恩德與天齊。〔丑〕今夜大家除惡曜。〔小丑淨〕來朝相約慶良時。

〔末小生〕陰晴明日恐難期。〔丑〕我們從容守歲飲酒。就等飛雲浦消息。卻不是好。〔小丑淨〕感謝

不盡。〔丑〕看酒來。〔末應介丑〕

〔梁州序〕欣逢佳客。忙催列炬。〔衆〕早把椒盤分付。條風何處。衝寒暖入屠蘇。但願新恩伊邇。舊職頻遷。改歲移新組。看萬民齊燕喜。醉模糊。總把新桃易舊符。〔合〕隔兩歲。分朝暮。減一年。卻道增一數。不快活。枉擔誤。〔小丑遞丑酒介〕

〔前腔〕叨居宗末。職分文武。〔揖介〕深感不遺愚魯。〔淨合〕誅鋤強梗。蒙君患難相扶。〔丑〕雖是你費些金帛。用盡心機。他卻也無生路。〔衆〕命該今夜死。怎支吾。卻似爆竹聲中一歲除。〔合前淨遞丑酒介〕

〔前腔〕謝恩官計。陷無徒。與柔弱冤民作主。誓啣環結草。報恩末路。〔丑〕若不爲吾宗弟。路見不平。怎肯抽刀助。〔小丑〕通家推分好。運奇謨。一似臘去春回。物盡甦。〔衆合〕

〔前腔〕〔末小生〕看謀成曉捉金烏。還許就宵擒玉兔。料那人此際。命歸陰府。只恐一靈不散。萬劫難除。怎避冤家路。〔丑小丑怒介〕哇。〔末小生跪介二丑淨〕欲圖生富貴。須下死工夫。地獄天堂知有無。〔衆合前丑〕小廝。下樓去取熱酒來。〔末小生應介生帶

劍上低唱介

〔節節高〕填胸氣怎舒。謾躊躇。潛蹤密跡先偷覷。〔暗聽介丑〕這時節正在那裏下手了。〔小丑〕四個人斷送他一個。有何難哉。〔淨〕小人已分付徒弟。只在飛雲浦結果了他。就來回報。〔生〕聽聒絮。被業火驅。〔拔劍介〕難禁住。〔殺淨介〕吳鉤一到便除奸蠹。〔殺丑介〕剉屍萬段猶難恕。〔小丑拿椅子打生被生殺介生〕怒臂衝車笑螳螂。誰想鴛鴦畫樓還相遇。這三個奸賊都殺了。

〔前腔〕今宵歲已除。我忿都舒。〔喫酒介〕玉壺金盞傾須注。把金杯舉。攜玉壺。看樓前路。我那時喫盡冤屈處。你今有口也難分訴。〔合前〕待我割下他一片衣襟。蘸着血水。題寫在壁上。〔寫介〕殺人者打虎武松也。

〔餘文〕出門一笑無覓處。枉教他大索路途。卻不道鷹隼高飛不可呼。此時不踰城而走。更待何時。

正是半生心跡向誰論。

先要分明怨與恩。

雙手劈開生死路。

一身跳出是非門。

第三十一齣 解夢

〔破齊陣〕〔老旦上〕別館蕭疎冬夜。孤燈牢落羈魂。鄭圃殘蕉。邯鄲一枕。醒後偏縈方寸。〔旦〕綺歲流光如彈指。客夢天涯頻愴神。〔福介合〕誰憐孤與貧。〔減字木蘭花〕〔老旦〕他鄉歲暮。神游故國歸無路。〔旦〕孤鳳將鷁。身比鷓鴣寄一枝。〔老旦〕昨宵夢境。未知凶吉誰承顧。〔旦〕何事憂疑。兒亦驚心欲訴知。〔老旦〕我的兒。你爲什麼驚心。〔旦〕若真夜來得一夢。不知主何吉凶。以此驚心。〔老旦〕有這等事。做娘的也得一夢。且請觀主出來。煩他講解一番。

〔旦〕觀主有請。〔小旦上〕

〔燕歸梁〕萍水相逢意甚殷。寂寞共朝昏。〔見介老旦旦〕娘兒夜夢總紛紜。今日裏試評論。〔小旦〕媽媽與小娘子。說什麼夜夢紛紜。〔老旦〕便是。我母子二人俱有一夢。吉凶未明。特請觀主講解。〔小旦〕我這觀中有一個跏子道姑。極會圓夢。待我喚他出來。跏婆那裏。〔丑〕頭白。清晨掃佛堂。無門訴苦只顛狂。百年三萬六千日。到底渾如夢一場。〔見介小旦〕跏婆。這位賈媽媽

與小娘子都得一夢。喚你出來圓夢一番。〔丑〕媽媽。且先說來。

〔普天樂〕〔老旦〕吉凶入夢難憑信。想應就裏機緘隱。〔丑〕夢見什麼來。〔老旦〕夢田間種玉光潤。分明照曜寒門。手掌上珠胎滾。猛可裏日光引得珠玉混。使愁人駭魄驚魂。夢醒後沈吟自忖。向娘行試將疑慮先訊。〔丑〕曉得了。小娘子夢見什麼來。

〔旦〕

〔前腔〕從來夢境多安頓。只有昨晚神不穩。夢天邊鳳飛方迅。忽然降下山門。奴身已如風引。也化作一隻青鸞同飛奮。上雲霄我也駭魄驚魂。夢醒後無言自忖。向娘行試將疑慮相訊。〔丑〕觀主。你有什麼夢。一發說了罷。〔小旦〕沒有。〔丑〕你有許多心上人。難道不夢見一個兒。〔小旦〕哇。又來胡說。〔丑〕媽媽。豈不聞女婿呼爲玉潤。兒女呼爲掌上之珠。你這夢兒呵。

〔前腔〕應招子壻稱玉潤。會看愛女榮閨闈。〔老旦〕這也解得好。〔丑〕小娘子。你曉得那雄鳥爲鳳。雌鳥爲凰麼。鳳求凰預傳芳信。相將共入青雲。〔小旦〕這語話堪憑准。

〔丑〕兩個都是好夢。〔小旦〕小娘子。看有日命裏紅鸞交新運。〔老旦〕若新春果爾成婚。〔旦〕便是返故里也難忘謝悃。〔衆〕論榮枯會合都是前因。〔老旦〕老姑姑。多謝你了。〔丑〕不敢。

〔老旦〕世間都是夢。

〔旦〕休問短和長。

〔小旦〕萬事分已定。

〔衆〕浮生空自忙。

第三十二齣 挂羅

〔梨花兒〕〔外小生淨小丑上〕手內無錢只好賭。賭錢輸了做穿窬。穿窬又道不能勾富。嗟。截道打家如餓虎。〔外〕自家叫做急三千。〔小生〕我喚慢八百。〔淨〕我叫米內蟲。〔小丑〕我叫飯裏屁。〔衆〕我們都是十字坡張大哥手下新收的火家。連日賭輸了。去林子裏做些買賣。只在這土地廟後埋伏罷。正是終日覓不得。有時還自來。〔下生急上〕打破玉籠飛彩鳳。頓開金鎖走蛟龍。

〔步步嬌〕〔行介〕托迹天涯空勞攘。舉世皆羅網。奇毛已被傷。幸脫樊籠。更欲

何向。〔想介〕我有個去處了。少不得早晚入梁山。十字坡先自潛蹤往。〔內鳴鑼介生〕前面有巡軍來了。且躲在一邊去。〔下淨丑扮更夫上〕

〔山歌〕孟州城裏人家忒煞閒。孟州城外更夫忒煞寒。都監團練老爹在鴛鴦樓上喫得暖熱蓬生介困。只教我裏小人家大年三十拆散子鴛鴦兩處單。我們是巡夜的。今夜是除夕。巡了這二更天也勾了。各自回家去罷。〔淨〕何時得脫巡更苦。〔丑〕睡到人間飯熟時。〔下生復上〕這一夥巡軍已過去了。趁此更深人靜。撒開脚步。攢行前去。

〔五供養〕行行自想。此去還須暫阻鸞凰。丈夫懷遠略。豈肯戀閨房。他娘兒廝守。況地主常相依傍。我又差了。糊口猶無計。何暇想糟糠。且把愁懷暫時撇漾。

〔江兒水〕我來本是英雄漢。未去收成名利場。被天翻地覆多魔障。殺得地慘天愁。伸冤枉。離了天關地軸纔疎放。奈心急步行不上。〔看介〕兩腿酸疼。猶恨無端喫棒。

〔川撥棹〕回頭望。這一條血路廣。染衣衫猶自淋浪。染衣衫猶自淋浪。若被人

窺須遭禍殃。只得苦宵行日隱藏。苦宵行日隱藏。走了這一夜。身子困乏。體瘡又疼。此處有個土地廟。且進去歇息片時。〔揖介〕土地公公。願前途善人相逢。惡人遠避。〔睡介外小生淨小丑上低白〕人有所願。天必從之。方纔一個男子走進廟裏去。〔瞧介〕已睡着了。快把撓鉤套索來搭住了他。就綁了。〔生驚起介〕

〔錦衣香〕呀。你是甚人忒無狀。我平白的遭無妄。好將套索鬆寬。願把行裝相讓。

〔四人對生介〕這廝快口哄誰行。謀財致命兩不相妨。〔四人相對介〕看他們形

狀。許多的血痕在衣上。劫殺留贓仗。與咱們看樣。且殺他一命。替那冤魂伸枉。

〔漿水令〕〔生〕怎當他一班鹵莽。枉教咱千般苦央。可憐身死不軒昂。死忠死孝也得名香。今絕望空悵快。嚶呀。英雄到此成虛浪。〔四人〕孫娘處。孫娘處。定應重賞。這個肥白漢。肥白漢。喜殺張郎。〔生〕你們說什麼張郎孫娘。

〔尾聲〕〔四人走介〕誰來與你多閒講。到那裏存亡翻掌。〔生〕未知可是來時所遇孫張。

〔外小生〕倒拽橫拖莫待遲。

〔淨小丑〕生擒活捉任施爲。

〔生〕龍居淺水遭蝦戲。

虎落深坑被犬欺。

第二十三齣 征途

〔東風第一枝〕〔末張青上〕斗柄初回。〔丑孫娘上〕條風乍轉。〔末丑〕山家爭賀新正。

〔外小生淨小丑押生上外小生〕歲朝擒獲兇徒。〔淨小丑〕願一年財帛豐盈。〔生〕總

來一死。悔不去首官廳。〔外小生淨小丑〕野店中日遠天高。慢勞追悔傷情。〔淨小

丑先進見揖介〕大哥二娘。年年相見。歲歲相逢。我們五更伏路。拿得個男子。身邊有些湯水。因大

哥前日分付。不敢殺壞。活捉在門首。〔末丑〕快送進來。〔淨小丑應介生〕呀。這裏是張青哥哥門首。

且進去看。〔押生見介末丑〕呀。這漢子好似武都頭。擡起頭來。〔生看介〕果是張大哥孫二嫂。〔末

丑〕果是武二哥。〔衆驚與末同來放綁介生末相抱介〕

〔哭相思〕〔生〕別後相思常引頸。〔末丑〕英雄氣翻悲哽。〔作揖介末〕衆火家過來磕

了頭。這就是打虎的武二哥。〔外小生淨小丑〕我們都是新來的。元不認得都頭。因連日賭輸了。

出去尋些買賣。一時冒犯。望乞恕罪。〔磕頭介生〕你們既沒錢去賭。我包裹內有碎銀。把十兩去。你們分了。〔取付介外小生淨小丑揖介〕謝都頭重賞。〔淨小丑對生說介〕銀不露白。我們店中小人多。你也要仔細些。〔生〕咄。胡說。〔淨小丑〕我們把這十兩銀子做了官主。賭了罷。〔外小生〕這也使得。〔丑與末〕賢弟。你爲何這般模樣。

〔催拍〕〔生〕我到營中與施恩結盟。爲快活林把惡黨重懲。那蔣門神是團練門下人。被他買囑了張都監呵。商謀已成。商謀已成。把我取做親隨。陷我賊情。〔末丑〕噯。有這等屈。〔生〕又是施恩呵。上下營求。纔得刺配出城。那三個奸賊又差四人押送。要在飛雲浦殺我。被我先下手都送殘生。又回身去雪冤情。〔末丑〕可曾殺得那三個冤賊麼。〔生〕已都殺了。因此踰城逃命。暫投土地廟中歇息。被你火家綁了來。全仗遮庇則個。

〔前腔〕〔末丑〕自別來鱗鴻未憑。只道在孟州身安氣平。誰知災殃屢生。災殃屢生。〔末〕你醉打強徒。誰不心驚。此後風波。恨不同經。〔丑〕叔叔。你還不知那蔣門神又來。清真觀中攪擾。被我打得他死裏逃生。孀孀母子二人呵。方始得暫安寧。〔生〕多謝嫂

嫂了。〔丑〕我已差人去請他母子。想必就來。〔老旦旦上〕

〔前腔〕在他鄉不覺歲更。寓琳宮今始出行。〔老旦〕有人麼。〔丑〕是那個呀。媽媽孀孀到了。請叔叔過來相見。〔生揖介生〕岳母。幸喜長途體寧。長途體寧。〔老旦〕賢婿。慮你多艱。喜得全生。〔生見旦揖介旦背介〕驀地相逢。愧色難勝。〔衆對天揖福介合〕今日裏困極方亨。相保護謝神明。〔小生施恩上〕

〔前腔〕我仁兄與張青締盟。料應在他家隱形。〔闖入與生抱哭介〕兩下裏再生。

〔生〕兩下裏再生。〔對揖介末丑〕此位是誰。〔生〕就是小管營。〔末丑揖福介〕素仰英風。

〔小生〕彼此同情。此間是賈媽媽和嫂嫂麼。〔生〕正是。〔小生揖介老旦旦〕仗托周旋。〔小

生〕自愧飄零。〔生〕兄弟。我一向不要你落草。不會對你說。我來時宋公明有書邀你入夥。和

你從今去同死同生。〔小生〕同往見宋公明。〔生包裹中取書付小生介〕兄弟。書在此。

〔小生看書介〕

〔一封書〕宋江拜奉稟。稟施兄小管營。聞足下大名。少年場稱俊英。千里神交

無一面。若見都頭意自傾。是惺惺惜惺惺。同到山中共結盟。〔外扮火家上〕報報報。門外一個胖和尚。一個矮男子。領了個長婦人。說是濟州來的。要往孟州去。來我店中造飯。大哥。你自去回他。〔生〕莫非梁山泊的花和尚矮脚虎與一丈青。待我看來。〔出望介淨小丑小旦上〕

〔前腔〕蒙軍令遠行。爲都頭義不輕。〔生〕呀。果是二位將軍。請了。〔揖介淨小丑小旦〕聞兄苦陷穽。向恩州刺配行。〔生〕爲何山寨中就知道。〔淨小丑小旦〕先遣戴宗來打探。星夜前來作救兵。〔生〕多謝列位將軍。武松殺了讎人。逃命在此了。〔淨小丑小旦〕既如此。就請

上山罷。〔生〕且到裏面認兩三個恩兄。〔進見介生對淨等云〕此位是金眼彪施恩大哥。這是菜園子張青大哥。母夜叉孫二娘嫂嫂。這裏就是武松的岳母渾家。〔衆揖合〕是豪英識豪英。且

自高歌結客行。〔末〕兄弟。你臉上有金印。防護的人馬又少。路上怎麼行得。〔生〕卻怎麼好。〔丑〕我有一計。往年店中壞了個頭陀。遺下一個鐵戒箍。一身衣服。一串人頂骨數珠。兩把鑲鐵戒刀。叔不若翦了些頭髮。裝做行者。跟著魯頭領。待王頭領小管營和我丈夫扮做道友。做一起行。我與扈三娘伴着媽媽嬸嬸。扮做進音的婦人。做一起行。只說往泰山去的。路上必無攔阻了。〔衆〕此計

最妙〔末〕既如此。你與嬌嬌們先行。我們隨後來也。〔生末淨小生小丑〕將軍不下馬。各自奔前程。
〔暫下丑〕扈二娘媽媽嬌嬌請上馬。

〔甘州歌〕〔小旦〕元辰麗景。〔老旦旦丑合〕記頌椒行酒。曾樂昇平。塵衣風袂。〔老旦

旦〕消盡粉妝玉映。釵荆此時同被褐。〔丑小旦〕裙布誰知伏短兵。〔合〕從軍去。跨虎行。木蘭楊孝敢誇能。鬚髯輩巾幗情。人間羞殺丈夫稱。〔下生淨末小生小

丑復上〕

〔前腔〕羣雄結伴行。向水村山寨。且安身立命。〔生〕一身英武。落得個毀體殘形。〔衆〕奸邪血蘸雄劍飽。風雨時時龍一鳴。〔生淨〕披緇客。有髮僧。平心勝念佛。千聲。〔末小生小丑〕英雄志。遊俠情。都將收拾付擔簦。〔下三旦丑復上〕

〔前腔〕村妝適體輕。問玉人何事。輕離鄉井。爲逐雞乘鳳。只索向路途馳騁。〔老

旦旦〕愁中日月籠內鳥。身外乾坤波上萍。〔合〕蒼山遠。班馬鳴。春風誰見綺

羅情。狐狸語。豺虎爭。忍聽山鳥自呼名。〔下生末小生淨丑復上〕

〔前腔〕川原望裏平。漸梁山風物相將遮映。中原兄弟當此際正爾含情。〔淨〕杯浮野渡龍象擁。〔生〕錫響空山虎豹驚。〔合〕才難展。氣益增。逢人取次莫論兵。羞脫網。違避贈。何時麟閣得標名。

〔餘文〕〔衆〕報國心天作證。暫時遁迹且偷生。聽取金雞天上聲。

〔末小生〕紫陌紅塵拂面來。

〔淨小丑〕洗天風雨幾時開。

〔生〕鰲魚脫卻金鈎去。

擺尾搖頭再不回。

第二十四齣 振旅

〔劍器令〕〔外扮宋江上〕地煞與天罡。一個個英豪爽朗。幾年間逆天嘯聚。甚時

身顯名揚。俺宋江本是鄆城小吏。文面罪人。自從亡命上山。賴衆兄弟同心協力。近日又得了武都

頭。山寨中十分興旺。俺雖則嘯聚在此。日夜指望招安。要與國家出力。聞楊戩童貫諸人。欺蔽多端。

猜忌太甚。每每要與俺山寨中做頭敵。不免喚衆兄弟出來。把兵馬操練一番。衆兄弟們那裏。〔生

上〕三尺龍泉萬卷書。〔小生上〕皇天生我意何如。〔淨上〕山東宰相山西將。〔小旦上〕男丈夫兮

女丈夫。〔衆〕大哥呼喚。上前參見則個。〔見介外〕衆兄弟。近聞奸臣們要起兵與俺交戰。趁此新春無事。操練一番。〔衆〕大哥言之有理。小校們那裏。〔二丑執旗上〕晝刻分營早。春旗簇隊齊。小校磕頭。〔外〕起來。聽我分付。

〔八聲甘州〕皇恩祝網。〔衆〕論吾曹怎敢。做怒臂螳螂。只爲微衷不諒。斷送得鼠竄獐狂。潢池赤子操白刃。只望彤庭降赦章。〔合〕有誰把丹心達上君王。

〔前腔〕鋪張。英雄伎倆。看旌旗日暖。袍袖風香。連營分帳。都是錦衣繡襖兒郎。天晴金甲橫空耀。幾時得日暮清笳出塞長。〔合前外〕衆兄弟聽令。一丈青。你可插了黑旗。領着水軍。專守山北。〔小旦〕得令。

〔北清江引〕便提兵守營山寨北。勝似男兒輩。分明玄武神。出鎮天樞際。從此後水軍增壯矣。〔下外〕花和尚。你可插了白旗。領着步軍專守山右。〔淨〕得令。

〔前腔〕便提兵去將山右守。謹備西方寇。分明白虎神。揮霍金風驟。從此後步軍爲諸寨首。〔下外〕小旋風。你可插了紅旗。領着馬軍專守山南。〔小生〕得令。

〔前腔〕便提兵下營南界也。好把三關列。分明朱雀神。閃爍炎威射。從此後馬軍無挫折。〔下外〕武都頭。你可插了青旗。領着標下精兵。兼守山左。〔生〕得令。

〔前腔〕領標兵任兼山寨左。曾把英風播。似青龍□降神。百類皆摧挫。新出匣太阿光似火。〔下外〕

〔前腔〕坐中央把杏黃旗自插。〔二丑合〕忠義盟心大。謀王斷國人。困守山林下。何日得穩騎天廐馬。〔俱下〕

第二十五齣 廷議

〔出隊子〕〔小旦扮黃門上〕班聯丹陛。日日爐香染賜衣。朝無闕事諫書稀。不向

青雲羨鳥飛。花覆千官淑景正遲。扈聖登黃閣。朝天向紫微。曉隨仙仗入。暮惹御香歸。自家

宋朝中一個黃門官。官裏陞殿。不免在此伺候。〔鷓鴣天〕正是絳幘雞人報曉籌。尙衣方進翠雲裘。

九天閭闔開宮殿。萬國衣冠拜冕旒。仙掌上。日華流。香烟欲傍袞龍浮。朝回染翰裁丹詔。珮聲歸向

鳳池頭。說話中間。楊太尉早到。〔淨〕

〔前腔〕身無一技。依日之光寵遇奇。兵權掌握任施爲。水泊羣兇敢肆威。曾與相持。偶爾失機。我楊戩官居太尉。寵冠百僚。爭奈草寇宋江作亂。曾往征勦。〔四望介低云〕被他擒上山去。幸得放歸。已自瞞過官裏。今日早朝。再奏討雄兵十萬。掃清水泊。雪恥揚威。吾之願也。呀。宿太尉也來了。且聽他怎麼說。〔外上〕處堂燕雀賀生成。誰念潢池久弄兵。獨使至尊憂社稷。諸君何以答昇平。自家太尉宿元景是也。此時早朝時候。隨衆入朝。呀。楊太尉先已在此了。〔拱手介〕請了。〔淨〕請了。宿大人。今日所奏何事。〔外〕爲梁山泊宋江等弗靖。〔淨〕下官也奏此事。此寇只宜誅勦。不可姑息。〔外〕宋江等懷忠仗義。被賊污羅織。嘯聚偷生。及早招安。必得其用。若行征勦。恐貽後悔。不可不可。〔淨〕還是誅勦。〔外〕還是招安。〔淨〕還是誅勦。〔外〕噯。楊大人。比似你恁般誅勦呵。〔北端正好〕兀的不辱抹殺武和文。顏敗了卿和相。〔淨〕我那些兒辱抹了朝廷體面。〔外〕猶兀自傲睨班行。有天在你頭直上。俺和你就日難遮障。〔淨〕你敢和我面奏麼。〔外〕俺和你去來。〔進介小旦贊禮外淨舞蹈介小旦〕官裏道來。二卿所奏何事。〔外俯伏淨〕太尉臣楊戩奏。

〔南普天樂〕爲梁山賊無狀。願詔許驅兵將。〔小旦〕官裏道來。卿前番何不取勝。〔淨〕前番去。前番去。避□深藏。一時間阻卻騰驤。今若再往。定削平巢穴。歸奏明光。

〔淨俯伏小旦〕官裏道來。宿元景何獨無言。

〔北滾繡球〕〔外〕則願赦微臣萬死刑。儘教臣畫短長。省了些三覆軍殺將。救了些三困邑危邦。〔小旦〕那宋江等罪犯可赦麼。〔淨起介〕他們罪惡滔天。豈可輕赦。〔又俯伏介小旦〕

宿元景怎麼道來。〔外〕本懷忠仗義人。生逼他走四方。權守着綠林青嶂。遠盼着紫誥金章。願吾主當機獨決。盈庭議。休要築室紛紜。在道傍。仔細參詳。〔小旦〕官裏

道來。二臣退午門外。自有處分。〔外淨〕萬歲。〔退介小旦〕暫離天仗去。還捧玉音來。〔下淨〕老宿。

〔南玉芙蓉〕你牢將舌劍藏。莫把兵鋒擋。享皇家爵祿。敢避戎行。莫不是潛圖不軌。懷觀望。〔外〕倒說我潛圖不軌。不知誰的是。誰的不是。〔淨〕直恁無端惹禍殃。你曉得立

仗馬的故事麼。看立仗一場時。便不祥。那其間怎能終始侍君主。

〔北倫秀才〕〔外〕你待將漫天下網。誰許你呼朋聚黨。你待學林甫當年把言

路妨〔淨〕你就是主招安的李逢吉。倒說我是李林甫。〔外〕你只好齊雲稱社夥。卻想蔽日擅朝堂。怎怪得傍人論講。〔小旦內云〕聖旨下。〔小旦扮黃門正旦老旦扮宮人持節小丑末扮內臣同上〕

〔南山桃紅〕看離照當空朗。掃卻了浮雲障。日邊聽取金雞唱。山中脫盡羣龍網。片言悟主真賢相。抵多少鳴鳳在朝陽。〔小旦〕官裏道來。〔外淨跪小旦〕准宿元景所奏。着中書省寫詔書一道。命殿前太尉陳元善。賈往梁山泊。招安宋江等諸人。其有名頭領。都賜冠服。楊戩曾被宋江生擒。挾離妄奏。念係舊臣。姑容改過。謝恩。〔外淨〕萬歲萬歲萬萬歲。〔末下旦小丑〕舍人退食收封事。宮女開函近御筵。〔先下外淨起身退介淨〕老宿。那宋江等有何好處。你主張招安他。

〔北醉太平〕〔外〕他一個個脚冤受枉。義勇忠良。則待削除邪佞。整綱常。更才雄志廣。〔淨〕他的志要怎麼。〔外〕要把婺州方臘都驅蕩。北方田虎遊魂喪。淮西王慶捲旗降。把遼兵絕響。

〔南尾聲〕〔淨指介〕你便把明鎗躲。難將暗箭防。〔轉身介〕免得我戎機鞅掌。〔外淨〕看兵氣銷爲日月光。

〔外〕□喜殷王解網羅。

天齊聖壽更須過。〔先下〕

〔淨〕酒逢知己千杯少。

〔合〕話不投機半句多。

第二十六齣 恩榮

〔末上〕青袍多少誤儒生。爭似戎衣定太平。天子非常賜顏色。預開麟閣待勳名。自家菜園子張青便是。昨蒙大哥將令。今日大大的擺一個喜筵。早已完備了。〔西江月〕正是錦帳屏開孔雀。華堂褥隱芙蓉。休言炮鳳與烹龍。滿座玉壺銀甕。夫婦團圓偕老。弟兄榮貴無窮。君恩浩蕩比蒼穹。圖報好憑忠勇。道獨未了。大哥與衆兄弟早到。〔生外與小生柴進各冠帶同淨和尚上〕

〔窳地錦襠〕春風得志是男兒。一領宮袍酒一卮。何須金榜掛名時。花燭非同兒女私。〔末與衆俱相見介外〕衆兄弟在此。今日黃道吉日。受國家招安赦書。就教兄弟武都頭夫妻完聚。且喜天使陳太尉。昨日先送冠服來了。兄弟們。曾往山下喚得掌禮人麼。〔末〕喚來了。〔小

丑扮掌禮人上。用不着孔周禮樂。胡作成秦晉歡娛。〔磕頭介外〕快請新人。〔小丑〕理會得。伏以〔西江月〕娘子會居尼寺。新郎先做頭陀。今宵歡會被兒窩。好似僧尼同臥。〔末〕咄。揀好的說。〔小丑〕場上名爲正旦。人間只叫賊婆。武家有個做私窠。好把門風改過。〔末打小丑下〕

〔南粉蝶兒〕〔旦上〕彩扇頻遮。羞面幾番難忍。〔老旦上〕看門閭喜氣氤氳。〔丑孫二娘上合〕到今朝成吉禮。交情方盡。〔合〕但願永團圓共享太平福分。〔淨〕待我做掌禮罷。〔丑〕你是出家人。不吉利。還是我做。〔淨摸頭介〕我倒忘了。阿彌陀佛。〔丑唱新人交拜又拜老旦介又與宋江衆人對拜介外〕小校們看酒過來。〔生遞酒與老旦與外介生〕

〔山花子〕向來身世真堪哂。似飄蓬逐浪無根。〔對外介〕仗仁兄脫迹遠奔。〔對淨末小生〕賴羣雄骨肉俱存。〔合〕荷皇恩。把前非鼎新。男兒志欲酬聖恩。區區首功不自云。直掃燕然萬里無塵。

〔前腔〕〔外小生淨末〕英雄得志如鷹隼。〔衆〕秋風裏健翮摩雲。困重亨扶持有神。從今敢愛吾身。〔合前〕

〔前腔〕〔老旦〕雙玉種成。卻喜門楣振。〔丑〕休嗟涉歷艱辛。〔旦〕幸萱花冰霜再春。〔生背介〕猛思量夜壑萱椿。〔合前小丑上〕花迎喜氣皆知笑。烏識歡情亦解歌。王英稟知

主帥。陳太師到了。〔外〕快排香案。〔老旦旦暫下小旦扮太尉上〕

〔前腔〕螭頭近臣。跋涉傳恩信。皆因報國忠君。〔衆排香跪介〕念山澤逆天罪臣。喜恩波潤及枯鱗。〔小旦喝俯伏興拜介衆拜介合前小旦〕中書省傳奉勅旨。近聞宋江武松等

犯罪皆非本懷。其情實爲可憫。況歸順之心久矣。且報效之志凜然。今遣殿前太尉陳元善。賚詔至梁山水泊。將宋江大小人員。併家屬盡行赦免。照數給與金銀牌記。紅綠宮錦。及冕帶等項。赦書到日。早早歸降。必當重用。欽哉謝恩。〔衆〕萬歲萬歲萬萬歲。〔小旦對衆辭介〕下官告別了。〔外〕太尉途中勞頓。少息片時。〔小旦〕多謝了。王者今無戰。書生已勒名。〔衆〕壯夫偏感急。恩詔更威靈。〔小旦下旦老旦母子復上〕

〔太和佛〕此去同扶黃屋尊。丹心泣鬼神。斷金懷寶身。許畫麒麟。萬古羨雷陳。念當初帝闕難瞻覲。誰想逢時遇主。冤抑已都伸。猶喜得駢蕃錫與恩。不靳直

待掌元戎金印。羞殺那袖手空談正乾坤。

〔紅繡鞋〕今宵銀燭金樽。金樽。明朝馬足車輪。車輪。把關隘除。寨基墾。旗幟改。戰袍新。從此後是王臣。從此後是王臣。

〔意不盡〕人生忠孝和貞信。聖世還須不棄人。卮言似假。千秋萬載垂正論。

世情真假盡經過。

傀儡場中面目多。

忠義事存忠義傳。

太平人唱太平歌。

義俠記

一〇二一開明書店



義俠記終

中華民國二十九年陸月廿日贈

國家圖書館



000797834

